

49a
JUSTI LIPSII
ROMA ILLUSTRATA,
SIVE
ANTIQUITATUM
ROMANARUM
BREVIARUM.

ET
GEORGII FABRICII Chemnicensis
VETERIS ROMÆ
Cum Nova Collatio.

Ex nova Recensione ANTONII THYSII, J. C.
Cui Accesserunt in hac Editione

JUSTI LIPSII TRACTATUS Peculiares,
VIZ.

*De Vetrum Latinorum Scri-
ptura.*

De Re Pecuniaria.

De Nominibus Romanorum.

De Ritu Conviviorum.

De Censura & Censu.

*De Anno deque ejus diversitate
item ratione intercalandi.*


Cum FIGURIS Æneis

In usum Studiosæ Juventutis, OPUS tam ad Historias, quàm
Poetas, cæterosq; Autores Romanos Explicandos,
UTILISSIMUM.

L O N D I N I :
mpensis GULIELMI WHITWOOD, ad Insigne Rosæ Coronatæ
in vico dicto *Little Britain*, MDCXCVIII.



I. LIPSII ROMA ILLUSTRATA.





36

BIBLIOPOLA LECTORI.

BENEVOLE LECTOR,

QUANTUS sit hujusce Libelli usus,
quantaque opinio, multiplices illius
Editiones testantur. Tractatus va-
rios tam Integros quam abbreviatos continet:
Integri sunt; Fabricii Roma,

Justi Lipsii de Magistratibus Romanis.

Et Sex ejusdem Tractatus,

De Veterum Latinorum Scriptura.

De Re Pecuniaria.

De Nominibus Romanorum.

De Ritu Conviviorum.

De Censura & Censu.

*De Anno, ejus diversitate: item ratione
intercalandi.*

BIBLIOPOLA LECTORI.

Qui hâc Editione, ut nihil operi tam utili deesse videatur, accesserunt ; quique superioribus maximè desiderantur ; neque cuiquam in dubium venire posse existimo, quin cæteris, quæ in hoc volumine continebantur, illos junxisset *Thysius*, si in manibus unquam habuisset: Constat enim hosce non minora quàm illos ad antiquos Romanorum Autores intelligendos adminicula conferre. *De Militiâ, De Oppugnatione, De Amphitheatro, De Magnitudine Romana, De Cruce, De Vesta & Vestalibus, De Bibliothecis*, denique *Breviaria* sunt a *Thysio*, quem supra memoravi, viro *Philologiâ* celeberrimo, summo cum iudicio facta,

Vale, & Fruere.

JUSTI LIPSI

DE

MAGISTRATIBUS VETERIS POP. ROM.

C A P. I.

Divisio Honorum. quid Dignitas proprie, Potestas Magistratus. Etymon nominis.

DE Magistratibus dicturus, ut id dilucide & composte possim, de *Honore*, ejusque discrimine, quædam libabo. *Honorem* hic *publicum* intelligo: quem *ius definitio, ritulumque supra cæteros, lege aut more concessum*. Is duplex: *divinus*, adt *humanius*. *Divinus*, qui ad superum cœlestemque culturam pertinet; cui *pietas & religio* finis; quo in genere *Sacerdotes*. *Humanius*, qui curam administrationemque tangit rerum humanarum: cui *salus & utilitas publica* finis. Quo in genere tria censentur; *Dignitas, Potestas, Magistratus*. *Dignitatem* appello, auctoritatem in suadendo, consulendo, decernendo; qualis *Senatorum & Judicum. Potestatem*, jus legitimum regendi; jubendique, extra Urbem & ejus fines; ut sunt *Imperia & Præsidatus*. *Magistratum*, simile jus, sed in Urbe ipsa. Hi limites, & divisio ex veterum mente & usu: et si misceri interdum scio, & omnem fere *Honorem* venire in nomen *Magistratus*. Ita Aristoteles large & laxè appæc definit. *Politicoz. cap. 15.* *ὅστις ἐποπιδότας ἐκδίδωκεται τὴν αἰσὶν τῶν καὶ κερταὶ καὶ ἐπαιτικῶν, καὶ μέγιστα τῶν*: id est, *Quibus concessum est consilium, judicare, jubere, atque istud maxime*. Et si postrema parte iterum adstringens. Et Latini etiam Scriptores confundunt, qui *Proconsules & Rectores Provinciarum Magistratus* passim appellant. *L. 2. ff. de in jus vocando.* Nomen *Magistratus a Magistro* dictum. *L. 57. ff. de verbor. signif.* *Magister* autem, qui magis cæteris potest. *Festus in voce Magister.* Olim *Prætores* dicti videntur ab eo, quod cæteris honore præirent. Ita *consul prætor* dictus: & in præfæta legæ apud *Livium lib. 7. Prætor Maximus clavum pangit*. Itaque non absurde *Varro libr. 4. de lingua Latina*, qui natus *Magistratus* nomen judicat post *Dictaturam & Magisterium equitum*. Reliqui, inquit, quod *minores quam hi Magistri, dicti Magistratus, ut albi albatius*.

B

C A P.

ANTIQUITAT. ROMAN.

C A P. II.

De varia divisione Magistratum.

Magistratum autem genera & discrimina plura. Aut enim à temporibus dividuntur: ut, *Ordinarii*, *Extraordinarii*. Illi dicti, qui statis temporibus & semper in republica essent; ut, *Consules*, *Prætores*, *Ædiles*, *Tribuni*, *Quæstores*. Hi, qui nec eodem tempore, nec semper; ut, *Dictatores*, *Censores*, *Interreges*. Aut à personis discriminantur: ut, *Patricii*, *Plebei*, *Mixti*. E quibus primi dicti, qui solis Patriciis Patent, ut, *inter regnum*. Alteri, qui soli plebi, ut, *Tribunatus* & *Ædilitas plebis*. Postremi, qui cuique ordini: ut, *ceteri omnes*. Aut à qualitate agnominantur: ut, *Majores* & *Minores*. Idque sensu duplici. Aut enim *Majores* *Minoresve Magistratus* dicuntur, qui auspicia majora minorave habent: de quibus Agellius lib. 13. cap. 14. aut quorum potestas imperiutve majus minusve. Sic *Majores* erant, qui lictorem viatoremque habebant, iique omnes erant; exceptis *Ædilibus* & *Quæstoribus*: *Minores*, qui non habebant. Aut denique distinguuntur ab insignibus in *Curules*, & non *Curules*. *Curules*, quibus jus est *Sellæ*: ut, *Dictator*, *Consul*, *Censor*, *Prætor*, *Ædilis Curulis*. Non *Curules*, quibus minime: ut, *ceteri omnes*. L. 31. ff. de injuriis.

C A P. III.

De iis, qui apti ad quoscunque Magistratus, & Series temporum, qua paulatim Plebei ad omnes Magistratus admissi.

Divisioni non inepte jungam de iis, qui apti ad quemque Magistratum. *Apistula* autem duplex: à gente, & ab annis. A gente olim maxime, quia solos *Patricios* admittebant ad Magistratum. A Romulo id institutum; qui autore Dionysio lib. 2. sanxit: *Tis* & *maledas* *ipe* *dat* *n* *q* *appet*, *n* *du* *zen*. Id est, *Patricios* *sacra* *facere*, *magistratum* *gerere*, *iudicia* *exercere*. Cui tamen legi in libertate non diu locus. Nam statim anno xvi. post Reges exactos, violari coepta, *Livius* l. 2. cum novus Magistratus à Plebe creatus, hoc est, *Tribuni* (Anno Urb. Cond. ccix.) & paulatim carpere eam *Tribuni* & plebs, donec corrui tota. Series & ordo iste. Primum *Quæstores* à Plebe creati, anno Urb. Cond. cccxlv. *Livius* lib. 4. Inde *Tribuni militum* *Consulari* *potestate*, anno cccliii. Nec diu post *Consules* ipsi, anno cccxxxviii. Tum *Ædiles* *Curules*, anno

uno post, id est, cccclxxxix. De quibus convenerat, ait Livius, lib. 7. ut alternis annis è plebe crearentur: postea promiscuum fuit. Inde ad caput ipsum Magistratum transgressi. Dictatorem è plebe creaverunt, anno ccccxviii. etiam Magister equitum jam antea Plebeius factus, anno cccclxxv. Denique Censuram etiam fecerunt communem, anno ccccxiv. eodem illo primo Plebeio Censore, qui & Dictator. Postremo, ne quid intactum, aut inaccessum Plebi; Prætura iis communicata, anno ccccxvii. Ita sola Interregia potestas apud Patres manlit; umbra potius, quam verus Magistratus.

V. 9 A O

C A P. IV.

De aptitudine ab annis: & Quando Annalis Lex lata.

AT Aptitudo altera ab annis; quam utiliter sanxerunt, etiam tarde. Nam apud majores, inquit Tacitus lib. 11. Annal. virtutis id premium fuit, cunctisque civium, si bonis artibus fiderent, licitum petere Magistratus: ac ne ætas quidem distinguebatur, quin prima statim juvenis Consulatam & Dictaturas invenit. Sed mutatum id an. Urb. Cond. DLxxiii. cum, re ipsa docti, viderent modum aliquem & limitem constituendum ambitioni & calori juvenili: Itaque tum primum, verba Livii sunt lib. 10. rogatio lata est ab L. Julio Tribuno pl. quot annos nati quemque magistratum peterent caperentque: Inde cognomen familiae inditum, ut Annales appellarentur. Dixi, ab L. Julio; & ita libri. At Julios etiam plebeios fuisse scimus, Antonio Augustino docente, in lib. De familiis Romanis. Tamen alii Vilium hic in Livio malunt: itemque in Cicerone, lib. 8. Epist. Sed hoc leve: magis nos torquet de tempore late legis, quod Livius hic tam diserte scripsit, inquiens: Tum primum. Quod tamen idem ille eversum ait, lib. 25. ubi de Scipione Africano multis ante Juliam legem annis scribit: Huic Adilitatem petenti cum obfisterent Tribuni, negantes rationem ejus habendam, quod nondum ad petendum legitima ætas esset. Ait ecce, legitimam ætatem ei non fuisse. Quid ergo clarius, quam etiam tunc latam de ætate? Et profecto aut per errorem, confusionemque nominis aut hominis, id scripsit Livius, Scipioni Africano tribuens, quod Æmyliano postea evenit: de quo Appianum in Libycis vide, & Valerium Maximum lib. 8. Ut fateamur necessum est, parum caute scriptum esse in loco altero, latam à Julio primum. Et fortasse per partes, jam ante de quibusdam Magistratibus ferri coeptum, quæ omnia lex Julia junctim complexa, cæteras velut abolevit. Hic juvat aliquid Cicero, qui leges Annales multitudinis numero appellat, Philippica 5. Legibus Annalibus; inquit, cum grandiore ætate ad Consulatam constituebant, cemerisatem adolescentie verebantur. Et Ovidius 3. Fast.

B 2

—finita—

— *finitaque cernis*

Legibus est ætas, unde petatur honor.

Hæc Lex alio nomine *Annaria* dicta. Festus in ea voce; & Lampridius in *Commodo*; *Gratia Annaria legis impetrata Consul est factus*. Dicta etiam satis nove *Comitialis* à Latino Pacato, in laudatione *Theodosii*, scilicet, quia modum frenumque Comitiiis daret.

C A P. V.

Magni distincte de ea Lege; Et qui anni cuique Magistratui legitimi.

SEd quæ ætas proprie definita hac Lege cuique Magistratui fuerit, jure quæram: nec facile inveniam. Tenebrosus enim locus; & in quo cum nihil aut parum expressi sit, lustramus eum per anticipes conjecturas. Atque ut à *Quæstura* ordiar; adeo de ætate ejus nihil certum, ut sint viri magni, qui eam profus tollant. Dux iis Paulus Manutius, in *lib. De legibus*. qui negat, *Quæsturæ*, *Tribunatus*, *Ædilitati* plebis definitam ullam ætatem: legemque *Annalem* spectasse tantum *Curules Magistratus*. Parum verè. *Quæsturæ* enim clarissime *Quintilianus* certum annum attribuit *lib. 12. cap. 6. Calvus, Cæsar, Pollio*, multo ante *Quæstoriam ætatem*, gravissima judicia suscepissent. *Spartianus in Juliano*: *Quæstor, ante annum quam legitima ætas sinebat, designatus est*. *Tacitus Annal. lib. 3. Ut quinquennio maturius, quam per leges, Quæsturam peteret*. *Suetonius item in Caligula, cap. 1. & Plutarchus in Catone Uticensi*. *Quem annum Nicolaus Gruchius xxvi fuisse vult*; ego, ut arbitror, firmius *xxv annum*. Argumentor: I. A ratione; quia tunc compleri virilem vigorem constar, ut ait *Ulpianus l. 1. ff. De minor. ideoque jure apti censentur ad res publicas, & privatas*. II. Ab auctoritate, quod *Dio Cassius lib. 52. Senatoriam ætatem anno xxv definit*. At *quæstura* primus gradus in *Senatum*. Addo *l. 2. De minoribus*; quæ subtilius considerata, adstruit hoc ævum. Denique argumentor etiam III. Ab exemplis: quoniam reperio *Tiberium Gracchum* intra *tricesimum annum* extinctum, & eundem tamen *Quæstorem* fuisse, *C. Mancino* Consule, circiter *quadriennio* ante mortem. Gesserit ergo *Quæsturam* necessum est anno *xxv*. Lego & *Tiberium Cæsarem* *Quæstorem* designatum *undevigesimo* ætatis anno. *Velleius lib. 2. At creatus est quinquennio maturius quam per leges Tacitus lib. 3. Annal. O Dio 93. Ergo fas, petere Quæsturam xxiv anno, & xxv gerere*. Sed hoc hic aliquis in *Polybii loco (lib. 6.)* negantis ullum *Urbanum magistratum* capi fas fuisse, nisi ab eo, qui decem annos militasset. Militare autem *Romani xvi* demum

decimum anno incipiebant. (*Plutarchus in Gracchis.*) Non ergo prius perungere poterant ad Quæsturam. Duplîciter hoc solva. Primo vix credibile esse, omnino ratam ac firmam in Republica fuisse legem Polybianam illam sive morem. Quis enim præterea meminit? Et tamen ut fuerit, capiendam non de militia coacta, & ex delectu, sed voluntaria. Nam quod Gracchus xvii annum militiæ definivit, id ab ea mente est, ut nemo invitus legi in militem debuerit ante id tempus. Sed nihil tamen impedit, nobiles & eos qui alebantur in spem honorum, militiæ & castris jam ante interfuisse: qui morem hunc habuerunt, ut statim a toga pura (hoc est virili) militiam auspicarentur: idque in contubernio & velut custodia viri alicujus illustis. Velleius de Pompeio id tradit, *lib. 2. Livius lib. 22. & Valerius lib. 5. cap. 4. de Scipione Africano: & passim exempla.* De Quæstura ultra non eruo.

De Tribumatu & Aedilitate videamus: quorum annos frustra item incertos volunt. Quæ enim ratio est, ut quæsture, quæ minor est Magistratus, sua ætas fuerit, nulla majoribus istius. Immo fuit. Et de Aedilitate, clare Latinus Pacatus in *laudatione Theodosii: Annorum, inquit, ita cura fuit majoribus, ut non solum in amplissimis Magistratibus adipiscendis, sed in Prætoris quoque, aut Aedilitatibus capeffendis ætas sit spectata petitorum: nec quisquam tantum valuerit nobilitate, vel gratia, qui annis Comitiali lege præscriptor festinatis honoribus occupavit.* Et quamquam firmi admodum aut fixi nihil repert: tamen attributum habemus Tribumatu, sive Aedilitati, annum xxvii. aut xxviii. Certe quidem ante annum xxx. includam, quia is Præturæ fuit, ut dicam. Argue hoc de utraque Aedilitate sentio: etsi in Curuli valde a nobis differant viri docti. Annum enim ei xxvi. designant. Quod miramur. Cur enim probabile, tantum oron intervalli fuisse inter Quæsturam & Aedilitatem? Ciceronis locus, qui eos in omni hac re extra viam eijcit, non me movet. Nam cum pro lege Manilia scribit: *Quid tam singulare, quam ut eo Senatusconsulto, legibus solutus, Consul ante fieret, quoniam nullum alium magistratum per leges capere licuisset;* non ego sane ad ætatem referam, sed ad ordinem & modum. Si enim de ætate, & hoc Cicero vult, eo anno factum Pompeium Consulem, quo per leges Annales nullum magistratum capere possit, sequitur, ut ante xxxv annum (nam eo tempore factus Pompeius Consul, ex Appiano) locus etiam non fuerit Quæsture, aut Tribunatui: quod vanum. Sed intelligit, inquit, eundem magistratum. Quis dicit? nec adhæream ego tam infirmæ conjecturæ. Verius omnino est, mentem Tullii hanc esse: Pompeium factum Consulem, cum nec illum, nec alium magistratum capere posset: vel quia non legitime professus; vel potius, quia Eques adhuc Romanus, *Epitoma. Livii. 97. & nondum Quæstor. Lex autem Cornelia transire ad ullum magistratum clare vetuit, Quæstura non gesta.* Minus

vero me turbat, quod exempla adferant eorum, qui gesserint Edilitatem post xxx annum. Ridiculum. Scimus enim, nullam legem Annalem vetuisse, ne quis post legitimum annum, peteret, gereret : sed ne ante eum. Itaque Consules etiam & Prætores multi facti anno L. & post illum. (Ea verissima ratio.) Denique pauci festinabant ad hos minores magistratus, quia celeritatis ejus modicus fructus : & grande nihilominus spatium intererat ad Consulatum, id est, ad honorum metam.

Prætura nunc sequitur, cui annum tribuunt xxxix petendæ, xl. gerendæ : hæud alio argumento freti, quam illo de biennii intervallo. Itaque huc ambigo. Nam Dio Cassius diserte annum xxx Præturæ dat, lib. 52. *Ταυθιόβας τις*, inquit, *ὁ ἀποκαρπύσας ἡ δημοκρατίας τὸν ἐπὶ τῶν πραιτορίων τετακτισμένον*. Id est : *Quæstura functi & Edilitate, sive Tribunatu, Præturam accipiunt tricenarii*. Sed excusabunt, quod id sub Principibus, quos legem Annalem laxasse non negc. Sed quid tamen de M. Bruti facto dicent, quem Prætozem reperio anno ætatis xxxv? Nam vixit in universum, ut Velleius tradidit lib. 2: annos xxxvii. atque biennio ante mortem eum Præturam gessisse cum Cassio satis constat, & nisi Bruti ingenium me fallit, juxta leges. Itaque ad hunc annum Præturæ finiendum labor non invitus.

Consulatus reliquus est, cujus ætas extra omnem litem. Cicero enim clare nimis firmat *Philip. 5. Quid Alexander Macedo? qui cum ab ineunte ætate res maximas gerere cepisset, tertio & trigésimo ætatis anno mortem obiit: quæ ætas nostris legibus decem annis minor, quàm Consularis*. Est ergo Consularis annus, si arde Ciceronis verba capis, xlii. sive xlii. si benigne & magis ex vero. Satis enim fuit, attingisse xlii. annum : ut docent exempla crebra. Gravis ergo ista ætas, quippe in imperio & Magistratu gravissimo : quam tamen adeo, mutato Reipublicæ statu, Principes neglexere, ut Dolabellam Consulẽm Cæsar creavit annos natum xxv, & postea etiam aliqui vicenarii facti, ex l. unica, ff. De Officio Consulũ, & l. 20. ff. De munificis. Quæ licentia in omni alio Magistratu Principes pro arbitrio usos, moneo semel.

De Ordinariis Magistratibus dixi; Extraordinarii supersunt : qui tamen, nescio, an lege comprehensi; et si de Dictatore & Censore non difficile judicium est : quia creati plerumque è Consularibus, more tamen potius, quàm lege. Sed & Interrex plerumque ex honoratissimis Senatus,

C A P. VI.

Annalem legem etiam in Provinciis aliquam fuisse: item Romæ in Senatu & Equite; & alia quedam Leges quæ huc referuntur.

HÆC utilis illa & salutaris lex Annaria, cui locus etiam in Municipiis & Coloniais; etsi annorum aliqua diversitate: quam in parte haurire est ex Plinio *libr. 10. Epist. ad Trajanum*. Sed ætas Romæ in Senatu ipso spectata: etiam sub Principibus. Ideoque *Senatoria ætas* Tacito nominata (*lib. 5. Annal.*) *Annus Virvianus*, inquit, *gener Corbulonis*, nondum *Senatoria ætate*. Immo & in Equite. Definit Dio utramque. *Allegere*, inquit, *in Equestrem ordinem oportet annos natos xviii. In Senatum, natos xxv.* Quod Romani videntur à Græcis sumplisse, cum apud Athenienses fuerit ἀλυσία βελβλυα. *Demosthen. contra Ambrot.* Et apud Spartanos lege Lycurgi in Senatum nulli aditus nisi sexagenario. Addo breviter, & adtexo leges, Annali haud dissimiles, quæ de ordine magistratum cavebant, aut intervallo: ut fuit Lex Cornelia, quæ vetuit Præturam adipisci ante Quæsturam, & Consulatum ante Præturam *Appianus l. 1. Civ.* Quod ipsum tamen etiam in more antiquis fuisse, Livius ostendit *libr. 31.* ubi de Consulatu Flamini. Item Lex prisca de intervallo, quæ vetuit magistratum eundem iterare, nisi decennii intervallum intercesserit. *Livius libr. 7. sub finem.* Quæ cum negligeretur, à Sulla Dictatore, ut commemorat idem Appianus, relata est. Sed sic quoque postea sæpius spreta: cum mos invaluisset, ut homines gratiosi legibus per Senatum aut Populum solverentur.

C A P. VII.

De Consulibus. Nominis Etymon. Institutio. Potestas. & Munia.

SED universe de Magistratibus satis dixi; quemadmodum quæ ad Comitia, & quæ ad Renuntiationem spectant, aliis scripta. Nunc distincte explicabo singulos, initio ab eo Magistratu facto, qui initium cæteris: quem triplici nomine appellarunt: *Prætores, Judicem, Consulem*. Cicero bene recensuit, *De Legibus 111.* ubique à *præponendo, judicando, consulendo, Prætores, Judices, Consules* appellantur: bene, inquam, & ordine. Nam primo *Prætores* dicti. Quod nomen, etiam commune omnibus Imperiis, tamen velut per

excellentiā adhæsit istis. Festus: Initio Prætores erant, qui nunc Consules. Justinianus Novell. 24. & 25. Est, inquit, Prætoris nomen Romani Imperii proprium, & ante ipsos etiam Consules in veteri atque præclara Reipublicæ constitutione usurpatum. In xii. Tab. exemplum ejus vocis reperio, cum jubent apud Plin. l. 18. cap. 3. Impubem Prætoris arbitrata verberare, hoc est, Consulis: quoniam tunc certe nondum creatus Prætor. Itaque Livius lib. 3. anno ipso post xii Tab. scriptas, inquit: Hic temporibus nondum Consulem Judicem; sed Prætorum appellari mos fuit. Nec falso & Zonara traditum, Prætoris nomen mansisse usque ad Decemviros: usque exactis, Consul nomen demum irrepsisse. Etiam mallet dixisset: Judicis: quod nomen ex Livio antiquius sane est illo Consulari. Dicti autem Judices, a præcipuo videlicet munere: quia ut olim Judicia omnia in manu Regum, sic postea Consulum fuisse; donec translata ea in parte ad Prætores. Exemplum hujus appellationis in præcis commentariis est apud Varronem 5. De Ling. Lat.

Omnes Quirites visite hoc ad Judices. Id nomen antiquitatum & abolitum demum crediderim post Prætores, id est, proprios Judices, creatos; & tunc invaluisse nomen Consul. De cujus Etymo varia opinio, nec incerta. Sunt qui a fine derivent: quia ejus est consulere & providere civibus, Florus lib. 1. cap. 9. & I. G. ff. De origine Juris lib. 2. Sunt qui ab officio; quod consulit, hoc est, rogat Senatum. Sunt qui a judicando interpretentur: quod in solo tantum Quintiliano mihi lectum, lib. 1. cap. 9. Situe Consul, inquit, a consulendo, an judicando. Nam, & hoc consulere veteres vocare. Unde remanet illud: Rogat boni consulas, hoc est, judices. E quo triplici etymo, primum popularius, tertium subtilius; medium verius censeam: quia adeo proprium Consulis interrogare, & referre ad Senatum, ut Livius lib. 7. scripserit: partes ejus magis exquirenda, quam dande sententiæ esse. Immo observo, Consulandi verbum proprium in hac notione, & solenne Curia fuisse. Trebellius Pollio me docuit in xxx Tyrannis: (in Pison.) Fuscus Arellius, inquit, Consularis prima sententiæ, ait: Consul, consule, quumque consultus esset, Divinus, inquit, honores Pisoni decerno. Sed de nominibus abunde: Institutionem videamus, quæ non obscura. Instituti enim statim post Reges exactos, anno Urb. Cond. cxxliv. Causa creandi, utilitas, sive potius necessitas; quoniam cum sine Rege essent & capite, fluctuanti illi corpori opus fuit qui dirigeret & gubernaret. Sed duo ideo, ut novam libertatem non committerent periculose uni: & diviso imperio, si alter malus esse voluisset, ut inquit Eutropius lib. 1. alter eum (habens potestatem similem) coarcescet. Quia causa, tempus etiam imperii breve datum, & annuum tantum: ne diuturnitate insolenscerent; & civiles semper essent. (ait idem Eutropius.) qui se post annum scirent privatos effecturos. Florus lib. 1. cap. 9. eleganter & acute utramque causam

complectitur. *Ex perpetuo imperio, inquit, amicum placuit: ex singulari duplex: ne potestas solitudine, vel mora, corrumpere.* Ioco igitur Regum creati, & quidem cum pleno eorum jure. Itaque *Regium imperium* Cicero in 111. de Legibus, & in Orat. ad Q. Frat. non injuste appellat *Regiam potestatem*, Livius *Fastigium dignitatum*, Castiodorus lib. 2. *Variar. ep. 2.* & Ovid. lib. 4. *de Ponto, Eleg. 2.*

— nullum Martia summo

Altius imperium Consule Roma videt.

Qua de causa Græci, Consules non tam *ἀρχαί*, aut *ἐπικράτες* verterunt, vim verbi intuentes: sed potius *ὀνόμας*, quasi dicas, summum, vim intuentes imperii & potestatis: quemadmodum, quod præcellens & summum est, præci Græci appellabant. *ἄνω*, inquit Dionysius lib. 4. Et sane vis omnis, & liberrimum imperium in ito apud illos; pacem bellumve facere, fœdere ferire, coercere, animadvertere, jus vitæ necisque in cives habere: donec paulatim imminuta est, & redacta ad eum modum, qui gravis libertati non esset. Imminuta autem præcipue duplici viâ: Provocationis, & intercessionis. Provocatio statim post Reges nata, ex lege Valeria. Livius lib. 2. quæ animadversiones in cives sustulit, & imperium Consulare non obscure dissolvit. Non enim ultra vitæ & necis potestas penes Consules: cum provocare ad Populum, velut majorem judicem, liceret. At intercessio, quæ nata cum Tribunis, arbitrariis pacis, belli, & graviorum rerum, Consulibus eripuit: quoniam intercedere & impedire omnes Consulares actiones poterant, velut Populi voce. Cujus sane Populi vis ac dignitas magis magisque crevit, (utique post Hortensiam legem,) & imperium sumptis super omnes Magistratus. Soluta igitur Consulium potestas, non tamen fracta, quamdiu Respublica stetit. Multa enim eorum & amplia adhuc munia; quæ strictim & per indicem recensebo. I. Caput Reipublicæ Consules habentur, omnesque magistratus eis subiecti & obnoxii, præter Tribunos. Itaque intercedere etiam omnibus actionibus possunt. II. Militiæ jus summum habent; civibus & sociis imperant: Tribunos militum, Centuriones, Præfectos constituunt. Cic. 3. De Legibus, & Polybius libr. 6. III. Imperium in provinciis habent: evocare subditos possunt, coercere, punire. Cic. in Verr. & Polybius lib. 6. IV. Jus convocandi populi habent, cum eo agendi, leges ferendi, iisque nomen à se dandi. V. Litteras omnes à Præsidibus provinciarum, à Populis ac Urbibus recipiunt: legatos audiunt: & quicquid per Senatum Populumque conficiendum est, manu horum & ministerio conficitur. Dio Cassius lib. 40. Caesar 1. Civil. Polybius lib. 6. VI. Ut Senatus res omnes pace belloque tractabat, regebat; sic ipsi quodammodo Senatum, quem convocabant, dimittebant: sententias rogabant, numerabant, dividebant; & ad summam, in universa hæc navit velut arbitri

arbitri quidam & gubernatores erant. Atque hæc libera Republica fuere: at oppressa ea, iterum immutata Consulum potestas. Princeps enim ut omnium Magistratuum jura ad se traxit; ita præcipue Consulum & Tribunorum. Ita ex omnibus, quæ dixi, pauca iis remanere. Nec alia fere Munia reperio sub Principibus, quam ista, ut Senatum rogarent, & consulerent: ut jus dicerent: tutores darent: (*Spartianus in Vita Antonini*) manumitterent: *Cassiodorus* lib. 6. *epist.* 1. & *Claudianus in Eutrop.* lib. 1. vectigalia locarent: *Ovid.* 4. *de Pont. eleg.* 5. & 9. (quod olim Censorum munus) ludos, & præsertim Circenses, ederent: *Arrianus* lib. 4. annis nomen darent, *Lucanus* lib. 1. Quæ omnia (ut brevis sim) testimoniis non dilato: quoniam in historiis, & legum libris sparsa. Vide pleraque ex iis, si lubet, apud *Cassiodorum* l. 6. *epist.* 1.

C A P. VIII.

De Insignibus Consulum.

AD *Insignia* venio, sive ad ornamenta quædam externa, quæ adjuncta Consulibus, aliisque Magistratibus, ad augendum splendorem. Eorum omnium originem ab Etruscis esse, *Livius* libr. 1. & *Symmachus* lib. 3. *epist.* 11. voluerunt: Itemque *Florus*, libr. 1. cap. 5. qui distincte etiam recenset. Inde (à Tuscis) inquit, *fascēs, trabes curules, annuli, phalerae, paludamenta, prætexta*: inde, quod aurato curru quatuor equis triumphatur: *toga picta, tunicaque palmata*: omnia denique decora & insignia, quibus Imperii dignitas eminet. Hæc in Consulibus paulo diversa fuisse reperio, veteri Republica & nova. Veteri republica hæc in usu: Fasces duodecim cum lictoribus, sella curulis, prætexta toga, eaque domi sumpta primo magistratus die ante Deos penates. *Livius* lib. 22. in fine. Scipio eburneus in manu sive sceptrum. De quo *Scipione*, minus quidem vulgata res: magnis tamen auctoribus est mihi certa. *Dionysius* libr. 3. *Tarquinius* Regi sceptrum eburneum attribuit; idque mansisse successoribus ejus tradit, & Consulibus ipsis, *Livius*, *Gallum* quendam *Scipione* eburneo percussum à *M. Papyrio* scribit, consulare hoc sceptrum intelligens; lib. 3. *Valerius* de priscis Consulibus libr. 4. cap. 4. *Nec eis fuit rubori, eburneo Scipione deposito, agrestem stivam aratri repetere.* In *Valeriani* epistola apud *Vopiscum*: in vita *Aureliani*: *Nam te Consulem hodie designo, scripturus ad Senatum, ut tibi deputet Scipionem, deputet etiam fasces.* Hæc enim Imperator non solet dare; sed à Senatu, quando sit Consul, accipere. *Cassiodorus* lib. 6. in formula Consulatus; *Validam manum victorali Scipione nobilitat.* In glossis priscis; *Scipiones, virgæ Consulum.* Et *Ennodius* in *Panegyrico* *Scipiones* pro ipso Consulatu posuit, *Serrantem Scipionibus*

bus aratra pepererunt. Nec Juvenalem aliter, quàm de hoc scipione ceperim; Sat. 10.

Da nunc & volucrem, scepro qua surgit eburno.

Præitque nobis, Aquilæ figuram fuisse in summo illo scepro: nisi ramen magis placet, ad scipionem triumphalem id referri, quem plane ea forma Isidorus describit lib. 17. c. 2. Et eundem in triumpho Appianus etiam agnoscit. *lib. de bellis Punicis.*

Atque hæc fere insignia olim. Posterior ætas sub Principibus quædam addidit, quædam immutavit: & id fere in superbiam, ut soler, & ad pompam. Non contenti enim simplici prætexta, ejus loco togam pictam induxere; quæ antea triumphantium propria tantum. *Lamprid. in Alexandro; Prætextam & togam pictam nunquam nisi Consul accipit; & eam quidem, quam de Jovis templo sumptam & alii quoque accipiebant, aut Prætores aut Consules.* Ubi & notari ritum illum sedulo velim, accipiendæ consularis ejus togæ è Capitolino templo; quem eundem ingerit opportune in eadem ista re Capitolinus in Gordiano seniore. *Palmatam tunicam, inquit, & togam pictam primus Romanorum privatus suam propriam habuit; cum antea Imperatores eam de Capitolio acciperent, vel de Palatio.* Hæc est illa toga picta, quam palmatam alio nomine dixere: tribuuntque eam Consulibus. *Cassiodorus lib. 6. epist. 1. Pinget, inquit, vastos humeros vario colore palmata.* Et *Ennodius in Panegyrico.* Et si de toga non exprimunt clare. Itaque suspicari possis, ex superioribus Capitolini verbis, de tunica tantum. Falso tamen ex Martiale, qui togam in hac re nominat diserte:

Palmatæque ducem, sed cito, redde toga.

Id est, Consulatum. Et Aufonio, qui in Panegyrico Gratiani tria hæc, *pictam, palmatam, trabeam*, aperte confundit, & solere id suo ævo ostendit. Nam & *trabeam* reperies, velut propriam Consulum vestem. Et cave pro tunica accipias; ut prisci, sed pro hac ipsa toga picta. Causa, cur utrumque hoc nomen ei dederint: quod auro purpuraque intexta ea fuerit, ad formam trabium sive palmarum ramorum.

De trabea autem Consulari Symmachus libr. 9. epist. 1. c. 2. *Littera, inquit, quæ te annalem trabeam meruisse loquerentur.* Hoc est, Consulatum. Et Claudianus in Eutropio:

Annus qui trabeas, hic dedit exilium.

Atque idem Poeta etiam alias sæpe. Atque etiam Imp. I. 1. c. De *Coss.* Jam in fascibus ipsis etiam aliquid immutarunt. *Laurum* enim iis perpetuam addidere: quod olim solet tantum in Triumphis. Colligo ex Martiale. *lib. 10. epigr. 10.*

Cum tu laurigeris annon qui fascibus intras.

& lib. 12. epigr. 3. ostendit etiam laurum ædibus Consulum solere addi. Sed & Cassiodorus laurum Consulibus diserte tribuit. *lib. 2. Variar. Epist. 2.*

Nec

Nec *Laurus* solum; sed & *secures* etiam relatas iterum in fasces, quas Valerius ademerat, animadvertet non oscitans lector ex eodem Cassiodoro, libr. 6. *Hinc est*, inquit, quod etiam fasces atque *secures* tanta potestate præcepta sunt illigari. Vide *Elect.* cap. 23. Ex Claudiano; aliquot locis, lib. 2. in *Eutrop.* & 4. *Consular.* Honorii. Nec ideo, quod imperium aut potentia iis creverat, (contra est,) sed quod fastus & superbia externa: quæ ipsa etiam *calceas auratas* Consulibus induit. Quod scriptum a solo quod sciam Cassiodoro; satis tamen clare. *Lares*, inquit, proprios *calceas auratas* egredere. libr. 6. in *Dom. Cons.* Quod genus calceorum in usu Romæ fuisse, Epictetus me docuit in *Enchiridio* cap. 54.

C A P. IX.

Retus aliquot Consulares.

Nomen, vim, & insignia Consulum satis expressi; addam rursus aliquot præcos, & non obvios; qui valde ad Scriptorum veterum lucem. Eos certo ordine vix dederò, sed ut venient sub sty- lum.

Primum noto, vario die *initium Consularis* olim fuisse, quod ex *Livii* locis multis clarum. Donec Anno *Dxcviii.* inire & ipsi, & alii Magistratus, corpore *Calendis Januariis*. Hoc traditum in *epitome Liviana* 47. etli mutilo & corrupte. Primus autem hic dies Consulibus valde honoratus. Domum enim eorum, & *Populus*, & *Senatus* conveniebat, eosque salutabat, deducebat. De *salutatione* Claudianus de *Consule Eutropio*; lib. 2.

vulgata patebat

Ad salutantum studiis.

De comitatu senatus & populi. Ovidius, 4. de *Pont. eleg.* 9.

Quemque lassus sancti cingat tibi turba senatus.

Consulis ante pedes ire juberet eques.

Et Claudianus lib. 1.

Candida pollutos comitatur curia fasces.

Hæc officia Consulum Spartianus vocat in *Hadriana*. *Roma*, inquit, *Prætorum* & Consulum officia frequentavit. Et Suetonius in *Julio*, cap. 15. *Relicto*, inquit, *novorum Consulum officio*. *Symmachus* id appellat, *auspiciis interesse*, lib. 1. *Epist.* 51. *Fortunatus*, inquit, *sel- lam suam lato agmine præsequantur* & *auspiciis tuis qui vis facti in- teget amicus intersit*. Et libr. 3. *epist.* 21. *Apud egregium virum Con- sulem farve absentia mea: cujus honore gloriam nostrum est; auspi- ciis interesse, felicitum*. Et appellat ideo, quod primo illo die *omota* *omota* Consulatus sui delibabat: velut *auspici causa*. Ideo & *auspicialis* hic dies appellatus: de quo scripsi ad lib. 4. *Annal. Taciti*.

Initium

Initium autem faciebant à Religione, & deducebantur solenni isto officio in Capitolium primo, ut vota scilicet conciperent, & singulos boves Jovi illic immolarent. Ovidius, de Graculo Consule, lib. 4. De Pont. eleg. 9.

At cum Tarpeias effes deductus in arces,
Dum caderes jussus victima sacra tuo.
Lampridius de Heliogabalo: Deinde in Capitolium ad vota concipienda; & perficienda solennia, ire voluit: omnia per Praefectum urbanum, quasi Consules illi non essent, facta sunt. Et Livius idare lib. 43. Consulibus, inquit, quo die Magistratum iniere, immolantibus singulis Jovi bobus, ut solet, &c. Spectantque ad hoc Consulare sacrum, quod Suetonius in Augusto scribit cap. 25. Et Plinius lib. 2. cap. 37. Adde & Ovidium iterum lib. 4. de Pont. eleg. 4. A Capitolio autem in Senatum deducebantur, gratiasque illic Principi habebant, jussi (ut inquit Plinius). Senatusconsulto; atque eodem ipso die munera consularia amicis mittebant: quorum mentio apud dymmachum epist. 61. lib. 3. Gratus mihi, inquit, fuisse amplissimi Consulatus tui munera. Vocatque hæc spartulam consularis idem scriptor, lib. 9. epist. ultim. Sed & ita populum pecuniam spargebant: cujus effusionis Cassiodorus meminit lib. 2. ep. 2. & lib. 6. ep. 1. Eique sparsioni centena auri pondo attributa fuisse, docet lex 2. C. De Consulibus. Ubi tamen utilitas hæc spargendi ab Imp. tollitur, & summa ea ad aquæ ductus reparandos transferatur. Primis etiam his diebus in leges jurabant; sicut & reliqui & Magistratus omnes: nec fas cuiquam magistratum ultra quinque dies gerere; nisi qui publice id juramentum præstidisset. Livius lib. 31. Q. Valerius Placcus, inquit, quia Placens Dialis (id est Jovialis) erat jurare in leges non poterat. Magistratum autem plus dies quinque, nisi qui in leges jurasset, non licebat gerere. Etsi Plinius in Panegyri. id juramentum bis præstare solitum, videatur innuere: semel, cum designati Consules essent; idque in manum Consulis renunciantis: iterum in rostris, toto populo audiente. Et formula etiam ipsa expressa ab eo in parte. Quem totum locum in medio Panegyrico ejus omnino vide. Atque simile juramentum iterum præstabant, Consulatu jam gesto; jurabant, inquam, nihil in eo scienter se fecisse contra leges. Plinius; Itaque & abierunt Consulatu, Jurasti, inquit, te nihil contra leges fecisse. Dio Cassius, lib. 53. Augustus, inquit, defunctus consulatus juramentum patrio more præstitit. Idem de Claudio, lib. 60. Consulatu abiens, inquit, item, ut alii, juramentum præstitit; solius id in omnibus consularibus suis facere. Atque de hoc ultimo juramento Cicero capientius, lib. 5. epist. 4. & oras. in L. Pisonem. Et Plutarchus in Cicero. Dio Cassius lib. 37.

Atque hæc facere primis diebus in usu: quibus addo Ritum ad vim & potestatem Consulatum spectantem, quæ in ordum posuimus salute

salute publica ita aucta est, ut par absolutæ & regię potentię esset. Modus augendi per S. C. quo Respublica Consulibus permitti dicebatur, commendari, defendenda dari. Quod tamen interponi non temere solet, nisi in atroci negotio, ut Sallustius ait, in *Catil.* & in ultima necessitate, ut Livius, *lib. 3.* in ipso urbis incendio, & desperatione omnium salutis, ut Cæsar 1. *de bello civili.* Formula Senatusconsulti brevis & solennis hæc :

VIDERENT CONSULES, NE QUID RESPUBLICA DETRIMENTI ACCIPERET.

Quo uno versiculo satis armatos eos semper fuisse, etiam nullis armis datis, Cicero *pro Milone* scriplit. Vis enim eorum verborum hæc : ut imperium summum merumque Consulibus esset, exercitum parare possent, bellum gerere, coercere omnibus modis socios atque cives : & uno verbo, restituebatur eis hoc decreto jus regium vetus, per provocationem, aliasque leges ademptum. Antiquum autem valde hunc morem esse, & cum prima Republica natum, docet Livius ; qui ejus, ut jam recepti, meminit *lib. 3.* soletque interponi in domestico plerumque motu ; ut Tribunicis seditionibus, perniciosis legibus, conjuratione occulta ; aut etiam externo discrimine, sed extremo. Vide, præter dictos, Vegetium *lib. 3. cap. 1.* & Dionem *lib. 37.*

Ritum huic adjungo triplicem. Unum, qui ad insignia Consulium spectat, & ad *fascies*. Alterum de *securibus* ablati : de quo satis dixi in *Electis, cap. 26.* Alterum, de *divisione fascium*. Qui sic habet. Consulibus duobus creatis, cum initio fascies *xxiv* præferrentur, id est, singulis *xii*, in voce & invidia populi res fuit : tantquam regno non depulso, sed duplicato : ea causa Valerius instituit, ut *xii* tantum fascies conspicerentur, iique alternis mensibus apud alterum Consulem essent : ita, inquam, ut, priore mense prior Consul eos haberet : secundo alter, atque ita in orbem. Dionysius *lib. 5.* Dio Cassius *lib. 5.* Sumere autem eos prior solebat, qui major natu esset : idque obtinuisse videtur usque ad *Legem Juliam*, quæ honorem hunc derulit numero liberorum. De utroque, vide Valerium *lib. 4. cap. 1.* & Agellium *lib. 2. cap. 15.* Interea tamen Consulibus, qui sine fascibus, ne nullo insigni nosceretur, *Accensam* habebat, qui eum præcederet, & *Lictores*, Dionysius *lib. 5.* initio, qui sequerentur cum virgis & bacillis. Suetonius in *Julio, cap. 20.* Livius ubi de Decemviris, *lib. 3.*

Denique postremo observo *Ritum*, qui ad tempus gerendi Consulatus pertinet : quod olim annum fuisse scimus : mutatum tamen statim cum Republica, & à Julio Cæsare plures uno anno Consules facti. [*An. U. C. Dccviii.*] Designabantur enim Consules in tres, duos, imo in unum mensem, & alii atque alii substituebantur. Mos notus, & obvia exempla, à quo tamen manasse moneo, ut duo genera Consulium nominarentur ; *Ordinarii* & *Subfecti*. *Ordinarii*, qui

qui more prisco, principio anni & Cal. Jan. inirent. *Suffecti* autem omnes, qui deinceps substituti. Illi honestiores censebantur; quod nomen eorum magis celebre & æternum; dum ab iis tempora & anni numerarentur. Seneca. *Consulem me fecit, sed non ordinarium*. Suetonius in Domitiano, cap. 2. *In sex consulatibus unum ordinarium tantum gessit*. Symmachus lib. 9. epist. 120. *Delatus est à clementissimis Principibus ordinarius consulatus*. Lampridius in *Alexandro*: *Consulatum tertium iniiit tantum ordinarium*; Hæc divisio & hic mos ad Constantinum Imperatorem mansit, qui consulatum iterum annum fecit, & pro *suffectis* novum genus reperit, quos *Consulares* dixit, sive etiam *Consules honorarios*. Quorum origo à consularibus ornamentis, quæ instituerat jam olim Julius Cæsar, apud Suetonium cap. 76. *Extat consularitatis formula* [ita honorem hunc appellabant; non consulatum] in *Castiodoro lib. 6. epist. 21.* quem omnino suadeo legas: itaque de istis capienda *lex 4. C. De Coss. & Novell. c. 62.*

C A P. X.

De Prætoribus. Nomen eorum. Institutio. Numerus. Insignia.

Juxta Consules *Prætores* merito sequuntur: qui dignitate proximi, & *collegæ consulis* appellantur; quoniam iisdem auspiciis creabantur. *Liv. lib. 7. & Agell. lib. 13. cap. 14.* Nomen iis, sive quod *prærent*; *Varro l. 3. de L. L.* sive quod *præfessent*, mere Latinum, & sane vetus. Populi enim plerique è Latio, Imperatores suos & duces *Prætores* appellabant; uti exempla in *Livio* crebra. Sed & *Etrusci* *Prætores* habuisse videntur inter ordinarios & legitimos Magistratus. *Spartianus* me docuit in *Hadriano*. In *Etruria*, inquit, *Prætorum* Imperator egit, per *Latina* oppida *Dicator*, & *Ædilis* & *Duonvair* fuit. Et vetus in Italia inscriptio:

PRÆTOR HETRURIAE

XV POPULORUM.

Ita ut late omnino patuerit id nomen: nec solum, ut *Asconius 3. in Verrem* ait, *veteres omnem Magistratum, cui pareret exercitus, Prætorem* appellarunt: sed quemcumque in re profana, sive etiam sacra, præfectorum. Sic in monumentis lego: PRÆTOREM TIBURTINUM, PRÆTOREM SACRORUM, PRÆTOREM SACRIS VOLCANI, PRÆTOREM JUVENTUTIS. Nec scio, an lata illa significatione *Suetonius* sumpserit, cum librum *De prætoribus* inscripsit. Sed commune tamen antea nomen, & Consulibus ipsis usurpatum, proprium esse cepit huic Magistratui: qui instituitis anno U.C. cccclxxxviii. Causa instituendi duplex; Utilitas, & Æmulatio. Utilitas: quia cum

cum Consules sæpe bellis vocarentur, nec esset in Urbe qui jus diceret; ex usu fuit Magistratum creari, qui proprie huic muneri vacaret. *Æmulatio*: quoniam, ut Livius indicat *lib. 7. initio*, Patricii novum hunc honorem avidè quærivèrè; in locum erepti Consulatus. Creatis autem initio unus: postea (circa annum Urb. DI) alter adjectus, qui jus item diceret, sed diversis muneribus: ille inter cives: hic inter cives & peregrinos. Itaque cognominibus etiam distincti fuèrè: alter *Urbanus*, alter *Peregrinus* appellatus. Ille tamen honestior digniorque; adeo ut veluti proprio cognomento *Honoratus* appellaretur ab Ovidio *lib. 1. Fastor.*

Verbaque honoratus libera Prætor habet.

Et jus, quod ab eo edictisque ejus descendit, *honorarium. l. 2. ff. De orig. jur. & l. 7. De just. & jura.* At postea etiam duo alii additi, paulo diverso fine: quod, ut priores Consules adjuverunt in jure dicendo; sic isti, in provinciis regendis. Id factum anno U. C. LXXX. Sardinia & Sicilia in provinciarum formam redactis: & duo etiam adjecti, Hispanis devictis, an. U. C. LXXI. Ita in universum tunc Prætores sex: ex quibus duo soli in Urbe manebant; reliqui quatuor, statim ac renunciati erant, in provincias ibant, quas fors assignarat. Id mansit, donec quæstiones perpetuæ constitutæ sunt, anno Urb. Cond. DCCV, & Senatus consultum visum, ut Prætores omnes ipso anno magistratus sui in Urbe hærerent, & parte aliqua jus tangerent, sive publicum, sive privatum. Et paulo post Cæ. pro Milon. Sulla Dictator, ut quæstionum numerum auxit; sic & Prætorum: factique octo. Errat enim Pomponius *lib. 2. ff. De orig. jur.* qui asseverat de decem. Primus C. Cæsar denos creavit, & postea XVI, ut Dio tradit *lib. 42. & 43.* Et majore licentia Triumviri LXIV. quod idem scriptor asseruit *lib. 48.* Augustus tamen temperavit, & duodenario numero inclusit. Sed frustra; quia iterum XVI facti, quibus Claudius II etiam adjecit, qui proprie jus dicerent de Fidei commissis. *l. 2. ff. de origine juris. Ulp. in institut. tit. 22.* Ex his Titus unum detraxit: sed Nerva restituit, cum munere, ut jus diceret inter privatos & fiscum. *Tutela* rem etiam Prætorum à M. Antonio Philosopho institutum, Capitolinus in Vita ejus prodidit, & meminèrè Leges *lib. 3. & 4. in Cod. Theod.* Ita in universum XVI Prætores facti: donec paulatim minuerente Imperio, minuti & ipsi, & tres tantum creari, lege Valentiniani & Marciani A. A. (*l. 2. C. De offic. Prætor.*) Atque hæc de numero & augmento breviter.

Insignia addam: quæ non obscura. *Prætexta* enim togæ illis jus: Item *Sellæ curulis*: *Lictores* cum fascibus sex (*Val. 1. c. 1.*) habuèrè: unde Polybius & Græci *ἐξ ἀνάγκης* Prætorum, plerumque veniunt. Nec lex verus apud Censorinum me turbat, quæ Prætori Urbano duos tantum lictores tribuit. (Quod capiendum hac mente, ut minimum duo semper in tribunali ejus adsint & appareant; non plures.

CAP. XI.

De Officiis Prætorum.

AT munera Prætorum præcipue tria : *Ludi, Sacra, Jurisdictio.* Ludos enim varios dabant ad populi gratiam, ut exempla occurrunt passim. *Tacit. Annal. lib. 8. Plutarch. in Bruto. App. lib. 1. bell. civil. Sacrum* etiam plerumque curabant *Bona Dea* : quod domi eorum ab uxore fiebat. *Plutarchus in Casare docet, ad Articum lib. 1. epist. x.* Martialis etiam suo ævo in usu ostendit, *epigram. XLI. lib. x. ubi populare id sacrum appellari monet* : quia pro populo fiebat : unde *Damianum* dictum notat *Festus*, etsi interpretatione addita non bona. In has autem duas res magni sumptus facti. Martialis integro illo epigrammate ostendit : *Capitolinus in Maxima, alique.* Unde, velut proverbii loco, ab *Augustino* usurpata censeo *prætoriana pretia*, pro magnis. *Ita addictus erat studiis*, inquit, *ut pretia prætoriana sibi consuecendi codices curavit* : lib. vii. *Confession. cap. x.* Hæc duo munera, sive onera potius, sola fere mansere Prætoribus, labente Imperio ; ut non frustra & *Boëtio* scriptum sit lib. iii. de Consulat. *Prætura magna olim potestas, nunc inane nomen, & senatorii census gravis sarcina.* Ad tertium maximumque munus, *Jurisdictio* : quam dupliciter considero, in *privatis, & publicis judiciis.* *Privata judicia*, id est, res Civiles, tractabant duo soli & Prætoribus, *Urbanus & Peregrinus* ; *Publica*, sive res Criminales, reliqui omnes. Ita tamen, ut singulis certæ essent quæstiones, una, pluresve. De quibus dilucide & subtiliter dicere, non nostrum. Latus enim campus, & quam merito decurrant soli Jurisconsulti ; e quibus autem omnes legi suo *Barnabam Brisonium lib. v. Formularum.*

CAP. XII.

De Aedilibus. Eorum nomen, Institutio, & Genera.

Tertio loco *Aediles* censeo. Quibus nomen (ut plerique omnes volunt) ab *ædium* cura, sive, quod ædes sacras privatasque curarent, ut *Varro ait lib. 4. de L.L. & Zonaras lib. 2. & Dionys. l. 6.* sive quod ædibus præessent, in quibus omnia scita sua plebes deferrebar, ut *Pomponius l. 5. ff. De orig. Juris.* *Festus* magis nove & remote, ab *adeundo* derivat, quod facilis ad omnes plebi aditus esset. Sed revera utrumque etymon, si attentius inspicis, labar. Et verius fortassis tunc Romæ nomen id primum natum ; sed, ut pleraque, è *Latio* traductum, nec ex re impositum, sed ab

C

exemplo.

exemplo. Jam olim enim *Ædilium* magistratus in Latinis oppidis, l. ff. *Locati*, qui *Ædiles quinquennales* cognominati in historiis & lapidibus passim. Spartianus clare in *Hadriano*: *Per Latina oppida Dictator, Ædilis & Duumvir fuit*. Isque primus & summus, nisi fallor, municipalis magistratus. *Juvenalis*:

Sufficiunt tunicae seminis Ædilibus albæ.

Atque eos illic ab ædibus primo dictos nihil abnuam: quia velut minuti Censores quidam erant & ædium sacrarum privatarumque curam gerebant. Instituti autem Romæ una cum ipsis Tribunis plebis, anno Urb. conditæ cclxxi. Plebs enim Tribunos suos nacta, hoc amplius a Patribus petiit, (inquit Dionysius l. VI.) ut quos e plebe creare sibi liceret, qui Tribunis velut administri & adjuutores essent, quique eas causas cognoscerent, quas illi commisissent. Itaque hi primi *Ædiles plebis* appellati. Additi postea anno Urbis cccxxxviii. duo è Patribus, qui ludorum causa præcipue creati, (Livium vide in fine lib. 6, & initio lib. 2.) & cum discrimine *Ædiles Curules* dicti; quoniam ea sella honoris causa utebantur. Priores enim illi tantum in subelliis sedebant: ut & Tribuni, & Quæstores. *Ascon. Padianus in Divinat. Cic.* Itaque hi digniores, & μέγιστα ἀρετῆς Plutarchus appellavit hanc Curulem, in *Mario*, initio. Curulis autem sella a curru dicta, ut vulgi opinio est: *Agell. lib. 3. c. 18.* quam Isidorus apposite firmat: *Consules olim* (inquiens) *& Prætores, ob longinquitatem viæ curru in forum proventus: ideoque & sellas, quæ post eos vehebantur, in quibus sedentes jura redderent, Curules dictas.* Cui tamen derivationi scriptura & dimensio repugnant: veriusque à Curibus (oppidum olim Sabinorum erat) dicta. Forma ejus in nummis crebro expressa: nec dissimilis sellis iis, quas Hispanicas vocamus, & quarum in aulis usus. Describit Plutarchus (in *Mario*) & incurvis pedibus eas fuisse ostendit. Itaque in Glossis priscis *sella curulis*, explicatur ἀνωλόπτες ὀφόν & βαπλικές. Altas facit Silius l. 8.

Hæc altas eboris decoravit honore curules.

Itaque Lucanus lib. 5.

Lentulus è celsa sublimis sede profatur.

Non quod sellæ ipse altissimæ; sed quod adjuncti plures gradus. Cassiodorus l. 6. epist. Sellam curulem pro sua magnitudine multis gradibus enisus ascendit. Ebone autem eæ testæ: ideoque Horatius lib. 1. epist. circumscriptit:

— dabit, eripietque curule

Cui volet importunus ebur.

Et Athenæus lib. 5. c. 4. de Antiocho rege, sedisse eum, ait, eburnea sede ritu Romanorum: significans curulem. Nec aliter Græci vertunt, quam ἑλεφαντίνον ὄφρον, aut ὀφρον. Quo exemplo etiam Vopiscus in Aureliano Sellam eboratam dixit. Cælatum & sculptum id fuisse, Ovidius ostendit lib. 4. de Pont. eleg. 9.

Signa

*Signa quoque in sella nossem formata curuli,
Et totum Numidæ sculptile dentis opus.*

Nec plures Ædiles, ad tempora C. Cæsaris: qui duos præterea adjecit, an. U. C. DCCX. quos è Patribus creari tantum voluit; & quia frumentariæ curæ præfecti, à Cerere *Cereales* dixit: Dio *lib. 43. sub finem*, & Pomponius *lib. 2. ff. De origine Juris*. Ita sex in universum Ædiles, triplici tamen discrimine: quos ad Constantinum usque Magni tempora in Republica perseverasse crediderim, & ab eo (ut plerisque Magistratus) sublatus.

C A P. XIII.

De Officiis Ædilium.

AT munera Ædilium, quæ fuerint, pleraque omnia lege sua Cicero *lib. 3. De leg.* breviter expedit: *Suntoque Ædiles*, inquit, *curatores urbis, ludorumque solennium.* Ait, *Curatores urbis*: licet alibi, 5. Verr. dicere non veretur, *totam urbem iis tuendam commissam*; non male, quod ea fere omnia curabant, quæ ad ornatum aut ordinem urbis. Primo enim opera publica inspiciebant ac tuebantur; & templa Deorum. Cicero 5. Verr. Varro 4. de L. L. Secundo, incendiorum eis cura, & ne quod ab igne damnum. Quod munus tamen Augustus imposuisse iis primus videtur, ex Dione *lib. 54.* Tertio funerum taliumque minorum rituum institutio penes eos, & conservatio. Ovidius vi *Fastorum*:

*Adde quod Ædilis, pompa qui funeris irent,
Artifices tantum jusserat esse decem.*

Sed & matrimoniorum, quodque adnexum iis, scortationum, & meretricum coercitio quædam & regimen: ut satis docui in Commentar. xi. ad Taciti Annales. Denique balnea, aquæ ductus, cloacas, plateas: & loca omnia Urbis curabant, ut pura ea & munda essent. De balneis Seneca, (ep. 13.) *Dii boni*, inquit, *quam juvabat illa balnea intrare, obscura & regali tectorio inducta, quæ sciret Catonem tibi Ædilem, aut Fabium Maximum, aut ex Corneliis aliquem manu sua temperasse!* Et alibi eleganter: *Invenies balnea, & popinas, & loca Ædilem metuentia.* Et de munditate Plautus *Sticho*, cui cum servus imperasset:

Cape illas scopas, tu hoc converre, &c.

Parasitus subjicit:

Sine suffragio populi Ædilitatem hic quidem gerit.

Et plura ad hanc rem distincte, & apte l. unica, ff. *De via publica*, ubi Ædiles Papinianus *asurimus* semper vertit: quod non aliud, quam curatores urbis.

Sed addit secundo loco Cicero *Amicus Curatores*. Verissime : quia non rerum solum venalium ad eos cura & æstimatio spectabat, sed etiam pecudum hominumque. Apuleius *lib. 1. Edilem gerimus*, inquit, & *annonam curamus*. Plautus Rudente :

Ita solet Neptunus : quamvis fastidiosus Edilis est,

Si quæ improbe sunt merces, jactat omnes.

Perlius Satyra 1.

Fregerit heminas Areti Edilis iniquus.

Immo *Jus* etiam his de rebus dicebant, ex Dione l. 111, initio. *Multas imponebant*, ex Pápiniani L. unica. De vi publica. *Edita concipiebant*, ex Plauto, Captivis.

Euge, editiones adilitias hic quidem habes.

Omniaque, uno verbo, regebant & dirigebant, quæ ad venaliū forum. Unde Græci plerumque *ἀγορεύς* eos recte verterunt. Agellium vide *lib. 4. c. 2. & Jurisconsultos*, titulo *toto de Edilitio edito*.

Denique pro tertio munere Cicero addit, *curationem ludorum solennium*. Et caute, *solennium* : quia statos ludos tantum curasse videntur, & publice receptos ; ut Florales, Circenses, Megalenses, Romanos, &c. non autem privatos, funebres, aut votivos. Exempla hujus curæ & muneris ubique prompta, & passim legas ; *Ædiles* suo sumptu edidisse ludos, præfuisse, ordinasse, præmia sive pœnas actoribus distribuisse ; denique, scripta etiam examinasse, & fabulas, quæ agendæ. Donatum in vita Terentii vide. Nec scio, an ab hac scenica inspectione manavit, ut jus quoddam judiciumque iis fuerit etiam in alios libros. Apparet ex Senatus decreto apud Tacitum iv. Annalium, quo jubentur *Ædiles cremare Cremutii Cordi scripta*.

C A P. XIV.

De Tribunorum Nomine, Origine, & ex quo ordine creati.

Quartus in ordine Magistratus *Tribunorum* est ; quorum nomen vetus, & origini Urbis pene æquale. Nam *Tribuni Celerum*, id est, equitum, statim nati in regno Romuli, l. 2. ff. *De orig. Jur. Varro lib. 4. de L. L.* dictaque & ducta vox, sive a ternario numero, quia tres tantum tunc populi partes, & ex singulis crearentur, ad exercitum mittendi : sive a tribubus, quod earum suffragiis crearentur, vel quod iis præessent : quo sane exemplo à *Curibus Curiones* dicti. Utcunque de etymo sit, late fustum nomen : & vis ea fere subest, ut *Curatorem* fere significet, aut *Præfectum*. Itaque cum additione usurparunt : *Tribuni Celerum, Militum, Aerarii, Plebis*. Et posteriore ævo sub Principibus *Tribuni Voluptatum, Matrimo-*

Matrimoniorum, Chartariorum : quæ genera in Cassiodoro lego lib. 7. *Variar. epist.* 10. & 47. lib. 12. *epist.* 24. & *Tribunus Fori*, in lapidibus; *Tribunus Scholarum*, in Codice Justiniano. At diversi hi nostri & digniores aliis : quorum origo à seditione. Cum enim plebs in nova libertate varie premi à Patribus videretur, anno Urbis cclx fecessit in montem Sacrum : nec reddi in urbem potuit ; nisi ut proprium hunc Magistratum haberet juris sui vindicem & custodem. Creari autem initio duo : mox tres adjecti : denique A. Urb. cccxvii iterum quinque additi, decemque in universum facti : qui numerus deinceps in Republica mansit, & quoniam primi Tribuni Magistratum occepere IV Idus Decembris, hoc quoque obtinuit, ut Tribuni non Calendis Januariis inirent, sicut Magistratus ceteri, sed illo ipso die. Dionysius clare lib. 7. *extremio*. Et ab ea mente Appianus lib. 1. *Civil.* Adde Plutarchum *problemate* 81. Comitia Tribunorum refert in æstatem. Quia autem per plebem creati, hoc quoque mansit, ut tantum e plebe : nisi quod semel Patricios duos cooptatos reperio apud Livium l. 3. Immo plerumque ex infima plebe : donec lata lex, ut crearentur tantum e Senatu, id est, ut nemo Tribunus esse posset, nisi qui antea Senator : Senator ramen plebeius. Id quando institutum, diserte haud scio : immo vix ipsi veteres ; inter quos & Appianus ambigit l. 1. *bellorum civilium*, rectene id referatur ad Sullam. Nec constat, inquit, an Tribunatum, uti nunc est, à plebe ad Senatum transfulerit. Atteius tamen Capito apud Agellium lib. 14. cap. ult. ut ego quidem interpretor ad Atinium plebiscitum refert. Nam ait ; *Tribunis Senatum habendi jus erat, quanquam Senatores non essent, ante Atinium plebiscitum*, quasi dicat, Atinio plebiscito lectos e Senatu. Quanquam nec de tempore ejus plebisciti constat : nisi quod P. Atinium quendam Tribunum reperio, C. Julio Cæsare, & Marco Bibulo, Consulibus. Certe quidem libera adhuc Republica id in usu fuisse, docet aperte Suetonius in Augusto cap. 10. *In locum*, inquit, *Tribuni plebis demortui candidatum se ostendit ; quanquam Patricius, necdum Senator*. Itaque non jus petendi Tribunatus, nisi Senatorum. Plinium lib. 2. *epist.* 9. ita exaudlo : *Ego*, inquit, *Sexto latum clavum à Cæsare nostro, ego Quæsturam impetravi : meo suffragio pervenit ad jus Tribunatus petendi*. Et Suetonius idem, ut novum, notat in Augusto, cap. 40. quod comitiis tribuniis, si deessent candidati Senatores, ex Equitibus creavit.

CAP. XV.

De Officio & potestate Tribunorum.

HÆC origo Tribunorum, hæc creatio, eaque ratione Romæ Consulibus oppositi, qua Lacedæmone Regibus Ephori. *Valer. lib. 4. c. 5. Cicer. lib. 3. de Legib. Plutarchus in Coriolano.* Itaque manus eorum initio unum & simplex, *auxilii latio.* Creati enim contra vim potentiamque Magistratum; scutum duntaxat impediendi & defendendi habebant, non agendi aut lædendi telum; oppressos juvabant, eripiebant; iniqua decreta aut iussa, sive Senatus, sive Magistratum rescindebant: eoque fine (ut Plutarchus notat *Proble. 81.*) januæ eorum nocte dieque patebant: ut paratos sese ostenderent, ad desideria & querelas miserorum excipiendas. Sed nec ullam horam abesse ab urbe legitime poterant; ut Dio ait, *l. 37.* sive nullum diem; ut Agellius *l. 3. c. 2.* vel, ut magis arcte Appianus, *l. 2. Civil.* moenia egredi iis non licebat; hac eadem scilicet causa. Ad auxilium autem ferendum parata intercessio; quæ peragi solita uno & solenni verbo, **VETO**, Livius *lib. 6. Faxo*, inquit, *ne juvet vox ista, VETO*; *quæ nunc concinente, collegas nostros tam læti auditis.* Cujus intercessionis tanta vis; ut privati Magistratusque omnes parerent: qui non fecisset, vel per viatorem Tribunum in carcerem abriperetur, vel die dicta apud populum accusaretur, ut violator sacrosanctæ potestatis. Tales enim ipsi. Ea- que de re Leges veteres apud Dionysium *lib. 6. in fine; & lib. 7. circa medium*; & Livium. Quin Cicero *pro Sextio* hoc amplius notat: eam esse sanctitatem Tribunatus, ut non modo contra vim & ferrum, sed etiam contra verba & interfectionem, legibus sacra- tis sint armati. Ea autem intercessio valida etiam inter Tribunos ipsos; adeo ut, uno ex collegio vetante, irritæ sint reliquorum om- nium actiones. *Plutarch. in Catone Min.* Atque hoc est, quod *extremum jus Tribunorum* Cæsar appellat, i *Commentario De bellis civilibus*; & quod etiam à L. Sulla iis relictum fatetur. Itaque agere, imperare, decernere, remorum à primis Tribunis: apud Tacit. i *Annal.* Tiberius convocat Senatum jure Tribunitio: do- nec paulatim fiducia sancti juris progressi ulterius sunt, & limites protulerunt sui magistratus. Qui olim in senatum non veniebant, sed ante valvas curiæ positis subselliis sedebant; Valerius auctor *lib. 2. cap. 2.* ii mox Senatum convocare ausi, quod cœpisse primum anno Urbis ccxcvii, Dionysius curiose notat *lib. 10.* Immo dimit- tere etiam ab alio convocatum: quod Appianus *lib. 2. Civil.* mon- et de Curione. *Senatum*, inquit, *re infecta dimisit. Potest enim hoc Tribunus plebis facere.* Denique concionem advocare, tabernas claudi jubere, leges & rogationes ferre, judicia quædam exercere; in

in immensum scilicet aucta potestate, postquam lege Hortensia plebis scita omnem populum tenuere. *Varro lib. 5. de L. L. Livius 9. Cic. 1. Agrar.* Itaque qui frenum aliis injecerunt, freno ipsi eguere, & cum per hanc immoderatam licentiam materies crebra turbarum & seditionum esset; Sulla Dictator potestatem Tribunitiam valde circumcidit, immo penè excidit. Vetuit enim, ne leges ferrent, ne concionarentur, ne provocaretur ad eos; solumque & nudum jus intercedendi reliquit. Hoc amplius, ut abstergeret homines ab eo magistratu capessendo; sanxit, ut ne cui Tribuno aditus pateret ad alium magistratum. Quam tamen postremam legem eo mortuo, Aurelius Cotta Consul, *Alcon. pro Cotta*, statim abrogavit; sicut reliqua omnia Pompeius Magnus in primo consulatu. Itaque, Tribunis iterum permixtum jus vetus ad Impp. usque; qui, Tribunitia potestate sibi sumpta, insignia penes eos reliquerunt, & pene inane nomen. Quod tamen in Imperio Romano ad Constantini usque tempora mansit.

C A P. XVI.

De Quæstoribus. Unde dicti. Quando & quammulti facti. Denique Jus eorum, ac Munus.

Quæstores ordine primi, dignitate ultimi inter Magistratus. Iis non ambigue à *querendo* nomen; quod pecunias publicas conquirebant & reponebant, *Varro 4. de L. L.* ideo & *τραπεζιται* Græce dicti. Origo eorum vetustissima inter Magistratus; ut Pomponius *l. 2. De orig. Jur.* & Tacitus *volunt lib. 2. Annal.* quippe qui instituti sub ipsis Regibus. Sed an hoc eodem munere, an potius *de crimine querendi* causa, ambigo. Verius censeo, Quæstores istos pecuniarios libera Republica creatos; cum, aucto videlicet populi ærario, opus fuisset, qui ei præfessent. Id accidit an. Urbis CCLXIX. si Dionysio *l. 8.* & Livio *l. 3.* fides: à quibus tamen paulo diversus Plutarchus in *Publicola*, qui refert ad annos primos partæ libertatis. Tacitus sane Consulibus primis etiam Quæstores attribuit: sed ita, ut ipsi eos eligerent *donec*, inquit, *eum quoque honorem populus mandaret: quod factum anno xxiiii post Reges ejectos*, (ita enim in eo scribendum; non xiiii.) Fuere autem initio duo tantum Quæstores, qui urbanam pecuniam omnem tractarent, & ærario præfessent, quod in æde Saturni: iique *Urbani* dicti. Postea, cum aliis etiam opus videretur, qui peregre pecuniam militarem administrarent, prædam venderent: duo iterum creati, qui Consulibus ad ministeria belli præsto essent: ut Livius ait *l. 4.* Id accidit anno Urb. ccxxxi. Atque is numerus diu mansit: donec stipendiaria tota Italia duplicatus is est, factique octo, ad tractanda etiam provincia-

rum vestigalia, in quæ cum Præconsulibus aut Proprætoribus forte mittebantur. Quod evenisse argento-primum signato, id est, circa annum Urb. cccxxxix. observo ex Epitome Liviana 15. Ac mox lege Sullæ, xx creati, ad Senatum supplendum; ut Tacitus *lib. 1. Annal.* suggerit. Nec ablimili fine xi à Cæsare; ut Dio *lib. 43.* Hæc institutio, augmentum. Nec obscura admodum eorum munera; è quibus præcipuum pecuniæ acceptio, & expensio; *Liv. lib. 4. & 7.* item signorum militarium (ex argento & auro; non enim velis utebantur) in ærario observatio: prædæ venditio, & subhastatio; *Dionys. l. 4. & P. Faber, l. 2. Semestr.* legatorum exceptio, deductio, hospitii assignatio. *Plutarch. quæst. 43. Valer. l. 3. c. 1. & apud Livium aliquot locis,* certæ etiam per Italiam Præfecturæ, ut Ostiensis, & Cales; de quibus Tacitus *iv Annal.* & ibi nos; & Suetonius *in Claudio, cap. 22.* Sed & decreto Augusti, Senatusconsulta iis adservanda tradita, quæ antea penes Aediles & Tribunos: Dio *notat lib. 54. extremo.* Fuit etiam sub Imp. veluti proprius eorum Quæstor, qui *Candidatus Principis* appellatus, vel *Quæstor Principis*, sive *Augusti*: cujus munus expressum ab Ulpiano, *in l. unica, ff. De Officio Quæstoris.* De quo satis multa Briffonius, *l. 1. Selectarum antiquitat. c. 16.* Sueton. *Tito, cap. 5. Neron. 15. & Augusto, c. 56. Vell. Paterculus, l. 2.* Ab hoc origo *Quæstoris Palatii*, qui sub Constantino cœpit: quæ deinceps magna dignitas; cui ne datum leges & decreta condere, petitionibus subscribere, responsa reddere: & omnino Juris quidam & legum custos ac præfes fuit: quod nomen hodie in *Cancellarium* mutatum vere diximus. De hoc Zolimus *l. 5. de Sallio* quodam, cujus erat officium (inquit) dictare, quæ Principi viderentur. Quæstorem à Constantini temporibus appellant. Meminit & Procopius *De bello Persico*; Symmachus *elegantè lib. 1. Epist. 17. & lib. 4. Epist. 50.* Calliodorus *Epist. 6. lib. 10. & optime lib. 5. Epist. 4.*

CAP. XVII.

De Dictatore. Unde illi nomen: origo & causa eligendi: item modus: denique vis ejus & potestas.

ORDINARIOS & perpetuos in Republica Romana Magistratus breviter explicavi: Superfunt *intermissi & extraordinarii.* Inter quos jure primum locum dem illi, qui Magistratuum omnium primus, *Dictatori*: cui nomen, sive quod diceretur à Consule, ait Varro, *4. de L. L.* cujus dicto omnes audientes essent: sive potius à dictando: quia crebro diceret ediceretque, quæ essent ex usu: quæ Dionysii mens *l. 5. est.* & Suidæ vertentis *ειραρχία* ἢ *ἡγεμονία*, id est, *auctorem rerum utilium.* Dictus alio nomine *Magister populi*

populi (Seneca *epist.* 109. Cic. 3. *de Fin.* Festus in *Optima lex*.) Itemque *Prætor Maximus*, quæ voces præstantium scilicet imperii præferunt & dignitatis. Cæterum & res & nomen Dictatoris sumpta ab Albanis, consanguineo populo: quod eum apud Dionysium Licinius Macer affirmat: tum suadet etiam Livius, l. 7. qui jam inde sub Rege Tullo Dictatorem Albanum Metium Suffetium agnoscit, & Spartianus ordinarium veteris Latii magistratum fuisse ostendit, in Hadriano. *Per Latinus*, inquit, *oppida Dictator & Duumvir fuit.* Ipse tamen Dionysius à Græcis esse exemplum mavult, apud quos non dissimili in re *Αὐτοκράτωρ*. Origo ejus & prima institutio controversa: quoniam Dionysius, fidus certe & cautus scriptor, refert in Annum Urb. cclv. At Livius & plerique ex Latinis, biennio prius (videlicet ccliii) eum creatum volunt; nono scilicet anno post Reges exactos. Etli Livius in affirmando titubat; & obscuram ambiguanque rem non negat. (Livius T. Largium Dictatorem primum creatum fuisse putat: lib. 2.) Causa prima eligendi, seditio fuit, & metus ab hoste. Cum enim sperni viderent Consulare nomen, cui per provocationem adempta præcipua vis; decursum ad hoc singulare imperium, ut essent, qui rigida & regia potestate plebem sive hostes coercerent. Major enim & concordior vis in unius imperio, quem collega nemo aut improbe turbat, atque impetite tardat. Atque hæc præcipue sane deinceps creandi causæ: seditio, inquam, aut bellum gravius, nec alias Cicero commemorat lib. 3. *de Legib.* nisi quod paulatim creatus etiam causis pluribus; quæ in factis passim expresse, ut Clavi figendi causa; Comitiarum habendorum; Ludorum faciendorum; Questionis exercendæ; Senatus legendi: denique quotiens brevi aliquo & extraordinario imperio opus esset. Sed priores illi ferri verique Dictatores, fere eum hoc titulo leguntur: REI GERUNDÆ CAUSA; quod ad bellum spectat: vel, REIP. GERENDÆ CAUSA: sive etiam; SEDITIONIS SEDANDÆ CAUSA: quod ad turbas. Eligi porro solet alta quadam via & modo, quam cæteri omnes Magistratus. Non enim suffragiis populi, sed senatu jubente, à Consule dicebatur, qui noctu auspiciato aliquem e Consularibus, quem sibi curaque visum esset nominabat. Quod noctu, Livius aliquotiens docet, & clare lib. 4. *Noctis deinde silentio, ut mos est, L. Papyrium Dictatorem dixit.* Quod missicato, Cicero 3. *de Leg.* *Ipse autem sinistra dictus Magister populi esto.* Idemque Livius indicat lib. 8. Quod e Consularibus tantum, idem Livius lib. 2. *Consularem*, inquit, *legere: ita lex jubebat de Dictatore creando lata.* Et prudenter profecto, quod unius hoc regimen creatum ab uno. Cum enim subito celerique remedio opus esset, quæ ratio fuisset, suffragia expectare & campum? Immo cum sæpe contra ipsam plebem, quomodo eligerentur à plebe? Quamquam varium interdum in hac re non nego, sive per absentiam Consulum; sive per licentiam eorum, qui Dictaturas invasere. Potestas

Potestas autem hujus Magistratus ampla, vel potius eximia. De pace enim belloque agere, exercitus scribere, educere, dimittere, omniaque negotia gerere libere & pro arbitrio poterat; adeo ut nihil horum vel ad Senatum referret. Notant Dionysius *lib. 5.* & Polybius 3. Itaque non solum jus omne duorum Consulum translatum in unum. *Cic. 3. De leg.* (qua de causa etiam *δυστάτων*, quali *duplicem Consulem*, Græci eum dicunt.) Sed hoc amplius: creato eo, cæteri omnes Magistratus abdicabant: Tribunis tantum exceptis: relinquebaturque velut frenum Reipub. in manu unius. *Plutarch. Fabio, item Quest. 81. Polyb. lib. 3.* Quin bona illi civitatemque adimere jus; animadvertere in vitam & caput civium, idque sine ulla provocatione. *Dionys. lib. 8.* Ad quod singulare jus exprimendum, xxiv fasces illi præferebantur, & totidem secures, etiam in Urbe: ut nihil mirer, terroribus tantis propositis, à Livio *lib. viii* scriptum, *Edictum Dictatoris pro numine semper observatum.* De provocatione tamen, non perpetuum fuisse, suadere videtur apud Festum OPTIMA LEX, & quod apud Livium *cod. l.* exstat illustre exemplum provocationis: etsi abrogatam eam expresse nusquam legerim: & videam, Sullam posterioreseque Dictatores summo eo jure usos.

Sed hæc tamen tanta vis merito terminis quibusdam circumscripta, ne exorbitaret. Primum enim, semestres duntaxat illud imperium esse voluerunt; ne in tyrannidem spatium aut consuetudine iret. Et quod quibusdam prorogatum in annum reperiatur, ob necessitatem Reipublicæ factum scito, & præter morem: ut in Camillo, L. Papyrio, Fabio Maximo. Nam Sulla, & postea Cæsar, qui Dictaturam perpetuam invasere, leges & instituta Reipublicæ palam sprevèrunt. Secundo, locis etiam inclusa; nec permissum Dictatori, cum imperio extra Italiam ire: scilicet, ne procul ab oculis civium & Senatus res facilius innovaret. Dio clare notat *l. 36.* Idque semel duntaxat veteri Republica violatum in Attilio Collatino, qui primus Dictator exercitum extra Italiam duxit, observat Livii Epitome *xix.* Tertio equum ascendere ei vetitum, nisi ad bellum ituro; sive, (*Plutarch. Fab.*) ut ostenderetur vis præcipua Romana in pedite: sive potius, ad arrogantiam minuendam, & ut hac parte cum plebe æquaretur. Atque his cautionibus, & modestiâ gerentium factum, ut per annos cccc quietissime, & optimo publico, Magistratus is gereretur: donec L. Sulla, & C. Cæsar in tyrannidem eum verterunt, & nomen id exosum fecere Romanis: adeo, ut post necem Cæsaris lata lex sit, qua Dictatura à Republica in æternum sublata. *Cicero in Philipp. Dio 44. & Appianus 3. Civilium.*

Hæc de Dictatore: cui velut adjutor & administer *Magister Equitum* fuit: quem ipse Dictator sibi libere eligebat; modo is tamen à Consularibus, aut Lætoribus esset. Sane Dio, ut insolens, notat, quod

quod Cæsar Magistrum equitum Antonium elegeret, qui Prætor nondum fuisset. (*Dio lib. 42.*) Itaque is loco & munere fere Prætoris fuit, ut è Cicerone colligimus 3. *de Leg.* habuitque eadem insignia; Prætextam, videlicet, Curulem, & vi lictores. *Dio lib. 42.*
 & 43.

C A P. XVIII.

Census. Quando institutus. Itemque Censores, cur ita dicti. Tempus ejus Magistratus: insignia, dignitas, & munus.

Censum, rem saluberrimam populo Romano, primus instituit Servius Tullius, sextus inter Reges; nec Magistratum aliquem huic rei proprium adhibuit, sed exercuit ipse. Itaque Regium id munus habitum, iisque pullis, Consulare: donec, crescente paulatim imperio, Consules non fuere tot ferendis oneribus pares. Itaque cum intermissa diu *Censio* esset, (per xvii annos, inquit Dionysius) causa exorta desiderandi novi magistratus, & Senatu imprimis adnitente; creati *Censores*. Anno Urb. cccxi. Quibus id nomen ab ipsa re datum: sive, quod ad eorum censionem, id est, arbitrium, populus conferetur, ait Varro, *lib. 4. de L. L.* sive, quod quisque tanti rem suam æstimaret, quanti illi censuissent, ait Festus in voce *Censores*. Et sane ab censendis æstimandisque facultatibus primo dictos, verissimum est: quoniam potissima hæc creandi causa; & paulatim adjuncta cura morum. Itaque Græci etiam à taxatione verterunt *μυρταις*. Duo autem initio creati: totidem scilicet, quot Consules, quorum vicem etiam hac parte sustinebant. Et creati in annos quinque: nimirum, quia lustris duntaxat singulis censi populum verus institutum fuit. Sed tamen paulo post, cum dignitas & vis huic Magistratui crevisset, & nimis diuturnum id imperium videretur, lege Æmilia cautum (tulit eam Mamercus Æmilius Dictator, an. Urb. cccxxx.) ne plus quam annua & semeltris Censura esset: quod in posterum obtinuit: & creati quidem singulis quinquenniis; at non in quinque annos.

Amplius hæc tria fere servata in creatione eorum reperio. I. Ut è Consularibus essent; quod post bellum Punicum secundum semper obtinuit; ante, aliter interdum. II. Ut ne bis crearentur: quia onerosa populo futura videbatur iterata eorum potestas. III. Ut sine suffectione, id est, ut mortuo uno è Censoribus, neminem alium subrogari mos esset; immo illum ipsum statim abire magistratu, qui superesset; Livius clare notat *lib. 5. & 9.* & Plutarchus *prob. 50.* apud quos & causa.

Dignitas, hæc magna: nec vi quidem, sed honore tamen supra Consules ipsos: quorum omnia etiam insignia habebant præter lictores.

Munera

Munera eorum varia : sed trahi ad duo capita possunt, æstimationem facultatum & morum. Ex illa est, quod publicas privatarumque omnium opes describerent : populum iuxta eas in centurias & classes distribuerent : ubertim nobis in Livio explicatum (publicis, puta, prælectionibus.) Item quod vectigalia locabant, *Cic. 3. de Leg. Liv. 39. & 43. Plutarch. in Cat. Majore;* & iis per Provincias leges dabant, quæ *Censoriæ* appellatæ : *Cic. lib. 1. ad Attic. ep. 1. & Jurisconsulti;* opera publica erigebant, inspiciebant, probabant, hæc facta recta exigebant : (*Festus in v. PRODUIT. Liv. 42. & 45. Symmach. l. 1. ep. 6.*) vias publicas tuebantur; & reficiebant; quam curam in Urbe semper habuisse; extra Urbem paulo serius sumpsisse, (auctor Livius in *Epitoma lib. 41. in extremo;*) pretia denique sacrificiorum publicorum curabant; Plutarcho notatum in *Catone.* Ad morum vero æstimationem spectat, quod Senatu ejicere, equum adimere, tribu movere, ærarios facere potuerunt. Hæ enim fere animadversiones Censorum, & ignominia, quas inurebant. *Senatu ejicere* non aliud erat, quam initio Censuræ, cum Senatum legerent, nomen illius aut illius Senatoris in recitando præterire : quo velut tacito indicio censebantur loco moti, nec nomen eorum ultra in albo Senatorum. *Festus in PRÆTERITI. Liv. l. 34. Equi ademptio* ad alterum ordinem spectat, nempe ad Equites : quos (*Festus in CENSIO. Plutarch. in Pomp. Agellius lib. 4. Revardus lib. 2. Variar. cap. 15.*) in publica recensione moris erat ad Censorum sellas venire, equum manu ducentes : quos si probarent, PRÆTERIRE & traducere equum, solenni verbo jubebant; sin aliter, (*Valer. lib. 4. cap. 1. Liv. lib. 29. Ovid. 2. Trist. eleg. 1.*) equum adimebant, vendi jubebant. Tertia & quarta nota proprie ad plebeios pertinebat : quos aut tribu movebant, (id est, Livio interprete *l. 45.* mutare jubebant tribum, & ex honesta rusticaque in minus honestam sive urbanam transferebant :) aut ærarios relinquebant, id est, suffragii ferendi potestate privabant; at hoc tantum in numero civium, ut æra tributum nomine penderent. *Ascon. Pedian. in Divin. Cic. Id* appellabant in Cæritum tabulas referre. Causam in Agelio vide *lib. 16. cap. 13. Strab. lib. 5. Horat. lib. 2. epist. 6.* Adimebant ergo Censores quod cuique ordini summum est : Senatui curiam; Equiti publicum equum; Plebi tribum aut suffragium. Quod discrimen tamen ita capiendum, ut sciamus, interdum Senatorem aut Equitem gravius peccantem, plerisque his notis simul affectum : ita, inquam ut non præteriti solum, aut equi adempti sint; sed tribu etiam moti, & ærarii facti. Exemplum in *Valerio lib. 2. cap. 3.* & Livio : Apud quem turpis macula eluenda, & ærarius legendum, non operarius, distinctione etiam mutata, (*lib. 4. de Mamercio Æmil. & 44.*) His animadversionibus causæ semper subscriptæ : excipio præteritionem Senatorum; cui rationem adscribi, haud veteris instituti fuisse, Livius

Livius ostendit, *lib. 39.* Administrata hæc omnia in villa publica ; in campo Martio : usque ordine expletis, lustrum à Censoribus conditum, vota pro salute publica concipi, & sacrificium Suovetaurilium fieri. Manitque integra hæc Censuræ vis (firmum rei Romanæ vinculum) ad P. Clodii Tribunatum : qui imminuit vetuitque, aut in legendo Senatu quemquam præteriri, aut ex aliis ordinibus ignominia adfici ; nisi qui legitime accusatus, & damnatus. *Dio lib. 48. Cic. in Pison. & ibi Alcon. Padian.* Sed eam ipsam Clodii legem sustulit paulo post (An. Urb. DCCII.) Metellus Scipio Consul. veteri iterum & libera potestate Censoribus permitta. Quæ tamen sub Principibus iterum minuta, immo mortua : nisi quod longo intervallo revixisse in Decio viderur : de quo apud Politionem in Valeriano ; ubi & officia Censuræ distincte descripta : quæ utiliter legas. Conatus quoque eandem restituere Theodosius, sive Arcadius : sed à Senatu repudiata est, Symmacho adnitente & suadente, ut ipse fatetur, *lib. 4. Epist. 29. & 45. lib. 7. Epist. 9.*

C A P. XIX.

De interrege.

VERUS hic Magistratus ; creatusque proprie comitorum causa. Origo illi a morte Romuli. Et quia creatus per inter-regnum, mediusque inter duos Reges ; dictus *Interrex* : Græcis *μεταβασις*. Ejus creatio à Patribus tantum. Tempus quinquennale. Munus idem quod Consulum. Plura pete ab *Onuphrio, lib. 1. Fastorum.*

D E

MILITIA ROMANA.

MILITIAM Romanam cognoscere duplicis est fructus : Certi, & Incerti. *Certi* quidem, quod vera ea fax ad Historias, quarum vix alia materies, quam bella & pugnae. *Incerti*, quod & Duces hodierni aliquid ex iis fortasse haurient, ad suum & præsentem usum.

MILITIA

MILITIA EST MULTITUDO APTA ET COMPOSITA IN ARMIS, AD VIM FACIENDAM AUT ARCENDAM, SUB CERTA LEGE.

Partes ejus sunt *Quinque*.

I. DILECTUS.

II. ORDO.

III. ARMA.

IV. ACIES.

V. DISCIPLINA.

Quas singulas ordine, & totidem libris comprehendimus, perspicua brevitate.

LIBER I.

DE DILECTU.

DILECTUS Græcis est, *ερατολογία, κατάλογος*, & *καταγραφή*. Unde *κατάλογον ποιῆσαι, καταγραφὴν ποιῆσαι*. *Legere militem, scribere militem*, quia sic lecti in tabulas & codices referebantur, ut memoria nominum & stipendiorum publice extaret. Vox etiam alia huic rei ævo sequenti, *Adnummum*, vel *Adnummus*: quod non tam in dilectu, quam in recensu & adnumeratione militum, sub tempus stipendii aut largitionis, locum habet. Ad hanc ipsam rem, *Pittacia*; *Breves Laverculum, Matriculam*, reperies. Sicut autem scribebantur jam milites: ita debebantur non milites & rejecti. Solebant & mortuos ibi notare, & Thera suum adfigere.

In Dilectu tria spectanda. 1. QUI ELEGERINT.
2. QUOS. 3. QUOMODO.

1. Qui elegerint.

Designatis Consulibus; quod fiebat principio cujusque anni, Tribuni militum constituebantur, quorum duo genera, Juniores & Seniores: Juniores sunt Equites, quibus hoc datum, ut prius citiusque Tribuni fierent, quam plebei; post quina scilicet stipendia. Seniores, plebei, qui post dena stipendia Tribuni facti. Oportebat enim equitem dena stipendia implere, peditem vicena. Vicesimo militiæ anno dimissi, *Veterani* dicebantur; nam post vicena stipendia, honestam, vel causariam millionem consecuti, ita vocabantur. Erant autem Tribuni juniores, sive ex equite 14; ex plebe 10: quia plures habere voluerunt honestiores.

2. Quos

2. Quos legerint.

Dilectus duplex: CIVIUM, & SOCIORUM: Cives vel *pedites*, vel *Equites*.

DILECTUS PEDITUM.

Prima nota peditum legendorum ex Civibus erat *Ætas*: ab anno 17 initium militiæ, finis 50 erat. Militabant ergo ab anno 17, usque ad 46. Et quisque his 30 annis necessario implere cogebatur vicena stipendia. Ab honoribus & magistratu urbano exclusi, quia sua stipendia non fecissent. Hinc qui continuo militabat, implebat ea 37 anno; sed poterat: non debebat. Si quis vero, morbo vel casu impeditus, non impleisset 46 anno stipendia, non liber erat à militia, sed adhuc cogi poterat usque ad annum 50. qui plene liberabat, sive facta, sive infecta stipendia.

Altera nota legendorum erat *Census*: non enim viliores quosdam in militiam legebant, nec erat hoc inopiæ asylum; sed divites, honestos, & quos res privata rei quoque publicæ alligaret. Pauperes non nisi in necessitate aut tumultu lecti: sicut & servi; sed fere per civilia bella, cum Virtus & Honos jus suum ægre servant, paulatim tamen eo ventum, ut Proletarii, & Capiteceni in militiam vulgo scriberentur: item Libertini, & Liberti. Quinetiam pastores ferociiores in equites adsumptos legimus. In militia navali viliores legebantur, & fere libertini; quia talis militia semper habita vilior. An quia periculorum ibi plus, & metus etiam ignavæ mortis? An quia parum loci virtuti & robori militari? ars & nautæ pleraque administrant. An quia paulatim animos quoque dehoneſtat & corrumpit?

3. Quomodo elegerint.

MODUS Dilectus talis. Consules positis sellis curulibus, specie magistratus sedebant, præcipua dilectuum ipsi obeuntes, & summæ rei præidentes; Tribuni administrabant, & exsequebantur per partes. Diem publice prodicebant Consules; vel præconis voce, cum aliquid subitum, & scriptum videbatur tardum: vel scripto, cum res fuit ordinaria. Livius *Edictum* vocat. Sub ipsum vero conventus diem, signum ex arce tollebant, servabantque, donec is solutus.

Ipsæ dilectus fiebat in Capitolio, sive in ejus area, ut & alia, quæ ad bellum, illic agitata, in loco certe augusto & sacro, ut ante oculos religio & Jupiter obnoxios magis, fractionesque redderet ad parendum: sæpe enim hic controversiæ & turbæ. In campo dilectum

lectum habitum, tanquam novum notat Dionysius; sed eo factum, quo tribunitiæ intercessionibus ~~virescentur~~, quibus ibi non erat locus.

Eligebantur ex tribubus & classibus, ducta forte: vel ut æmulatione tolleretur, ne hæc illi post habita videretur: vel querela, ne ista, aut alia onerari, si forte dilectus non iret per omnes. Prædilectus Consulis, sedentibus Tribunis, militibus sejunctis & compo-
sitis, tribus vocata in centurias suas ivit, omisiss tamen senioribus, quos advocari in supervacuum nihil opus. Ex singulis tum centuriis, & pro censu, ac classe, milites citati nominatim. Itaque tabulæ ad manum, in quibus nomina, ætates, & opes scriptæ. Aliquando etiam sorte capri, raro tamen, nec nisi in re tumultus. In hac autem citatione servatum per religionem, ut primus miles boni nominis esset: captabant enim ex hoc omen; ut, *Valerius, Salvius, Statorius*, & similia. Dilectus hic etiam commodus & ingeniosus, non tamen semper & in omni bello observatus: Nam hoste vicino, aut repentino aliquo periculo imminente, mittebantur tribus, centurias, sortes & militem confuse ac raptim capiebant. Id genus *Subitarios* vocabant. Atque istos solebant scribere in tumultu, ita ut sine discrimine aut excusatione sæpe cogerentur juvenes senesque: ideoque fors adhibita, non electio, quia res festina.

Qui nominatim citabantur, interdum fuerunt Volentes, Proni, & Spontanei; interdum Refractarii. Proni in militiam fuerunt, cum aut Dux graciosus, aut bellum aliquod in spe lueri. Refractarii, qui detrectabant, & se subtrahebant: Illi respondere ad nomen, & accedere ad dilectum; Hi non respondere dicebantur: Illi non solum voce & responso, sed corpore & progressu se sistebant Tribunis; Hi tilebant, & se subtrahebant.

Refractariorum poena varia. Primo *Vincula*; itaque Consules prehendi eos jubebant, & in carcerem duci. Interdum *Virga* adhibita in contumaces, sed non nisi a Consulibus immodice severis. Nonnunquam damno affecti, & eorum *Bona direpta* & vendita. Imo vero interdum extrema poena affecti, & morte civili, id est, *Venundati in servitutem*. Infamia notati etiam, & ignominiosi facti, Refractarii. Has autem poenas sæpe Tribuni tardabant, aut tollebant: illi enim intercedebant, & de causis etiam cognoscebant, quamquam hæc cognitio erat proprie consularis. Itaque hac arte sæpe impediabant dilectus, cum aliquid Patribus vellent expressum. Hæc tamen Tribunorum licentia coercita interdum, præeunte Patrum decreto.

Causæ iustæ ad detrectandam militiam tres. Prima *Valutio*. Atque ea triplex. *Ab Ætate*, cum supra 50 annum aliquis erat, is, sive implevit sua stipendia, sive non implevit, vacabat. Vel *ab Honore*; ut si quis in magistratu, vel sacerdos, nec enim aut illi a rep. aut isti abducti a sacris. Vel *a Beneficio*, ut si cui Senatus, Populusque indulgisset. Factum id sæpe pro meritis, alias in annos,
alias

alias in ævum. Secunda causa *Emeritum* : qui enim 20 stipendia complevit, tuto nomen non dare poterat. Tertia *Morbus aut Vitium* ; nam & manci, & debiles, non habiles judicati ad militiam, & nominatim ii, quibus pollices aut digiti non essent, etiam in sinistra manu ; quia ea manus inepta tunc ad scutum tenendum, sicut dextra ad gladium. Quia vero nonnunquam fraudes interveniebant, ideo non statim accepta quæcunque causa, sed discussa ; sæpe, & plurimum ante bellum, interdum post illud. Interdum non solum dilata, sed & sublata causæ : hoc, in magno tumultu, & cum publicum discrimen : atque etiam alias in metu id factum, & causæ pro non causis. Sicque etiam ex *Causariis*, id est, quibus morbus, aut talis causa ; & ex senioribus lecti milites. Hinc *Causaria missio* dicitur.

DILECTUS EQUITUM.

Dilectus Equitum facilis fuit, quia ex uno corpore. Nam Censores jam ante equites a reliquis separabant, & in tabulis habebant hoc genus. Separabant ab opibus, quicunque enim quadraginta habebant, & vita non improbabatur, in equites referebant.

Equitum corpus duplex : alii equo publico, alii sine eo. Illi vetustissimi, ac proprie, ac soli olim Equites dicti, ab ipsa re, quia iis militares sive publici equi. Hinc *Equitare*, equo publico merere. Quibus vero publicus equus non esset, poterant etiam inter pedites merere. Illi vero accipiebant e publico pecuniam ad emendum equum, & ad alendum. Illam semel, hanc annuam. Ad emendum, dena millia, id est, Philippicos circiter 100. Ad alendum, bina millia, id est, Philippicos 20. Satis grandis utraque summa ; sed cogitandum, quod huic militiæ onera plura adjuncta, calones, alii equi aut muli ad sarcinas, tentoria, & cibatum ferendum.

Non tamen temere, aut omnes ad equum publicum rescripti, sed cum dilectu & examine morum. Itaque non Consul aut Imperator, sed Censor olim equum publicum iis assignabat, judex, scilicet morum. Atque ille ipse, cum jam haberent, recognoscebat, & si quid vitii in iis, adimebat. Postea id muneris Principes usurparunt. Ad hoc examen faciebat ipsa *Transvectio*, propria istorum Equitum pompa ; quæ & *Probatio* dicta Valerio Max. quia in ea examen & discussio vitæ. Ii per centurias & turmas divisi, ordine equis iniudentes vehuntur omnes, quasi e pugna venientes, ramis oleæ coronati, purpureas palmatas togas induti, quas *Trabeas* dicunt. Incipiunt autem ab æde Martis sita extra Urbem, (Plinius ab æde Honoris deducit, quæ & ipsa extra portam Collinam) transeuntesque tum alia loca Urbis, tum Forum, & Castorum ædem, prætereunt, interdum ad 5000 virorum, gerentes præmia & dona militaria quæcunque a Ducibus in bello acceperint. Egregium sane, dignumque magnitudine Imperii spectaculum. Ovidius verbo *Præterire* utitur

ad hanc rem. In hac ipsa Transvectione sæpe accusati, citati, imò ignominiose detracti; quod tamen Augustus fieri ultra interdixit. Quod si sine culpa erant, abibant, & equum traducebant: si aliter, sistebant, & jubebantur vendere equum. Solenne in utraque re utrumque verbum: *Traducere & Vendere equum*. Confectis stipendiis restituebant, & ad Censorem reducebant equum.

Sacramentum milit'æ.

Finita jam conscriptione, Tribuni suæ cujusque legionis milites congregantes, & unum ex omnibus maxime idoneum eligentes, sacramento adigunt: is singula juramenti verba concepit, & præiit, alii deinde secuti hoc saltem dicebant. *Jurare se idem*. Et hoc appellabant *Præjurationes facere*, cum ille præiret, & conceptis verbis ante alios juraret, alii secuti, in eadem verba jurantes, dicebant tantum, *Idem in me*. Jurabant autem viritum ut plurimum; an semper? dubium. Et jurabant, se Consules, ad quæcunque bella vocaverint, secuturos, neque signa deserturos, neque adversum Populum aliquid facturos; item conventuros se jussu Consulium, neque injussu abituros. Atque hoc iuramentum erat statim a conscriptione; aliud autem præstabant, jam milites & educendi, imò in ipsis jam castris: illud ad ipsam militiam, istud ad disciplinam pertinuit.

DILECTUS SOCIORUM.

Sociorum dilectus fiebat in Italia, cum sub hoc ipsum novorum Consulium tempus, magistratibus sociarum civitatum denunciabant Consules, ut milites darent, & significabant iis numerum, diem, locum, in quem convenire deberent, quos legerent.

Socii appellabantur, quasi confederati & consortes armorum. Erat autem discrimen inter Socios, & Auxilia. Socii, semper Italici: Auxiliares, externi. Illi semper gratis militarunt, id est, sine impendio Romanorum, si frumentum excipias: Hi mercenarii, & quanquam sæpe a Regibus missi suoque sumptu, tamen & pecunia etiam scripti. Socii autem proprie dicti, post Italiam civitate donatam desecerunt, & eorum vice Auxilia fuerunt, quæ ex variis gentibus lecta. Isti autem omnes e provincialibus: nam certis quibusdam bellicosisque populis non aliud loco tributum, quam militiam & viros imperabant: alii diffusiores & ditiores, utrumque sæpe dabant, & pecuniam, & militem: adeoque robur in his & numerus. Etli autem miles e subditis, non tamen dilectu eorum aut arbitrio capiendus. Romani, Centuriones aut peritos aliquos legendi mittebant, qui sæpe usui suo & compendio magis, quam publico serviebant. Sed & cum hæc aberant, dilectus ille per se gravis: trahebantur enim in diversas terras, ut magnitudo Imperii erat, atque illic longa militia fere consumebantur.

Indicebant autem militem pro numero & opibus, quas prope modum sciebant. Numerum quidem ex tabulis censoriis, quas probabile

probabile est Romæ quoque fuisse. Imo tandem ipsi Romani Censores censum illic egerunt: itaque pro Imperio rem hic gerebant, & tot aut tot milites imperabant. Jurabant autem Socii non in suos Præfectos tantum; sed & in Consules, & rem Romanam: opus enim fuit vinculo hoc & alio, ut cum pares viribus essent, ne quid novarent aut moverent in Romanos: denique oportuit subiectos omnes pariter esse uni Duci, ergo & in eum probabile jurasse. Auxilia tamen non jurabant. Singula oppida Sociorum Præfectos sive Prætores constituebant, qui jus aliquod in suos haberent, eosque observarent. Habuerunt etiam suos proprios Quæstores, seu Tribunos ærarios, & mercedis exhibitores; nam sua pecunia & omni sumptu militarunt Socii, præter frumentum, quod habuere à Romanis. Magna res hæc, & grande Imperii instrumentum, fidas volentesque tot habere manus, nec suam aperire ad largiendum. Prædæ duntaxat participes fuere, & si quid donorum aut adventitii lucelli.

De Evocatis.

Evocati, sæpe exercituum robur, ex civibus, ex sociis; ex equite, ex pedite sumebantur, sed rogatione & precibus, atque ideo *Evocati* dicti. Erant enim veterani, gnari, prudentesque militiæ, qui expletis stipendiis sæpe in Consulum & Ducum gratiam militiam sumebant. Et quia sæpe literis aut nunciis nominatim evocabantur, inde habuere nomen. Græcis ἀνάκλητοι, quasi Revocati, quod defuncti militia, iterum ad eam revocentur. Plerique Evocatorum è Beneficiariis esse solebant, qui nimirum beneficio Imperatoris ad gradus aut commoda promoti, item agris & immunitate donati magis obstricti. Horum propria quædam & seorsim manus fuit, per cohortes quidem aut centurias disposita, sed tamen sub uno vexillo. Immunes erant Evocati operum, ut ab excubiis, operibus valli, & castrorum, quasi Centuriones & principales milites. Sæpe etiam ordines ducebant; ideoque singuli velut Centuriones fuere, & hoc honore ac insignibus affecti. Hinc etiam vites gestabant, proprium Centurionum gestamen. Et quia Centurionibus comparati, interdum etiam miscebantur, & cum iis confundebantur: quin & cum Legatis, quasi honestissimi, jungebantur. Honestum itaque omnino genus Evocatorum; plerique pedites, sed & equites.

De Conquistoribus.

Ad dilectum adhibiti *Conquistores*, crebrum munus post bellum sociale. Si fuerunt, qui in agros & extra urbem missi ad indagandam & conquiendam juventutem, atque ab ea re dicti. Multi enim sæpe aut suo metu, aut parentum timido amore latitabant, ad eruendos eos & conducendos, isti. Interdum huic rei creati Triumviri. Usurparunt & exteri,

Dilectus externus.

Erat alia quoque ratio Dilectus ; cum enim ex tota Italia scribebantur legiones, nec omnes illi tam diffiti uno tempore Romam venire possent, in regionibus militem scribebant, & per honestiores quosdam, ut Senatores & Legatos, dilectus habebatur.

Sub Principibus jam nec dilectus erat, sed indictio militum, pro opibus cujusque & agris. Res improba, & ad perniciem militiæ germanæ inventa. Partim enim ignavos, aut ineptos tirones dabant : partim pro iis aurum inferebant, & mille hic prædandi finis & artes. Itaque eo ventum, ut etiam servitia & vilia capita darentur, etsi leges reprimere conarentur. Olim istis fraudibus nullus locus, cum ex ingenuis milites scripti, atque iis non crimine, non infamia aspersis ; nam hi tales aut urbe, aut tribu movebantur : è tribubus autem, atque iis honestioribus, fere miles lectus. At sub Principibus etiam ergastula intrudere cœperunt. Et quid mirum ? ipsi eos habuere quasi servos. Nam tirones jam captos compungebant, & in cute signabant. Vera hæc stigmata erant, & quidem manibus impressa militum. Inscribebatur autem nomen Imperatoris : unde D. Augustinus *Regium Characterem* appellat. Chrysostomus *σπειρίδα*. Duplex autem istis ritus : & de servis, qui compungi solebant dominico nomine, ut agnoscerentur : & de militibus, qui præferre Imperatorem. Petium hoc videtur vel ab eo, quod olim nomen Imperatoris in scutis, hastis, vexillis, solitum inscribi, atque eo exemplo tunc in cute : Vel à sacris ; quos enim Deo alicui consecrabant & initiabant, hos stigmatibus inurebant. Potuit igitur exemplo quodam parvæ religionis primo hoc induci, ut talis quasi consecratus militiæ ostenderetur ; tum etiam ab hac causa, ut agnosci posset, nec latitaret.

LIBER II.

DE ORDINE.

ORDO Militiæ varius, & in MILITIBUS, atque in DUCIBUS. In Militibus dupliciter considerandus, secundum *Genera*, & per *Partes*. Genera sunt discrimina illa militum diffusa per plerasque partes. At Partes, ipsæ divisiones, ac sub certis signis ac Ducibus distributiones.

ORDINES PEDITUM PER GENERA.

Genera igitur Peditum sunt quatuor : *Velites, Hastati, Principes, Triarii*.

VELITES erant vilissimi, quique, & ætate & opibus exigui, in isto minimo genere militabant : alterutro tantum, non item.
Nam

Nam pauper, sed ævo & usu vetus, in Triarios translatus videtur: dives, sed annis modicus, in Hastatos transcriptus. Nisi igitur valde pauperes & infimarum classium, inter Velites non militarunt: quia non solum parum honorata hæc militia, (quippe leves, & eminus fere pugnabant) sed etiam quia parum tuta, nam pene inermes in fronte plurimum exponebantur hosti.

HASTATI dicti, quod primo hastis pugnarent. Id olim; postea mutatum, manente nomine; atque pilis & gladiis pugnabant; hastæ jaculatoriæ apud Velites solos remanserunt. Sunt & alii Hastati, qui stabilibus hastis & contis pugnabant: quod ævo sequenti factum. Hastati, juvenes erant & adolescentes, ut Principes viri, aut viris proximi; & Triarii grandes & maturi.

PRINCIPIES, qui à principio gladiis pugnabant, unde & nomen. Postea alii minus illustres sumpti in eum locum, nempe Hastati.

TRIARII, sic dicti ab ordine: quod in acie tertio ordine extremis subsidio deponuntur. Est in Glossis *Tertiarius* ἰσθρῶς, quasi *subseffor*, & in vicem locumque paratus: Subsidebant enim ipsi Triarii pressio altero genu. Dicti etiam *Pilani*, quod pilis pugnarent; & totus ille ordo *Pilus* vocatus. Imo etiam dicti, *Armites*, ἀρμιται ἢ ἐν ἰσθρῶν τάξῃ.

Triarii in legione 600 erant, idque semper, & legionibus etiam auctis, ipsi non augent. Causæ plures; quod robora hæc, & flos ipse virorum; ideo si non numero, tamen virtute æquarent; quod raro aut nunquam hæc pars sola pugnabat, sed in extremo demum integrabat aciem aliis admixta; quod ob adjunctas etiam alias copias fuit iusta acies. *Principes* erant 1200. *Hastati* totidem; reliqui, & ætate minimi, *Velites*: qui singuli cum legione augebantur proportionem.

ORDINES PEDITUM PER PARTES.

Singulæ hæ ætates five Genera, exceptis Velitibus, à Tribunis & Centurionibus dividebantur in x Partes. Hæ Partes MANIPULI dicti: ex iis COHORTES, ex his LEGIO tota. Sunt enim in Legione Centuriæ 60, Manipuli 30, Cohortes 10. Velitum nec Manipuli proprie nec Signa fuere: itaque Subsignanus, miles diversus ab hoc Levi. Velites autem sparsi Manipulos. Hinc ipsis Centuriones aliorum Manipulorum; etsi raro in agmine aut acie sic incessere: & fere solebant præmitti, ad incerta & occulta viarum exploranda: in acie quoque aliter locari, & abjungi à gravioribus.

De Manipulo.

ORDO est dimidiata pars Manipuli: nam duo Centuriones erant in Manipulo, & unicuique sua pars assignata quam duceret; quæ vocata *Centuria*, five *Ordo*. Is in veteri Legione fuit 60 militum. Hinc *Ordines petere, impetrare*: ita *Ordinis ductor*, pro Centurione. Prima divisio fuit in *Manipulos*, Græcis *οὐνίαι*, quæ

diutissime in militia mansit. Sed labente Imperio mutavit, & Centurias pro Manipulis habere cœperunt; Manipulos pro Contuberniis aut Decuriis ipsis Manipulorum vetustas statim ab Urbe condita, imo ante ipsam fuit.

De Cohorte.

Ex Manipulis conficitur *Cohors*. Ea vox Græcanica est; quod clausum vel septum in anteriore domo vel villa *χορὸν* illi dixerunt. Latini *Cohortem*, vel *Chortem*; nam & sic scribebant. Martial. *Rauca Chortis aves*. Cohors habuit tres Manipulos, Hastatos, Principes, Triarios: adde & Velites, qui manipulos solebant comitari. Fuit igitur iusta & plena Cohors legionaria, homines 420. Si pleniores Manipuli & Legiones, plenior & ipsa; & inde Cohortes quingenarias, & sexcenarias legimus. Græci Cohortem vulgo vocant *στρατήν*, ut & Ennius usurpavit. Suidas *Spiras* interpretatur *Numeros*. Cohortes omnes in Legionibus erant numero æquales, quia & Manipuli tales. Sed quia primæ dignitas aliqua attribuitur, id non à numero, sed à splendore & primatu fuit, quod primi in ea Centuriones generis cuiusque, & forsitan flos aliquis & electio virorum.

Erat & quædam *Cohors Prætoria*, velut extra ordinem, edecumata & grandis, quæ à Prætore non discederet; à Scipione Africano instituta. In hoc genus fere adoptari & adscripti amici & voluntarii; etsi alii fortibus potius viris implebant. Hi dicti Prætoriani; eorum arma thoraces squamei, & scura imbricata. Veteres unam solam habebant Cohortem Prætoriam, postea per bella civilia auctæ. Augustus Roma circa se habuit novem Prætorias Cohortes, firmamentum imperii, & postea pestem. Talis fuit apud Macedones Cohors Regia.

De Legione.

Ex 10 Cohortibus fit *Legio*, sic dicta, quod leguntur milites in dilectum. Instituta à Romulo hominum 3000. Regibus eiectionis fuit 4000. Bello Annibalis ad 5000 ventum. A Scipione denique in Africam trajecturo 6000 facta. Legio varie dicta. Græci veteres *σπαρτάμην*, *σπαρτάμνη*, & creberrime *τάγμα*, dixerunt: novelli etiam *σῖμα*; iidem & *τάλμα* & *τάχμα*. Sic & Latini *Murum* dixerunt apud Vegetium. *Numeri* pro Legionibus Tacito: *Ordines* Hegeippo: *Virtutes* Paulo Diacono, quod tamen communius pro copiis & robore militari.

Communis agnominatio Legionum à numero fuit, idque discretionis causa, ut diceretur *Prima*, *Secunda*, *Tertia*, &c. Id autem ab ordine temporis & dilectus, quo conscriptæ. Sed fuerunt & alia passim legionum cognomina. Ab Imperatoribus *Augusta*, *Claudia*, *Flavia*. A locis hibernorum, ut *Gallica*, *Cyrenaica*, *Seythica*, *Macedonica*, *Egyptiaca*, *Germanica*, *Italica*, &c. A Diis cultis, *Apollinaria*, *Minervia*. Ab armorum præstantia, *Ferrata*, quæ tota

tota è ferro. A loco, *Fretenfis*, freto affita. Ab insigni forte scuto-
rum, *Fulminatrix*. Item, *Vitrix*, *Gemina*, *Valens*, *Adjutrix*,
Pia, *Fidelis*, *Felix*, &c.

ORDINES EQUITUM.

Equitum divisio fuit in 10 Turmas. *Turma* dicta quasi *Terma*, quia ter denos habuit equites. Erant autem in Legione *Turmæ* tri-
cenariæ 10. seu equites 3000. Sunt ergo *Turmæ* in *Ala*, quot *Co-*
hortes in Legione; & *Decuriæ*, quot *Manipuli*; ternæ enim in
Turma.

DIVISIO SOCIORUM.

Socii dicebantur *Alæ*, seu *Cornua*, quia plurimum ut *alæ* in avi-
bus, corpus illud Legionum tegebant Socii; hinc *Ala dextra*, &
sinistra; *Cornu dextrum*, & *sinistrum*. Habebat *Ala* Equites &
Pedites.

Equites numero duplo; quia late Socii per oppida & agros sparsi,
eoque facilius habere iis equos & tolerare; at Romani, nec censu
multi nimis equites tunc erant, & in una urbe haud tam commode
habebant. Erant ergo 600. Detracta autem tertia parte Extraor-
dinariorum, erant non nili 400. Hic quoque numerus *Ala* dictus;
& illi ipsi Equites, *Alares*. Erant ergo duplices: *Extraordinarii*,
qui sunt 200. ex his una *turma*, id est 40. *Ablecti*, qui sunt electi
& excerpti. *Alares*, qui sunt 400, dividuntur in 10 *Turmas*, sin-
gulas hominum 40. Nam *Turmæ* Sociales *decuria* una excedebant
Civiles. Ita in Consulari exercitu duas *Turmas* habebat Consul:
relique erant *Turmæ* Extraordinariorum, 4, & iterum 4, ex utra-
que *Ala*.

Pedites vero ut plurimum 4200 *Ala* habebat. Horum pars quinta
Extraordinarii, numero 840: & hi electi & excerpti; sicut *Ordin-*
arii, qui sunt in vulgo, sunt *Cohortes* 2, hominum 336; & una
dimidiata, hominum 168. In *Ablectos*, qui semper juxta *Consu-*
lem: in via, in castris, in pugna, velut satellites quidam aut cu-
stodes; reliqui *Alares*, numero 3360 diviti; vel in *Manipulos* &
Genera, ritu Civium; vel duntaxat in *Centurias* & *Cohortes*. *Co-*
hortes singulæ 336, minores quam Civiles.

DE DUCIBUS.

Duces sunt duorum generum. *Proprii*, qui certæ alicui & uni
parti præsunt: *Communes*, qui communiter omnibus. In illo ge-
nere sunt CENTURIONES, & TRIBUNI: In isto
LEGATI, & IMPERATOR.

DE CENTURIONIBUS.

Centuriones Consulum jussu aut permissu à Tribunis electi, ex
suo quisque genere: sæpe tamen virtutis causa e genere in genus
ad honestiores ordines transirebantur. His assignabantur ordines
per eosdem Tribunos. Promovebantur ad id munus, virtutis causa,
tam animi, quam corporis, sed maxime militaris. Hinc *Promotus*,

in hac re velut propria vox, & *Promotio*. Promotus, *περὶ ἡλίου πρὸς Ῥωμαίους*, qui provehitur, & ascendit apud Romanos. A fortibus ergo factis promotio. Et hoc milites reddebat fortes. Paulatim ipsi Principes cœperunt ordines inter beneficia dare, & ab iis petebantur. Quin & census habita ratio, & quidam ditiores statim ab initio Centuriones facti, sine aliis militiæ rudimentis. Quid, quod etiam aliter facti per opes? emebant: sed hoc apud turpes.

Electio Centurionum duplex: Prima electione eligebantur 30. Toridem altera: nempe ex quoque numero, genere, itu seu Manipulo decem. Qui primo electus, nempe *Primipilus*, plurimus eminuit; etiam eo, quod more & jure ad consilium militare venit, in quod primo omnium Legati veniendi jus habebant, & Tribuni; igitur parte quadam istis æquabatur. Interdum plerique omnes Centuriones advocati in consilium, sed pro tempore ac arbitrio Ducis magis, quam more. Interdum & Equites admixti, digniores scilicet militum, & Centurionibus æquandi. Insigne Centurionum, erat viris.

Centuriones jam electi, rursus sibi eligunt Uragos, qui sunt vel agminis coactores, qui a fine & a tergo curant, vel verius Optiones: erant enim hi Subidia, & velut Vicarii Centurionum. Olim, cum a Tribuno darentur, *Accensi* sunt dicti; sed postquam Centurioni optandi eligendique jus fuit, *Optiones*; ex facto, nomine sumpto: dicti etiam *Succenturiones*. Fuerunt ergo Centuriones 60, & totidem Succenturiones, seu Optiones.

Iidem eligebant etiam duos vigore animi & corporis præstantes Signiferos. Et quamvis unum tantum videtur fuisse Vexillum in Manipulo, duo tamen erant Vexillarii aut Signiferi, ut alter alterius vicem obiret in defatigatione (gravia enim hæc Signa,) aut etiam in morbo.

Ordo autem Centurionum triplex: A numero, A genere, A situ. *A numero* est, qui in ipsis Manipulis aut Cohortibus; & ut illi atque istæ, non nisi decem, sic Centuriones: a primo ad hunc numerum descenditur, nec itur infra. *A genere*, qui in ipsa cohorte una spectatur, & honestior Centurionum ille, qui in eo honestiore. *A situ* denique, quod eos, qui ejusdem numeri, generis, imo manipuli sunt, spectat ut dignior sit, qui primus electus in electione priore. Duæ enim sunt electiones (uti dixi) Priore eligebant Centuriones 30. nempe in quoque genere 10. tum iterum 30. eadem divisione. Ergo omnes, qui primi, secundi, tertii, in tali genere, in tali manipulo, priore electione dicti, ii præerant dextræ centuriæ, & hoc aspectu in eodem numero, genere, manipulo, digniores. Sic hastatus primus, pro Centurione in primo ordine seu manipulo Hastati. Sic primus Princeps, prioris centuriæ.

Promo-

Promovebantur Centuriones non saltu, sed gradu, & ab infimis ordinibus perveniebant lento pede ad primos. Et hæc promotio per Cohortes & Manipulos fiebat, hoc modo: Erant 10 Cohortes, infima decima, & in ea 3 Manipuli, in quoque horum duo Centuriones. Isti omnes numero pares, genere impares: Ideoque prima promotio in eodem numero & Cohorte, à Manipulo ad Manipulum, sive à genere ad genus fuit; puta, à decimo hastato ad decimum principem, ab isto ad decimum pilum. Tum expleta ea cohorte, numero ascendebant, fiebantque noni, mox octavi, & denique primi. Cum jam illic, à primo hastato ad primum principem, à primo principe ad primum pilum ibant. Virtutis tamen hic sæpe respectus, & ea eximia ad primos etiam locos saltu traducebat. Arcanum, & utile militiæ firmamentum. Sic etiam de legione in legionem traduci soliti aliquando. Primi ergo ordines sunt illi Centuriones in prima cohorte: Primus hastatus uterque: Primus princeps: Primus pilus. Nec aliter intelligendum, si legitur, *Centuriones primorum ordinum*, vel compendio quodam, *Primi ordines*, pro ipsi Centurionibus talium ordinum.

De Primopilo.

Primopilus varie appellabatur: *Centurio primi pili*, & *Primipilus*, *Primopilus* simpliciter, vocibus junctis. Item absolute *Primus Centurio*, ἡγεμὼν τῆ πρώτης, Dux aut Princeps legionis, στρατάρχης τῆ πρώτης, Præfectus legionis. Erat enim ipse caput & ductor omnium Centurionum. Etiam in Collegam suum, sinistrum Primopilum, jus aliquod habebat; nam hæc de dextro accipienda, & summo, nili tamen imperium hoc inhibuere per vices. Imperabat quidem suæ duntaxat centuriæ, sed quia mandata Imperatoris, aut Tribunorum sæpe per illum edebantur in vulgus, etiam in acie, in agmine, illum aspectabant, & ad ejus nutum listebant, aut procedebant, ideo quia Aquilam regebat, primum signum. Et ita præerat Aquilæ, ut etiam sub iter ipse evelleret refixam, & Signifero suo in manum daret: quin etiam in ipsa acie assistebat, & tuebatur. Quia igitur Aquila in Primipili tutela, & ei velut assignata, inde manavit; ut Aquila pro ipso illo munere & Primopilatu usurparetur.

Huic muneri non modo dignitas, sed & opes adjunctæ. Etenim præmia Primopili in pecunia primum, quam certam iis definivit Augustus, signate tetigit Papinianus, 300 aureos; fortasse pro censu equestri: Certe adjunctus is honos, & pro Equitibus erant, qui Primopilatu functi, dicebanturque *Primopilares*, vel *Primopilarii*. In Codice Justiniani & Theodosii, Primipili munus miniisterium magis fuit, quàm honos: sic enim dicti, qui ad pascendos milites solenniter ad limitem destinantur. Quia tamen olim Primopilatus quiddam eximium, petitus ambitiose & repetitus: atque adeo Tribuni ipsi, postquam defuncti, capiebant.

DE TRIBUNIS.

Sequuntur *Tribuni*, qui ut Centuriones Manipulis, sic isti toti Legioni præfuerunt. Græci à similitudine quadam, non à veritate, vocant *χιλίαρχαι*. Millenarios duces: quales erant in exercitibus Macedonum, unde ad Romanam militiam traducti.

Tribuni feni in quaque Legione erant. Creavit eos primo Romulus, ejusque exemplo Reges & Consules, donec & Populus in hunc honorem jus & suffragium sibi sumpsit; quod factum primo circa annum U. C. 393. Cum vero minus idonei crearentur per ambitum & gratiam, Populus exclusus. Id autem non diuturnum: Populus jus repetiit, ita ut parem numerum Tribunorum Consules & Populus crearent. Qui à Populo creabantur, digniores habiti, & dicti *Comitiati*, quia Romæ in Comitibus designabantur: qui à Consulibus in exercitu creabantur, dicti *Rutili*, postea *Rufali*. Prætores, aut Consules, aut qui pro iis, sæpe in provinciis creabantur Tribunos; & isti in annos mutabantur.

Tribunorum duplex genus: Equites, & Plebei. Plures ex Equitibus, etiam non raro ex Senatoribus, præsertim graviore bello; alioquin contra, gradus hic ad senatorium ordinem erat. Atque hinc discrimen Tribunorum, ut quidam *Laticlavii*, quidam *Angusticlavii*: illi, qui ex Senatu; isti, qui ex Equite nati. Laticlavorum præstantior ordo. Utrumque genus ambitiose petitur, & datum, & quo pluribus gratificari possent, factum semestire. Hinc *Semestre aurum*, dicitur juvenalis, quia etiam annulo aureo utebantur Tribuni. Vox deinde Tribuni laxa notione usurpari cœpta & in variam administrationem aut præfecturam, ut *Tribunus stabuli*, *fabricæ*, *voluptatum*, &c.

Munia Tribunorum erant, jus dicere, & de capite cognoscere: signum excubiis dare, vigilias curare, munitiones, exercitia alia.

Tribunorum ornamenta aureus annulus, quo ceteros milites non fas uti, sed ferreis tantum. Equites quoque gestabant annulos aureos, quia pari pene loco & dignitate cum Tribunis erant. Hoc tamen discrimen diu post sustulit Severus Imperator, qui inter alia militibus indulsit aureis annulis uti. Alterum insignis in veste fuit, quam paulo splendidiorem gessisse Tribunos, vero est simile, sicut & ipsos Centuriones. Sub Augusto, & deinceps, tunica lati clavi fuit Tribunis iis, qui Senatorii gradus aut stirpis essent. Fuerunt etiam postea iisdem Apparitores, sed ab Alexandro Principe sublati.

DE DUCIBUS EQUITUM ET SOCIORUM.

Equites Civium in x Turmas dividerunt; ex unaquaque 3 sumunt, futuros Duces seu Decuriones. Sunt igitur 30 Duces in decem Turmis. Tot autem sunt Turmæ, quot Cohortes; tot Decuriæ, quot Manipuli. Duces igitur etiam totidem, nisi hoc discrimine, quod Turma unum, non geminos, ut Manipulus, haberet. Hi sibi assum-

mebant

mebant 3 Uragos, seu Optiones : nam Optio etiam in Equitibus , & Optionatus ipsum munus.

Turma tres Decuriæ sunt ; & qui Decuriæ præest, *Decurio* dicitur. Mutatum tamen in numero, nec tres, sed una tantum, nomine prisco retento : ut enim illa ætas Manipulos in pedite sustulit, sic etiam in eque Decuriones neglexit. Sic quæque turma unum Signum habuit, non quæque Decuria aut Dux, ut in pedite factum. Erat tamen ordo in Turmis & Decurionibus talis, qualem de pedibus diximus. Cum primus non adest, secundus vices ejus supplet.

Socios ordinabant *Præfecti*, sicut Cives Tribuni, & ipsi Præfecti à Consulibus Constituti : quod valde ad rem Romanam & securitatem pertinuit, & contra omnem motum & rebellionem e re fuit, ut Sociis Duces præcipuos darent Romani, non altos scilicet, aut animorum plenos, suspectos, aut parum fideliter Romanos. Præfecti hi ut numero, sic jure & potestate Tribunis pares, & qui eadem omnia in Socios usurpabant, quæ isti in Cives.

DE LEGATIS.

Legati Imperatoribus adjuncti ; primo non tam ad imperandum, quam ad consulendum instituti ac missi. Missi dico ; quia hinc videtur ipsum nomen *Legati*, quod Senatus quosdam e primoribus in castra ad Ducem legabat militiæ gnaros, quorum opera & consilio uteretur. Magna erat Legatorum *dignitas* ; habebant enim potestatem Imperatoris, venerationem vero Sacerdotis. Jam olim in re Romana fuerunt, & quidem supra Tribunos, electi ab ipsis Consulibus ; ita tamen, ut consilium consensuque Patrum intervenerit.

Munus eorum, consulere, administrare, præesse, & uno verbo, vicariam operam Imperatori dare. Cicero appellat Nuncios pacis ac belli, Curatores, Interpretes, bellici consilii Auctores, Ministros muneris provincialis.

Larga eorundem *potestas*, sed tamen Imperatori devincta, eique obnoxia. Interdum etiam imperant, & Imperii insignia sumunt, cum obtinent fiduciariam operam Imperatoris, eam scilicet, quæ revocatur, cum vult is, qui dedit ; propriam enim & à se non habent. Cum absens Consul aut Proconsul ; & Legatus, ejus vicem sustineret, etiam lictores & secures habuisse legimus.

Numerus Legatorum incertus. Plures paucioresque fuerunt in legionibus, ut Senatui visum, & ut bellum, aut res poscebat. Plurimque tamen pro numero legionum attributi ; singulis singuli.

Sub Principibus duo genera Legatorum facta, *Consulares*, & *Prætorii* : quorum illi toti exercitui præessent ; isti legionibus singulis, idque Augusti invento. Quali enim unus ille jam Imperator esset, rem administrabat per Legatos, nec aliter dicebantur : eoque nec triumphi jus habebant, cum omnia gererent auspiciis alienis.

alienis. Legati Consulares, etiam simpliciter *Consulares* dicti. Prætorii, etiam *Legati legionum*. Legati ipsi postea *Duces* Latini dicti.

DE IMPERATORE.

Supremus ac communissimus Ducum, ipse *Imperator*, à quo Cives, Socii, Equites, Pedites, denique omnes & omnia pendent. Ille est, qui non solum ductum, sed auspicia etiam habuit (distincta enim ista) *Ducum*, cum ipse interfuit: *Auspicia*, cum alius rem gessit illo mandante, & Fortunam ac Deos suos commodante. Nam sic loquebantur. *Suos Divos præbere*, *Suos Deos dare*, id est, dirigere & jubere. Sumptum autem à more veteri, quo omnia gesta auspiciato, præsertim in bellis. Nec alio fine in castris ipsum Augurale, & juxta Prætorium, situm. Hæc olim ita, & serio servata; postea non nisi imago & nomen mansit, cum pleraque jam à Proconsulibus, aut Proprætoribus administrarentur, quibus auspicia nulla. Nam soli magistratus ea habebant, eaque domo, Latinis feriis actis, sacrificio in monte perfecto, votis rite nuncupatis, secum ferebant: nec privatum auspicia sequebantur. Atque adeo *Auspicium* simpliciter pro Imperio Tacitus posuit.

Imperatoris insignia fuere lictores cum fascibus, atque ii paludati. Ita enim ad bellum egredi solebant: quin & ipse Dux paludatus. Etiam tubæ tunc incinuerunt, & ad eas facta processio. *Paludamentum* Varro dixit insignia & ornamenta militaria. Dictum etiam *Sagum*, & *Sagulum*; in ipso Imperatore etiam *Chlamys*. Nec solum Imperatorum erat Paludamentum, sed etiam tribuitur aliis militibus. Hinc apud Lucilium *Rorarius paludatus* legitur. Forma paludamenti erat, ut extrema longitudinis essent utrimque angusta, imis latioribus. Color ejus eximius, & quidem e cocco. Ab hoc colore *Puniceum* dixerunt, sive *Punicum*, pro paludamento. Erat etiam album, quo interdum usi, sed crebrius cocceo. Imperatores inter vota & immolationes exhibant, & tunc vestem hanc capiebant; quæ processio etiam celebris esse solebat frequentia deducentium prosequentiumque.

In equis Imperatoris tale aliquid usurpatum, iique unus vel plures, ornati insignibus militaribus, phaleris, & auro, fortassis & coccineo strato. Simile quid apud Græcos, & in Regibus erat, qui sic ornatos equos habebant.

LIBER III.

DE ARMIS.

A R M A duplicia : Ad petendum, Ad tegendum. Illa proprie *Tela*, & hæc *Arma*. Nos cum Polybio Milites secundum Genera armabimus, ut primo sua arma habeant Velites, five levis armatura ; tum reliqui : & utraque illa mixtim.

DE LEVI ARMATURA.

Commune nomen Levis Armaturæ est. *Ferentarii*, à ferendis armis dicti. Horum autem Levium militum plura genera five partes, *Rorarii*, *Accensi*, & quos hic *Velites* dicimus. Illi priores duo in veteri Levi armatura fuerunt ; isti postremi in nova. Et notandum est, novum totum istud de Velitibus fuisse : & antea Funditores, Jaculatores, Sagittarii, & id genus in usu ; quos duobus illis nominibus, Rorariorum, & Accensorum dicebant. Manseruntque illi ad bellum Punicum Secundum : quo Velites instituti A. U. C. 542. ante perraro id nomen in Romana re legitur ; sed Velitibus usi sunt ante Romanos Galli & Germani. Et hæc Velitum origo, qui post Cæsaris ævum desierunt, & vox deinde usurpata pro Levi milite.

RORARII & ACCENSI erant, qui è Levi armatura primi prælium committebant : Illi quidem sic dicti, quod, ut ante imbrem fere rorare solet, sic illi ante Gravem armaturam prodibant : Hi vero, quod ad censum legionum adjicerentur. Stabant autem Rorarii (uti etiam Accensi) in fine, & à tergo agminis post Triarios, donec pugna cœpta, tum procurrebant, & eminus inter ordines pugnabant. Utrumque autem hoc genus, natis Velitibus, defivit, postea tamen iterum in Funditoribus, & Sagittariis, quasi surrexit. Nam Romani, promoti jam Imperio, Sociis in Civitatem acceptis, provinciis variis subiectis, Velites è suis scribere omiserunt, eorum loco usi Funditoribus, Sagittariis, Jaculatoribus, quos Baleares, Cretenses, Numidæ, & id genus nationes subministrabant : qui tamen inermes fuere plurimum, ut illi prisca. Sagula habebant & cingula super femora. Talem pictum utcumque damus, qui sagulo aut chlamyda reducta, lapides sinu præfert. Sed & alium etiam diligentius paulo armatum, cui galea, scutum lunatum, & ocrea una. Hi tales autem rari.

Pa. 46.



ARMA VELITUM.

Velitum^{us} arma 1. GLADIUS, 2. HASTA, 3. PARMA,
4. GALEA, sive tegmen capitis.

1. De Gladio.

Gladius, Hispaniensis, qui aliis quoque militibus, & infra mox describetur.

2. De Hasta.

HASTÆ, vel Hastulæ numero 7, ex tenui ligno, ut hodiernæ sagittæ; septena enim illa manum implebant. Istæ hastæ, quia sua quadam forma, & minores, discretim ab aliis dictæ Hastæ *velitares*, Græcis *ῥεσσοειδής*, telum ipsum; & *ῥεσσοειδής*, Velites dicuntur, quorum primum & præcipuum munus, jacula i. Hastæ hæ erant longitudine tripedum, digitali crassitie, ferro molli, 12 digitorum, unde primo jactu statim inflectebantur, ut hostes retorquere non possent.

3. De

3. De Parma.

PARMA è ligno, corio superinducto, erat rotunda : hinc nomen, quod à medio in omnes partes par ; tripedalem habuit dimensionem.

4. De Galea Velitum.

GALEA, aut Galerus, è pelle aut lana tegmen capitis erat Veliti, non ex ære aut ferro. Sic enim distinguitur Galea à Casside, quia illa de corio est, hæc de lamina : & vox ipsa præfert, nam ἄλλο γὰρ γάλιν, à felle, aut mustela. Sane prisca tegmina fere capiebant à feris ; unde in Homero ἰκτίνην, κατὰ τὰ τοῦ αἰῶνος, mustelinam, caninam, taurinam, caprinam. Et in Suida ἀλώπηξ, ἢ φαεινὰ λαία. Vulpina, ipsa galea. Sic dictæ ; quia à talibus animalibus captae. Ipsas etiam leoninas exuvias sumebant, & sic aptabant, ut caput capitè velarent ; cæteris humeros, & dorsum : & Romani in sua militia vulgo usurparunt. Nam in columna Trajani omnes signiferi in hoc habitu cum pelle leonis, quæ caput, humeros, dorsum, tegat, & cauda pedes flagellet. Non sic tamen in nostro Velite, cui galea tantum ex tali aliquo tegmine ; & sæpe lupo, Romana fera, & Romuli nutrice ; alias ex urso, aut tali fera. Afri è serpente. Hæc talia tegmina appellant Galeror, Galericulos, Cudones. Galeis è corio etiam usi Græci, aut finitimi, ut Paphlagones, Macedones. Legitur etiam Galea venatoria, pro hoc sensu.


A Velitibus haud longe absunt Græcorum Pelastæ, sive Cetrati. Hac occasione videndum quid Cetra, quid Pelta.

De Cetra, & Pelta.

CETRAS, sive Citras Afri sua scuta dicebant, atque eas varie pingere aut cælare solebant. Tales hodie Mauri gestant, sed majusculas, & formatas fere in cor humanum. Britannis etiam hæc scuta tribuit Tacitus. Hujusmodi quoque fuerunt Hispanorum, qui vel maxime Cetris usi, iisque pulsatis rhythmicè & cantu saltuque, hostem invaserunt, pene Laconum ritu, qui ad tibiam & numeros ingressi & congressi. Galli, Germanique etiam cantum ac saltationem adhibuerunt. Cetræ passim pro Pelta etiam sumunt, & pro ea Latini reddunt.

PELTA autem inventum Iphicratis, cujus forma non longe à Romana & velitari Parma, etiam fortasse haud usquequaque sit rotunda. Pelta exponitur Thracia armatura, Latini fere Parmam reddunt : & in Glossis, Parma, θρακικὸν ἔπλον. A tali Parmularum figura gladiatores Romæ erant Thraces dicti, quia iis armabantur. Peltæ forma ad ancylia accessit, etiam lateribus minus incurvis aut reductis : sed leviter sinuata, & introrsum curva. Pelta vero Amazonica distincta fuit à prioribus, leviter sinuata, in modum fere Lunæ : inde Pelta lunata, apud Virgilium. In prisca monumentis & lapidibus visitur bilunis, id est, duplici semiluna insignis.

Peltam



Peltam è marmore pag. præcedenti expressam vides. Item alteram supra pariformem, sed paulo magis diffusam, in Funditore, quem dedimus, pag. 65.

Peltæ pendebant è collo loris, & cum sese aptarent pugnae, detrahebant.

ARMA HASTATORUM.


Hastatorum arma 1. SCUTUM. 2. GLADIUS. 3. PILUM.
4. GALEA. 5. LORICA. 6. OCREA.

Eadem pariter arma fuerunt *Principibus* & *Triariis*, nisi quod *Triarii* pro pilis hastas ferrent. Causa aperta: quoniam in extremo depositi, longius ab hoste erant, quàm ut pila eorum pertingerent, aut vim perferrent missa. Altera etià causa, quod fortasse contra equitum irruptionem, & totam ordinum confusionem muniverunt istos hastis, quibus acies velut vallo septa inhorrebat. Istas igitur hastas ad statariam & manuariam pugnam habebant, & ut Livius loquitur, *ad ora fodienda*. Non tamen istæ nimis longæ, nec ut *Ædonum* fuisse. Nec potuissent, nam cum scutum majus finirent *Triarii*, una manu commode videntur tractasse istas hastas.

1. De Scuto.

SCUTUM, cui nomen παρὰ τὸ σκῦτον, à loro, è quo factum; non à secando, aut excutiendo, quod Varro & Isidorus putant; differt à Clypeo forma: quæ enim rotunda, & in orbem justum relata, Clypeos dixere: quæ in longum exhibant, Scuta. Clypeus Græcis κλῑπεός, Scutum ὑπεός. Dio tamen, & inferior ætas, confundunt.

P^a. 49.



Duplex Scutorum genus: Unum *Ovatum*, inæquali longitudine; ac patet magis, produciturque circa umbilicum, extremis angustioribus: Alterum genus rarius, *Imbricatum*, quod undique æquali latitudine, & velut januæ formam habet, sed incurvæ: & sectum canalem aut imbricem refert. Forma & facies utrorumque in sculpturis, ut pagina præcedente depinximus.

Latitudo Scuti in gibba superficie, duorum pedum & semis; longitudo, pedum 4. Prolinuerunt ergo, & oblonga magis quam lata fuerunt: nam totum hominem tegebant leviter se inclinantem. Majus etiam palmo excedit: & videntur id Triarii, & digniores Principum, gestasse.

E

E plu-

E pluribus minutisque tabellis hoc corpus junctum, nam pluribus lignis & asserculis constitit: atque hæc ex certis arboribus. In quo genere sunt fîcus, salix, tilia, betula, sambucus, populus utraque. Levissimæ autem ex his fîcus & salix, ideoque utilissimæ, adeo ut Græci Poëtæ *ίριαν*, live *Salicem*, pro Scuto dixerint. Erant & e vimine texta Scuta: talibus enim Siculi & Syracusii vulgo usi, & *γάρφα* vocabant. Persis etiam attributa, quia creberrime & recentissime ii habuerunt, sed Rhombi specie. Habuerunt & Germani, & Galli scuta vimine texta, quæ fucabant colore, & inducebant pelles aut tabulas, sed ea non optima aut firma, & assumpta in egestate aliorum. Macedones etiam olim usi, sed quæ in area & argentea Alexander muravit: etiam Itali, & ipsi Romani. Scuta tamen rotunda & equestria, levitatis fortasse causa, talia fuerunt. In scuto grandiore plerumque duæ anse fuere: Græci *ἐκρω* dicunt, à *tenendo*, & id inventum Caribus assignat Herodotus. Ex ferrositas facit Suidas, vel e loro.

Fuit taurino glutino cum linteo compactum, quod & linteum tabellis junxit, & tabellas ipfas inter sese, & corium firmavit. Videntur & nervo aut ferro vinxillæ. Exterior superficies corio vituli, aut potius bovis tegebatur; imo sæpe illa coria multiplicata. Sed inde etiam detracta legimus, & urgente fame pro cibo molita: ut in oblidione Hierosolymæ, Sagunti, Casilini.

Extrema curvatura, seu margo in scuto, ferreus erat, instar tenuis bractæ aut lamellæ; Græci *στάλωμα*, & *λεπίδα* dicunt. Inventum Camilli, qui laminam ferream scutis in orbem adaptavit, contra immanes Gallorum gladios, ligno solo parum ictus sustinente: tum etiam ad scuti tutelam & servamen: Inclinabant enim sæpe in terram, & fere sic ante tentoria, aut in excubiis, habebant, pilis etiam acclinatis. Ne ergo putisceret lignum, munimen a ferro.

Umbo in scuto, ut plurimum & vulgo, e ferro: Poëtæ etiam aureum faciunt; & satis indicat Sidonius, ditiores argentum in ambitu, & aurum in umbone gestasse. Non is luxus olim. Est autem Umbo media illa pars scuti, quæ protuberat & exseritur cum rotundo tumore. Ideo *Umbo*, quod Græcis est *ἀμβων*. Montes & eminentias hac voce Statius sæpe vocat. Sed & Latini vestis politum, qui ad pectus exibat in tumorem, sic dixerunt. Usus, ad avertendos vehementiores ictus lapidum & sarissarum, & cuiuscunque violenti teli. Eo etiam hostes avertebant: nam in conflictu & pugna cominus utebantur eo ad impulsum, ubi etiam pars humeri brachiique projecta & incurvans, adjutrix in hoc nisu.

Origo Scutorum à Regibus, imo a primo ipso Rege Romulo. Exemplum à Sabinis; item Liguribus, quorum tamen scuta à Romanis differunt; reguntur enim Ligures scuto longo, ad Gallicum modum facto.

Solebant

Solebant Græci, Romani, Barbari, varias picturas, formas, aut colores scutis addere, five ad insigne, ut cognobiles essent; five ad decorem. Vetus ritus, qui etiam heroicis temporibus obtinuit; Cares auctores facit Herodotus. Ulysses delphina habuit in scuto, Lyncurgus tridentem; qui Lysandrum interfecit, draconem. Spartanus quidam muscam viva nihilo majorem; cumque irrideretur ab aliis, quasi ab ignavia & metu ita faceret, ne hosti conspicuus esset: *Imo, inquit, ut agnoscar. Usque eo enim accedo, ut cernere cominus possint signi mei modum.* Alcibiades in scuto ex ebore & auro confecto habuit Cupidinem brachiis fulmen complectentem. Poetæ Deos, homines, animantes, & pene quidquid in rerum Natura, scutis intexunt. Apud Romanos pyropo ornata colligimus, five lapide ipso, five colore rutilo & flammane; talis enim in fulmine, quod crebrum valde, & quasi pro more in scutis Romanis. In iis etiam majorum facta expressa, aut imagines; ut Romulus & Remus de lupa pendentes. Sed & proprias fortasse laudes & facta cælabant. Et in columna Trajani videre est scuta quædam variis coronis ornata, donaticas fuisse censendum est, & eo judicio latas. Solebant etiam Romani quædam nomina iis inscribere: primo Imperatorum, sub quibus merebant: deinde Centurionum: atque adeo & sua, ne forte, repositis in uno loco armis (quod Tacitus fieri solitum scribit in Prætorio castro) fraus aut error contingeret in recipiendis. Cum igitur talia insignia & indicia in scutis, non mirum, quod tam curiose & caute habita, & contra nimbos, pulverem, talesque injurias tecta thecis & repositoriis quibusdam coriaceis: sed ante aciem, five in via, five in castris, debebant.

Hæc autem insignia in scutis depicta, etiam aliis gentibus nota, Saguntinis, Gallis, aliis. Et ab illis peculiaribus nata insignia & argumenta familiarum, quæ hodie in usu; an abusu? Ignavissimi usurpant.

2. De Gladio.

GLADIUS Hæstatis unus: sequenti ævo alium minorem gestabant, quem *Pugionem*, voce Latina Tacitus, alii Græcæ *Paramerium*, aut *Parazonium* vocant, quia ad femur aut zonam penderet. Gladium hunc, *Hispaniensem* dictum, ad dextrum latus alligatum ferebant, novum nostris moribus, sed forsitan spectarunt scuti usum, præcipui inter arma: id impediri videbatur, ejusque frequens motio, si gladius aut vagina sub brachio sinistro: quam etiam ad kevum gestatum; & in ea re variatum. Et forsitan gladii sinistri introducti, cum Gladioli aut Parameria introducta.

Pendebat autem iste gladius ab humero, non à medio cingulo, veteri & heroico ritu, ut commodioreductio. Et hinc *Arma* dicta, quod ex armis, hoc est, humeris penderent. Prisca monumenta id passim ostendunt, & procaces milites hodie usurpant. Latioribus autem locis pendebant, & id *Baltei*, vel *Baltea*; quod tam

men etiam cingulum commune, quo in orbem ambimur, significat. Hunc autem milites singulariter ornabant, eoque velut militiæ præcipuo insigni superbiebant. Bullis honestari plerumque solet, ex argento, auro, interdum & gemmis. Parthi maxime sic luxuriati.

Dictus hic Gladius, *Hispaniensis* : videtur enim cum Annibale illatus, 2 bello Punico ; tuac scilicet, cum Romani vires & constantiam experti militiæ Hispanicæ, adsumpsere hunc enfem. Illo feriebant non cæsum, sed punctum, unde mucronem habebat eximium : Nam cæsum pugnantes non solum facile vicere, sed etiam derisere Romani. Cæsa enim quovis impetu veniat, non frequenter interficit, cum & armis vitalia defendantur, & ossibus ; at contra, puncta duas uncias adacta, mortalis est. Deinde, cum cæsa infertur, brachium dextrum latiusque nudatur: puncta autem recto corpore infertur, & adversarium lauciat antequam videat. Et quia lamina ejus erat firma & stabilis, & ictum utrumque habebat, ideo etiam utilis erat ad cæsam. Hoc igitur Romani ambifariam usi.

Brevis fuit ; & duos pedes in lamina non explevit : vi tamen & firmitate maxima ; nam galeas divisas, corpora detruncata brachiis abscissis, aut tota cervice defecta legimus. Erat ergo forma & facies gladii, qualis fere est hodie noster equester : apparet ita in monumentis præcis : etsi in iisdem etiam acie simplici, & superne leviter pandus, ad Orientalem & Turcicam formam.

3. De Pilo.

PILUM, Græcis *ῥαβδος*, erat proprium missile legionarii militis ; Unde *Pilatae legiones* veterum. Duo autem notat hæc vox, *Pistillum*, & *Telum* : & Pilum pro telo usurpari coeptum ab illo vult Varro. Dictum enim ab omine, quod hostes feriret ut pilum. Sicut enim instrumento illo rustico aut cibario teri frangique frumenta solent : sic isto hostes. Alii tamen rescribunt, quod hostes periret, ut *Perilum*.

Duo pila militi erant : Unum *majus*, idque rotundum, diametri palmaris ; vel etiam quadrangulum, magis crebrum & vulgarius : Alterum *minus*, simile venatorii hastis. Sibuna, vel Sibyna huic minori similis. Fuit autem *Sibuna* venabulum sive jaculum venatorum, *καπερὸς βάλων* explicat Hesychius, id est, telum figendis apri.

Pilorum istorum longitudo in ligno fere tres cubiti, totidem in ferro, quod habebat hamatum sive uncinatum retro mucronem, hamo satis lato ; ne telum semel impactum, facile esset evulsu. Erat pilum ponderosum & lentum, quia ferri pondus & gravitas tale faciebant, præsertim nullis adjutum pennis. Inerat & vis telo tanta, ut omnia quæque perfringeret, & arte directum scutatos pedites, & loricatorum equites sæpe transverberaret. Sed notandum, ferrum in pilo non existisse scortum, aut totum prominuisse, sed partem ejus circiter dimidiam fuisse infixam, vel affixam ligno. Eminuit ergo

in mucronem & mansit cubitus & semis, alter ille modus periit in ligno. Itaque iusta magnitudo pili totius fuit 4 cubitorum & semis, id est, pedum 7, paulo minus : superavit ergo mensuram hominis : ideoque Silius niti in ea milites facit. Sed hoc pilum forma & magnitudine decrevit in ferro ævo inferiori : ferrum enim trigonum, non tetragonum fuit, idemque non nisi pedale. Et vox ipsa alio ivit, & videntur hæc sic dictæ. Apud Belgas tamen hodie adhuc vox perseverat, qui Sagittam vocant *Pijl*. Ferrum autem ligno adstringebatur crebris fibulis, non enim tubum vel auliscum tam grandem habuit ferrum, in quem lignum immitteretur ; sed potius duas utrimque alias ferreas, quas fibulæ istæ comprehendere-
rent & affirmarent.

4. De Galea area.

GALEARUM forma hæc : Antrorsum apertæ, & ferri aliqua eminentia, sed repandi ; unde & *Silæ* dictæ Festo. Ad latus & malas utraq; *Bucculæ*, sic dictæ, quod buccas tegant. Unde *Buccularii*, qui has parant, conficiuntque. Sidonius *Flexiles laminas* vocat, sic aptas, ut penderent a casside, & flecterentur. Ab imis bucculis lora, quibus stringerentur ad guttur & firmarentur : Suidas *ὀχέαι* vocat ; *Vincula*, Sidonius. Veteres clausas, & vultui appressas undique galeas (more nostrorum Equitum) vix habuerunt. Hinc illa vox Cæsaris in acie Pharsalica : *Miles, faciem feri*, quæ scilicet, nisi a scuti objectu, nuda.

In galeis habebant Cristas, in quibus mira & propria quædam superbia, sed lascivia Romanorum ? & valde sibi in iis placebant. Crista etiam *Apex* Latinis dicitur. Pyrrhus Rex cornua birci pro crista habuit. Reges, & digniores militum, insignes maxime & superbas faciebant has partes, contra plebei. Sed & Centuriones Romano more transversas cristas, hoc fine, ut internoscerentur, gerebant ; Vegetii quidem ævo, non olim ; qui etiam argenti aliquid mixti in cristis agnoscit, fortasse & auri in nobiliorum. *Φάλαγξ* proprie discretus erat ἀπὸ τῆς λόφου, ille *cornus* est, hic crista : Græce *φάλαγξ, κόρυμβος ἢ ἀκροῦ τῆς περικεφαλίας*, *suprema pars galeæ, λόφος, juba aut crista*.

Pennas has non nisi rectas ferebant olim, sine alio paratu aut diffusionem ; qui mos fere hodie Turcarum. In monumentis tamen aliter conspiciamus, & fere ad hodiernum exemplum. Erant colore duplici : *Pumiceo*, qui videtur honestiorum fuisse, & aptus sane sanguineo huic Marti : & *Nigro*, tristi illo & Diti sacro, ad quem multi in hoc ferali certamine ibant : & videtur hic fuisse viliorum. Fuit etiam *Candidus*, qui color festus & dignior, datque Annibali Silius. Lascivia postea in hac re, & assumpserunt etiam Pavonum pennas : at regia & Junonia hæc avis, non nisi in Regum & Principum usu fuit. Nec dubium, quin tulerint Aquilæ, & talium avium, quæ pugnaces aut rapaces, vel omnis scilicet causa. Fuit

triplex hæc Crista, five *τριλογία*, & *τριάλνα*, tres pennæ rectæ jubæ etiam creberrime galeis impostæ: nec Græcorum tantum, apud quos pene perpetuum, sed etiam Latinorum.

Cristæ, bonæ duplici causa, & in tenui re momentum ad pugnam & victoriam: *Sive* quod vir major, & animo quoque crescit: *sive* quod hosti terrorem magis præbet. Hinc nescio quo Naturæ ductu, ubique terrarum fere bellatores hoc affectant. Orientales passim, atque etiam rudes isti in novo Orbe. Majores nostri studiosè, imò ambitiosè affectarunt: & hinc insignia ista familiarum tam varia, quæ superbimus. Inventores primi Cares. Nam galæe istæ quæ scutis imponuntur, familiarum antiqua digmata, originem habent à multisariis istis cristis. Alius cornua fumebat, quasi ad impetendum & terrendum, ut de Pyrrho dixi: alii alia. At in hodiernis galeis quàm crebra cornua; aliæ animalium partes; sæpe capita. Quæ omnia olim in Gallorum & Germanorum quotidiano ritu: qui etiam soliti erant detractas ita exuvias ferinas, ipsosque hiantes rictus capiti imponere; id quod & Parthi fecisse leguntur.

5. De Loricæ.

Plerique militum non habebant Loricæ hamatas, sed partem aris aut ferri procusam, quæ summum pectus tegeret: nam ima ventris satis scutum muniebat. Fuit adsimile quiddam hodierno pectorali, sed minus longum, & æqualiter quadrum. Et vocabant *Pectorale*, à re & ulu, quod pectori tendo. De corio etiam erudo *Pectoralia* faciebant, & è ferro. Hoc genus appellat Polyænus *ἡμιδερμία*, *Semiloricæ*. Pausanias veterum & Homericæ loricæ describens: *Dua*: inquit, *erant ærea partes, illæ quidem pectori, & iis, quæ circa ventrem, apæ, hæc ut dorso tegmen esset. Vocabant Gyalæ sive Cava & incurva, à forma. Illam antrotrorsus, hæc retrorsum inducebant, deinde fibulæ utramque jungebant.* Ecce adsimiles, aut ipsas nostras loricæ hodiernas. Fibulæ item in latere utroque loricæ istas jungebant.

Habebant ergo Hastati loricam vel è lamina ærea seu ferrea, digitorum undique 12, hæc autem erat vikorum. Ditiore vero, & quæ super 10000 drachmas censi, eximie & præter ceteros debebant armari. His enim necessitas ferendi non *Pectoralia*, sed totas *Loricæ*, easque hamatas, ex catenis & squamulis confectas. Dicebantur enim *Hamatæ*, vel quia circuli & catenæ nexæ hamuli speciem dimidiatæ referebant: vel quia & ham catenulas jungebant. Græcis *δωραὲ ἀλυσσάτης*, *Loricæ catenatæ*. Et nihil aliud fuit, quàm circuli sive annuli ferrei inter se nexi, more quem hodie Galli & Germani servamus, etli exolescens. Origo à Gallis.

Alterum genus *Loricarum hamatarum* erat, quod non annulis sed, sed è squamis & laminis constabat. Græci *παλιδῆς* vocant, vel *ρομεδῆς*, à squamis piscium vel serpentum. *Squamæ loricæ dictæ*

dicta Latinis; fuitque honestiorum. Ipsas ergo squamas catenæ jungebant. Has ipsas squamas etiam *Plumas* dicebant, à specie pari. Hinc *Lorica Plumata*. Et Parthorum assiduum hoc tegmen, etiam in equis. Sic enim describitur eques Parthus apud Suidam: Prior lorica pars pectus & femora & manibus extremas & crura tegit: posterior tergum & cervicem & caput totum. Fibula vero sunt ad latera, quibus utramque partem jungunt, atque ita totum equitem ferreum dant videri. Prohibet vero nihil aut impedit ferrum membrorum extensiones aut contractiones; adeo curiose factum sectumque est ad naturam membrorum. Armant autem & equum similiter ferro, totum quidem & usque ad ungulas: hoc ideo, quia nihil iis arma prosint propria, si equus interficiatur. Isti igitur sunt Parthorum Cataphracti sive Clibanarii. Nec solum illi, sed & Sarmatæ in hac armatura.

Nec vero ferro solum necdebant has loricas, sed & cornu. Imo istas Sarmatarum proprias facit Pausanias, easque ita describit. *Colligunt ungulas equorum, eas purgantes & diffecantes conficiunt ex iis quiddam draconum squamis simile; aut si quis draconem non viderit, vidit autem nucis pinæ fructum viridem, is è nuce segmentis aut lacunatis torulis si opus assimilarit, haud errarit. Has igitur squamulas perforantes, & nervis equinis aut bubulis consuentes, loricas ad usum habent, neque decore Graecanicis inferiores, neque infirmiores: nam & cominus percussa, & jactu petita, resistunt, & sustinent.*

Erant & *trilices loricae*, id est, catenæ & laminæ ter sic geminatae: & *bilices*, nempe squamis geminis.

Erat & aliud genus, *Stratii* & *Sili* ævo crebrius: cum segmenta ferrea tamquam fasciæ aliæ aliis superpolitæ corpus ambiunt. In columna Trajani assiduum, & pene unicum in milite Romano hoc genus. Depictum dedit Liplius, etsi se nusquam legisse fateatur.

Sunt & *linei thoraces* seu loricae, quibus varii populi usi. Græci primum, & quidem vetustissimi, etiam apud Homerum. Gestarunt & Macedones, ipse Alexander, Thraces, Hispani, Chalybes, Itali. In usu ergo plurifariam, etsi Pausanias tamen deprimit, & venantibus magis, quam pugnantibus commendat. Præstæ conficiendi ratio erat, ut è filis pluribus funiculos struerent, eosque deinde necerent, & inde se aptarent. A multitudine filorum, an funiculorum? *bilices*, *trilices* dixere. Amasis Rex Egypti, Plinio auctore, thoracem habuit, cuius singula fila, 365 filis constabant. Conficiebant etiam hoc modo: Ex lino factum textum quoddam vino austero assatum salito macerabant, deinde cogeant, ut crassitiam lintel oclies, decies, aut sæpius in se complicari haberet. Et vero è lana etiam ejusmodi coactiles thoraces seu loricae. *Cæsar Subcassæ vocat, Ulpianus Coactilia*, Plinius *Lanas coactas*; & sunt hodie nostra *Feltra*. Livio videtur *Spangia* dici.

Labente ævo tunicæ integræ ex his coactis factæ, quas vulgo milites gestabant, & *Thoracomachos* dicebant; ab Antonino Caracalla repertas. Erat enim ista *Lorica tunicata*, sive *Thoracomachus*, vestimenti genus, quod de coactili ad mensuram & tutelam humani corporis conficitur, de mollibus lanis timoris sollicitudo solertia magistra composuit, ut hoc inducto primum, lorica aut clibanus, aut his similia, fragilitatem corporis ponderis asperitate non læderent, membra quoque vestientis, inter armorum hyemisque discrimen tali solatio adjuta, labori sufficerent. Et ne lana pluvias paulatim combiberet, & ingravescente pondere afficeret vestientem, Libycis bene confectis pellibus tegebatur. Has loricas illa ætas *Zabas* vocabat, & *Zabarium* ejus tegmen.

Pondus loricarum ferrearum exiguum fuit, sed robur eximium, ita ut catapultarium telum violenter immissum, ferrum non frangeret, sed vix stricturam levem & cæcam, quasi a scriptorio stylo, faceret. Et nostri hodie æmulantur, quibus sunt lorice quædam solidæ, quæ respuunt aut subsistunt sclopetorum glandes, valido haud dubie & penetrabili ictu venientes.

6. De Ocreis.

Utrumque crus tegebant Ocreis: quanquam alii populi sinistrum modo crus armant ocrea, qui scilicet jaculis pugnabant. Et ex mente Vegetii, Funditores sinistrum crus ferro tectum habent, legionarii contra dextrum. Causam reddit: quia in pugna cominus dextros pedes inante milites habere debeant; at cum missilibus certatur, sinistros.

ARMATURA EQUITUM.

Equitum Romanorum duplex armatura; vetus, & quæ deinde à Græcis sumpta. Olim enim non habebant loricas; sed veste saltem tecti, & quo magis expediti essent, super eam cincti. Hinc *Cinctati*, viri militares olim dicti. Ideo autem leviter induti erant, ut ad descensum & ascensum facilem in equos magis essent expediti: quod utrumque merito spectabant, cum auxilio nullo aut tulcro uterentur ad allevandum. Interdum hasta innixos fuisse legimus. Videntur & equos quidam insuevisse ad flectenda crura; & sese demittendum. Aliis dignioribus aut mollioribus (nec enim vulgo) fuit qui manu tolleret, & adjutaret. Ii *Stratores* Latinis dicti, quia & sterernerent equum, & in eum sublevarent. *Ἀναβολαίς* Græcis, ab attollendo. Nam veteres subices pedaneos ex ephippio utrimque pendentes, quibus hodie utimur ad scandendum & innitendum, non habuerunt: nusquam enim in statuis & imaginibus forma aut vestigium, & pedes semper penduli, sine alio fulcro. Atque adeo res nova, ut nec sit ei Latinum nomen, nisi quod patrum ætate Franciscus Philadelphus, ne res quotidiana careret vocabulo, *Stapedam*, appellavit, quod pes in eo staret. Budæus melius puriusque putavit circumscribi, & *Subicem pedaneum* dici.

Prisci

Prisci etiam equis infiliebant : & hæc salitio inter assidua exercitia retenta, nec tantum à tironibus, sed etiam à stipendiariis militibus districte exacta. Equi lignei hyeme sub tecto, æstate ponebantur in campo : super hos juniores primo inermes, dum consuetudine proficerent, demum armati cogebantur ascendere. Tantæque cura erat ; ut non solum à dextris, sed etiam à sinistris & infilire & defilire condiscerent ; evaginato etiam gladios & contos tenentes. Usus hæc & plura potuit. Et nonne Pompeius jam senex equo incitato & corrente educebat, & reponebat, sine difficultate, gladium ?

Sed & facilius erat hæc salitio priscis, quàm nobis, quod sellas istas equestres altiusculas, e ferro lignoque compaginas, non haberent. Earum vice stragula quædam e panno, corio, pelle, quibus equos infernebant, eoque & *Strata* dicebant, fere ut hodie nostri agasones. Græci *στρωμα* pariter dixere ; itemque *ισιωμα*, qua voce vulgo & Latini uti. Et quidam durius habiti etiam ephippiis carebant : inter quos Germani, qui olim nudis equorum doris infidebant. Hinc apud Cæsarem Romanos, ob ephippiorum usum, ut molles contemnunt. Verum nunc ita mutarunt, ut sellæ istæ altiores & fabricæ earum quasi peculiare sint. Sed Germanis fortasse causa sellarum, firmitas ; quia securius sic concurrunt & confligunt : certe in sola & passa illa stragula ut facilius ascendere, ita & dejici & delabi. Itaque prisci Romani pelles equis infernebant, ex nobilioribus quidem rariores quasdam, ut e lynce, tigride. Alii centunculos infernebant, aut viliores pannos : honestiores vestem pretiosam magis, aut tapetem. Magistratibus, & qui cum imperio erant, jus fuit purpura aut cocco infernere : atque hi Consulares, & Imperatorii equi. Sellæ nostræ non quidem perveteres, sed nec novitiæ, & fortasse jam in usu Sidonii ævo, qui vocat *Sellas*, & *Resupinata fulcræ*. Quid ? quod in columna Trajani, forma quædam nostræ huic consimilis. Sed fortasse verius, structum factumque aliquid e pannis ibi esse, ad mollius insidendum, sine ligno tamen, aut ferro.

Hastas habebant Equites olim graciles & tremulas : ideoque inutiles duplici causa, cum nec fingerent fortiter (erant enim sine cuspidem ima factæ) nec collinearent recte. Imam cuspidem Græci *καυοστήνα* dicunt, sive etiam *σπίρα*, & *ελαγόν*. Hanc autem hastæ equitum non habebant olim, sed tantum cuspidem supremam. Alias ejus usus erat, tum ut priore parte fracta, ima cuspis percutiat : tum ut recta statuatur defixa terræ, cum ea feriata.

Scutum, sive *Parmam* habebant ex bovillo corio, arte leviter durato ; eoque mero, nulla materie subjecta, aut ligno. Fuit igitur cujusmodi Asiorum olim fecta, quæ proprie *Citra* vel *Cetra* iis dicta. Simillimum hoc scutum umbilicatis placentis, quæ *Popana* dicebantur, placentæ latæ, tenues, rotundæ. Ex his formam scuti equestris collige.

Cum

Cum postea improba esset armorum talium usus, Romani assumpserunt Græcanicam armorum paraturam: prompti enim Romani, si qua gens alia, assumere mores, & æmulari si quid alibi bonum. Qualis autem Græca illa armatura fuerit, nemo melius Josepho dixerit: *Equitibus gladius est ad dextrum oblongus; et si pedites cum jam haberent ad sinistram: oblongus vero, aliter quam in nostris equitibus, qui breviorē pedestri gerunt; olim contra, & valde olim. Nec solum gladium habebant longum, sed & contum item longum in manu, vel hastam grandiorē concurforiam, ad hostem cominus feriendum, aut deiciendum. Nec dubium est, quin olim hastæ huic usui, non tamen femore aut genu obnixæ, ob ferrum in imo, quod dixi. Alii tamen sic ferebant, cum cuspidē, ~~cuvestris~~ scilicet, aberat. Sed Romani an sub brachium inclinaverint, & ad latus applicaverint, dubium, ratio illa & aspectus acutioris ferri sic poscit. Erat præterea Equitibus illis *scutum ad latus equi transversum, & in pharetra tria aut plura jacula, cuspidē lata, & hastis magnitudinē non cedentia*. Postrema arma Equitum, *galea & lorica, sicut in Peditibus*.*

Leves Equites Romani non habuerunt, sed in eos tamen, & cum iis postea pugnarunt. Et nominatim Numidas describit Livius, Equite nudos, inermes, præter jacula; & læva pro clypeo vestem prætendisse, sed arte jaculatoria celebres. Equos ipsos sine frænis, virga tantum regebant. Nec fræna tantum adimunt, sed etiam strata. Deformis ipse cursus, rigida cervice, & extento capite currentium. Hi ergo Numidæ viles aut ridiculi in speciem, re sæpe validi & feroces. Scivit Annibal, & Romani, quorum ille victorias suas in parte, isti clades huic generi assignant.

Sed & aliud est Numidarum equitum genus qui graviores, armati & frænati. Isti sane desultores miri, ex uno in alium equum stupenda dexteritate transiliebant. Hos Ælianus vocat *ἀμειψιστάς*, qui duobus equis non stratis, & colligatis inter se, vehuntur; qui etiam de alio in alium transiliunt, cum usus poscit. Homerus agnovit & descripsit, sed in 4 etiam equis alternantes. Theutobocchus Rex Theutonum quaternos senosque transilire solitus est.

LIBER IV.

D E A C I E.

IN Acie quatuor consideranda. 1. ORDO & DIVISIO.
2. LOCATIO Signorum, & Ducum. 3. FORMA INSTRUCTIONIS. 4. ADJUNCTA ACIE.

1. ORDO

ORDO ACIE.

Ordo in pugna unus & simplex per genera militum & classes. Hastati pugnam inibant primi omnium, ex stataria quidem & gravi acie, alioquin Velites ante eos, aut leves milites pugnare soliti : & sic per gradus virium pugna procedebat : ab infirmioribus paulatim ad magis firmos firmosque ventum. Si enim Hastati profigere hostem non possent, succedebant Principes : post hos Triarii. Hinc proverbium : *Res ad Triarios rediit*. Perpetuus & inviolabilis fere hic ordo, veteri quidem & bona re Romana ; quem etiam in navali certamine servabant.

Ratio pugnae : Si Hastati pellerentur, aut non pellerent hostem, retrocedebant in intervalla ordinum, & Principes excipiebant. In hac ars omnis & arcanum militiæ Romanæ, habere vias inter manipulos, claudere & aperire eas, prout visum. Huic invento pene omnes eorum victorias liceat adscribere. Appellantur autem *Intervalla ordinum*, item *Via*, item *Spatia*. Græci *διαίσεις* vocant. Hæc intervalla duplicia : inter Genera, & inter Manipulos. Inter Genera transversa erant, post singulum quodque militum corpus : ut post Hastatos, spatio relicto, Principes sequebantur ; iterum spatio post istos Triarii. Ergo transversa illa intervalla duntaxat bina. Alia inter Manipulos, directa spatia aut viæ, & quæ in uno ipso genere manipulum à manipulo discernebant. Hæc in denis manipulis necessario 9 erant. Modus & quantitas singulorum pro locis, pro copiis, pro Ducis arbitrio variavit : tamen illa transversa grandiuscula fuisse videntur : & probabile est, Principes ab Hastatis, 50 circiter pedes fuisse remotos. Triarios ab illis, 100. Nam hic erat Prætor, & signa, & Principiorum ipsa forma. Opus etiam profecto tali aliquo intervallo ad procedendum aut recedendum, & ne agmina miscerentur. Jam in directis viis aliter atque aliter fuit pro usu. Si Velites interjecti, latiusculas fuisse oportuit, pedum 20 ; aut 30. Si non, fuerint sane pedum 10. Id quoque pro numero legionum aliter, & ubi hæ multæ, ac, quod sequitur, manipuli, spatia non potuere esse magna.

Usus istarum Viarum magnus. In pugna enim, etsi divisi ordinibus, tamen unum omnes corpus statim fiebant, cum opus ; & per vias istas jungebant se, & disjungebant. Hoc ita, exempli causa, factum : Hastati premuntur, volo Principes succedere, & istos recipere, statim id fiebat beneficio viarum : recedebant enim manipuli Hastatorum singuli, & averſi leviter vias Principum ingrediebantur, quas ii laxabant, & ipsi quoque leviter procedebant. Tum aut retinebant apud se Hastatos, duplicato agmine ; aut plane fessos retro se locabant in grandiore intervallo, ordinibus semper servatis. Idem in Triariis, si Principes improspere pugnantes receptarent. Nee manipuli manipulos impellebant in hoc recessu : Nam singula genera vias suas dimensas habuere, sed non per alia genera penetrantes.

trantes. Manipuli Principum clauderant à tergo viam Hastatorum, & liberum per eam aspectum aut excursum habebant; idemque Triarii per istorum. In quincuncem igitur dispositio ista manipulorum fuit. Inter singulos verò milites spatium fuit 3 pedes, idque utrumque à latere, à tergo, ob gladii scutique usum commodum.

Triarii sub vexillis confidebant, sinistro crure porrecto, (ab ea sessione *ἱσθόσι*, Tertiarii explicantur in Glossis: & Varro inquit, quod Triarii subsideant, ab eo Subsidium dictum,) scuta innixa humeris, hastas sub recta cuspidē in terra fixas, haud secus, quam vallo sepra inhorreret acies, tenentes.

Vetus levis armatura, quæ consistit Rorariis & Accensis, non in prima acie, aut viarum intervallis, sed post Triarios in extrema acie disposita erat. Itaque tunc non committebant pugnam: quod postea factum; pugnabant enim fundis, jaculis, & telis quæ eminus mitterentur. Postera ætas Velites à Triariis removet: & ad principia locavit. Et triplex fere eorum locatio: Interdum ante omnia signa & in fronte: Interdum mixta primis manipulis, aut potius in jam dictis viis: Denique interdum non in viis sparsi, sed in cornibus positi junctim; eaque crebra dispositio, & Vegetio solennis. Sed ubicumque positi, prodire ante alios soliti, & pugnam committere, cum datum signum. Cedentes autem, inter legiones recipi solebant, & à tergo poni, aut iterum alia procurrere.

Eques fere dupliciter locatus. Primo in cornibus, ita ut legiones sociosque medios haberet; quæ fere ordinaria positio. Altera, ut à tergo interdum ponerent, spatiis relictis inter manipulos aut legiones, qua possent cum impetu emitti. Id fiebat fallendo hosti, & ut improvisa res esset.

Socii plerumque steterē in cornibus, & ad latera legionum, ipsi divisi in cohortes & manipulos. Hinc est, quod ipsæ Alæ, sive agmina Sociorum, Cornua dicta. Si vero nulla media acies, & duo Cornua tantum, tum exteriores cujusque partes Socii tenebant. Ita ut plurimum: nam & in fronte, aut aliter, Socios positos legas, pro loco, aut usu.

2. SIGNORUM LOCATIO.

Cuique manipulo sua signa, tum & Legioni communis Aquila fuit. Et manipulorum signa in suo quæque manipulo fuisse, ratio & exempla docent. Sparsa igitur & disposita per manipulos: sed an in fronte, aut medio manipuli, ambiguum credo utrumque. At vallum aliquod virorum objectum erat, ne sic nuda ostensa & oblata hosti. Atque ii sunt, quos *Antesignanos* appellarunt: quæ vox tamen communiter de toto primo agmine invaluit, & ipsi hastati videntur sic dicti, non quia ante omnia signa (sua enim habebant) sed quia ante præcipua essent. Aquilam & Triariorum, quæ legionis & cohortium prima erant. Hoc Græci *πρῶτος, τῶν σημείων* vertunt, *Propugnatores signorum*: sive & *πρῶτοι, Προpositos*, à locò. *Postsignani*, qui erant in extrema acie.

Signa

Signa duplicia in Romana militia : *Peditum, Equitumque*. Peditum item duplicia : *Legionis totius, & Manipulorum*.

De Aquila, Legionis signo.

Signum Legionis *Aquila*, nec nisi unius una, nec Socii quidem, cum in aliis pares, eam habuerunt. Et quia hæc præcipui imperii signum, subungi sub eam Socios voluerunt, & Auxilia, non seorsum habere. Itaque per ipsas Aquilas numerabant Legiones.

Aquilæ origo varie petitur. A Jove alii, qui hanc insigne militiæ habuerit. Quidam à Trojanis. Forte Romani reppererunt à se, aut vicinorum exemplo. Sane rapacium aliquot animalium effigies assumi & præferri bello convenit, & varie olim fecerunt Romani. Nec enim solam Aquilam prisce illi, sed plura ejusmodi animalia protulerunt, nata in pugnas aut raptus, ut Lupos, Minotauros, Equos, Apros, Porcos. Etiam prisce Germani ferarum imagines inter signa habuerunt. Aquilæ vero hæc dignitas etiam apud alias gentes fuit. Persis regale hoc signum.

Forma Romanæ Aquilæ : Pinna extendens summæ hastæ insisterat, ex auro vel argento, & fulmen sæpe unguibus tenebat, quasi jaculatura. Sed nec corpus ipsum Aquilæ magnum. Cum in hibernis esset Aquila, in sacello seu ædícula reposita, atque inde mota, cum educenda. Enimvero & olim Romæ signa in templo. Et sane reposita ea in ærario, templo Saturni, religionis causa, & custodiæ, quia pecunia ibi publica & argentum. Dehinc etiam in terram solebat, etiam in ipsa pugna, cum ea in loco stare, nec impelleretur hostis. Sed & in castris defixæ stabant Aquilæ : ac inter prodigia erat, cum in hostem eundem esset, non potuisse evelli. Olim quidem ipsa hasta ita solo infixæ : at postea (ad custodiam, an ad delicias?) non ipsa hasta, ne macularetur aut absumeretur ; sed loculi aut thecæ ferreæ in terram defixæ, & in eas immissa ima hastæ cuspis. Isti loculi ferrei quadrati, in acutum desinentes, introrsum vacui efformabantur.

De signis Manipulorum.

Signa Manipulorum quæ fuerint, ipsa vox indicio est. Nam cum perticis manipulos fœni seu straminis suspensos ferrent, illa ipsa manus, quæ ea sequebatur, dicti *Manipuli*; Ovid.

Pertica suspensos portabat longa manipulos,

Unde manipularis nomina miles habet.

Sed hæc rustica non mansere, posterior forma fuit hasta, in cujus summo transversum ligneolum, in modum crucis, & sæpe cum manu supra eminente ; nonne allusione ad Manipuli vocem? Sed & orbiculi quidam, vel clypeoli infra crucem hastæ adnexi, nempe ex argento vel auro imagines, Deorum primo, ut Martis, Romuli, & talium, qui scilicet militares Dii ; & ab hoc exemplo ipsorum deinde Imperatorum. Sic Drusi imago inter signa, sed & Sejani, per adulationem. Et hæc imagines in signis. Signa ipsa ex auro, etli

etſi haſtæ argentatæ erant : olim tamen & ſigna ex argento, quoniam color is longius fulget. Qui has Imperatorum imagines portabant, *Imaginarii* vel *Imagiferi* dicti.

Vetus, ſed paucis notum fuit, Pila, vel Globus in ſumma haſta. Sic Auguſtus pilam in ſigna fertur conſtituiſſe, propter nationes ſibi in cuncto Orbe ſubjectas, ut pila figuram Orbis oſtenderet. Turcæ hodie retinent, & equinos aliquot pilos ab eo globo pendulos demittunt. Hoc genus vexilli *Tiſam* vocabant Romani.

De ſignis Cohortium, & Equitum.

Cohorti non erant propria ſigna, nuſquam enim olim expreſſa : ſed interiore ævo ſua habebant vexilla, etſi olim vexilla Equitum propria. Hinc *Vexillarii*. Et erant hæc vela quædam quadra expanſa ad haſtam; ſed vela modica. Noſtra ætas retinet in Equitum Bandis : etſi formam paulum diverſa. Propius accedunt templorum vexilla, quæ in luſtratione & proceſſibus anteferuntur. Hinc *Vexillatio* de iſtis Equitibus aut ipſorum Ala, crebrum poſteris verbum. Hæc vexilla poſteriori ævo *Flammula* dicta. Erant e purpura, & auro mixta. Atque his vexillis, ut & ſignis aliis, Principis nomen inſcriptum aureo textu.

Erat & ritus magis priſcus, cum unum aliquod & Imperatorium vexillum grande præferretur, nomen ejus habens, non tamen aureis, ſed puniceis literis inſcriptum; eoque vexilla ipſa tunc non punicea, ſed candidi coloris. Hoc Imperatorium ſignum poſtera ætas *Labarum* dixit.

De Draconibus.

Draconis ſigna ab ipſo Apolline morte draconis inchoata. Formam graphice dat Suidas : *Draco extenſus in perſica, ejus caput ex argento factum erat, dentibus reſtrictis & nudis, minace rictu, reliquum corpus ſericeo textu, longitudine & craſſitie & varietate coloris in verum draconem.* Iſis uia Aſſyrîi, Indi, & Scythæ; Daci item & ab his Romani, imitatione. Placuit enim ille terror, quem moti in aëre faciunt, & viſum bello aptius, quam Romana illa ſigna. Niſi quis tamen a Perſis magis petat; cum inter ſpolia à Zenobia capta & traducta, etiam Perſici dracones legantur. Deinceps quidem crebri in Romana hiſtoria. Qui ſigna draconum ferebant, *Draconarii* dicti. Quidam proprii & peculiare Principis fuerunt, qui toti e purpura, in ejus comitatu. Etii *ὄψις μίκτη* dicuntur, etſi textu ſericeo, etſi Flamule, denique ſub tegminibus texti : tamen proſpecto ambigas, an in velò ſic depiſti fuerint, aut acuti texti, an potius corpus totum ſolidum e pannis & ſubtegmine factum. Columna Trajani, corpora, non imagines præfert. Et a Græcis longitudo & profunditas iſis datur. Quid? quod ſibilante eos volunt, concepto vento : nam haſtarum aureis gemmatique ſummitatibus illigati erant, hiatu vaito perſtantes, & ideo velut ira perciti ſibilantes caudarumque volumina relinquentes in ventura. Sidonius vocat *Textilem anguem*. Prudentius *Draconum pallia*,
pro

pro mente & ritu vulgi, cum & hodie in velis militaribus varia sic pingamus.

De Signorum religione.

Hæc Romana signa fuerunt, quæ sacra habuerunt, per quæ iurauerunt, & quos unicos bellorum Deos. Bono consilio, ut religionem animis ingignerent, & signorum non amore tantum, sed & venerationem. Ergo firmitus asservabant, fortius amissa recuperabant. Quoties legimus, integras acies jam fluctuantes, jam recedentes, restitutas & impulsas, signis in hostem jactis? Suadebat enim repetere, non pœna tantum quæ manebat iis amissis; sed etiam pudor & religio, & quasi Deos ac sacra sua prodidissent: Deorum cultus iis exhibitus. In rebus ipsis, quod perfugium illic, ut in sacris: Quod ea ornabant, ungebant, colebant, ut ipsos Deos. Hinc *Signa unita*. Tacitus *Propria legionum Numina* vocat.

LOCATIO DUCUM.

Imperator in media parte erat: ratio enim vult, ut ibi sit, unde prospiciat & mandet facillime in omnes partes; qui locus medius est, sed paulum tamen ad finem magis admotus. Nam inter Principes & Triarios, ante Aquilas stetisse censendum; et si pro arbitrio tamen sæpe mutavit.

Legati & Tribuni juxta Imperatorem: nisi tamen Legati curarent, & præpositi essent certæ alicui legioni aut cornu, quod sæpe; tunc enim in medio ejus, loco Imperatoris agebant. Quod idem aliquando in Tribunis, ut huic aut illi parti præficerentur; sed vulgo retro Principes stetisse videntur, quo ordine in castris, & juxta eos Sociorum Præfecti.

Centuriones vero juxta suam quisque centuriam, id est, in capite ipso: nam verisimile est, à fronte eos prævisse & curasse, ut Optiones eorum à tergo. Argumentum à castris, ubi item in manipulis primum locum & sedem habent. Imperator ipse plurimum in equo, & hoc sine illi equi Imperatorii. Et ipsi Tribuni sæpe in equis, imo interdum inter equites pugnarunt. Quod an in omnibus verum sit, incertum: fortasse in iis tantum, qui ordinis & loci equestris. Plebei steterunt pedites inter suos.

Locatio Militum.

Ipsi gregarii milites secundum matriculæ ordinem in aciem dirigebantur. Matricula hæc fuit ordinis à Centurione instituti. Nam suos juxta vires, & pro judicio locabat, certis quemque locis, quos in acie & agmine tenerent. Quisque locum suum noverat, & hos ordines pertinaciter servabant. Cautio erat, ne quis miles à signis 4 pedes longius procederet, id est, ne quis vel passum unum progrediretur extra lineam, ubi signa. Imo & mors pœna, si qui reliquissent. Quod idem in agmine servabant, et si non mors hic semper, sed minor pœna, ubi nimium minor excessus & aberratio. Quod si major, profecto desertionis pœna mors erat. Desertor autem

autem habebatur, qui longius, quàm unde tuba audiri possit, excessisset. O principes, ô nostri mores, quam dissidetis! Hodie nihil tam impune, quàm vagari, præsidari, rapere; olim mors leviter abeunti. Nec Romani solum hic severi, sed etiam Græci, qui hos tales ignominia notabant. Et Spartanis lex erat, ut stantes in ordine vincerent, aut morentur. Duræ hæ leges, sed utiles: & istæ sunt, quæ viros, quæ milites pepererunt, gentium hominumque victores.

3. ACIEI FORMÆ VARIÆ.

Acies fere aut Duplex, aut Triplex. *Duplex*, cum tota acies in cornua duo secta, dextrum & lævum. Ea sæpissime obtinuit in exercitu Consulari, cum duæ legiones, & singulis sua Auxilia adjuncta. Hæc sectio vêtus, & aliis quoque gentibus usurpata. Pan ordinis & Cornuum autor; unde cornutum fingunt. *Triplex* est, cum præter cornua, alia etiam media exsurgit. Id quoque crebrum, non solum ubi plures legiones, sed & cum duæ, istis scilicet in medio politis, Sociis ad utrumque Cornu.

Sed est & alia ratio duplicis, triplicisque aciei, cum præter simplicem illam divisionem, a tergo etiam sectio fit & discriminen. Ut si 4 legiones habeam, duas in fronte cum Sociis suis pono, totidem a tergo, velut in subsidiis suppono. Idem in duabus quoque factum, & aut Ala utraque Sociorum præposita, subjunctis legionibus, aut contra. Has autem secundarias aut tertiarias legiones sive copias, *Subsidia*, & *Subsidiarias* etiam vocabant. Nec totæ semper legiones, sed cohortes aliquot sic substitutæ. Hæ præcipuæ sunt & receptæ Romanis instructiones; quas tamen leviter variabant promovendo, aut retrahendo. Plerumque enim æqualiter utroque cornu & simul concurrebant: quod Cato, *recta fronte*; Tibullus, *æqualis frontibus* dixit.

Altera depugnatio *Obliqua*, cum cornu ante cornu promoveatur.

Tertium genus *Sinuata* acies, cum in triplici acie tertiam & mediam amoves ab hoste, & cornua modo immittis.

Quartum genus huic adversum, cum scilicet ipsa media acies prominet, & incurrit prima in hostem. Græci *ἄνταυτις flexum* dicunt, sive etiam *κρίτην, gibberum*. Hac Annibal in pugna Cannensi scitissime est usus, sed cum ea quoque arte, ut cornua robustissima haberet, & integra servaret, & mediis denique pulsis, sinu facto, immitteret ea utrimque legionibus, victoriæ suæ certam causam.

Aliæ quædam acierum formæ apud Romanos etiam interdum usurpatæ, quas strictim, & per indicem dat Cato; ut, *Cuneus*, *Globus*, *Forfex*, *Turris*, *Serra*.

Cuneus, qui est, cum angusta in fronte acies, trigoni forma, paulatim se retrorsum pandit: unde & *Trigonum* vocant. Item

ῥοστρον sive *Rostrum* Græci. *Dixere* & *Caput porcinum*, quia assimilatur, & quia velut fodit & ruit invadendo. Literæ Δ assimilabatur. Et anterior pars, qua in acutum definebat, recta & densa erat, quia scutis, undique muniebatur. Crura autem utrimque secundum ordines & cohortes in profundum composita; & pleraque parte in obliquum extensa, deibant paulatim & disjungebantur, donec in maximam longitudinem progressa definirent; ita ut medius locus vacuus relinqueretur, & terga militum nuda per ordinem conspicerentur. Franci pugna in Narsetem sic usi. Sed & Hispani olim creberrime. Romani etiam non raro. Significat etiam *Cuneus* Historicis multitudinem confertam.

Globus, qui à sua acie separatus, vago superventu incurſat inimicos. Sed & figura globosa, & in rotundum fuisse videtur.

Forfex, quæ & *Forceps*, cum contrario Cuneo acies instruitur, latioribus primis & apertis, ac paulatim definientibus in angustum. Literæ V formam exprimi. Usus, ad cuneum solvendum & atterendum.

Turris, Græcis *πύργος*, est ordo militum in quadro. Differt à Laterculo, quod Turris in altum & profundum quadra instructio; Laterculus jacens, & in latum.

Serra præliari dicitur, cum assidue acceditur recediturque, neque ullo constititur tempore. Id fiebat, cum manipuli primæ aciei modo invadebant, modo resiliabant; & reddebatur denrata quædam forma. Potuit & aliter, cum Velites ex intervallis manipulorum insiliebat & resiliabant.

4. ACIEI ADJUNCTA.

Adjuncta Aciei sunt, 1. ALLOCUTIO. 2. CLASSICUM. 3. CLAMOR. 4. SIGNUM PUGNÆ.

1. De Allocutione.

Allocutio est, cum Imperator affatur publice suos milites, & retinet aut inapellit. Retinet, aliquando nimis aut propere gestientes: inapellit tardantes aut timentes. Ad summam, format in quacunque re & docet. Utile haud dubie vetus hoc institutum, cum Imperator consilio, & sæpe eloquio validus, & semper auctoritate, suos composita oratione excitaret, & vel timidis robur ac vires daret. Ab illo autem ardore ad pugnam recta ibant, cum præsentia Imperatoris adhuc in oculis, verba in auribus versarentur. Certum est, acies aliquot erectas, & ad victoriam firmatas sola hac concione.

Modus talis: Sæpe interequitans ordines ita affatus eos est, sub ipsam pugnam: sæpe in castris, & ante egressum. Aliquando etiam extra suspicionem omnem pugnæ, si qua seditio aut querela, aut alius animorum morbus, cui sermone mederetur. Sed cum in castris, aut etiam in ipso campo interdum, fiebat in tribunali, quod e cespite subito erigebant: Altior enim Imperator esse debebat, &

ad auditum faciliorem & latiore, tum ad auctoritatem. E cespitem, dixi, tribunal fuisse, et si in hibernis fortasse etiam e lapide, nihil vetat, sed illud fere solenne, & e militiæ ritu.

Circa hunc cespitem sive tribunal milites dispositi non confuse, nec ut quisque accurrerat, sed per manipulos & turmas. Ubi & vexilla præfata, id est, signa manipulorum, turmarumque, & ipsarum legionum, & juxta ea Centuriones & Duces; et Legati & Tribuni fortasse a lateribus Imperatoris, aut a tergo: Legimus tamen, milites etiam vocatos interdum in concionem ad ipsa signa, id est, ad Principia: cum nempe in castris affatio esset: ibi quippe ante Prætorium ipsum tribunal, ut dicitur in re castrensi. Inibi cum armis convenerunt.

In hoc alloquio approbatio aut improbatio, & utrumque per sua signa. Veteri ritu clamor in assensu militari, & dextræ sublata: contra, fremitus aut mœsta taciturnitas. Sed & tertium assensus genus erat, concussio armorum, sic ut hastis ferirent scuta. Invenias & paulo aliter assensum, videlicet sublati scutis, vel cum crepitu motis. Sed hæc talia non prisca nimis aut mere Romani ritus; ab exteris & barbaris manarunt: Germani quidem & Galli sic factitarunt ab antiquo.

2. De Classico.

Classicum dicitur, cum signa omnia pariter canunt, & militem vocant incitantque ad pugnam. Ducta vox a Classe, quod sonori classes olim ad concionem vocabantur: sive etiam ipsa primitus, a calando, *Calassica*. Sanè vocari classico verum est. Simile in ipsa Urbe olim, ritu valde antiquo. *Classici* nomen proprie buccinæ aptare Vegetius videtur: contra soli tubæ ascribit Suetonius. Sed in his talibus non aliud est *Classicum canere*, quam *πολεμικὸν* sive *τὸ παρακλητικὸν σφύζεναι*, *bellicum aut incitatorium canere*, certis videlicet modis. Quod in pugna quidem legitima fiebat omni illo instrumento, & cornuum, & tubarum; Litui etiam miscebatur.

Litui distincti a cornu, a tuba; nam Seneca facit adunca esse forma; quæ non in tuba. Dixeris a similitudine auguralis litui appellatos, qui in extremo incurvus. Qui eo cecinit, *Litice* dictus. Dabat acutum & stridulum sonum. Unde colligendum, grandem aut patulum canalem hunc non fuisse. Fuit igitur *Litus* medium quoddam inter tubam & cornu; non rectum prorsus, ut illa, nec totum incurvum, ut istud. Quin tamen confundant scriptores, haud abnuo.

Tuba ejus formæ, cujus apud Europæos fere hodie vides: ære directo ducta est, canali ad exitum latiore; quæ erat militaris. Nam & alia sacrorum est, dispari usu, & fortasse forma. *Tuba* dicta a tubo sive canali; quem referebat. Tuba etiam digniores uli, & illa caneant, imo summates viri exercuerunt. Tuba prisca Græcis

Græcis ignota: Homerus novit, sed nusquam Heroibus tribuit, quia nondum in usu Græcorum. Ejus sex genera facit Eustathius.

1. Quam Minerva invenit, & ab Argivis hoc cognomento colitur Σάλπηξ ἄσπυα. 2. Apud Ægyptios, quam Osiris reperit, quæ χύαῖς ipsis dicitur, & ad sacrificia utuntur. 3. Gallica, conflatilis, non nimis magna, quæ os habet deformatum in bestias, & canalem plumbeum, in quem inspirant Tubicines, atque est acuti soni, vocatur ab ipsis Gallis *Cornyx*. 4. Paphlagonica, cujus os effigie bovis, gravi mugitu, sursum inflanda. 5. Medica e calamo tubam habens, gravi sono. 6. Tyrrhenica, similis tibix Phrygiæ, habens orificium scissum aut fractum: ea valde acuta. Et istam volunt esse hanc nostram & Romanam, atque à Tyrrhenis traductam. Tuba etiam ad mortuos utebantur, sed nobiliores: neque enim ea vulgo, sed in funcribus Indistivis, scilicet ad populum classico convocandum. Quod ipsum in militibus decore servatum, ut ii sepe- lrentur ad bellicum hoc instrumentum.

Cornua dicta, quod ea, quæ nunc sunt ex ære, tunc fiebant ex bubulo cornu. Et prima origo à boum cornibus, & pastorum instituto: nam illi sic calabant pecus aut boves. Ergo olim nihil discriminis inter Buccinam & Cornu: postea fuit, & cornua ista ex ære facta grandiora, & magis reflexa.

Buccina prioribus sejunctæ, quod Vigiliæ ostendunt: nam nemo illic cornu aut tubam sonuisse dixerit, sed buccinam signanter plerique omnes. Fuit cornu bovillum initio: nec à bove male derives, ut instrumentum, quod bubus canit, aut quod boves canit & vocat. Ea ex ære facta.

Qui inflabant, universe *Æneatores* dicti, quia omnia ex ære. Cuique manipulo aut turmæ sui videntur fuisse *Æneatores*: Nempe singularum partium sui, & tot fortasse, quot signa, tum etiam communes legionis. Illi tempore pugnæ in sua quisque parte steterunt; isti juxta Aquilas & Imperatorem.

Modus incinendi classici: Tubicen unus utrimque insonuit, & mox alii pariter responderunt, priores quidem ii, qui rotundo quodam loco constituti, tubis certum aliquod modulabantur, quo ut consisterent, & prælio se pararent, milites admonebantur: tum deinde omnes reliqui, qui animos irasque militum acuebant, & ad pugnam excitabant. Triplex ergo tubæ sonus: Primus unius & singularis, qui Primpili fortasse, haud longe ab Imperatore, ejusque nutu incinuit. Secundus aliquot aliorum; qui in loco quodam orbiculari, & fortassis editiore stabant, ad signa & Aquilas Tertius omnium aliorum per cohortes, per turmas, qui pariter jam Classicum canebant. Nam duo priores soni non nisi expediendo militi videbantur, paulatimque ejus animi & iræ moræ. Facit enim profecto hoc sonus, & magnam vim habet ad spiritus & sanguinem evocandum. Ideo Romani non in equitibus solum, ut nos, sed

etiam in peditibus tubas habebant. Nam tympana, & cujusmodi nos vasa pulsamus, Romanis non in usu; apud alias tamen gentes observitara. Imo in convicio apud illos Tympanotriba: & Galli, id est, effeminati Matris Deum, ea pulsabant.

Vetusta tamen tympana, & ab ipso Baccho, sed in eo choro fere relicta: & apud molles. Et ab eo fortassis est, quod in bello etiam tympanis uli Indi, & Abari sive Huni, gens barbara. Sed certe diversa erant à nostris illa Indorum: nam ex palmæ arboris cavato stipite, cui tintinnabula ex orichalco introrsus adaptabant, & os deinde valis taurino corio occludebant, atque id in altum ferebant, concuriebantque in acie. Tintinnabula igitur, quæ multa & magna intus, inconditum quendam sonum edebant. Talia etiam Parthis tribuit Plutarchus. Etli in marmoribus Galli Matris Deum conspiciuntur tympanum manu tenentes, rotundum infra, supra planum, atque ibi corium inductum, quod bacillis pulsant; cujusmodi hodie equestria Germanorum vel Attorum tympana. Nec in ære tantum tales pelles, sed in ligno sic cavato & aptato, pelle ex una parte ligno extenta. Quod dimidiatum nostras tympanum, jam plenum, sed alio nomine, habetur apud Ilidorum. *Symphoniam* vocat: *Symphonia*, inquit, vulgo appellatur lignum cavum, ex utraque parte pelle extensa, quam virgulis hinc & inde Musici feriunt.

3. De Clamore militari.

Cassicum excepit *Clamor* militum; itaque edebatur in ipsa imminente jam conjunctione & conflictu, incitatio pariter animi & virium, at qui hosti terror. Nam hos habebat fines. Itaque ante, & cum eminus, silentium vastum erat; incursum & impetus duntaxat cum clamore factus. Vetus hercle hoc institutum, & Romuli ævo usitatum. Duplicem habuit causam, ut dixi, hostium terrorem, & sui incitamentum.

Probabile est, hunc clamorem fuisse voces aliquas confusas, repetitas, nec quidquam significantes, cujusmodi subitæ, & primi impetus esse solent, syllabæ potius, quam verba. Fuit apud Græcos quidem vox ipsa ἀλαλᾶζεν, & ἀλαλᾶζμός, assidua in ista re: & quid aliud, quam formata a syllaba ista repetita, *Al al*, vel *la la*? qua utebantur scilicet in provocando. Apud Romanos quid fuerit, ignoratur; nisi quod *Barritus* posteriore ævo reperitur, sed Germanorum verbum. Uli tamen Romani: an quia syllaba illa repetita prior, ut hodie Germanis quibusdam *Bar bar*? an à clamore ductum? quoniam *Bæren*, vel *Beren*, hodieque sublate & ferociter clamare nobis signat. An denique ab ursis formatum? qui *Beeren* item nobis Germanis: & haud absurde ab iis peritum, quod quali vocem illam imitantur. Vox quidem nostras, Tacito teste. Ita legitur in eadem re λυγνῆμος, quasi dicas *Lupinum sonum*, & qui lupos ululantes imitabatur. Etiam Galli ululatu usi. Germanorum *Barritum* & Romani inferiores assumpsere. Hic *Barritus* etiam

Barba-

Barbaricum dictus Festo, quod eo genere Barbari utantur : clamor est, qui ipso fervore certaminum a tenui susurro exoricens, paulatimque adolescens, ritu extollitur fluctuum cantibus illisorum. Gentis etiam aut patrie nomen acclamatum reperitur, ut nunc à quibusdam solet. Nam Hispani Hispaniam ingeminant in concertatione aut rixa, & cum auxilium cient. In Plutarcho lego, Romanos etiam usurpasse crebro illud *Feri*, in acie, & cum sese mutuo adhortarentur. Nec solum clamore uti Romani, sed strepitu etiam & concussione armorum. Quod ipsum usurpabant etiam nondum vicino hoste, & dum duci in eum vellent.

Hic clamor tanti apud illos æstimatus, ut ex eo dijudicarent de eventu pugnae ; nam momentum habet ea res etiam a naturalibus causis. Quippe duo sensus in nobis, per quos timor maxime in animum penetrat, Oculi & Aures : alterutrum igitur illorum qui turbat, nã ille victoriæ suæ multum confert. Itaque non injuria Cato dixit : *Verba plus quàm gladium, & voces quàm munus, hostes territare, & in fugamvertere.*

Clamore jam olim & aliæ usæ gentes, idque Pæne inventore : unde *Terrores Pænici*, proverbium fecerunt. Macedones, & Persæ uti, etiam Græci, quibus aut τὸ ἀλαλάζειν passim tribuitur, aut τὸ παύειν. Duos enim Pœanas norunt Græci : Unum ante prælium, Marti ; Alterum post prælium, Apollini. Illum ἡμετέριον παῖνα, *Congressivum Pœana* ; hunc ὑπὸ νικίῳ παῖνα, *victorialem Pœana*, dixerunt. Videntur cum cantu aut rhythmo quodam fuisse, atque ideo Pœanes dicti. Manlit apud imos etiam Græcos, qui tamen, ut Christiani, *Vicit Crux*, pro Pœane habebant.

4. De Signo pugnae.

Signum pugnae diversum à Classico, quia istud mutum : illud auribus, hoc oculis serviit, & tempore Classicum prævit. Nam Romani, cum decretum jam pugnare, tunicam russam in Prætorii fastigio extendebant in hasta, ut eo signo miles moneretur parare se, & arma ; tum etiam, ut, si qui dispersi, convenirent, Utile fuit in re subita, & ut momento omnes monerentur. Hanc tunicam alii *Vexillum russum* vocant. In navali etiam pugna usurpabant. Tale signum etiam erat ad iter. Apud Curtium, cum tubæ sonus haud pariter ab omnibus exaudiretur, dum castra movenda essent, Alexander perticam, quæ undique conspici posset, supra Prætorium statuit, ex qua signum eminebat pariter omnibus conspicuum.

Signum denique superest, quod item *Signum pugnae*, aut simpliciter *Signum* dicunt. Illud idem *Tessera*, & Græcis σίνδρυμα, quod datur uno alteroque verbo sub ipsam pugnam ab Imperatore, ut eo commilitones inter se norint, & item hostem ; cujus usus perit, cum iste quoque tenet. Remedium huic rei non absurdum in Polyæno, qui inter strategemata recenset, quod Acues quidam Dux Arcadum suis militibus signum dedit, interficere eos, qui signum

interrogassent. Cæsari bello Africo signum fuit *Felicitas*, ut Bruto *Libertas*: & plerumque tale aliquid, breve, & ominis boni: ut puta, *Victoria*, *Palma*, *Virtus*, *Deus nobiscum*, *Triumphus Imperatoris*, & alio pro libito Ducum supremorum. Veteres nomina fere Deorum dabant, quos aut patria aut ipsi Duces colebant. Ita Cyro signum erat, *Zeus Πρωταρχος, ἡγεμὼν, σωτήρ*. *Jupiter socius*, *Dux*, *Servator*. Cæsari, *Venus genitrix*: Augusto, *Apollo*. Etli alia quoque; imo & dicta, & versus.

LIBER V.

DE DISCIPLINA.

Disciplina militaris nihil est aliud, quàm *Præscriptum & lex quædam militandi, & in militia se gerendi*. Itaque ea continet modum, munia, opera, tempus militiæ. Sed quia CASTRA, Gymnasium, palæstra, & sedes, imo domicilium disciplinæ; ab iis exordiendum. In Castris enim Munia, Opera, Exercitia, Præmia, Pœnæ: & uno verbo, hic regitur miles & formatur. Ipsa Castra, non sine disciplina fiunt aut constant, quæ sane accuratissima apud Romanos. Hic reperies specimen eximium Romanæ prudentiæ, imo sapientiæ, in toga & fago.

DE CASTRIS.

Nullam noctem Romani sine castris agebant, & semper ligneis terreisque istis moenibus, ut in urbe, cincti. Institutum hoc sub ipsis Regibus, & statim post eos. Castrorum metatio apud Romanos aliter, quàm apud Græcos aliosque, qui pro locis & temporibus mutabant: non sic Romani, simplex semper & eadem, nisi quod minor vel auctior spatio, pro numero legionum. Sed quadrangula semper, sed portæ & sectiones eadem, sed tabernacula Ducum & militum eodem situ. Hinc utilissima illa notitia castrorum, ad prævisa, & invenienda militibus omnia, sicut civibus in aliqua urbe. Uniusmodi igitur semper castra, si formam consideres; paulo alia, si apparatus totum & instructum.

Duplicia Romanis castra; *Æstiva* & *Hiberna*. Illa, quæ mobilia, & æstatis sive expeditionis tempore in unam sepe noctem structa. Quæ iterum duplicia, à moræ mansionisque differentia. Si enim una alteraque, aut omnino paucæ noctes in iis agendæ, sine alia additione. *Castra* dicebant, aut *Mansiones* etiam, posteriori ævo. Si diutius subsistendum, ab ipsa re *Stativa*, aut *Stativa*, scilicet *Sedes*; etli ipsa vox *Sedes*, pro castris; *Æstiva* Suetonio. *Hiberna* sunt, quæ per hyemem, & in diuturna mansionem militibus receptaculum; ab ipso item sic tempore dicta. *Hietmalia* Vopisco,

Vopifco, *Hibernacula* Livio. Horum origo apud Livium bello Veienti, sub A. V. 358. Stativa illa sub pellibus, Hiberna in oppidis aut castris, quæ tabernaculis, aut alio opere accuratius instructa: & merito, tum contra cœli injurias, tum quia usus plura necessaria in diuturna mora. Itaque hæc talia partes sive membra habebant magis distincta, ut Armamentarium, Fabricam, Valetudinarium, & talia. Imo, revera instar oppidorum sæpe struebantur, præsertim in finibus Imperii, & ubi perpetuæ stationes & prætenturæ contra hostem. Tale in Euphratis, Danubii, Rheni ripa: & hæc ea origo & genitura nobilium aliquot hodie oppidorum. Habebant & *Procestria*, id est, ædificia ante castra, adnexa Hibernis aut stativis, ut eo reciperentur lixæ, advenæ, mercatores, & qui alii paganorum, castra sequerentur: miscere enim eos militibus, non Romanus usus: habuerunt tamen receptum in castra, hoste instante.

Castrorum Partes due: SUPERA, & INFERA.

DE PARTE SUPERA CASTRORUM.

Pars Supera Castrorum nihil habet præter Duces, & eorum comites & administratos; atque omne corpus legionum & Sociorum infra metationem habuit. Eaque causa ibi denique *Principiorum* nomen, quasi hæc Supera esset extra castra: In supera enim pars erat *Prætorium*, *Quæstorium*, *Pedatura Legatorum*, *Tribunorum*, *Præfectorum*, *Evocatorum*, *Extraordinariorum*. De quibus nunc dicendum.

Prætorium.

In supera Castrorum parte *Prætorium*, primum locum habuit; honoris & decentiæ causa, quia primo Duci primus locus debitus, nempe ea pars, quæ editior, aut cui aliunde nihil obstarer, quæ aspici undique & aspicere posset, e qua dari mandata & audiri. Nam allocutio, signi ad pugnam propositio, circa Prætorium, aut super ipsum facta, quæ locum volebat liberum & conspectum. Ea ipsa res ad majestatem aliquam & vim imperii faciebat, eminere loco, qui dignitate eminebat. Ipsum etiam tabernaculum non solum latius cæteris, sed altius, & quasi in urbe aliqua templum.

Prætorium Polybius vocat τὸ στρατὸς ὀμίλον, Tabernaculum prætoris. Et si Græci quoque simpliciter στρατάρχων, quasi Imperatorium, aut Prætorium dicunt. Augustæ ætas videtur hoc, *Augustalæ* dixisse; potest ab Augustis ita dictum esse, qui in eo tendebant. Latinis ideo Prætorium dictum, quod initio Prætores erant, qui deinde Consules: & ii bella administrabant; quorum tabernaculum quoque dicebatur Prætorium. Aliter quoque vox Prætorii apud Latinos usurpata, pro conventu, & hominibus, qui in eo loco. Hoc sensu dicunt, Prætoriam dimittere, quod perinde est, quasi Curiam mittere, aut Senatum. Quæ missio semper ad horam & statutum tempus facta, scilicet vespere & luce abeunte,

cum vigiliæ mox constituendæ essent, & quisque ad corpora, aut munia sua curanda abiret. Ideo mandata, si qua in noctem aut primam lucem Imperator vellet, tunc dabat, ne quies turbaretur castrorum. Simile est alterum illud è militia, *Mittere principia*, apud Frontinum. Dicuntur enim mitti, aut dimitti principia, cum Tribuni non ultra ibi præsent, jus aut mandata dispersiunt, sed sub noctem ad Prætorium eunt, mox ad se ituri; sicque conventum militum solvunt; qui ibi frequentes.

Area Prætorii ampla erat, iustum quadratum, cujus latera singula 200 pedum. Latere in latus ducto efficitur area pedum 40000, passuum 1600. Grandis igitur & capax hæc metatio, ac par illi quatuor manipulorum, sive hominum 480. Et opus erat tanta: nam Prætor ipse per se laxius paulo agere & tendere debuit, quam caput aliquod e vulgo. Deinde, quia ministris aut comites illi plures, quos juxta se habebat. Inter ministros erant primo Liectores, & peculiaries, deinde servi ad varios usus. Inter comites honestiores multi, qui amicitie causa aut militiæ sponte eum secuti. Hi è *contubernio Prætoris*, aut *Contubernales* ejus dicebantur, quoniam eadem ista pedatura tendebant. Imo Senatorum filii, & tale nobiliorum genus, comitari ita magistratus solebant. Atque ipse Julius Cæsar, cum sua causa quadam peregrinari nobiles noller, tamen hoc-utiliter a majoribus institutum non abrogavit, & cum exceptione edixit: *Nequis Senatoris filius, nisi contubernalis aut comes magistratus, peregre proficisceretur.* Et sane utilitas hic clara, quod juvenus caste modesteque agebat, sub oculis & in latere Ducis: quod sermonibus sæpe militaribus, & interdum consiliis intererat: denique Duces agere parendo discebat. Sed & laxitate Prætori opus ad mulos & jumenta, quæ plura habebat; itemque ad supellectilem & vasa. Pecunia e publico ad mulos & tabernacula dabatur, & altera ad vasa, *Vasarium* appellata. In his quidem adeo non usum, sed delicias & luxum quidam spectabant.

Forma Prætorii superior fuisse videtur rotunda, testudinea, id est, curvata in cameram rotundiorē. Hac causa fortasse Josephus cum templo componit, quod templa pleraque talia: aut etiam, quod eminebat in mediis castris, ut in urbe aliqua templum. An & quia religio ibi, & pars sacrorum? Certe in eo *Augurale* fuit, ubi sacrificare & auspicari Imperator solet: nam ante illud ara fuit, in qua solenniter libamenta aliqua illata & cremata, quotidianæ religionis ergo. *Auguratorium* vocat Hyginus, qui & situm ejus parte dextra Prætorii docet, ut tribunal leva.

Tota igitur area sive pedatura Prætorii erat quaternum jugerum, seu potius versuum. *Versum* autem dicunt 100 pedes quoquo versum quadratum. *Pedatura* vero Latinis est, quod Græcis *ποδισμός*, etii *Podismi* ipsa Græcanica voce crebro in hac tali re Vegetius est usus, *ποδισμός* autem dimensio, aut & dimensum ipsum per pedes; sicut

sicut *συστάς*, per stadia, ad verbum est *Pedatura*. Et accipiunt non pro ipsa mensura tantum, sed pro spatio arcaeque, quam sic dimensi.

Situs Prætorii in medio, non quidem castrorum, sed aliorum Ducum. Nam semper, veteri & novo more, in medio Tribunorum, aliorumque Ducum, Prætoris locus. Profecto ut in acie Prætor seu consul (confundimus hic ista) post Hastatos & Principes ante Triarios stabat, media fere acie, & ad latera Tribuni: ita hic, nisi quod pro Triariis Ablecti, & Extraordinarii, & Evocati substituti. Et hic situs magnæ rationis. Primum, non longe ad Prætoriam portam, quæ illum fere semper spectabat, nimirum ut observet, si quid ille moliat aut moveat, & nuncios quoque & exploratores statim admittat. Causa altera, ut Duces omnes circum se habeat, quorum consilio, cum opus, statim utatur; item jubeat aliquid aut mandet. Tertia, ut in conspectu habeat subjecta castra, & militem totum, videatque si quid peccent aut turbent. Ipse ille aspectus coercerebat milites, qui sciebant, semper sub oculis sui Ducis se versari, eoque in omnibus magis compositæ se gerebant: nec Ducis tantum, sed Ducum: quoniam Quæstor, Legati Tribuni omnes fere huc spectabant. Denique causa etiam hic, honor & dignitas, quod media omnia honestiora, imo & tutiora.

Quæstorium.

Ad Prætorium situm est *Quæstorium*, ad latus dextrum, & supra Legatos; quia Quæstor magistratus erat Populi Romani; alii non nisi in dignitate. Dimidiatum est ad Prætorium in *pedatura*, quia Quæstor proximus est dignitate Prætori: & magis ideo, quia ampla ei vasa & instrumenta. Habet pedes 200 in latum, 100 in longum. Planities pedum 20000.

Quæstorio *Forum* adlitum, quod rebus venalibus servit, & conventibus, & legationibus etiam audiendis: ad eum enim locum veniebant & deducebantur primo Legati. Suidas *Gnomam* appellat. Utrumque hoc spatium, tam Fori, quam Quæstorii, grande fuit, & in omni latere circiter pedum 300. Forum illud Quæstoris *Quintana* appellabatur, in castris scilicet post Prætorium, ubi rerum utensilium forum fuit, ut ait Festus: dicta *Quintana*, à quintis cohortibus ibi tendentibus.

Pedatura Legatorum.

Legatorum pedatura ad alterum latus Prætorii, & ubi Forum: ita ut parte una Quæstor sit, parte altera ipsi. Omnino ratio vult, haud longe Prætores eos terendisse, quia & dignitate proximi, & ad eum sermonis consiliique causa sæpe advocati. Hi ergo iterum dimidiati ad Quæstorem. Ergo habent in longum singuli pedes 50. in latum 100. Est area 5000. Appello autem longum hoc loco (ne aberres) spatium à Prætorio ad Decumanam, latum à principali ad principalem. Quid, si plures jam Legati, & tot quot legionibus,

legiones, ut inferiore ævo factum? Credo, cum tunc Quæstor non ita vulgo comitaretur, eos utrimque ad latus Prætorii fuisse, & sic medium habuisse suum Ducem.

Metatura Tribunorum.

Tribuni sub ipsum Prætorium ordine siti: divisi in duas partes via media, quæ à legionibus ad Prætorium ducit: & ita collocati seni & seni, ut quisque ordo suam legionem habeat in conspectu. Exempli causa, sex Tribuni primæ legionis, huic sunt oppositi: sex secundæ, illi. Ordo etiam inter ipsos, ut primus ad Prætorium primus esset, oppositus equitibus: secundus deinceps, & sic ad sextum. Tabernacula illorum secreta & disparata: sive quia dignitas in eo aliqua esset, seorsum tendere: sive quia ratio voluit, vias quasdam medias esse, per quas ad forum utrumque sine ambitu iretur. Eæ viæ utiles quatuor sunt in utraque parte, quinta enim perit Prætorii objectu. Semper hi ad unum latus, idemque hujus quadrati, collocati: & infra eos legiones: ad id nempe latus, quod aquando aprissimum sit & pabulando. Igitur ita aptabant castra, ut Prætorii porta fere hostem spectaret. Decumana aversissima ab illo. Et per hanc plurimum aquabantur: ergo & facies castrorum tota versa in illam.

Quoad pedaturam, Tribuni dimidiati ad Legatum: & habent æqualiter in quadro 50 pedes: sunt in area pedes 2500. Et eo sine hoc spatium, ut tabernacula illic Tribunorum, quæ æqualiter inter se distabant, possent statui: atque ea ipsa laxiora, calonibus, equis, mulis. Quis enim nescit, honestius paulo comitatos instructosque fuisse hos militum Duces, & sæpe Senatores?

Pedatura Præfectorum Sociorum, Evocatorum, &c.

Sociorum Præfectos ad latera Tribunorum ponimus, situ & modulo paribus, quia pari munere & dignitate, nisi quod illi tamen honestiores, quatenus cives. Ratio autem vult, eos opponi suis Alis sive Cornibus, sicuti legionibus Tribuni. Dividantur ergo, & sint in quaque parte seni, eadem metatura, qua Tribuni, nisi quod viæ aut intervalla hic magis exigua, an potius nulla? nec enim hic transitus aut comineatus ulli, cum à tergo excipiant Evocati & Abiecti.

Evocati equites proximi à Præfectis, quia dignitate supra Ablectos sunt. Sequuntur *Evocati pedites*. Horum omnium numerus incertus, & ideo pedatura. Santo tamen 30, id est, Turma una Romana; habebunt 80 pedes in longum, 125 in latum: area 10000. Superfunt inibi 238 semis. Ea area esset pedum circiter 20000. Caperet igitur manipulos duos civiles peditum, id est, homines 240.

Ablecti equites turma una socialis; ergo 40 equites: ergo area 1333 semis. Efficiunt eam numeri, in longum 120. in latum 111. & quarta pars. A tergo cohors una *ablectorum peditum*, 336 hominum.

minum. Area illi esse debet 28000. ergo essent in latum 233. & dimidius circiter; in longum 120. Superfunt pedes 19.

Extraordinarii equites, sunt in universum turmæ 8. utrumque locantur 4. Prætorium & Fora spectant Polybio, et si quidam aliter. *Pedites Extraordinarii* à tergo equitum sunt: eorum 3 ponamus cohortes, utrimlibet unam cum dimidia; sed dimidiæ duæ viam aspiciant, atque ita junctæ quodammodo sunt, nisi pedum aliquot intervallo.

Pars itaque hæc est castrorum Superior, in qua vix ulli civēs. En prudentiam Romanam! custodiam primarii Ducis & Ducum committere Sociis voluerunt; quid, nisi ut fide sic habita, magis astringerent eorum fidem? Sed & causa occultior altera, quod præcipuos sociorum circa se, & in ore atque oculis habebant, ne quid clam consulerent aut innovarent. Et si autem isti undique cingunt Imperatorem, & in custodia habent; non tamen ita, ut non sit aliquod præsidium civile, si opus. Nam & Evocati utrumque sunt, veterani milites: sunt in contubernio ejus centeni aliquot homines, quorum munia, à custodia, & velut satellitio Consulis esse; unde si ut plurimum juxta eum, in castris, in agmine, puto, & in acie ipsa: adsident cum suis Quæstor & Legati: præfident Tribuni, ad quos ei semper receptus, & per eos in medias legiones.

Consideratio altera, quod loca hic magna & vacua: vel quia decore ibi, vel quia utiliter. *Decore*, ut Forum utrumque, ubi si quid liris aut injuriæ, in propinquo qui solvant aut ulciscantur: item ad res venales, ad prædæ, ad circulos, & sermones. *Utiliter*, ut Quintana illa magna; quia si opus instruere exercitum in castris, puta, cum eruptione pugnandum, aut tempore tali, ibi & in foro utroque facillime fiat. Item si educendus, sublati Extraordinariis, & in latus sepositis, grande spatium ad ordinandum. Nunc ad inferam partem descendamus.

DE PARTE INFERA CASTRORUM.

Pars Castrorum inferior, divisa & ipsa in duas partes, sed conformes: Via enim media transversa secatur disparatque quinos manipulos à quinis: sed in locatione alia nullum inter eos discrimen.

Spatium medium inter superam & inferam Castrorum partem, pedum 100, Romanis *Principia* dictum, Græcis *ἀρχαία*. Et si enim proprie sic appelles initium ipsum castrorum, ubi legiones (inde enim vox) tamen totum hoc spatium medium inter legiones & Tribunos, sic esse dictum constat. Hæc Principia sacra & casta habita, & fuerunt in religione, ob præcipua signa, quæ ordine illic antefixa; omnes enim primæ decuriæ & manipuli metabantur illic, ergo & signa quæque primæ, id est, primi Hastati, primi Principes, & Primpili etiam, id est, Aquilæ ipsæ: An & hoc verum; omnium cohortium signa ibi defixa, ante Prætores scilicet,

&c

& non movenda, nisi eo sciente, iubente? Sanctior item hic locus habitus, quia ibi legionum Numina, ibique aræ atque altaria exstructa. Equidem in Græcorum etiam rebus hunc morem & religionem recognosco.

De Metatura Militum.

Primo *Romani equites*, ut dignissimi, in medio locati, & liberimos habent egressus. Tuti hic: & quamquam in acie alia dispositio, tamen recepti tunc inter pedites, quia in castris nullus eorum usus. Horum podissimus est area 100000 pedum: ad passus si redigas, sunt 400. Spatium satis grande 30 equitibus, 30 equis; nec enim unus plus uno militari equo habuit: non tamen prægrande, cogitanti calones totidem: fortasse & Decurionibus ipsis aliqui honestiores comites aut ministri: item iumenta aut muli ad farcinas, hordeum, frumentum: nec enim ipsi equites onusti, aut eorum infessorii equi.

Triarii honore & loco ab istis proximi, & conveniunt in unam aream: tum ut via compendiat, tum ut equos observent, ne in castris soluti aut vagi dent turbas. Dimidiati erant ad equites quo ad metaturam.

Principes & Hastati in una item area, non manipulatim solum, sed & cohortatim locati. *Triarii* enim, *Principes*, *Hastati*, sic in una linea faciunt quique suam cohortem.

Velites, ut militum infimi, ita extimo ordine locati, ad vallum scilicet, & spatium illud, quod castra interiora ambit, ut illud observent, & ut in acie quoque, proximi sint hosti, sane incustoditum hoc vallare spatium esse non conveniebat, aut leviter custoditum. Et quia *Velites* sint duplices, *Legionum*, & *Sociorum*: illi ad supernam inferamque castrorum partem locantur: isti ad latus utrumque. Itaque 1200 *Velites* supra *Prætorium* tendunt, totidem ad *Decumanam*, 1000 ad quamque principalem. Tendent autem simplici ordine, nec multum spatii sument introrsum, quia grande unumquodque latus est, & pedum 2000, ac supra. Sed nec impedimenta multa *Velites* habent, aut arma: & minore podissimo iis opus.

Universum autem *corpus Sociale*, *Equitum* & *Peditum*, extrorsum situm, ut fere in acie ipsa. Nec imprudentiæ fuit eos dividere, & vires sejungere, ut contra *Romani* medii juncti, & numero firmi. *Socii* igitur per cohortes locati, quæ detractis *Velitibus*, modicæ, nec nisi hominum 236. Erant seorsim positi, ut juncti tamen lateribus essent, sicut *Hastati* & *Principes* tergis. Omnes autem *Centuriones* vallum spectabant, aut *Principia* & *Quintanam*: quod ex dignitate eorum, & commodo.

Hoc quoque notandum in tota metatione, *Decuriones* & *Centuriones* esse in capitibus ad vias, & juxta eos *Significeros*. *Prætorie cohortes* videntur juxta *Prætorium* tetendisse.

De Tentoriis.

Tentoria militum in castris vulgo è corio & pelle constat fuisse : inde & nomen, quia funibus tendebant & detendebant. Unde *Sub pellibus esse*, id est, sub tentoriis. Hæc pelles è publico datæ, sed Ducibus tantum. Fecerunt ita & Græci, quibus Xenophon *σκηνοπηγία* *σκηνοπηγίας* attribuit, tentoria & tegmina, pelles. Habebant hæc tentoria fulcra & tigilla dumtaxat lignea, quibus erigebantur & sustinebantur. Etli tamen è ligno etiam reperio, & *Papilionas* vocabant, à similitudine parvi animalis volantis. In hibernis & perpetuis illis castris ex asseribus & tabulis fuisse, nihil absconum, unde & *Tabernacula* dicta videntur : quamvis revera non à materia, sed à forma & usu simili potius, nempe quod sint quasi Tabernæ castrorum. Interdum ubi inopia, etiam stramentis, centunculis, aut vestibus usi. Fiebant etiam ex lino, nostrate ritu, & *Tenta* dicta domus ex lino : res & vox hodierna.

Tentoria 12, in manipulum videntur fuisse. Vegetius quidem auctor, homines 11 una tetendisse, & id *Contubernium* appellabant. Idem præsidem iis dat *Decanum*, qui ipse scilicet undecimus. An ab isto capite Italici hodie *Caporales* & etli *Corporales* alii cfferunt, & ad Ammiani *Concorporales* nos remittunt. Et iste Vegetii numerus pro ipsa alea non ineptus, ut terna & terna steterint tabernacula ordine quaternio. Atque istæ sunt velut domus militares, cuique notæ, & sciebant, quoto, & apud quem manerent. Itaque familiaritas quædam erat & nexus, *Contubernalis* esse : sicut *Ad-tubernales* Feito dicti, quorum tabernacula juncta.

Culina non opus militibus, cum in stricta & dura militia Romana panis cibus esset, & obsonia nulla aut rara, de quibus postea. Nec cubicula habebant aut lectos : nam aut humi jacebant, aut super gramen aliquod aut stramen.

Via Castrenses.

Via Castrenses sunt octo : quinque directæ & in longum : tres transversæ. Omnes aut 50, aut 100 pedum. Excipio minuscultas inter Tribunos aut Præfectos : item semitas inter tabernacula, si quæ fuerint. Sic enim grandes viæ non solum decoræ, sed & utiles, ad equos & jumenta educenda. Interdum tamen contractæ ob aliquam causam.

DE EXTERNA FACIE CASTRORUM.

Partes castrorum Externæ tres : *Fossa, Vallum, Porta.*

A tentoriis vallum adjunctum erat quaque versus pedes 200, cujus spatii vacui (*Pomarium* nominare liceat) usus triplex. Primo, ad egressus ingressusque copiarum, nempe ut compoliti ineant, atque in vacuo eo per genera & manipulos se disjungant, iterumque in egressu sic jungant ; quod utile maxime, si eruptione pugnandum, & instat hostis. Deinde ad pecudes adductas, vel ex hoste captas, vel ad militarem cibum sequentes, & ad prædas servandas :

sed

fed ab ipsis, aut *Quæstore*, mox vendendas. Denique si hostis noctu affiliat, aut per insidias & clam tela aut faces immittat; innoxia sunt ob illud spatium interjectum, & cum perveniunt, viribus defecta.

De Fossa.

Fossa erat exterius vallo præducta. (Sic enim ab ipsa re dicebant, *Præducere fossam*; dicebant & *Deprimere fossam*, itemque *Percutere*.) Ea fossa lata plurimum 8 pedes, & totidem alta: alii tamen adaugent. Non raro duplex fossa, ut & duplex vallum, legitur, majoris firmitatis aut tutelæ causa. Hanc accincti fodiebant.

De Vallo.

Vallum est aggestus è terra & sudibus, ad labrum interius fossæ velut murus. Duæ igitur ejus partes, *Agger* & *Sudes*.

Agger est ipsa terra, cum cespites circumciduntur è terra, & ex illis velut murus instruitur, altus 3 pedibus supra terram. Cespes fiebat altus semissem, latus pedem, longus pedem semis: nam nec temere aut pro arbitrio hunc excindere licuit, sed omnia ad normam. Si terra solutior, ut ad similitudinem lateris cespes non posset abscindi, tum sane aut fossa præducebatur, cujus intrinsecus agger excrescebat; aut sepibus ductis, vel interpolitis stipitibus, ramisque arborum, ne terra facile dilabatur, *Agger* erigebatur. Altus ille sæpe 10 pedes, totidemque latus.

Sudes, qui proprie valli, & inde compositum ex utroque dixerunt *Vallum*: nam *Vallum* & *Sudes* idem sunt *Servio*. Magis prisca dixerunt & *Suros*: inde *Surculi* & *Crebrisurum* *Ennio*, vallum crebris furis, id est, palis munitum. *Sudium* tamen vox creberrima. *Sudes* erant & quocumque & obvio ligno, robusto tamen, cum daretur: ex robore eas facit *Valerius*, ex acere *Propertius*. In oppidis etiam istæ *Sudes*. *Sudium* forma: Non fuerunt ex æquabili & simplici ligno, sed habuerunt duas eminentias, & velut cornua, aut tres, aut quatuor, id est, ramos in majori stipite, qui recili, ut cornua eminebant; tales præsertim in summo erant. Studiose acutæ fuerunt illæ eminentiæ vallorum, ne quis facile possit apprehendendo evellere, lubrico scilicet ligno: Et contra transgressum & transcepsum. Itaque longiusculos fuisse oportuit hos valios, cum pars in terram defigeretur, firmamenti causa; & pars emineret: cæsi implexos & devinctos inter se etiam fuisse sciam.

Valli modus parte una 2017 pedum, altera plusculo major 2050.

De Portis.

Portæ in castris *quatuor*; ad unumquodque latus una. Atque inter eas prima *Prætoria*, quæ scilicet vicina & a tergo *Prætoris*. Solet ea plerumque obverti hosti, ut *Decumana* averti: & per hanc plerumque exercitus in prælium eductus. *Livius* vocat

Extraordinariam, ab iis ipsis turris & cohortibus, quæ illic tendunt. Duæ laterales & proximæ portæ *Principales*, è quibus leva altera ad discrimen, altera dextra : ita dictæ, quod ibi tendant principes ordines, capita & apices castrorum, ut Tribuni, Præfecti, primique Centurionum : vel etiam à Principiis ipsis, sed tum magis essent *Principales*. Quarta *Decumana*, à cohortibus *Decimis* ibi tendentibus dicta. Ea est opposita Prætorix, & remota ab hoste. Hæc eadem *Questoria* olim dicta. Extra hanc supplicia à militibus delinquentibus sumpta. Inferior ætas minores quasdam portulas interstruxit. Fores & januæ etiam iis impositæ ad serandum ac referandum. Turres etiam in portis ad defensionem lego. Quæ talia tamen, non nisi in Stativis & diuturnioribus sedibus, habuisse credendum est : in unam noctem ne foribus quidem valde opus.

Portæ singulæ, sô pedum : latiore enim ingressu opus vehiculis & jumentis.

Ambitus Castrorum.

Castra in toto ambitu erant milliare unum & semis, & aliquot passus. In eo spatio peditum 16800 locarunt belle & commodè, equitum 1800, præter comites Prætoris, Legatorum, Tribunorum, præter omne genus calorum, jumentorum, & impedimentorum.

De manitque Castrorum.

Ad castra munienda Romani & Socii communiter & solemniter adhibiti : imo ipsi Imperatores manum interdum admoverunt, in calcar & exemplum. Quotidiana erat, & si qua alia res, hæc militem firmabat & indurabat. In muniendis vero castris perpetuus & certus ordo, & ut quisque in iis locum & tentorium suum novérat, sic partem quoque operis, quæ obveniret. Nam Socii semper duo latera habebant, ubi tendebant ; & eo ordine etiam, quo tendebant : Romani duo reliqua, per manipulos sic diviti. Cum socii jam esse delierunt, per legiones divisio facta, & si plures, singulis suum latus. Operi intendunt per partes Centuriones, sed toti operi præsent & curant duo Tribuni, ut scilicet univérse omnia apte & coherenter, & nequid Centuriones remittant. Hi duo Tribuni, ex quaque legione unus, qui per menses suos imperium habebat, ut infra dicemus.

Duo autem fuerunt militum genera ; *Maniples*, & *Immunes*. Illi, qui munus facerent, id est, fossas, vallum struerent, excubias stationesque obirent : in quo genere omnes gregarii, & quibus honos aut gradus vacationem non dabat. Isti, qui iis omnibus vacarent ; qui & *Beneficarii* dicti, quod beneficio Imperatorum muneribus vacarent. Ejusmodi *Immunium* duo genera : alii, qui ex lege & more ; alii, qui ex beneficio vacabant. Ex lege, omnes Tribuni, Centurionesque, qui arbitri & exactores munerum erant, non actores. Item equites, ob dignitatem. In eodem numero Veterani

Veterani & Evocati, quos omnino probabile est, cum sponte militiam sumerent, munerum hac necessitate non adstrictos, nisi item in necessitate. A quo exemplo exauctorati, & qui sub vexillo habebantur temporibus Principum. *Beneficio* autem, quibus id indultum per gratiam, sive quia virtute meruissent. Nec Imperatores solum ipsi dabant, sed indulgebant aut connivebant etiam pro tempore Tribuni. Remissiore jam & minus intenta militia invaluit, vacationes pretio etiam, idque à Centurionibus, emi. Inter alia, quæ militiam & rem Romanam everterunt, hanc scito esse inter occultas causas.

Posteriore ævo quin munierint, opusque fecerint, dubitari non potest vel ex Vegetio, qui distinguit duo genera militum: *Principales, qui privilegiis muniuntur: Munifices, qui munus facere coguntur*. Ipse *Principales* appellat, illos eximios & in gradu: *Munifices*, viliores & gregales. Calones aut servi raro his operibus manum admoverunt, ipsi Romani munierunt: sicut & Macedones. Non enim vilia aut servilia ista habenda sunt, quæ domini Orbis terræ usurparunt. Sub Principibus tamen, molliore illo ævo, lixæ & servi fecerunt hæc munia, interdum & Provinciales.

Postea cum pulverulenta virtus forduir, & jam pene dedecus esset, vere virum esse, tota res abiit, & desierunt etiam muniri castra, meditationis scientia aut usu prorsus intercidente. Et si jam aliud muniendi genus & levius cœperat, ut non vallo, sed scutis, idque multiplicata serie, cingerentur. Hæc scuta quidem recta & juncta steterisse videntur, ad pila aut hastas acclinata, sed milites item appositi ad tuendum. Græci posterioris ævi, sub quibus munitio iterum vixisse visa est, ἀπληκτα, pro castris dixerunt. Suidas enim ἀπληκτον vocat locum, ubi à via quiescunt legiones.

DISCIPLINA MILITARIS.

Sedem Disciplinæ quia vidimus, Castra nimirum, nunc ipsam. Ad Disciplinam tria spectant. 1. MUNIA. 2. EXERCITIA. 3. LEGES. Quæ deinceps inspicienda.

I. MUNIA.

Tribunorum munera in castris erant, vigiliis disponere, circuire, tesseras & signum dare, denique quidquid ad usum, imperare. Sed imprimis etiam jus dicebant, & causas sive lites militares cognoscebant: imo puniebant etiam, & de capite cognoscebant.

Unius legionis sex Tribuni in tres se partes dividebant, & bini imperabant per binos menses: ita, cum duæ legiones in castris, quatuor erant qui imperabant; nec ii continuo, sed diebus alternis, ista divisio commoda fuit, & prudens: commoda ad alternam requiem; prudens ad concordiam. Quisque enim suis diebus & mensibus, in sua legione, imperium inhibebat. Idem imperandi modus Præfectorum in socios, qui Tribunis ubique adæquantur. Quæres, cur in semestria tantum? cur non discreti sic in totum annum?

annum? Ratio, quod annus actionibus & negotiis inæqualis; æstas tota in expeditione & opere, hyems pigra & otiosa. Ne quis ergo queri posset, aut honoratum se parum, aut nimis oneratum, omnes, ad res & otium admittebant, prout tempora erant.

Cum prima luce unius legionis omnes 60 Centuriones, & 30 Decuriones veniunt uno agmine, & compolite, ad Tribunos, quorum illis mensibus imperium, per speciem officii, ut saluent, & ut deducant. Ipli Tribuni cum hoc comitatu ad Imperatorem summum. Nonne decore omnia & utiliter ad dignitatem imperantium augendam? ad imprimendam subditis venerationem? Nec otiosa hæc aut honoraria tantum salutatio, sed visio. Numquid vellent? Itaque Imperator tunc iis signum dabat, atque alia pro tempore edicebat agenda. Vide pulcherrimum imperandi modum. Imperator Tribunis edicit, isti Centurionibus, Centuriones suis.

Sunt autem Munia militaria, *Ministeria, Excubie, Vigiliae*, & hæc similia.

De Ministeriis.

Positis castris, post juramentum præstitum (de quo infra) primum quod curant Tribuni, est partitio manipulorum ad ministeria, & munia diurna. Ordinant itaque Tribuni forte ex utraque legione, ita ut sex & sex Tribuni, quisque non nisi ex sua legione manipulos capiat, ne miles extra suam legionem ministerium Tribuno præstet.

Prima ergo cura est loci, qui ante Tribunos. Ea sunt Principia, celeberrimus & sacerrimus locus, ad quem ordinant duos manipulos ex quaque legione, Principum & Hastatorum. His curæ est, ut Principia versa & terfa sint. Nam quia frequenti itu & attritu necessum erat pulverem aut lutum fieri, (ibi enim sermones & conventus in totum diem, atque etiam judicia, & si quid aliud publica agendum) jusserunt indies viam hanc aspergi & mundari: Illud, cum pulvis: hoc, cum lutum. Sordes humanas extra castra & vallum fecerunt, cum liceret, id est, de die: si nocte urgerentur, in tentoriis & valis, ac calones aut ipsi asportarunt, nam discursisse in tenebris per castra & excubias, non opinor, & fraudi fuerit locus. Quid si etiam, ut Turcæ hodie, in fossis quibusdam hæc excreverint, iisque terra repletis, alias, subinde novas foderint? Id potuit. Et Turcæ majoribus tabernaculis tentoriola quædam conjuncta habent cum his scrobibus. Quæ tentoriola scilicet crebro mutant. Faciunt simile in extis, aliusque rejectamentis carnum, & ea defodiunt atque humo operiunt studiose contra foetores. Salubria haud dubie castra, per minutas has observationes.

Reliqui 18 Manipuli senis Tribunis per vices ministrant, tres in singulos. Cum castra metantur, eorum tentoria statuunt, & locum circa complanant, cespitem viridem comportantes, & tessellatim disponentes: nec abnuam etiam de glareâ aut lapide, si locus

vicinus præberet, aut diuturna mora posceret, ut in Stativis aut Hibernis. Et, si quid sepiendum aut claudendum sit ad vasorum utensiliumque custodiam, id præstant. Aquatum, lignatum, pabulatum quoque istos esse in usum Tribunorum crediderim. Visum enim, hæc omnia, quæ militiam tangunt, per milites fieri, tum contra ignaviam & otium, tum causa obsequii, & ut opportuni magis imperiis atque obnoxii essent. Hodie abnuunt, per malum fastum; qui in milite bonus, sed in hostem: apud duces obsequioli & flexi animi conveniunt.

De Excubiis.

Præter jam dicta ministeria, dant etiam excubias Tribunis. Excubia autem est e viris 4. quorum pars ante tentorium, pars post illud juxta equos agunt. Cum autem sint cuique Tribuno tres manipuli, & in quoque istorum viri supra 100, (Triariis exceptis & Velitibus, nam hi non ministrant, illi ob dignitatem, hi ob vilitatem, & quia utrique alio vocantur) non nili in quartum quemque diem ad manipulum redit & incumbit. Tribunis vero simul & commoditas ex hisce ministeriis; simul & dignitas atque honos imperio accedit. Sunt enim hi velut custodes quidam Tribunorum aut apparitores. Imo fallor, aut cum iplis Tribunis, si exhibant, pars eorum exhibat, ut honeste scilicet per castra & alibi incederent, militibus sic comitati.

Erat & equitibus excubia una Triariorum. Nam hi à ministro Tribunitio liberi, curabant cum alia, tum equos maxime, ne aut vinculis impediti illigatique lædantur, inutiles futuri ad militiam; aut soluti & ruentes, turbas ac consternationem excitent in castris. Percommodum enim visum, ut Triarii equitibus ministrarent, sine molestia ulla sua, in suis tabernaculis manentes.

Imperatori unus ex omnibus manipulis in diem excubabat; quæ res & tutum præstabat ab insidiis, & ornatum speciemque magistratui addebat.

Sociorum manipuli etiam ad exemplum legionis distributi, ut quidam Principia munda habuerint in sua parte; aliæ excubiæ fuerint Præfectis, exemplo Tribunitio: denique & Imperatori manipulus forsitan unus.

Excubiæ etiam ad portas & vallum: atque adeo Romanus mos fuit, totas cohortes & turmas habere & ponere quietas ante ipsas portas, non unum aut alterum militem, ut hodie solet, quos a sentiendi *Sentinellas* vocamus. Illi plures, atque etiam cum periculum esset, alios super alios, & longius abjunctos. Id vocabant ab ipsa re, *Stationes*: stabant enim, tam equites, quam pedites. Et distinguunt passim à vigiliis, quod hæc diurnæ essent. Græci *παραγὰς*, bene & apte vocant, quasi dicas *Procustodias*. Ammianus *Stationes agrarias* aliquoties dixit: Vegetius compendio, *Agrarias*, quod in agris scilicet & sub dio. Hæc Stationes olim quidem totum

totum diem habitæ, sed mutavit Æmylius, ob causas, & binas in diem statuit. Utiles valde, quod nunquam hostis imperatos aut paucos deprehendebat, imo qui essent resistendo, donec succurreretur. Anxie autem servatæ; & omnino capitale (nisi magna vi abriperentur potius, quam pellerentur) deferuisse. Has Stationes puto ex omni genere militum, exceptis Velitibus, obiisse: ad singulas portas non minus cohorte & turma una; interdum ad plures, cum juxta hostis. Quatuor autem portæ, in universum 40 cohortes, & totidem turmæ. Exceptis iis, qui ad prætorium Extraordinarii, aut Selecti. Hi enim ab hac re immunes. Ergo munus reddiit decimo quoque die. Imo quinto die, si illum medium dividis & secas cum Æmylio. Aliter paulo Spartani, qui asservabant fœderatos suos & armorum socios una illa custodia, altera hostes. Custodia in socios, peditum fuit: in hostes, equitum, atque ea in locis fere montanis aut excelsis.

De Vigiliis.

Sicut Excubiæ erant diurnæ, ita Vigiliæ nocturnæ: etsi illæ quodque pro istis usurpatæ, & est generale nomen: at non è contra. In Vigiliis tria consideranda. 1. TESSERA. 2. IPSÆ VIGILIAE. 3. CIRCUITIO.

1. *Tessera* hoc modo data & accepta. In quoque genere, equitum & peditum, ex decimo signo, quod ultimum est, & in strigurum parte extrema, vir unus eligitur, qui à reliquo munere excubiarum immunis sit, *Tessarius* dictus ab ipsa re. Is quotidie, Sole jam inclinante, ad Tribuni tentorium venit, & signum perit: illud Tribuni ab Imperatore accipiebant, in milites per Centuriones transfundendum: ibique quotidie referebatur numerus militum, utili more, & cauto Duci omnino imitando: ut, quoniam multi per comneatus, aut qua alia causa defluunt, multi casu aut ferro pereunt, sciat quotidie suas vires, & quid militum ad manum. Ruunt multi in pericula fiducia virium, quas habere putant, nec habent: & fraudes quæ hic hodie, non est ignotum, cum nomina magis Centuriarum, quam numeri constant.

Signum aut *Tessera* militaris erat tabella latiuscula è ligno, inscripta, nempe ipso nocturno signo aut dicto, quod esse vellet Imperator. Sepe unum, alterum verbum inscriptum erat: interdum mandatum, aut sententiam habebat, aut versum, ut in pugna: de qua vide supra suo loco. Et Imperator quidem ipse ore dabat & pronunciabat, sed Tribuni tum inscribebant, & dividebant. Hanc tabellam sive *συνδυα* non ad ipsas vigilias solum, sed ad mandata etiam adhibuerunt, quæ tesseriis sic inscripta, securitatis causa, ne quis quid excusaret, atque ideo sæpe grandiusculæ fuerunt, & quibus inscribi plura possent, Imo *Libellos* Suetonius appellat. Sic enim tuto data sub noctem, & sine periculo revelationis, vigiliis jam ponendis. Denique & celeriter sic transmissa, ordine noto.

Per tesseras etiam iter edicebant sapissime, & ad absentes quoque mittebant. Dabant & interdum signatas, nec nisi tempore & loco referendas.

Tesserarius, accepta Tessera à Tribuno, non loci aut dignitatis ordine dabat, incipiens à primis manipulis : sed contra, redibat ad suum & ultimum manipulum, & Centurioni dabat : ille acceptam proximi manipuli Centurioni, iste iterum proximi, donec ad primos manipulos perventum esset. Bonus hic ordo dupliciter : tum ut Vigiliæ in ultimis castris & hosti propinquis statim constituerentur : tum ut tessera sic via recta & sine flexu ad Tribunos rediret. Magna etiam ibi celeritas : nam luce ambigua, & Sole occiduo, reseræ à Tribuno datæ, ante eundem occasum oportuit relatas. Si mora aut culpa, inquiritur, punitur. Cognoscitur culpa ex inscriptione : nam præter signum nocturnum, unum & idem omnibus in unam noctem. Alia etiam erat inscriptio, quæ notaret partem & genus. Exempli causa Tesserarius Hastatorum, Principum, Triariorum, Equitum, quisque suam tesseram accipiebat, cum nota H. P. T. T. aut tali, quæ initialibus aut pluribus literis notaret genus, ut inde statim constaret, in tali parte peccatum. Tessera dabatur adhibitis testibus ; nam in tabernaculo data Centurioni, præsentibus militibus, ne quis negare posset ibi datam, aut Tusco (quod aiunt) jurgio alter alterum culparet. Hodie in aurem saltem insusurramus, quam facili lapsu aut venia, si neget intellectam ! Discursu etiam datur. Nihil hic opus. Et distribuitur in summa quiete. Ipsi quidem Centuriones legunt, & porro tradunt ; sed lectam iis enunciant, quorum sunt vigilandi vices. Ita omnia ordine ; à summo Imperatore Tribunus, ab ipso Centurio, ab hæc miles in suo manipulo quisque accipit : denique ratio sic imperandi aliquid aliud, proba & quæ omnis it sine tumultu.

2. *Vigilie* per manipulos erant dispositæ. Imperatorem & Prætorium manipulos accubans custodit, Tribunos & Equitum turmas 11, qui e quoque manipulo constituti sunt, ut in diurnis excubiis, & in numero nihil, sed homines mutantur. Sunt autem in quaque legione manipuli 30. ergo excubabant homines 120. Per singulos manipulos omnes ex se ipsis vigiliam disponunt, reliquas ipse Imperator ordinat. Fiunt autem plerumque tres vigiliæ apud Quæritorem, id est, homines 12, & apud quemque Legatorum duæ. Exteriorem vero aspectum castrorum Velites complent, per totum vallum de die accubantes : & videntur illic sedes, & tentoriola sua habuisse. Vigilarunt autem sparsim & per excubias divisi : singulis centenis pedibus una erat excubia : nempe in latere uno 20 excubiæ, sive viri 80. Adde, quod etiam in portis excubiæ, sed & ibi Velites, junctis equitibus, imo manipulis & cohortibus.

Vigiles quaterni se diviserunt in 4 partes, ita ut singuli vigiliam unam noctis obirent, forte dividente per ternas quique horas.

ergo

ergo 4 vigiles; atque ii una: sed unus ex iis sua vigilia quisque perstabat intentus, & vere vigil, alii adiacebant aut accubabant. Itaque his quies aliqua, & ille stans, si auxilium posceret, ad manum habebat. Multo melior hæc ratio, quam nostrorum Sentinellarum, qui prorsus solitarii & certe à suis abijuncti. Itaque facile interceptiuntur, imo & occiduntur, sine aliorum sensu. Qui vero ad vigiliæ destinati sunt? Ex singulis eorum excubiis unus cujusque manipuli Tergiductor seu Optio ducit vespere ad Tribunum qui primas sunt acturi. Quis ergo secundos, tertios, quartos? Nemo, nec ullus ultra discursus in castris; sed probabile est, ipsos istos primos tesseras quoque eorum vicem accepisse. Castra quidem noctu omnino quieta. Ideoque statuendum, vigiles primos, etsi depenso suo penso, tamen non abivisse ad tentoria: sed illic reliquum noctis mansisse: idem in secundis & tertiis, non post venisse sub suam horam, sed illic eam otio expectasse.

Optio omnibus vigiliam acturis dat tesseras plane exiguas pro quaque vigilia. Hæ tesserae diversæ fuerunt à priori: Illa uniusmodi fuit, & signum aut dictum nocturnum, quo sese ab hoste internoscerent: Istæ diversiformes, & propriæ cuique vigiliæ: Etiam in modulo discrimen. Illa tabella latiuscula, istæ plane exiguæ, aut velut taleolæ. Omnino non aliud fuisse videntur, quàm ligellæ, cum nota duplici impressa: altera manipuli, altera vigiliæ ipsius. Id hoc fine, ut Tribunus, ea reddita, statim conspiceret quis in quoque manipulo, & quota vigilia, munus fecisset aut non fecisset.

3. *Circuitio* politas vigiliæ firmabat, alioquin in noxam ruituras. *Circuitio* Græcè *ἰσοδεία*, *obitus* aut *lustratio*. Prisci, auctore Felto, dixerunt *Fraxare*, vigiliam circuire. Hæc circuitio commissæ equitibus de more: ipsi interim Tribuni etiam circumiverunt, si propius discrimen. Quin & ipse Imperator interdum & cum eo Legati. At sub Vegetii ævum *Circitores* proprium munus fuit, & militiæ gradus.

Oportet primum turmæ Præfectum aut Decurionem in quaque legione uni Tergiductorum suorum præcipere mane, ut 4 juvenibus turmæ suæ indicet atque edicat ante prandium, iis qui debebunt circuire. Deinde sequentis turmæ Præfecto oportet eundem vespere indicare, quod ad eum sequentis diei circuitionis cura pertineat. Qui cum audierit, oportet similiter jam dictis eum facere in sequentem diem: pariter & eos qui sequuntur. In quaque turma tres Præfecti seu Decuriones. Hæc cura fuit primi & tribus, idque per vices ivit in orbem: ergo undecimo die redibat ad turmam circumcumbendi munus, si tamen e quaque legione Circitores capti. Ergo 8 fuerunt in unam noctem & partiti sunt lustrationem. Qui vero ordinati ab Tergiductoribus fuerint ex prima turma quatuor, postquam sortiti fuerunt vigilas, eunt ad Tribunum, & scriptum accipiunt, quoram & quot debeant obire. Post quæ illi 4 accubant

ad primipilum ad Aquilas, uno abeunte reliqui tres accubant, ut scilicet proximi sint ad audiendum signum, atque ei attendendum, ut in tempore detur : ejus enim Centurio curam habet ad quamque vigiliam buccina signum dandi. Initio vero vigiliarum omnia signa cecinerunt, aut potius paulo ante ipsas, cum nimirum Prætorium dimitteretur : & hoc signum erat imperii. Erant autem vigiliæ quaternæ, & singulæ in horas ternas divisæ. Has Primipilus clepsydris discernebat : habebant vascula aquaria ; sive mensuras ex aqua, quibus 4 illa tempora æqualiter distinguebant.

Cum tempus appetierit, primam vigiliam circuitis, qui eam fortitus est, habens apud se testes aliquos. Primum, fidei causa, ut, si culpam alicui ingerat, non ille regerat aut abnuat : deinde decori etiam causa & periculi, quia nec honestum, nec tutum fortasse, solos ita circuire. Ergo aliquem, vel aliquos ex amicis assumebant, sæpe ejusdem illius ordinis, & quibus operam hanc in simili reddebant. Perlustrat vigilias. Quod si reperit, qui primam agunt, vigilantes, capit ab iis tesserulam ; si aliquem dormientem, aut loci desertorem, testificatus proximos abit. Idem fit & ab iis : qui sequentes vigilias lustrant. Quisque autem Circuitorum una cum luce ad Tribunum deferret tesseram ; & si omnes redditæ sint, sine culpa abeunt. Quod si quis pauciores fert, quam pro numero vigiliarum, inquirunt ex charactere, quænam vigilia defecerit. Quo cognito, vocat Centurionem, qui ducit eos quorum vigilia fuerat, ii disceptant cum Circuitore. Et, si vigiliam delictum est, statim ostendit Circuitor adhibitis testibus e proximis ; id enim facere tenetur. Si nihil horum in ipsum cadit culpa, statimque concilio advocato Tribunus judicat, & si damnatus fuerit, fuisse percutitur.

Vigilabant armati ; olim tamen scutum iis ademptum, ne, ubi fessi sint, innixi pilo, capite super marginem scutiposito, sopiti starent. Postea vero redditum. Qui illo die in expeditione fuit, ne vicibus quidem suis vigilabat : causa ab humanitate, & quia tales egent quiete.

Duo adhibita ad excitandum : *Signum* sive buccina, & *Voces*. Hæ ex ipsa re, *Vigila, vigila*. Sed hoc videtur a Circuitore illo magis, quam vigilare usurpatum. Facit magis, quod hodie apud Turcas ille mos, & in arcibus oppidisque excubias ita agunt, ut alta voce invicem appellent se, & responserint. Pannonες idem faciunt, qui clare & mutuo sibi accinunt. *Szollay megh, szollay megh, virrazto, szollay megh*, id est, *Vigila, vigila, vigil, vigila*. Et cum sub Auroram se recipiunt, canunt : *Haynal vagon szep pyros, haynal, haynal vagon*, hoc est, *Erumpit jam elegans rubens* (scilicet Aurora aut dies,) *erumpit jam*. Sed & Persæ cantitare soliti in Vigiliis laudes sui Regis. Quæ omnia bona & utilia contra somnum, nemo neget. Græcis etiam tintinnabula sive campanulæ ad excitandum ; ut & Romanis in urbe. Quod nec hodie prorsus exolevit,

olevit, & in arcibus plerisque ad campanulam vigiliæ excitantur. Erant quoque crebri ignes vigilibus, quos cœnæ aut corporum curandorum causa ita structos, in noctem & vigilias producebant, donec paulatim extinguerentur: etsi de facibus proprie ad vigilias, non abnuam, quas vigiles ipsi aut manu tenuerunt, aut apud se fixerunt. In turribus aut speculis etiam ignes structi ad illucendum, & ut accedentes noscerent: vel ad indicandum aliquid aut significandum. Tale hoc genus Græci dicunt *σπουτὴς*. Horum usus pro literis esse potest, ut per specularem hanc significationem indicetur quid agendum. Inventum Simoni attribuit Plinius; Palamedi verius plerique Græci. Usurparunt & Romani: qui noctu igne, de die panno rubro in hasta sublato significabant.

2. EXERCITIA.

Altera Disciplinæ militaris pars *Exercitia* sunt, à quibus ipse Exercitus nomen accepit: & Romanis præter & supra plerasque gentes usurpata exercitia. Hæc autem triplicia. 1. ONERIS. 2. OPERIS. 3. ARMORUM.

1. *Exercitia Oneris.*

Quatuor oneris genera milites in agmine ferebant: *Cibum, Utensilia, Vallum, Arma.*

1. *Cibus*, primum onus: nam plus dimidiati, & sæpe etiam totius mensis cibaria ferre cogeantur. Mansit hæc durities, etiam molliore ævo, & in Principum inferiorum rebus onera ista leguntur. Ambigitur, an frumentum ipsum datum & latum, an vero panis excoctus, quem *Buccellatum* (quia sectus in buceas) vocabant, imo potius iste: nam *Buccellatum* communis cibus, sed delicatioribus quidam asperitatem illam aut siccitatem refugientes, habuerunt interdum in exercitu pistores ad panem recentem. Erat talis panis *bis coctus*; quod nomen hodie retinet, atque ita olim Græcis, nam *σπυγγὶ* dicebant, *bis ignitum*. Byzantinis dicitur *Paxamius*, sive *Paxamadium*. Hos panes in peris & faccis pelleis ferebant. Antiquitus frumentum portabant, non panem aut farinam; illud tundeant, pinsebantque, aut molis manuariis frangebant. Istas enim molas inter instrumenta militaria fuisse, & comitatas castra, docet Livius, quas in jumentis ferebant.

2. *Utensilia*, secundum onus: Præter hastam & scutum Romani pedites ferebant ferram, & corbem, rutrum, & securim: amplius lorum, falcem, & catenam: Pertinent enim hæc ad lignandum, pabulandum, muniendum, & postremum ad captivos vinciendos. Tulerunt ista, & plura etiam; ut ollam, veru, & talia ad victum, dicit Appianus, res ipsa vult, & monumenta antiqua ostendunt.

3. *Vallum*, tertium onus: Non unum vallum, sed vallos ternos aut quaternos ferebant, ex usu & more, nonnunquam plures, & septenos, imo duodenos legas. Isti ferebantur, ut statim liceret vallare se & munire, si castra subito locanda, aut alia necessitas esset.

effet. Cogita numerum militum, qui fuere in Consulari exercitu supra 16000. ter aut quater tot vallos, profecto densa & firma munio statim strui potuit, contra equitem peditemque. Ita nec in agmine facile fuit eos opprimere aut dissipare.

4. *Arma*, quantum onus : imo non onus : & habent milites quasi sua membra : quæ quidem ita geruntur apte, ut si usus foret, abjectis oneribus, expeditis armis, ut membris, pugnare possint. Pendebat galea ab dextro humero ad pectus, (id quoque ad duritiem, incederent capite nudo) scutum in sinistra, in eadem pertica cum falcinis. Ob tot ac talia ferenda, pedes Romani, joco *Muli* vocabantur. Unde *Muli Mariani*, in proverbio. Nam C. Marius recidendorum impedimentorum gratia, quibus maxime agmen oneratur, vasa & cibaria militum in fasciculos aprata furcis (quas appellarunt *Ærummulas*) imposuit, sub quibus & habile onus, & facilis requies esset. Sic ergo onusti milites iter grande sæpe conficiebant, & gradu quidem militari, qui grandior : horis enim 4 æstivis hoc militari gradu 20 millia passuum conficiuntur. Cæsar bello Africo 16 millia passuum confecit cum toto exercitu, nec totis 6 horis, idque nocturnis & æstivis; ex sane noctu breviores, pro more Romano. Idem 50 millia confecit à media nocte ad diei alterius initium cum 4 legionibus & equitatu, sed (quod sane mirum) rebus gerendis & hoste impeditus. Idem Cæsar, periclitante Q. Cicerone, cum M. Crassus hora tertia diei advenisset, eo die circiter 20 millia passuum progressus est. Nec longe à duritia ista Romana abierunt Macedones. Item Catti prisci. Quin & Turcas hodie ollam æneam, scutellam, securim, igniarium, sacculum cum annona, & talia quædam, ferre scimus.

Habuerunt quidem Romani servos aut calones, sed nec multos, nec vulgo; Tribuni, Centuriones, & digniores militum, habebant, gregarii non habebant, quibus amputata hæc adjumenta inertiae : sed & dignioribus arte modus statutus erat, ultra quos & quor, non haberent. Nec aliter in veteri militia. In sequenti, hoc & alia solutiora, ubi magnus calonum & servorum numerus in exercitu increbuit. Ab his tamen lixæ sunt diversi, qui velut negotiatores quæstus sui gratia castra sequuntur. Jumenta quoque plura in castris, sed gregariis militibus, non nisi ad usum communem, nempe ut tentoria, ut molas, & si quid tale, ferrent. Digniores sibi quædam habuere & ad proprium usum. Reperies, & his, & vehiculis, modum etiam positum; imo rarenter vehiculis eos usos, quia hæc scilicet impediunt aut morantur iter, præsertim per angusta & confragosa.

De Agmine.

Sub jam dictis oneribus compoliti & ordinati ibant, nec viæ tantum, sed pugnae apti. Et hoc *Agmen* dicitur; cujus duo potissima genera. *Primum* commune, & cum sine motu incedunt, quod tale est:

est: Præeunt Extraordinarii, & agmen ducunt; quia portæ Prætoriae vicini, per quam fere egressus: atque etiam quia ordine pene illo exeunt, quo metari. Secundi, Cornu dextrum Sociorum; & istes prædictorum jumenta sequuntur. Tertijs, prima legio, à tergo habens vasa sua & impedimenta. Quarti, secunda legio, cui subsequuntur jumenta sua, & Sociorum item impedimenta, qui à tergo locati sunt. Ultimi, lævum Cornu. Ad latera equites, aut quisque post suorum agmen, id est, Sociorum post Socios, Romani post legiones: habet enim quæque legio suam Alam, & item Cornu. Media his singulis ordinibus sunt impedimenta. *Alterum* genus non ita commune, & cum in hostico, & vicino periculo incedunt. Id tale. Præeunt impedimenta Hastatorum, ipsi sequuntur; tum iterum impedimenta Principum, & mox ipsi, idem in Triariis. Est igitur tum quasi composita ad pugnam acies, nisi quod evolvere se oportet ab impedimentis; quod fit, ad latus alterum declinando, & in hostem cundo, impedimentis subsistentibus, aut retro subductis. Velites in fronte positi, aut præmissi ad explorandum hostem.

Cum igitur castris discedendum, ter signum dant, *Itinerarium sonare* appellant. Cum primum signum datum est, tabernacula sua detendunt, sarcinas componunt, & vasa colligant. Sed nec detrahère, nec constituere cuiquam tabernaculum fas, priusquam Tribunorum & Imperatoris erigatur deponaturve. Cum vero secundum signum sonuit, imponunt sarcinas jumentis. Cum tertium, procedere oportet primos, & movere tota castra ordine jam dicto. At Præco, id est, Accensus, aut Apparitor dexter Imperatori assistens ter rogabat, *An parati ad bellum*; id est, *An in procinctu essent*? Illi toties alta atque alacri voce acclamabant, se paratos esse. Et fortassis hic est ille clamor respondentium, quem Cæsar aliique tangunt, cum *Vasa* aiunt *clamari*, & inter solennia ponunt. Signum nempe alacritatis ac fiduciæ erat, nec clam se subducendum.

De Castrorum metatione.

Cum appropinquarent ubi castra ponenda, præeunt Tribunis ex quaque legione unus, & Centuriones illi, qui ad hoc munus electi sunt: nam castra metari munus fuit in certis hominibus, qui dicti *Metatores*. Est autem *Metari* non aliud, quàm dividere, secare suis finibus & metis. Inde *Metator agrorum* Ciceroni est Finitor: cui rei Gruma & Decempeda serviebat. Hinc *Degrumare viam*: & *Decempedator*, pro Metatore. Porro *Metandi* vox fusa latius, & à castris in urbem iit. Hospitia, mansiones, & quidquid tale assignatum, *Metari* dicunt, & *Metata*: Primo quidem ipsorum militum, aut Palatinorum, sed mox & aliorum. Sic in Suida, *Metator* præmissus à Principe nuncijs ad loca designanda: nostro verbo *Forerius*. Sic *Metatio*, *Metatura*, *Metatorium*, pro domo adventoribus

toribus parata. *Metacula Deorum*, Martiano Capellæ domicilia & sedes ab Astrologis datæ. Sic *Metator* in militia (ut eo redeam) qui vel castra, vel hospitia designat.

Cum igitur hi totum locum circumspexerint, ubi metari oportet, primo designant Prætorium, & ad quod latus aspectumque loci prætorio adjacentis ponere legiones oporteat. His electis & captis, dimetiuntur Prætorii ambitum; deinde lineam dictam, ad quam tabernacula Tribunorum locantur; tum aliam lineam æquidistantem, à qua incipiunt metari legiones. Consimiliter & latera utrimque describunt lineis, de quibus supra ubertim dictum. His factis, vexillum unum figunt: & primum in loco, ubi Prætorium ponendum; secundum in latere electo; tertium in media linea, ubi Tribuni tendunt; quartum, ubi legiones: hæc quidem punicea, illud autem Imperatoris album: ad latera porro interdum tenues hastas defigunt, interdum vexilla coloris alterius. His factis, strigas demetiuntur, & Hastas in quaque ea figunt: è quibus, cum appropinquarent copiæ, & in conspectu habent castra, statim omnia omnibus innotescunt, indicio & ratiocinio usis à Prætori signo. Ita milites in castra ibant, tamquam in notam & suam urbem. Illic enim statim à portis declinantes procedunt, & quisque veniunt ad suas ædes sine ambage aut errore, quoniam & universæ, & in parte cognoscunt, qua regione urbis iis divertendum: Simile igitur & in Romanis metationibus evenit.

2. *Exercitia Operis.*

Exercitii secunda pars, *Opera*, quæ tam stupenda apud Romanos, ut fidem superent, & fieri humana manu vix posse videantur. Rem asseram paucis & illustribus exemplis.

Cæsar in Gallia Atuaticorum oppidum, obsidens, vallo pedum 12, in circuitu 15 millium passuum, crebrisque castellis circum-munivit. Mirum, in paucis diebus sola militari manu hæc confecta. Idem ingressu Helvetiorum in Provinciam excitatus, cum una legione militibusque qui ex provincia convenerant, a lacu Lemano ad montem Juram, mill. pass. 19 murum in altitudinem pedum 16, fossamque perduxit. Id quoque opus non multis diebus confecit, & Helvetios consilio & aditu dejecit. Non tam grandis munitione, quæ ad Aleliam ejusdem Cæsaris, sed operosa magis & multiplex. Ipsa enim in circuitu 11 millium passuum tenebat, sed fossa fuit pedum 20 directis lateribus ducta. Iterum ab ea fossa pedes 400 recedens, reliquas munitiones instruxit. Eæ erant duæ fossæ 15 pedes latæ, eadem altitudine, quarum interiorem aqua ex flumine derivata implevit. Post istas aggerem & vallum pedum 12 extruxit; huic loricam pinnasque adjecit, grandibus cervis eminentibus, qui ascensum hostium tardarent: & turres toto opere circum-dedit, quæ pedes 80 inter se distarent. Adde jam alias minores fossas, cippis conlitas, & scrobes stimulis repletas. His rebus perfectis

festis, pro loci natura 14 millia passuum complexus, pares ejusdem munitiones, diversas ab his contra exteriorem hostem fecit. Addo ejus Cæsaris munitionem, qua Pompeium ad Dyrrachium clausit, omnia omnium opera superantem: Ille enim aggressus est difficile & inopinatum opus, ut uno muro omnes Pompeii copias circumplexus, à mari ad mare eum duceret; etiam si cœptis excideret, magnam apud posteros super hac audacia gloriam laturus. Erant enim stadia 1200.

Licinius Crassus bello Spartacio in brevi tempore fossam à mari ad mare duxit per cervicem peninsulæ, stadiorum 300 latitudine, & altitudine 15 pedum: super fossam vero struxit vallum altitudine & firmitate mirandum.

Augustus bello in Cantabros, Medullum montem perpetua 15 milliarium fossa obsidione cinxit. Idem civili bello ad Perusiam, circumvallavit eam urbem primum spatio 56 stadiorum; sed brachia inde ducta ad Tiberim, quæ usum fluminis eriperent: Postea alias fossas vallumque struxit, additis 1500 ligneis turribus, quæ 60 pedes inter se distarent.

Plura, atque ea operæ & structuræ melioris passim legas, perite & affabre facta: non quia olim in ipsis legionibus seorim fabri, sed quia milites ipsi, aut aliqui inter eos, longo usu sic docti, & mixti fortassis aliqui ex professo tales; denique præerat & dirigebat Præfectus fabrûm. Postea vero quæque jam legio habebat fabros lignarios, structores carpentarios, ferrarios, reliquosque artifices ad hos usus. Itaque etiam in pace & otio, sed contra otium, militari manu mansura multa struebant, ut vias, pontes, naves, aggeres, templa, porticus, basilicas, theatra, aquæ ductus, imo oppida tota.

3. *Exercitia Armorum.*

Pars tertia Exercitii, *Arma*. Hæc quoque pars à Romanis diligenter habita. Non enim illis initium armorum ipsum bellum fuit, nec solum cum usus aut necessitas erat, manus moverunt, in pace feriati; sed tanquam congeniti armis, numquam pansam exercitii faciebant, non expectantes occasiones. Omni die, omni ætate exercebantur: tirones bis die, veterani semel. Ipsi Duces faciebant, ut scientiam ostentarent, & in exemplum; ut Scipio Africanus, P. Valerius, Pompeius. Quin ipsi Imperatores, ut Trajanus. Quisque ergo miles quotidie omni alacritate tanquam à bello exercebatur; sed maxime in Stativis aut Hibernis, cum quies scilicet à vero certamine & ab hoste. Nec pluviis aut hyemantibus diebus cessarunt, sed ei rei porticus quasdam & basilicas, leviter canna aut stramine tectas, habuerunt, in quibus equites, peditesque exercebantur. Alias in campo: inde *Campestres exercitationes*, in Suetonio: *Meditatio campestris*, in Plinio. *Campidoctor*, ipse ὁ ἀλυσταχὴς, sive *doctor armorum*. Et hoc officium certum inferiori ævo, non

certum

certum veteri ; sed tunc Centurio aliquis aut miles annorum armorumque vetus docebat. Exercitia autem illis varia.

1. AMBULATIO. In hac duo spectata : *Celeritas* in ordinato incensu, sub signis & sub armis : tum etiam *Æqualitas*, ut suis iustisque intervallis. Hinc consuetudo vetus, ut ter in mense, ram equites, quam pedites educerentur ambulatum, 10 millia passuum, armati instructique omnibus telis pedites, militari gradu ire ac redire in castra jubebantur ; ita ut aliquam itineris partem cursu alacriore conficerent. *Iustum* autem iter diurnum erat quantum militari gradu vulgo solet confici, aut certe circa : sic tamen ut horas semper aliquot sumas ad quietem.

2. DECURSIO. Haud longe ab Ambulatione est, & fit in armis, & sub signis. Decurrunt 4 millium spatio. Finis & fructus ; ut majore impetu in hostem procurrant, ut loca opportuna celeriter occupent, ut ad explorandum alacriter pergant, ut fugientium terga facilius comprehendant. Hac Decursio ad tubam facta, & ad eandem revocata.

3. SALTUS. Hujus utilitas, ut vel fossas murales transcendere, vel impediementum aliquam altitudinem superare, & sine labore transilire possint.

4. NATATIO. In mari vel fluvio castris vicino. In ipsa Urbe, aut ad Urbem hoc olim factum, & Romani veteres Campum Martium vicinum Tiberi ideo delegerunt, in quo juvenus post exercitium armorum, sudorem pulveremque dilueret. Fuit & Piscina huic rei, in Festo. Cum cura res habita, imo parentes quidam ipsi liberos suos docebant, ut Cato Priscus filium suum.

5. PALARIA. Non fuere aliud quam armorum exercitium & pugnae, quae in manibus esset ; Statuebatur palus (Diaconus Latinitate sui aevi *Lanceam* vocat) in terram rectus & fixus, qui sex pedes eminere ad modum hominis, eumque hinc illinc tiro assiliebat & variis ictibus, attente magistro, petebat. In qua exercitatione servabatur illa cautela, ut ita tiro ad inferendum vulnus insurgeret, ne qua ex parte ipse pateret ad plagam.

6. ARMATURA. Hac levium fuit, ut Palaria gravium. Sub hoc nomen non aliud venit, quam hastilium, jaculorum, pilorum, sagittarum missio. Causa, quod ipsi leves milites dicti sunt, *Armatura*, compendio ; nam olim quidem juncto nomine altero, *Leves armatura* dicebantur. Et sunt alii ab istis, de quibus Græcorum scholia ; *ὀρεσσιγενὲς ἀρμιστῆς*, qui cum armis saltant. Non id ad nos, & est Pyrrhica quædam, aliena à seria militia. Ad nostram spectant, hastilia jacere, sudem torquere & vibrare, arma tractare, sub vineam vel vitem hastas jacere.

7. SALITIO. Ea ad Equites spectat ; discebantque celeriter & expedite ab utraque parte, gladiis etiam strictis, aut contum tenentes, saltare in ligneum equum. Eodem cursu, flexus, orbes, aliaque

aliaque didicere. Nostri Equites tenere concursus quosdam ludicros, quos *Torneamenta & Giostra* vocant; sed ii ad delicias fere versi & oblectamenta aulæ.

3. LEGES.

Pars ultima Disciplinæ militaris sunt *Leges*, quæ sunt instituta militiæ scripta aut non scripta. Ea multa & varia: nos tangemus ea, quæ tangunt *Furta, Stipendia, Pœnas, Missionem.*

De Furtis.

Furtorum quia magna occasio & materies in castris, ubi pleraque aperta & incustodita, placuit ea severe cohibere & punire. Ergo post metationem castrorum primam, statim ut dilectus habitus est, & educi sunt in campos, Tribuni convocantes omnem copiam, tam liberos, quam servos, juramento adigunt viritim, ita ut calones & servitia quoque, & quidquid humanorum capitum in castris, adstrinxerit hoc juramentum, quod tale est: Nihil e castris furto tollere, imo si quis invenerit quidpiam, id ad Tribunalum relatueros. Itaque qui aliud e castris furto abstulisset, fuisse percutiebatur. Militem Prætorianum ob surreptum e viridario pavonem, capite punivit Tiberius. Pescennius Niger ob unius gallinacei direptionem, 10 manipulos, qui raptum ab uno comederant, securi percuti iussit.

Nec ipsa prædatio illis libera, sed per manipulos, cohortes, legiones, sæpe missi milites, ut prædam agerent ex hostili terra & terrent; sed cum lege, ut communis nempe ea præda esset: Romani igitur avaritiæ, & quæ assita est, injustitiæ coercendæ, prædam omnem in publicum fere vindicabant, & ad Quæstorem jubebant deferri: atque is dividerebat, & ex pecunia militi persolvebat. Præda igitur plurimum relata in publicum; & si quando militi concessa, ad excitandum eum in re aliqua ardua, id quoque sub lege & divisionis norma. Interdum quotidie permutabantur milites, qui manerent, qui raperent; interdum minime, sed semel per manipulos seponebantur & secernebantur: puta, ex quaque legione vel ala, 5 cohortes mittebantur; 5 ad signa retinebantur. Præda autem relata æqualiter divisa; & ipsi Socii quoque æquas partes accipiebant. Sors etiam interveniebat, ubi res dividebant, non ubi manubias sive pecuniam ipsam. Et hæc res una est inter præcipuas, quæ Socios tot sæculis tenuit in fide, lucellum & gloria, ex assiduus & felicibus bellis.

A furtis ergo tam casti Romani, & tam manus eorum continentes, ut memoriæ tradiderit Scaurus apud Frontinum, pomiferam arborem, quam in pede castrorum amplexa fuerat metatio, postero die, abeunte exercitu, intactis fructibus relictam.

De Stipendiis.

Stipendium Græcis, ἐξουσίον, & ἐξουσία μὲν, quod velut in opsonium pecunia ea primo data. Latini inferiores *Armonas* dixere: nec enim ipsum quod esui modo, sed mercedem militarem & pecuniam intellexerunt. Græci infimi *πίζακ*, *Rogas* appellarunt: an ab *erogando*? nam & ipsam rem *πίζακ* dicunt. Suidas tamen pro donativo Principis capit.

Olim certum est, Romanos nullo publico ære militasse, idque annis plus 300. quibus milites privato sumptu se alebant de suo. Institutum 17 circiter annis ante Urbem à Gallis captam. Erat autem Stipendium triplex, in *Pecunia, Frumento, Vestē.*

Primum peditum stipendium fuit oboli duo in diem. Si computes, sunt inensem Denarii 10. Id est, Philippæus noster. Exigua certe summa, & tamen tam multi ad militiam prompti; quia frumentum additum exiguo pretio, tum crebræ etiam in triumphis donationes: amplius, erant promotiones, & per virtutem ad altiores ordines veniebant, ergo & ad stipendia meliora. Julius Cæsar, qui per milites magnus, hic quoque leges fregit, & legionibus stipendium in perpetuum duplicavit. Res semel mota non hic stetit, sed magis Augustus auxit. Qui omnes ubique milites ad certam stipendiorum præmiorumque formulam additinxit. Eum modum fuisse 10 diurnos asses, ex Tacito liquet. Manlit tamen non diu, sed live Nero, sive Claudius, sive porius Orho aut Vitellius, aliquid, imo multum addidere, & jam Domitiani ævo stipendium menstruum erant Aurei terni. Ii essent in diem 25 Asses; quibus ipse Domitianus iterum addidit menstruum Aureum unum, id est, Denarios 25. Tanti enim Romanus Aureus. Centuriones, Succenturiones sive Optiones, fortasse & Signiferi, duplum accipiebant. Et fuerunt etiam e grege milites quidam sic honestati ob egregia facta. Hi *Duplicarii* dicti, quia ænonas duplices accipiebant. Sed & *Sesquiplares* legas, qui unam semis. Equites habebant triplum, quoniam erant super Centuriones, tum quia genere digniores, tum quia onerum plus ferebant. Tribunis stipendia magna. Ita ut adagionem fecerint, *Tribunorum salariis emere.* Habebant enim quadruplum salarii vulgaris, & alia uberiora in veste, frumento, speciebus.

Frumentum quoque accipiebant pedites Romani, quod certo etiam die datum, & cum cura, ne is laberetur. Bonum & utile institutum: militi semper victum esse, nec inopia cogi ad rapiendum, aut deferendum. Si pecunia in hunc usum, potuisset ire in alium usum; igitur maluerunt rem dare ipsam: atque ita, ut nefas etiam haberetur vendere. Itane culpa, mercari, aut vendere? hodie nec rapere: & vis aut injuria fore est quæ militem alat. Dabantur autem Attici medimni duæ partes. Medium faciunt 6 modios: ergo militi, Romano modo & sermone, dabantur modii quaterni. Quidni tantum,

tantum, cum ipsi servi eos acceperint in dimenso? Magno & multo igitur opus frumento ad plures legiones. Hinc è provincialibus frumenta hæc coacta, & è Decimis quas hoc fine aratoribus imponebant. Si vero in hostili, tum etiam è vicinis provinciis, aut ex ipso hostico; sed sic, ut non in privatum & sibi miles raperet, sed defecta aut inventa frumenta deferret ad Quæstorem. Equites hordei 7 medimnos ad jumenta, (pro quo & æs aliquando accepere, quod *Hordearium* dictum Festo) frumenti duos accipiebant: ergo triplo peditem excedebant; non enim illi fuere soli, servum aut servos potius habuerunt, & justum est hoc dimensum in capita terna, modii 12. De hordeo etiam satis largiter: sed certum est, præter equum militarem jumenta alia habuisse. Socii pedites capiunt par Romanis: merito, nam & tantum capiebat eorum venter. Equites vero frumenti medimnum unum & trientem, quia minus digni aut opulenti quam Romani, eoque nec à familia sic instructi; singulis ergo famulus unus suffecerit: & est mensura hæc in duo capita, modiorum scilicet 8. Simile in hordeo, & habuere pauciora impedimenta. Datur autem hoc sociis muneri. Cum enim pecuniæ stipendium à suis acciperent, quid minus à Romanis debuere quam victum? illorum certe usui & gloriæ militabant. Contra in Romanis fuit: quibus nec muneri frumentum quidem datum, minus arma aut vestis, sed pro his omnibus certa alia pecunia de stipendio detracta. Militibus etiam salem (sine quo vita non est) & leguminum aliquid datum passim legimus. Data etiam fuilla salita, id est, laridum. Atque hi tales sunt quos *Militares cibos* scriptores appellant.

Bis die cibum sumpserunt milites, sua hora quisque, & addo etiam suo cibo. Prandium tenuius, & sine ullo apparatu. Stantes fere prandebant, & cibum sine igne; in cœna addere poterant, si copia esset, carnem assam aut elixam. Metellus coquos, lixas, & totum id genus, castris eiecit, vetuitque vendere cibum coctum. Vendere vetuit, non sumere: noluit prostare cibos tales, & facilitate parandi gulam irritari; sed si quis haberet, è præda aut pecunia, ipse pararet & vesceretur. Hoc sine inter instrumenta militis verua & ollæ. Nolebant curiose & ab professo opifice panem coctum sumi, sed subitarium, & quem sua manu miles parasset. Ipsi coquebant, illi ingenui, illi cives. Quid? imo ipse aliquis Imperator, nec ex Curtiis aut Fabriciis, sed novitiis, ut Antoninus Caracalla, qui triticum sua manu molens, quod ipsi satis esset, massamque ex eo conficiens, & in carbonibus coquens, eo vesceretur. Ergo manuiarias quasdam molas circumferebant, aut lapide tundeant: denique sine furni aut clibani opera, subito sic in carbonibus, aut sub cinere coquebant. Panis igitur ille gravis, madidusque, & Plinio *Panis militaris*, talis subitus & subcineritius, nec bene aut diu excoctus. Sed & sine pane frumento suo usi in pulve: unde à Plauto

Pultriphagi

Pultriphagi Romani appellati. Potus militis aqua, eaque mera vulgo. Interdum uli aceto, non solo, sed cum aqua mixto, quod *Poscam*, vel *Puscam* vocant. Pro mensis iis plerumque elatior cespes, aut cespites quadri. Cibum capiebant sedentes, non jacentes delicate aut recubantes, civili illo promiscuo ritu : imo steterunt, praesertim in prandio, ut dixi. Luxus deinde castris importavit triclinia, porticus, cryptas, trichilas, id est, umbrosas pergulas, Graecis *στιάδαι*. Pocula erant lignea, nam rarum castris argentum, nec id frugalitas castrensis admittebat : certe non copiosum. Ne mini praeterea fas prandium aut cenam fumere, nisi ad signum.

De Praemiis.

Praemia & Poenae, quae omnem vitam & societatem continent, vinculum & coagulum rerum publicarum : primis studiose a Romanis habita. Duo autem Praemiorum genera : *Minora*, & *Majora*. *Minora* sunt, quae ob laesum aut dejectum hostem data. *Majora*, ob servatum civem.

Cum igitur occasio se dat, & aliqui fortiter & strenue fecerunt, Imperator, re divina prius facta, convocat classico in concionem omnes copias, & circumponens sibi eos, qui auctores egregii facinoris, primum quidem laudes eorum edisserit, & super hoc facto, & si quid aliud in omni vita gesserint laude & memoria dignum. Ii ibi conspici, in loco edito, juxta tribunal ; a tergo, a latere, Duces ; ante & circa immensa multitudo : sicque voce Imperatoria laudantur, mox donantur.

Si quis extra ordinem, aut in singulari pugna, ut in excursionem aut velitationem, aut tali tempore, in quo nulla necessitas fuerit viritum periclitandi, sponte se & ultro eo dederit, & hostem percussierit, *Hasta* donabatur : quod jaculi genus sine ferro, ideoque dicta *Hasta pura* : sicut *Argentum purum*, cui nihil insculptum : & *Vestis pura*, cui nihil e purpura attextum. Qui vero hoc amplius, hostem dejecerit, aut spolia legerit, duplex jam hic praemium, diversum pro genere militiae : nam pediti datur *Phiala* sive *Armilla*, equiti *Phalera*. Phalerae distinctae a Torquibus : illae demissae ad pectus pendebant, haec stringebant magis & ambibant ipsum collum. Diversitas etiam in forma, quod illae planiores & magis jacentes : istae contortae & ex annulis aut catellis plexae. Unde ipsae, *Catellae* dictae. Hoc praemium manlit ad infimum aevum. Et quamvis notum sit ; torques Gallorum jam olim gestamina propria & patria fuisse : tamen ab hoc militiae ritu manasse magis arbitror, quod hodie nobilitas Europea tam passim sibi vendicat torques. Inter minora praemia erant etiam *Vexilla* : eaque vel *pura*, quae uniusmodi coloris, nec tincta : vel *bicolora*, quae diverſi coloris. Vulgo etiam argenteis vel aureis filis & textu.

Majora dona sunt *Coronae* : quae plures, ob plures causas. Prima *Civica*, quae data illi, qui civem servaverat, & eodem tempore etiam

etiam hostem occiderat. Hac cum Imperator honestat, & Tribuni cogunt servatos (nisi id quidem ultro faciant) servatorem suum coronare. Colit autem hunc qui servatus est per omnem vitam, ut parentem, & omnia ei conferri ac deferre debet, ac si genuisset. E quercu sive lice fuit: cujus causam vide, si lubet, apud Plutarch. Altera, vel potius prima (superat enim dignitate Civicam) est *Obsidionalis*, quam ii, qui liberati sunt, dant ei Duci, qui liberavit. Nulla hac nobilior: & merito, cum non unus, sed plures civium morte erepti. E gramine hæc fuit, decerpto è loco, intra quem oblidebantur: quia summum victoriæ indicium erat, herbam porrigere victos. Hanc ipsi quoque dant, qui servati sunt, ut in Civica factum. Tertia *Muralis* est, qua donatur ab Imperatore, qui primus murum subiit, inque oppidum hostium per vim ascendit. Huic vicina est *Castrensis*, quæ ejus, qui primus hostium castra pugnans introivit. Utraque hæc aurea fuit. Vallis igitur distincta ista fuit, & ideo *Vallaræ* quoque dicta: sicut illa prior habuit & prætulit murorum pinnas aut turres. Quarta *Navalis* corona, ex auro, data ei, qui primus in hostium navem armatus vi transilivit. Hæc re & materie non abit à Murali aut Castrensi, distincta tamen à *Rostrata*. Nam hæc in summo pretio, & non iis data, qui in navim aliquam transcendissent, sed qui navale aliquod magnum decus aut victoriam magna industria peperissent. Data ipsis Ducibus, & assimilanda aliquatenus Obsidionali: soli Civicæ eam cedere facit Plinius. Communiter sæpe donata corona aurea, sine alio agnomine, virtutis ergo. A Græcis hoc mansisse videtur, & maxime Atheniensibus, qui viritim & populariter sic donabant. Pœni quoque hoc de coronis usurpassè videntur, forsân exemplo & imitatione Romana.

His donis etiam sua commoda adjuncta, sed quæ fere honore constabant. Nam qui ea adepti dona, præter gloriam in exercitu, & domi etiam famam, cum redierint in patriam, ludos pompasque ita conspicui ineunt: quoniam solis iis licet ornamenta hæc gestare & imponere, qui ab Imperatore virtutis causa donati sunt. In triumpho (quod tempore primum) etiam sic ornati incedebant. Si quis plures etiam coronas aut dona meruisset, tulissetque, ea ipsa præferri moris fuisse videtur. Equites equo publico in Transvestitione annua donis istis usi. Solebant in iudicium quoque aut discrimen hæc introducere interdum, virtuti ostendendæ.

In ædibus vero, conspectissima earum parte, ponunt spolia, indicia & testimonia suæ virtutis. Appellantur *Spolia*, arma & exuvie, detractæ casu hosti. Id jam olim apud Græcos solebant, & ostendere monumentum virtutis. Apud Romanos honori ea res, postibus ipsis & foribus suspendere, in transeuntium aspectum. *Antipagmenta* vocat Festus, valvarum ornamenta, quæ anteis, id est, lateribus ostiorum adpanguntur, id est, affiguntur, Imprimis

hoc etiam triumphales usurparunt, & arma hostium suspenderunt. Etiam Rostra suspensa fuerunt, id est, spolia marina. Ista autem spolia affixa revellere, aut refigere, aut tollere non licuit, etiam alienatis ædibus. Hic ergo spoliolum honos; & quia magnus, multi ambitiose, nec meriti affectabant.

De Pœnis.

In castigando tria sunt imperii & juris Tribunorum. Primo, *mul- tam dicunt*: deinde, *pignus capiunt*; denique, *verberibus casti- gant*. Idem jus Præfectis in Socios. Capitis causas cognovit & punivit Tribunus, si Consilium adjunctum, & una cognoscant: alias sæpius ipse Dux summus cognovit, damnavit: cui etiam fas erat sine causæ dictione (nempe ubi res liquida) condemnare, sine Consilii advocacione ulla, ita ut etiam provocatio nulla esset. Sed a Principibus hic novatum, quibus non ex usu aut dignitate sua, visa tam libera hæc potestas, & circumciderunt. Gregales puniri a Ducibus permiserunt. Centuriones aliosque primores sibi adser- varunt. Legati Prætorii jus in vitam non habebant; Legati Con- sulares habebant, sed cum exceptione, ut ne in digniores. Præterea pignus capiebant Tribuni, nempe cum multam non solverent: & dicitur *Censio hastaria*. Privabatur parte armorum miles, eaque pecunia debebat luere.

Verberabant autem Tribuni ad castigationem, vitibus aut virgis: sed & ad mortem, fuste; de Consilii tamen sententia. Et hoc di- ctum Latinis *Fustinarium* (quam pœnam vigiliis & circuitioni neglectæ fuisset, supra dixi,) Græcis *Ξυλονομία*. Ea autem talis: Fustem capiens Tribunus ipse (neque enim hic lictores ulli admi- nistri, aut carnifex,) condemnatum leviter tangit & delibet, & quasi signo dato, objicit reliquæ multitudini militari: quo facto, omnes, qui in castris sunt, ferientes, alius fustibus, alius lapidibus, in ipsis castrorum Principiis occidunt. Objiciebant etiam delinquen- tes gladiis militum, item saxi occili; quæ pœna fere Macedonum fuit in hac re, quam & Romani adhibuerunt. Quin & securi per- cussi: sed sub Principum tempora gladius securi successit.

Fustuarium hac pœna ad mortem puniebantur, præter eos, quos dixi, alia quatuor genera delinquentium. *Primo*, qui furto aliquid abstulit e castris. *Deinde*, qui falsum testimonium dixit: quia læsum aut spretum perjurio supremum Numen, suprema pœna luunt. *Præterea*, qui in flore ætatis corpore suo abusus de- prehenditur. Id crimen olim ante Scantinium in toga non fuit ca- pitale, fuit tamen in castris: quia occasio ejus magna, nullo femi- neo sexu, & multis juvenibus in ipso vigore formæ, sub annum de- cimum septimum. *Tandem*, qui ter ob eandem culpam multatus fuerit. Sic leviores & pecuniariæ culpæ, capitales fiunt, si ter re- petitæ. Causa: quod talem pravo ingenio censebant, & factum ad peccandum: fortasse etiam contumacia iis visa punienda, & quod
quali

quasi per ludibrium & contemptum legis peccaret. Bene factum; nihil satis adstricti aut severi inter armatos: & terrent nisi timent. Hac eadem pœna puniebantur & alia delicta, militiæ propria. Si-qui falso strenuum aliquod factum suum referunt ad Tribunos honoris præmiique causa: tale mendacium & prava ambitio morte castigabatur. Ratio; quia in militia eorum varia & multa præmia virtuti posita, ad quæ ne indigni aspirarent, & decus hoc polluerent, rigide fraus punita. Deinde, si qui in prætidio aut statione positi, per metum deseruerunt locum. Tandem, si quis abjecerit armorum aliquid in ipso discrimine per metum. Nam miles vitam amittit, si sua arma: cum duplici restrictione, si in acie, si per metum. Idem in Signiferis qui signa. Hinc Græcis *ῥηϊσμοὶ* &c proverbio infames sunt.

Quod si plures peccasse contingat, & manipulos aliquot simul locum deferere, fiebat *Decimatio*, ratio puniendi commoda pariter & terribilis. Vetus Romanum institutum hoc, & patria lex, qua decimus quisque sorte ad supplicium lectus. Interdum etiam *Vicesimatio* adhibita. Imo & *Centesimatio*. Et hoc modo puniebantur turbidi & seditiosi in Ducem. Utilis iste modus, quia periculum omnibus super caput est atque imminet ob incertam sortem, atque inde metus, qui fere inhærere solet iis, qui semel serio admoti ad extremam illam metam: sicque metus ad omnes, pœna ad paucos pervenit.

Duo præterea hic consideranda in pœnis: *Castigatio* & *Ignominia*. Illa verberibus facta: & fuerunt in hac re, *Fustes*, aut *Virgæ*: illi honestiores, istæ acerbiores. Sed Fustes iterum duplices: è *Vite*, aut *alia materia*. E vite, civibus reservati: & eligeant nodosam, ad validiorem ictum. Et hæc vitis gestamen & insigne Centurionum, aut Evocatorum erat, eaque bifurcata aut incurva: sicut Græcorum Ducibus fuit baculus in manu. Fustes ex alia materie ad castigandum adhibiti, non ad occidendum: & erat levior ista pœna quam virgarum. Fustes etiam crebriores, & inferiore ævo. Retinent nunc Turcæ & plerique Orientales, in publica quotidiana castigatione. Virgæ raro in militia adhibitæ, nisi ubi mors à securi consecuta, & hæc solenniter tunc præiverunt.

Fuerunt & Ignominia, quibus boni honestique animi haud minus coerciti, quam pœnis. Eæ multiplices Romanis fuere. *Primum*, hordeum pro tritico datum: ut indigni viderentur communi militum cibo, sed rejicerentur potius jungerenturque cum jumentis. *Alterum*, cum ære privantur, & stipendium non procedit. Et miles cui stipendium non datur propter ignominiam, *Ære dirutus* dicitur. *Resignatum æs* quoque dicitur militi, cum ob delictum, ne stipendium ei daretur, in tabulas refertur. Qui infrequens notabatur, hanc pœnam patiebatur. *Infrequens* autem appellabatur miles, qui abest absuitque a signis. *Tertium*, cum extra vallum & castra jubentur rendere. Causam habuit, quasi indigni essent, qui inter *veræ milites* agerent, projecti & objecti hosti; idque interdum sine censo-

riis. *Quartum*, discindos & turpi habitu prostitui, nempe ut parum viros. *Quintum*, mutare militiam, quod est ab honestiore genere in humilioribus transcribi. Imo interdum extra omnem ordinem projecti, inter impedimenta, & sarcinas, & captivos agere coacti. Erant & alia quædam minora, ut stantes cibum potumque capere; quod de cœna intelliges; nam in prandio usitatum stare. Itæ de pœnis in Romano ritu, similia quædam in Græco. Charondæ lex statuit, qui pro patria arma non cepissent, aut in bello ordines deseruissent, hos tales in foro per 3 dies sedere in vestibibus muliebribus. Spartani eos, qui ignaviæ in bellis comperti essent, varie notabant: omni magistratu arcebant; uxorem ei dare, aut ab eo accipere, infame erat. Percutiebat eos qui volebat obviorum: at illi terebant, squalidi & humiles, palliaque gestabant colore aliquo tineta & inscripta. Partem etiam barbæ, quæ est ad labrum superius, sive mustaca, radebant, partem vero alebant. Et hi stimuli apud varias gentes, excitandæ virtuti, fœcordiæ comprimendæ.

De Missione.

Post confecta stipendia, mittebatur miles, liber deinceps & immunis. Sed debebat explevisse legitima stipendia: ea 20 annorum in peditibus, 10 in equite, ut supra dictum. Atque his confectis mittebantur. Si quis aliter se subduxisset, mors aut servitus pœna: nec dubium, quin pro desertore puniretur, si quis sine iusta missione recessisset; de qua ipsa Censores etiam Romani cognoscebant.

Iusta Missio duplex: Honestæ, & Causariæ. *Honestæ*, quæ emeritis stipendiis datur. *Causariæ*, quæ ob vitium, defectum, morbum. Puta aliquem manu truncatum, oculis captum, valetudine aut aliter inutilem militiæ factum; mittebatur. Hæc quia iustam causam habebat, etiam præmiis interdum Honestæ æquata.

Injusta missio item duplex: Gratiolæ, & Ignominiosæ. *Gratiolæ*, per gratiam aut ambitum, ab Imperatoribus impetrata; sed sæpe invalida; & Censores rescindebant. *Ignominiosæ*, quæ ob delictum aut crimen quis militia solutus: & ideo sic dicta, quia nominis notam & infamiam adferebat.

Sub Augusto duplex Missionis genus factum; *Exauctoratio* & *Missio*. Illa fuit, cum expletis stipendiis solvebantur onere omni militiæ, nisi pugne in hostem. Nec jam sub signis aut Aquilis erant, ut alii milites, sed sub uno vexillo habebantur seorsim: dicebanturque *Veterani*. Id repertum, quia plena Missio commoda & præmia sua habebat, instituta ab Augusto, quæ non statim solvi & representari a Rep. poterant, atque ideo expectabant ea sub vexillis, unde & *Vexillarii* dicti. Sed fraus sæpe in hac re, & de industria protraheretur, bono scilicet Missioni præmia adhærebant, quæ alio verbo *Commoda missionum* dicuntur. Eorum quantitas: Prætoriani post 16 annos capitebant 5000 drachmarum: alii post 20 annos 3000. Id sub Augusto institutum, at a Caligula accisa & admodum reducta commoda.

ΠΟΛΙΟΡΚΗΤΙΚΩΝ,

SIVE

DE OPPUGNATIONE

U R B I U M,

LIBRI V.

LIBER I.

DE MACHINIS.

MACHINA, Græcis μηχανή, παρὰ τὸ μῆδον, ab inveniendo aut sapiendo, five παρὰ τὸ μηχανεῖν, quod hîcere non finat. Sane ab ingenii consensu derivant, quod intervenit: & posteriores scriptores Latini hæc ideo *Ingenia*, & eorum Architectos *Ingeniarios* dixerunt. Itaque fraudes, doli, insidiæ, in hoc nomen apud Comicos, aliosque, passim venerunt. Sed & molitiones altiusculæ, *Machinæ*. Unde *Machiones*, Gallorum *Massons*, fabri cæmentarii. Veteres Græci μηχανάρα etiam hæc dixerunt: ita Hesychius, & Hegelippus. Est & Constantino-
poli *Mangana*, locus a Constantino exstructus, ad instrumenta bellica reponenda.

Origo Machinarum, ut & plerumque armorum, Moyfi ascribitur. Græci, & cum iis Homerus, non videntur initio habuisse, nec sub Trojanum bellum. Romani habuere sub ipsis Regibus, & statim post exactos Reges, A. U. 252.

Machinæ triplices: 1. MACHINÆ, presse magis & restricte. 2. TORMENTA. 3. TELA. De quibus dicendum est. Sed iterum cum discrimine, quia duplex Oppugnatio: *Subita*, & *Diuturna*.

De Oppugnatione subita.

Oppugnatio *subita* est, cum impetu, nec circumvallatione adhibita incurrunt. Ad hanc rem leviores machinæ adhibitæ. Primum usi *Corona*, tum *Testudine militari*, sæpe & *Scalis*, *Cratibus*, *Vineis*, *Pluteis*, variis *Testudinibus*, *Musculis*, *Vestibus*, & similibus.

De Corona.

Corona primum adhibita, ad terrendum aut claudendum, sed & ad destinendum. Hinc sæpe occurrit, *Corona cingere urbem*; *Corona capere, expugnare*. Fuit interdum spissa, id est, duplex, triplex, aut supra, ut numerus militum, aut magnitudo loci oppugnandi, erat.

In *Corona* introrsum erant pedites, quorum invadere; extrorsum equites, quorum inspicere & tueri. Et *eminus* quidem series ita duplex aut triplex: sed cum appropinquabant, ratio vult, magis arctatos multiplicatosque item fuisse, in gyro scilicet assidue angustiore. Et forsitan etiam corpora alibi militum & cohortes relictæ, ad subita belli, & subsidium aut prælidium. Hoc etiam amplius, primos ordines peditum scutatorum graviorumque fuisse, qui cominus assultarent, invaderentque: retrorsum leves aut velites, ut funditores, sagittarios, qui *eminus* pellerent telis, & deturbarent propugnatores. Coronam hanc Græci cum *Sagena* comparant, dicuntque rem ipsam, *σαινίβειν*, quod est, *Corona cingere*, & includere velut pisces.

De Testudine militari.

Sequebatur *Testudo*, qua statim sub muris usi, ut tecti & conferti succederent, abscederentque. *Testudo* vero, sive *πύλαξ* Græcis, aut *συνασπισμός*, *Conscutatio*, est junctio corporum armorumque, & scuta partim lateribus applicata; partim capitibus superlata. Usi ea Romani in triplici discrimine, in *Oppugnando*, *Pugnando*, *Repugnando*: unde & triplex *testudo*.

In *Oppugnando* fuit, cum scutis super capita elatis muro succedebant, primis altioribus, & ordine paulatim, tecti simplicis in priorem, decrescere. Causa, ut tela injecta per proclive laberentur, & minus insidere possent aut insigi. In hac ergo *testudine* manipulatim aut centuriatim se conglobabant. Hujus *testudinis* finis unus, succedere & subruere: alter, succedere & ascendere. Nam ascendebant alii super alios, ut fastigio altitudinis muri æquarentur. Id Tacitus vocat *Iteratam testudinem*, & quasi duplicatam, imo etiam tertii super duplicem illam seriem ascenderunt.

Testudo altera in *Pugna* est, cum globo facta, & tecti scutis, sic invadebant ac perimpuebant. Ea densatio firma utilisque fuit in equitatum repellendum. In hac autem secunda *testudine* nec latera semper tecta, item subsessio illa & inclinatio per gradus.

Tertia *Testudo* est in *Repugnando*, cum ab equitatu aut levi armatura cincti, huc decurrunt, ut in orbem se muniant, mediis altioribus, extremis undique desidentibus. Accuratissime hanc descripsit Dio, lib. 49. his verbis: *Testudo talis est, & fit hoc modo: Impedimentis & levi armatura, & equite omni in medium acceptis, gravis armaturæ pedites illi, qui oblongis & in tubi dimidiati modum factis scutis utuntur, in extremis partibus pro muro ponuntur.*

ponuntur, & reliquos omnes ipsi extra spectantes ambiunt. Ceteri, qui latiora scuta gerunt, in medio densi locantur, & scuta cum super se, tum super alios tollunt, ut in tota phalange non aliud sit, quam scuta cernere, & à telorum jactu omnes tutos esse, ob densitatem instructionis. Adco enim valide firmanr, ut & super eam homines aliquot ingredi possint: imo etiam equi & currus agi, quoties in cavo & angusto aliquo loco constipantur. Hac est forma ejus instructionis, & nomen à testudine cepit, ob firmitatem, & quia optime tegit. Usus autem duplex. (Illum pugnae omittit, quia rarus Romanis.) Nam & in oppugnanda munitione aliqua subeunt, & sæpe in ipsam murum quosdam attollunt: aut circumventi à sagittariis, inclinant se omnes simul: (nam & equi docti sunt in genua submittere se & inflectere) & sic opinionem hostibus defatigationis suæ præbentes, iis appropinquantibus, statim terrore injecto, consurgunt atque incurrunr.

De Scalis.

Præter Testudinem Scalæ etiam communiter admotæ. Harum inventio ad Capanea refertur, qui Thebas sic invadere conatus, à Jove fulmine repulsus est.

Varia autem sunt Sclarum genera: Quædam *Compactiles*, id est, quæ aut pluribus partibus constant, ut plicari rursumque explicari possint; aut ipsi gradus removeri & recondi quasi in vaginam, stipite cœunt. Appianus *κλιμακας πικτας*, sive *plicatiles*, appellat. Plutarchus *δαλντας*, *solutiles*, quas Aratum apparasse ait, cum de Sicyonis arce invadenda cogitaret, & recondidisse in arcis quibusdam thecisque rusticis, quas *Achanas* dicebant. Nam transferri istæ sine suspitione poterant, & minore etiam molestia; atque is finis. Sed fuere præterea *Cariacæ*, quæ sunt instar utrum, consutæ è corio, & inunctæ sævo aut adipe circa futuras, ne evaporent; hæque erigebantur ad murum spiritu inflatæ, & dabant ascensum. Erant item *Reticulatæ*, aut *Stuppeæ*, quæ ex funibus stuppeis instar retis contextæ, ad quarum summitates hami adjecti, ut murorum pinnas apprehenderent. Hæ eadem vocatæ *Nauticæ*, quia nautæ fere id genus scalis utuntur. In Herone sunt & aliæ Scalæ, quas ipse *Spectatores* vocat, bali accuratiore instructæ, ita ut erigi possint & attolli, & in supremis iis aliquis constitui, qui spectet quid in urbe agatur, is enim earum finis, & inde *Spectatorum* nomen. In eodem aliæ sunt Scalæ rotis impositæ, iisque procedentes, quibus supremis pons adhæret, qui è propinquo injicitur in muros.

Sunt & alia, quæ etsi non formam, ramen usum Sclarum habent, ut *Tollenones* & *Sambucæ*. Est autem *Tolleno*, quoties una trabs in terram præalte defigitur, cui in summo vertice alio transversa trabs longior, dimensa medietate, connectitur, eo libramento, ut, si unum caput deprefferis, aliud erigatur. In uno ergo capite,

cratibus sive tabulis contextitur machina, in qua pauci collocantur armati, tunc per funes uno depresso attractoque capite, alio elevati ponuntur in murum. Res facilis, & traxit originem ab instrumentis, quibus aquam haurimus, pondera navibus educimus, quæ *Grues* aut *Ciconias* dicunt. Huc quoque adhibetur *Sambuca*, cujus usus maxime in navibus: dicta à similitudine Musici instrumenti, quod erat forma trigoni, *Sambuca* dictum. Nostra autem *Sambuca* ita fiebat, formata ex Polybio: *Scalæ sunt latitudine 4 pedum, altitudine quanta muris sufficit & pariare potest. Earum duo latera pluteis muniunt, superne loriculis tegentes. Has deponunt in latus, & reclinant super navium proram, longe super rostra eminentes. In malis autem navium aptata trochleæ, in iis funes, quibus funibus, cum opus est, ad caput scalarum religatis, ii qui in puppe, attrahunt eas, & attollunt. Sed & in proris quidam adjuvant sublationem, fulcris aut tignis subrigentes. In supremis porro scalis est tabula, cujus tria latera cratibus muniuntur, in quam veluti tarriculam viri 4 conscendunt, per dictas scalas, & in muros insiliunt, cratibus remotis: alii deinde consequuntur.*

De Cratibus.

Quantum in subita oppugnatione, sunt *Crates*. Hæ in duplici usu: sive ut tegerent antelatæ: sive ut fossas iis explerent, & mixto aggere quali per pontes irent. *Crates* autem, quibus fossas explebant, non fuerunt elaboratæ ad modum illarum stabilium, quas in obsidione defigebant; sed leviores: fortasse nec recto aut lateribus, sed simplici textu vimineo, quem ante se ferebant. Sane aliæ accuratiores, *Vineæ*, quibus in obsidione diutina maxime uti.

De Vineæ.

Vineæ à similitudine veræ illius dicta, quæ jugata, & in rectum allevata. Sub illa quia confidere fas, & altera sic clausa; hæc quoque militaris nomen sumsit. Talem dat Vegetius: *E lignis levioribus machina colligatur* (nempe quia transferri opus; & à militibus moveri: hinc ad illum motum indicandum, *Vineas agere, procedere, proferre*, dicebant: nam eminus paratæ, paulatim admovebantur ad oppidum, sive ut sub iis Arietem admoverent, sive subruerent muros) *alta pedibus 8, lata 7, longa 16.* (totam magnitudinem si consideras, dixeris duplicem virorum seriem sub ea iterisse, quinos & quinos.) *Hujus testum duplici munitione, tabularis cratibusque contextitur. Latera quoque vimini sepiuntur,* (atque hæc præcipua ejus materies & tegmen, ideo Græci *γίψα* dicunt: interdum ramen, si plura aut graviora in oppido tormenta, nec vim sufferrent hæ craticeæ, faciebant è crassiore ligno: hinc Cæsar vocat *Porticum*: quia species ea longior) *ne saxorum telorumque impetu penetrentur. Extrinsecus autem, ne immisso concre-*
mentur

mentur incendio, crudis ac recentibus coriis vel centonibus operitur. Cum plures factæ fuerint, junguntur in ordinem, sub quibus subsistentes (quia is fere latentium caventiumque habitus) tuti ad subruenda mavorum penetrant fundamenta. Vincis Plutei assident.

De Pluteis.

Plutei fuere olim è tabulis & asseribus, quod ipsa vox dicit; nam id Plutei Latinis: & distincti erant à Cratibus, & Vincis. Postea faciebant Pluteos è cratibus, corio intentos. Formam describit Vegetius: Plutei dicuntur, qui ad similitudinem apsidis contextuntur è vimine, & ciliciis vel coriis protegantur, ternisque rotulis, quarum una in medio, duæ in capitibus apponuntur, in quamcumque partem admoventur, more carpenti. Cedrenus Lesas appellat, sub id ævum etiam Spalionæ dictæ. Hæc sunt nomina, res eadem, & finis suffodiendi muros.

De Testudine triplici.

Jam dictis vicinæ sunt Testudines: imo eo nomine inferiores Scriptores etiam Vincas & hæc talia comprehendunt: faciunt generare Testudinum nomen in machinas omnes has tegentes. Harum plura genera & formæ: sed præcipua tria, quæ proprie Testudines dicuntur.

Prima quæ Græcis *χελών χερσίδας*, Vitruvio Testudo ad congestionem fossarum; quadrata fuit, habens quoqueversus latera lingua pedum 25. Altera est, quam *ὀπρῶσα* Græci agnominant, Vitruvius, Testudinem ad fodiendum comparatam, fossoriam, sive rostratam nam frontem habet, quemadmodum anguli trigonorum, ut à muro tela, cum in eam mittantur, non planis frontibus excipiat plagas, sed ab lateribus labentes, sine periculoque fodientes, qui intus sunt, tueatur. Tertia denique *Arietaria*. In qua Aries suspenditur.

De Muscula.

Inter subitæ oppugnationis instrumenta fuit etiam Musculus: differt à Vincis, Pluteis, cum forma, tum modulo, & firmitate. Exiguus enim est, &, muris quasi facie, oblongior, sed lignis validis instructus, & ne perfingi desuper possit. Dicitur Musculus, quia instar ejus animalculi foderit sub eo terram: aut quia milites, ut mures, cavum id subirent. Vegetius cum testudinibus miscet, quarum finis æquare. Cæsar alium a Vegetiano diversum describit, cujus hanc tradit formam: Duæ primum trabes in solo æque longæ, distantes inter se pedes 4 collocantur, inque eis columellæ pedum in altitudinem 5 desiguntur. Has inter se capreolis molli fastigio conjungunt, ubi tigna, quæ musculi regendi causa ponant collocantur. Eo super, tigna bipedalia injiciunt, eaque laminis clavisque religant; ad extremum musculi testum trabesque extremas, quadratas regulas, 4 patentes digitos desigunt, quæ lateres, qui super musculo struantur, contineant (istas regulas hodie Latas dicimus.

dicimus. Sunt directa & tenuiora ligna.) *Ita fastigiato atque ordinatim structo, ut trabes erant in Capreolis collocatæ, lateribus lutoque musculus, ut ab igne, qui ex muro jaceretur, tutus esset, contegitur. Et paulo post, Interim sub musculo milites Vestibus infima saxa turris hostium convellunt.*

De Vestibus & Dolabra.

Quid sint *Vestæ*, quæ eorum vis & forma, non ignotum. Græci *μοχλία*, vel *μοχλῆς* vocant. Et sunt pali è ligno aut ferro, ad onera sublevanda aut promovenda. Vitruvius & torculari vertendo adhibet: eumque, qui veste immisso torquet. *Vestiarium* dicit. Si è ligno essent, lingula e ferro in altero capite addi solet, atque hos tales *Lingulatos* dixere, sive *Rostratos*. Utebantur & ad muros subruendos, sed ferreis haud dubie. Hinc *Vesticularia* vita dicitur eorum, qui vestibus parietes perfodiunt furandi gratia. Inter exercitia etiam militaria erat, in veste robur ostentare. Et utiles sane isti ad lapides, prægrandes emovendos emoliendosque, uti sæpe in veterum muris. Ubi minores aut infirmiores, Dolabris magis hoc peragebant.

Dolabra autem distincta à Securi, licet forma sit securis, sed unica & simplici acie, parte altera in mucronem acuminata, quæ serviebat maxime muris diruendis, ut Securis vallo & lignis cadendis. Eo sensu Corbulo dicebat, *Hostem dolabra vincendum esse*, id est, opere & munitionibus.

LIBER II.

DE OPPUGNATIONE
DIUTURNA.

D*uturna* oppugnatio admota, ubi *subita* non successit: & aut artibus ingenisque vincendi hostes, aut longa sane domandi erant. Sed hanc expectare anceps, arduum, & ideo ad majora OPERA, & TORMENTA, converti.

DE CIRCUMVALLATIONE.

Inter Opera primum CIRCUMVALLATIO. Ea solenniter olim adhibita Græcis Latinisque, cum premere obsidio munitionem aut locum vellent. Causa iustissima: claudere enim prius opus erat, ne nuncii, cibi, auxilia intrarent; tum & ne quis exiret: sed etiam ut sese obsidentes munirent contra subitas eruptiones. An & causa etiam aliqua, terror? certe enim metum, aut & desperationem concipiant, necessum est, qui vident sic arcte se claudi; &

& quamquam cætera adfunt, cogitatio tamen illius carceris nocet, tum & fiducia aut pertinacia hostilis. Ergo plerique olim circumvallabant, ii quidem, quibus, cura aliqua bonæ militiæ, aut artes. Græcis sæpe nominatur *ὑπολειχόμενος*, & *περὶλειχόμενος* & ii quoque accurate uli. Veteres eorum historici *πλίνθες* & *πλινθία* ad hos muros struendos adhibent, id est; lateres aut laterculos, sed crudeos scilicet: nec ratio aut otium fuisse videtur ad excoquendum. Fuere igitur ut Romanorum cespes. De Romanorum Vallo alibi diximus; nunc addo, non simplicem sæpe hunc murum fuisse, sed duplicem, contra exteriorem etiam hostem. Si enim auxilia metuebantur, & vis aliqua major, ipsi sese includebant, ne subito adventu aut impetu possent superfundi. Hoc in oblidione Plataëntium factum describit Thucydides. Mira etiam fuit P. Scipionis Minoris oblidio, qua Carthaginem cinxit, ut scribit Appianus in Libyco. Sed Cæsar ille Julius, qui in omni re militari super omnes, etiam in ista fuit. Adsumatur una nunc Alesiae oblidio, in qua res gestæ, quantas audere, vix hominis; perficere, pene nullius, nisi Dei, esset.

Opus igitur illud tres habuit partes. INFERIOREM MUNITIONEM, EXTERIOREM, tum CIRCUMVALLATIONEM his interjectam. Hæc autem postrema habuit has partes: 1. *Vallum*. 2. *Loricam*. 3. *Cervos*. 4. *Turres*.

1. *Vallum Circumvallationis*.

Vallum fuit pedum 12. Quid vero in ejus structura fuerit, diximus in *Militia*, supra 113. Nunc addo, nomen aliquando variare, & *Brachium* appellari. Causa nominis, quod ejusmodi valla in brachium & cubitam fere curvantur: unde & a Græcis *ἀγκώνες* dicuntur, sive & *σκέλη*, *Crura*. Alioquin flexus illi etiam & sinus terræ, *Brachia* simili causa appellantur.

2. *Lorica Valli*.

Pars secunda Valli, *Lorica*. Ea vox varia significatione innotuit: pro tegmine pectoris militari, ut frequentissime: pro tegmine aliarum etiam rerum, aut inductione per translationem ab illa militari, quæ corpus amplectitur & tegit. Paulatim longius itum, & objectio aliqua aut tegmen nobis antepositum, sive munitiuncula, *Lorica* dicta. Ita muri in ambitu, minores valli minusque lati; sed & è cratibus, aut tabulis pluteisque sepimenta, in hoc nomen venere. Sed & alia ambitio aut *περίβολος* sic dicta, ut structura illa supera ædium; quam quidam e Latinis *Loriculam* dixerunt, Græci *σολαίω*, qua solaria sua ambiebant & cingebant, contra casum aut delapsum. Nam plana tecta eorum esse solebant, ad apri-candum aut inambulandum; atque in orbem isti muri quibus innitentes fas erat despicere. Davidi hoc factum, quem sacræ literæ aiunt deambulasse in solario domus regię, & vidisse lavantem illam, quam in omni vita poenituit vidisse. Pro vallo autem aut terreo inaurulo, crebro apud veteres. Sed & legitimum ipsum Val-lum,

lum, sudibus turribusque instructum, Vegetius vult sic dictum. *Loricam* item de cratibus & viminea sæpe, item de Pluteis intelligit Cæsar. Interdum & lignea fuit. Atque hæ *Loricæ* murorum vallorumque, sunt pinnis distinctæ, ἰστιάξαι Græcis περραχῶνι, & creberrime Latino ritu *ῥωγῶνι*, sive *ῥωγῶνα*. *Loricæ* aut *Loriculæ* dictæ.

Majores has tenuerunt, & paulum modo vetustiores muri nostri Europæi habent, idque cum distinctione ista pinnarum. Hodie omitti placuit pinna, ob infirmitatem, etsi *Loricas* tenemus, & nostro verbo *Parapettos*. Hæc in humili vallo fuit paulo humilior, grandiuscula in altiore.

3. *Cervi*.

Tertia Valli pars, *Cervi*. Non ii quidem in omni vallo erant. Et sunt rami trunci arborum, in faciem & similitudinem cornuum cervi: atque ii firmiores alias, alias infirmi. Uti teneriores & infirmi. *Cervoli* dicebantur, verbo diminuente.

Utebantur his in vallo struendo, ad terram coercendam adstringendamque, identidem interjectis. Nos hodieque facimus: quod tamen, ubi legimus densusque ceipes, vix opus. Et minorum hic usus: majorum diversus, & fere duplex. Receptissimus iste, ut truncos illos firmiores in terram depangerent, & varie fererent, itineri impediendo aut obstruendo. Fuere fossæ & valli, & ante ea *Cervi* isti. Amberi solebant, ad robur & duritiem, & simul acumen, ut in sudibus præustis. Atque is prior usus, & creber: alter, qui in Cæsare, rarior; ut eminent in exteriori vallo, inserti inter lorica ligneam & aggerem ipsum, simplicis coronæ in modum, sicque ascensum hostium tardarent. Agrestes nostri spineas ejusmodi projecturas in loriceis terreis eidem fini usurpant.

In Virgilio *Cervi* etiam leguntur; sed pro arborum truncis longioribus, iisque furcatis, quibus transversa tigna injici possent, ad sustinendum. Fit in tuguriis, & rudi opere rusticorum.

4. *Turres*.

Pars Valli quarta, *Turres*; quæ toti operi circumdata, intervallo inter se pedum 80. Atque hæ diversæ turres erant ab iis, quas postea dicam, mobilibus: fixæ enim istæ, & minus operosæ, minusque etiam altæ. Julianæ sane crebræ fuerunt; & calculus evincit, fuisse in 11 milliarium ambitu ad 687. Quid in ambitu exteriori 14 milliarium?

INTERIOR MUNITIO.

Ea comprehensa est in latitudine pedum 400. ab oppido castra versus, & habuit has partes: 1. FOSSAS. 2. CIPPOS. 3. LILIA. 4. STIMULOS.

1. *Fossæ*.

Fossæ fuerunt tres. Prima, sub ipsum oppidum ad radices collis, pedum 20 directis lateribus. Ab hac pedum 400 spatio, duas iterum fossas

fossas duxit, sub ipsis castris, 15 pedes latas, eadem altitudine. Ex duabus autem istis ultimis, alteram anteriorem, campetribus ac demissis locis, aqua ex flumine derivata, complevit.

2. Cippi.

Totum deinde illud spatium 400 pedum varie fuit impeditum. Prima Cippi ibi defixi. Nam truncis arborum, aut admodum firmis ramis accisis, atque horum delibratis (melius dolabratis) ac præacutis cacuminibus, perpetua fesse quinos pedes alta ducebantur: huc illi stipites demissi, & ab infimo revincti, ne revelli possent, ab ramis eminebant. Quini erant ordines conjuncti inter se atque impliciti: quo qui intraverant, sese ipsi acutissimis vallibus inducebant. Hos, Cippos appellabat. Hæc Cæsar.

3. Lilia.

Ante Cippos obliquis ordinibus in quincuncem dispositis, scrobes trium in altitudinem pedum fodiebantur, paulatim angustiore ad summum fastigio, (imo, ad infimum: scrobes nempe ita factæ, ut patula rotunditate, paulatim angustarentur coirentque ad imum.) Huc teretes stipites, feminis crassitudine ab summo præacuti & præacuti dimittebantur, ita ut non amplius 4 digitis ex terra eminerent. Simul confirmandi & stabiliendi causa singuli ab infimo solo pedes terra exculcabantur, (ex tribus ergo illis pedibus altitudinis, tertius ab imo deperiit, terra aggesta ad stabiliendum stipitem, & circa eum stipata & exculcata, reliqua pars scrobis, ad occultandas insidias, viminibus ac virgultis integebatur (ut summam oram foveæ texerit ei superstrata: imo & herbidus cespes super ea virgulta, ad magis occultandum stylum: qui etiam 4 digitos eminebat, tamen facile hac tali materie celabatur.) Hujus generis octoni ordines juncti, ternos inter se pedes distabant. Id ex similitudine floris, Liliū appellabant. Aspicit similitudo totam foveam superne expansam, jacentemque in orbem, cui medius deinde stipes inferitur: atque id est velut Liliū patens, cum stamine suo aut stylo. Festus id Cæcum vallum dixit. Alii passim Stylus vocant.

4. Stimuli.

Quantum in hac area opus, Stimuli. Non enim contentus Cæsar dupliciter impedisse iter, hos quoque addidit, & ante Lilia, taleæ pedem longæ, ferreis hamis infixæ, totæ in terram infodiebantur, mediocribusque intermissis spatiis omnibus locis differebantur: quos Stimulos nominabant. Et notandum, totum opus per gradus crevisse, primo minoribus Taleis, mox majoribus Liliis, maximis denique Cippis: crevisse dico, aspectu eorum qui invasisent.

EXTERIOR MUNITIO.

Munitio exterior fuit eadem, facies modo diversâ: & hæc hostem spectavit, ut illa oppidanos. In hac ergo tot iterum Fossæ, Vallum alterum, Turres, denique Cippi, Lilia, Stimuli: omnia hic, aucto ambitu, auctiora.

Tale

Tale opus Cæsar 10 legionibus haud longe supra 30 dierum spatium fecit. Exitus quidam ad frumentationes, pabulationes, equationes, aliosque usus relictæ in castellis. Nam in ea circumvallatione 23 castella, id est, parva quædam castra fuerunt, in his cohortes aliquot militum, & velut corpora, contra vim & incursum. Inter exterius & interius vallum fuit intervallum 954 passuum; propemodum milliari uno, ut scilicet equi laxius haberentur, & pabulum etiam iis esset: tum denique ob calones, lixas, & id genus, quos probabile multos fuisse. Sic vallum interius habuit in ambitu 11 milliaria, exterius 14.

DE AGGERE.

Clausum habemus hostem, nondum oppugnatum. Ut id fiat, Opera alia struenda sunt: in primis A G G E R. Is fuit terreus quidam, & alia materie mixta, mons & elevatio: quem paulatim versus urbem producebant & attollebant, ut ex alto pugnarent, & Turres ibi constituerent, sed & *Tormenta*. *Agger* vocabatur ab ipsa re: quia aggerebant & cumulabant: posterior ætas *Aggestum* dixit, sed & alio genere, *Aggestus*. E terra, lapide, ligno, congeriem struebant: Virgulta etiam & fascēs maxime hic usui, sive ad implendum & attollendum, sive ad ligandum. Itaque & *Aggeris* voce, hæc sæpe intelligebant. Imo videbatur vix strui sine istis. Arbores quoque requirit Agger, non ob virgulta solum, & tenuia ramorum, sed ob ipsos truncos: quia illa in medium molem stipabant; hos & ad latera applicabant, firmando & coercendo. Struebant enim latera, & cancellatim tignis directis transversisque varie ligabant. Unde *Stellatos axes* vocat Lucanus, quod transversī & decussati, radiorum aut stellarum aliquam faciem referrent.

Aggeres vulgo alti, & id fere pro muris, in quos struebantur: nam æquare aut superare debebant, & sæpe muris plane admori sunt, ut e propinquo pugnarent. Apud Cæsarem legimus Aggerem altum pedes 50, latum pedes 300. In oppugnatione Masladæ, castelli Judææ, situ & opere mirifice muniti, Agger erectus fuit, cujus altitudo 310 cubitorum.

Admovebant autem muros paulatim & progrediendo. Nam latera vinciebant claudiebantque lignis: sed antrorsus & urbem versus pars ea manebat aperta. Aggerebant igitur paulatim & promovebant, in fossas ipsas, denique ad muros. Dum id fieret, nihilominus Turres in aggere impontæ, quæ administrantes aut operantes tuebantur: sed ex quoque cum aggere paulatim procedebant. Scite tergum & cauda aggeris humilior fuit, & in clivum, frontem versus, assidue ivit. Qua in re interdum factum, ut Agger, si parum firmatus aut densatus, prolaberetur in fossas. Sed cavebant scilicet, & virgultis aut lapidibus idemtidem adfirmabant.

De Turribus mobilibus.

In Aggere Turres, & statim ab eo structæ, imo & tunc, cum is nondum perfectus : & tutelæ operis ministrorumque causa imponebantur. Vineæ enim primum factæ, ut sub iis commeare miles & aggerere possêt : super eas (id est, altius quam eæ) ipse Agger, & in eo denique Turres. Hæ igitur statim structæ, sed paulo ab urbe longius, & ne tela vitiarent aut impedirent. Gallis, Indis, Barbaris, ignotæ, & stupori erant qui divinum quid esse rati. Enimvero apud Græcos, aut certe Siculos, reperta primum res. Ideo caute capiendus Athenæus, qui non dicit, Diadem primum reperisse turres *ambulatorias* simpliciter, sed τὰς πομπὰς πύργους, id est, eas quæ circumferri poterant, solutiles, (has forte Appianus vocat *ἰντρομαίτες*, *plicatiles* ; quia per partes scilicet tollebantur, ponebantur, reponabantur : nec enim ad illas, quæ pegmatum modo deprimebantur attollebanturque per cochleas, puto respexisse Appianum.) Nam simplices *ambulatoriæ*, aut *subrotatæ*, sane jam ante inventæ in Sicilia. Hæc igitur inventio non ipsarum Turrium, (fixæ enim illæ jam diu innotuerant, in oppidis, in castris) sed *mobilem*, & quæ rotis agerentur.

Agebantur rotis ad minimum 4, sed & 6, aut 8. etiam subditas, prout turrium modus esset, legimus. Et oportebat sane humum æquabilem densamque huic rei esse. Actæ igitur rotis, sed latentibus & internis, aut certe interius movendis. Hoc ideo, ne telis hostium, qui agerent, exponerentur, & turris tueretur suos motores : à tergo tamen quidam appliciti, qui propellerent ; & licuit, quia non illinc metus.

Turres autem triplices, Majores, Minores, Mediæ. *Minores* erant 60 cubitorum in altitudine, basi quadrata : unumquodque latus 17 cubitorum : 10 tectorum : supremum tectum quintam partem basis habebat. *Majores* autem & harum sesquialteras, 15 tectorum faciebant, in altitudine cubitos 90. Iterumque duplas, quæ 20 tectis constarent, altas cubitos 120, latas quaquaversum fere 24. Sed turres in tot tabulata non æqualiter surrexerunt, sed inquit Phari *Ægyptiacæ*, paulatim & per ea singula decreverunt : qui modus sane aptior in speciem, in stabilitatem, in motionem. Proceritas autem ipsarum tanta fuit, ut non solum muros, sed etiam turres lapideas altitudine superarent. Latitudo non ad normam artis adstricta, sed pro temporibus, & voluntate fruuentium mutata. Tecta vero five Tabulata, quæ & *Fastigia* & *Vertices* dicuntur, plerumque plura in turribus, ut defensores plures imponderent, tum ut Tormenta, sed non maxima, Scalas, Pontes, & talia ad invadendum.

Frontes harum turrium ferratæ erant, munimen contra ignes. Cum enim præcipuum in eas remedium & repugnatio esset, per jacula ignita, faces, malleolos, murices : repertum, ut totæ ferro regerentur, aut certe à triplici latere : sic enim stabiliiores ob pondus, &

& igni incorruptibiles. Alia quoque materia turribus interdum circumdata; scilicet centones, coria, floreae, & hæc de more.

De Pontibus.

Vulgatæ & notæ Pontium formæ apud Romanos. Nos rariore aliquot dabimus. Et primo hanc, quæ sæpissime usi in fluminibus transmittendis, ponte e navibus facto. Bella inventio, & Eunapius scitissime depingit. *Latae jacentesque sunt naves, quibus fluvius jungitur. Sursum autem paulum in statione sunt supra locum eum, ubi pontem facturi sunt. Atque ubi signum datum est, unam solam e navibus dimittunt prono flumine ferri, juxta suam & amicam ripam. Ea ubi ad locum jungendum & ponti destinatum venerit, corbem plenum lapidibus in flumen jaciunt, alligatum fune quodam, velut anchoram; quo navis devincta juxta ripam consistit, & sternitur tabulis tignisque, quæ affatim ipsa navis vehit. Et statim ita ad finem descensionemque in terram usque constrata est. Deinde vero aliam demittunt, paulo ab ea remotam, aliamque ab ista, donec in adversam ripam perduxerint pontem. Quæ autem hostili ripæ navis objacet, ea & turres habet, & portulam, & sagittarios, & catapultas. Sed Hispani ritu gentico, leviori etiam opere, inflatis atribus incumbentis, solent tranare, quod & Romani interim fecere: & Græci usi. Stramentis etiam & aridis famentis utres implerunt. Ita fiebat: Utribus junctis, lapides iis appendebant, quos velut anchoras demiserunt. Denique toti operi famenta cratesque injecerunt, & terram superstraverunt. Pontem simili junctura Romani voce Græca dixerunt Ascogephyrum, quasi *Pontem utrinum*. Sed usi ad hanc rem & cuppis interdum, sive inanibus vasis. Huc quoque refertur Pons ille nobilis, quem Julius Cæsar in Rheno ituxit.*

LIBER III.

DE TORMENTIS.

Sequuntur TORMENTA; & inter ea præit *Aries*, tum *Catapultæ* excipiunt, *Ballistæ*, & *Scorpiones*.

De Ariete.

Origo *Arietis* vetus, sed parum certa, cum pars ad Græcos, & Epeum; pars ad Tyrios sive Carthaginenses referant: vel ipsa ratio aut natura monstravit. Certe qui impetum facere in fores aut objectum aliquid vult, cubito id facit, aut pedis impulsu. Ab eo exemplo signum in auxilium assumptum: & nostri protervi aut ebrioli in foribus perfringendis quotidie usurpant. Ubi cumque autem,

autem, sic dixere à similitudine & reciprocatione ictus arietini. Dixit deterior ætas *Carcanusius*, à sono fortassis. Eadem autem sequens, etiam *Cancrum*. An à similitudine aliqua fabricæ? an quia identidem retro iret?

Aries iste non uniformis aut simplex, sed *triplex* fuit. Est *Rudis*, & à prima inventionē, quem manibus lacertisque validi homines sustinent & agunt. Est *Compositus*, qui trabem quoque alteram jungit & statuit, à qua pendulus, vi majore, conatu leviori libratur. Hic in plurimo usu, & inter Romanorum opera ex professo Josephus descripsit. Est, inquit, *Aries*, *trabs prægrandis, quæ malum navis adsimilat*. (Imò ex ipsis malis navium interdum lecta & adsumpta; genus verò abies vel ornus: longitudo 80 pedum. Vitruvius & Græci formant pedum 106, imò & 120.) *Is solidatur in capite gravi ferro, in arietis formam, unde & nomen adsumpsit*. (Caput arboris ferro tegitur, & affigitur laminis paulo longius: antrorsus in acumen producit, quod *Cornu* Hegelippus dixit; Græci *ῥοστρὸν*, five *Rostrum*; iidem communius & *κεφαλὴ*, five *Caput*, sicut Latini: & fuit interdum trifidum, quadrifidum in mucrone, ut solent navium rostra. Finis & opus præcipuum Arietis fuit, cum grandiores firmioresque lapides, more præco, muris inderentur, juncturas penetrare ac findere, & lapides emoliri.) *Dependet medius funibus suspensus ex alia trabe, (vel etiam catenis) velut trutina; quæ trabs tignis utrimque firmis munita est & fulta*. *Repulsi porro magna virorum manu retrorsum*, (quantam scilicet admittebat longitudo: sed recens manus manui succedebat, eratque perpetuus is ictus) *iisdemque antrorsum statim & cum impetu reflectentibus, quatit muros prominulo ferro*. Neque est ulla turris tam valida, aut mania tam laia, quæ ut primas maxime plagas tulerint, sustinere, & subsistere assiduas eas possint. Ideo Diaconus *Exterminatorium instrumentum* dixit: quia is ad motus signum erat perdendæ urbis; uti hodie mos, aut lex est, durius in eos consuli, qui tormenta expectarint: sic olim qui arietem. Circa hunc Arietem compositum alius etiam labor & cura: Nam & cratibus tegebant, & coriis, contra jactus aut ignes. Etiam pro his tegumentis receptum etiam, ut solida testudine totus Aries tegeretur. Atque ea forma est tertia, *Testudo arietaria*, vel *Testudo*, *aries* dictus. Hunc quoque Carthago reperit.

Aliud instrumentum, ad muros diruendos describit Athenæus, quod *Terebra*, Græcis *τροπανον* dicitur. Est autem gladii aut mucronis quædam similitudo, quo muros perfodiebant. Romani ea non usi.

De Catapulta.

Duplex instrumentum præcis, quo in hostes emitterent & jacularentur; altero, tela vel grandiores sagittas; altero, lapides & saxa. Id prius *Catapultam* dixere, posterius *Ballistam*: alii postea confudere.

Catapulta Græce dicitur *καταπίλτης*, *κατὰ τὴν πίλτην*, id est, *hassa* & *jaculo*. Erat autem machina, quæ tela & ligna jaciebat, quamquam alii & pro instrumento saxi jaculo ponant. Nam vox *Catapultæ* paulatim in desuetudinem venit, & pro ea *Ballistam* dixere, quæ antiquis non nisi saxa jecit. Repertam *Catapultam* à Syris, refert Plinius: Græci Siculis adscribunt.

Fuerunt duplices *Catapultæ*: *Majores* & *Minores*. Illæ, quæ telum fere 3 cubitorum emitterent: istæ, quæ dimidium. • Telum illud *Trifax* dictum. Græci vero minores *Catapultas* vocant *τετραπλάμυς ὀφθαλμῶν*, quia tela 3 spithamarum, id est, 36 digitorum, jaciebant. Interdum tamen & machinæ, & tela grandiora, imo non tela, sed tigna, & asseres 12 pedum, imo 12 cubitorum, & ad stadii spatium, jaciebant. Nihil ergo mirum, si plures homines simul penetrarint.

Formam *Catapultæ*, ex ligno, ferro, nervo fabrefactam, ita describit Ammianus: *Ferrum inter axiculos duos firmum compaginetur & vastum, in modum regulæ majoris extentum, cujus ex volumine tereti, quod in medio ars polita componit, quadratus eminet stylus, extensus recto canalis angusti meatu cavatus, & hac multiplici chorda nervorum tortilium illigatus, eique cochleæ duæ ligneæ conjunguntur aptissime: quarum prope unam assistit artifex contemplabilis, & subtiliter apponit à temonis cavamine sagittam ligneam, spiculo majore conglutinatam. Hocque factò, hinc inde validi juvenes versant agiliter rotabilem flexum. Cum ad extremitatem nervorum acumen venerit summum, percita interno pulsu à ballista ex oculis avolat, internum nimis ardore sciuitillans.*

De Ballista.

Priscis *Ballista* semper lapidem jecit, nec aliter ante Cæsarem legas, etli posteriores variant. Græcanica autem stirpe videtur vox, *κατὰ τὴν βάσιν*, jaciendo, & ideo *Ballistam* gemina consonante, vel potius *Ballistrā*, scribi melius. Sed quamquam ab iis vox, ipsi vix ea uli: & dicunt *λιθοβόλος*, *πτεροβόλος*, *πτεροβόλος ὄργανον*: communiter magis *ἀετρία ὄργανον*, itemque *μαχάνα*, aut *μαχανή* *Manganum* sane communiter *Machina*, sed huc transfertur ad violentissimam machinarum. Posterior ætas etiam *Mangan* appellavit: sed leguntur etiam in avorum aut proavorum historiis, *Manganella*, *Manganalia*, *Mangatella*. Item *Bibiam* petrariam, & *Petrariam* simpliciter, *Ballistam* dici notum est.

Jaciebant vulgo, & minoribus *Ballistis*, lapides fere centenū pondo: atque eo sensu Lucilio ipsa, *ballista centenaria* dicitur. At majoribus amplius jaciebant, & vel talenta tria: id est, pondo 369. Nostra ista fulminea hodie non capiunt aut perveniunt hoc pondus. Igitur non solum contundebant, sed distringebant omnia & difficiebant. *Tanta autem hujus tormenti vis erat* (scribit Hegesippus)

ut percussus unus ex sociis Josephi, qui propter adstaret, comminuto capite rueret, & occipitium ejus usque ad tertium stadium excuteretur, mulier quoque alio gravis, percussa uterim, supra dimidium stadii, de intima sede genitalis secreti excuteret infantem. Non solum rotundos lapides istis jaciebant, sed enormes & sepulcrales, imo & molares: quibus domos & ædificia confringerent, & quidquid incidissent. Etiam equorum hominumque cadavera jaciebantur, stercorea, fætoresque alii; sed & plumbei globi emissi, ferrum candens, metallum fusum. Quin muros sive turres concutere iis solebant, & in pugna interdum utebantur.

Formam Ballistæ satis ubertim Ammianus tradidit his verbis: *Dolantur axes duo querni vel ilicei, curvanturque mediocriter, ut prominere videantur in gibbos: hique in modum serratoria machina connectuntur, ex utroque latere patentius perforati; quos inter, per cavernas fumes colligantur robusti, compagem, ne dissiliat, continentes. Ab hac medietate restium stylus exsurgens obliquus: & in modum temonis jugalis erectus, ita nervorum modulis implicatur, ut alius tolli possit & inclinari; summitatique ejus unci ferrei copulantur, è quibus pendet stuppea vel ferrea funda: cui ligno fulcimentum prostermitur ingens cilicium, patetis consertum minutis, validis nexibus illigatum, & locatum super congestos cesspites, vel latericios aggeres. Nam muro saxeo hujusmodi moles imposita, disjiciat quidquid invenerit subter, concussionem violenta, non pondere. Cum igitur ad concertationem ventum fuerit, lapide rotundo funda imposito, quaterni altrinsecus juvenes repagula, quibus incorporati sunt funes, explicantes, retrosum stylum penes incinum inclinant: itaque demum sublimis astans magister, claustrum, quod totius operis continet vincula, reserat malleo forti percussam. Unde absolutus ictu volucris stylus: & mollitudine offensus cilicii, saxum contorquet, quidquid incurrerit collisurum. Et tormentum quidem appellatur, quod ex eo omnis explicatio torquetur: Scorpio autem, quoniam aculeum desuper habet erectus. Cui etiam Onagri vocabulum indidit ætas novella, ea re, quod asini feri, cum venatibus agitantur, ita eminus lapides calcitrando post terga emittunt, ut perforent pectora sequentium, aut diffractis ossibus capita ipsa displodant. In tota hæc paratura duo adnotanda, de Nervis, & Funda.*

Nervi ad omnia hæc tormenta maxime requirebantur: secundo Capilli, sic copia eorum non esset. Nam tormenta nihil profunt, nisi funibus nervinis intenta. Equorum tamen setæ de eaudis & jubis utiles, indubitanter vero crines feminarum: illi enim cum tenues sint, longi, multo oleo perfusi, cum plectuntur, vires & intentionem validam accipiunt, ut nec dissonent multum à robore nervorum. Historiæ etiam passim de hoc capillō. Carthaginenses obsessi ad catapultarum intentiones raserunt feminas, aliorum eri-

nium inopia. Romani idem fecere: Nam in Capitolii obsidione, cum nervorum copia defecisset, matronæ abscissos crines suos viris obtulere; & ob hanc memoriam *Veneri calvæ* templum structum fuit. Idem de mulieribus Salonenſibus apud Cæsarem, de Aquilei-
enſibus apud Capitolinum legimus.

Funda, quæ in Ballista five Scorpione ponitur, stuppea aut ferrea, receptaculum lapidis fuit, & in qua firmaretur. Et ideo ipsæ Ballistæ five Monangones à nonnullis *Fundæ* vocantur, Græcis *σπερδραυ*, quas rectissime Hieronymus *Fundibula* vertit. Ita enim illo ævo dixerunt.

De Scorpionibus.

Scorpiones Ballistis jam dictis vicini, sed tamen diverſi ab his & Catapultis. Describit Tertullianus: *Scorpio spiculum & fistula est, patula tenuitate in vulnus: & virus, quæ figit, effundit.* Vegetius *Manuballistas*, ait vocari Scorpiones. Vir unus dirigebat, & utebatur, ideo non magni fuerunt. Ut illi ergo parvi, sic portione & foramina illa, ac cavi.

De Muris Veterum.

Ut plene & firmiter noscatur Tormentorum vis, *Muri Veterum* sunt noscendi. Hos enim quatiebant & diruebant Arietes illi & Ballistæ; hos sub Musculis aut Vincis diruebant: & nescimus quo robore ii aut viribus? Caligat omnis machinalis & oppugnat-
oria ista res, nisi hæc illustratur.

Muri Veterum validi & operosi faciunt, *Firmi, Magni, Altii.*

De firmitate sic Vegetius: *Murus ut nunquam possit elidi, hac ratione perficitur. Intervallo pedum vicenim interposito, duo intrinsecus parietes ædificantur: deinde terra, quæ de fossis fuerit egesta, inter illos mittitur, vestibisque densatur; ita ut à muro primus paries parum inferior, secundus longe minor ducatur, ut de plano civitatis, ad similitudinem graduum, quasi clivo, molliusque ad propugnacula possit ascendi. Quia nec murus ullis potest arietibus concuti, quem terra confirmat: & quovis casu destructis lapideis, ea quæ inter parietes densata fuerit, ad muri vicem ingruentibus moles obstitit.* Paulo firmiorem dat Vitruvius: *In-
teriore parte substructionis, fundamentum, distans ab exteriori in-
trorsus amplo spatio, constituendum est: ita ut cohortes possint, quem-
admodum in acie, instructæ ad defendendum supra latitudinem ag-
geris consistere. Cum autem fundamenta ita distantia inter se fu-
erint constituta, tunc inter se alia transversa, conjuncta exteriori
& interiori fundamento, pectinatim disposita, quemadmodum ser-
væ dentes solent esse, collocentur.*

Jam quod *Magni & Altii*, ab exemplis aliquot videamus. Ap-
pianus scribit: *Pyrei Athenis (Periclis opus) altitudine
fuisse 40 circiter cubitorum, sive pedum 60, saxo quadrato exstru-
ctos. Thucydides de iisdem. Latitudine fuisse tanta, ut duo cur-*

rus juncti inter se vel obvii, per murum transirent introrsus autem neque cæmentum, neque lutum interpositum, sed junctos & coagmentatos grandes lapides, qui secti quadratique essent, eorumque exteriora ferro & plumbo revincta. Dio Cassius: Byzantii veteris muros fuisse firmissimos, quorum frons exterior grandibus lapidibus constructa, qui crassi 4 pedes erant, lato ferro aut ære inter se vincti. Herodianus addit: Adeo tenui & inconspicua junctura, ut nemini compositum opus, sed ex uno perpetuoque lapide videretur. Voluerunt ergo muros altos, contra turres, machinasque ligneas ad ascensum. Nam muri, quamdiu super eas, tuti erant ab hac pervasione. Firmi igitur, contra Arietes: Alti, contra Turres.

Inter artes munitionum hodie habemus, flexus & sinus in muris facere, ut pateat ad ictus accedens hostis id à veteribus prodit: Ambitum muri directum veteres duci noluerunt, ne ad ictus arietum esset dispositus, sed sinuosis anfractibus clausere urbes, propterea, quia, si quis ad murum tali ordinatione constructum, vel scalas, vel machinas voluerit admovere, non solum à fronte, sed etiam à lateribus, & prope à tergo, veluti in sinum circumclusus opprimitur.

Sed & περὶ τῆς πόλεως quædam habuere sive Antemuralia; quæ fuerunt quasi lorice, ante præcipuum murum ductæ. Nec solum lorice istæ, sed veri magnique muri plures ducti; ut uno diruto aut capto, alter & alter superessent. Lubet exempla duo dare splendoris atque operis præsci. Prius ex Appiano, de Carthagine, quæ à Romanis capta & diruta. Murum, ait, fuisse triplicem, quorum quisque alius 30 cubitos esset, absque lorice & turribus. Quæ turres 200 pedum spatium inter se distabant, & 4 contignationes singula habebant. Ipsi muri fornicati, & capaces: & duplici quasi contignatione facti: in quorum parte ima elephantii 300 stabulari poterant, & adjuncta iis cellæ ac repositoria ad cibos: super eos 4000 equi, item cum receptaculis pabuli hordeique. Viri ipsi ibidem diversoria & habitacula, peditibus 20000, equitibus 4000. Atque hic bellicus apparatus in solis manibus erat. Alterum ex Josepho, de Hierosolymis, superba & valida urbium, quas historiæ celebrarint. Murus triplex erat: exterior altus 20 cubitos, lorica ejus ternos, pinna binos: in totum 25. Lapidibus in eo plerique, 20 cubitos longi, & 10 lati. In muris turres erant, quæ super ipsos eminebant cubitis 20. atque eadem erat latitudo. Hæc omnia solida, & iisdem lapidibus, quibus muri, structa. At super hanc turrium altitudinem cubacula & canacula erant, & cisternæ, & lati ad hæc omnia gradus. Eiusmodi turres erant in ei muro 90. intervalla autem cubiti 200, inter singulas. (Adde turres & portas, fiet ambitus circiter 6 milliarium.) Murus ipse, in quo erant, in colle fuerat conditus, atque is collis eminebat ad cubitos 30. Mirabilis & lapidum moles: non enim ex latere vul-

gari, aut saxis, quæ homines ferrent, structa erant, sed è candido marmore: quodque saxum, 20 cubitis longum, 10 latum, 5 altum. Ita autem iuncta erant, ut unum saxum omnia viderentur, sed manu artificum in angulos & figuras diuisa. Hæc Josephus.

Qui, & ubi, Machinas fecerint.

De Machinis & Tormentis pleraque dicta, nondum à quo, quibusve, & ubi ea facta.

Milites ipsi pleraque fabricarunt: sic tamen, ut certi iis mixti, qui fabrilẽ omnem artem scirent. Hi tales præformabant dirigebantque opera, etli milites quoque vulgo adiutarent. His caput unum, & operibus curator exaciorque, qui *Præfectus fabrum* nominabatur. Plutarchus *παραγοὺς ὅς τε μηχανῶν* appellat. Hi igitur cum valida illa manu militari, subito opera pleraque destinabant, & in loco faciebant. Uti interdum & provincialium auxilio, eorumque ad materiem subvehendam iumentis. Sic Sylla cum Athenas oblideret, & mirifica opera moliretur ad Pyræum, 10000 jugorum mularium habuit, quæ supportarent ad hunc usum. Sed & in agmine ac via, horum opera, cum machinas aliquas secum ferrent. Conquiri igitur hæc talia & præparari, interdum jam ante solebant, alias non solebant, at in loco, pro copia, parari.

LIBER IV.

D E T E L I S.

TE L A, quorum usus in oppugnando aut repugnando, duplicia: *Lapides*, aut *Ligna*. Illos dupliciter iterum mittebant, aut *Manu*, aut *Funda*. De manuario jactu parum est, & natura ac mos docent: nec moneri aliud opus, quam plerosque veterum usurpasse. Sed de *Funda*, is accuratior, & explicandus est.

De Funda.

Funda Latinis dicta, quod ex ea fundantur lapides. De inventionẽ variant. Plinius Phœnicibus tribuit, Strabo Ætolis, communis opinio Balearibus.

Materies Fundæ triplex. *Prima* Melanchræna, quod est spartum, cujus copia in Hispania, estque junci acuti species, atque eo nomine linum & cannabin etiam comprehendimus. *Alteræ*, pili vel setæ. *Tertiæ*, nervi. Forma talis: Funiculus in medio latior, ovali forma, & paulatim in strictibus abit. At medium & fundus, ut sic dicam, fundæ circinat. Rotabant enim circum caput, & vires ita dabant, ter, ut videtur, ex arte aut more.

Duo Fundis missa, *Lapides* & *Glandes*. Lapides jaciebant minæ pondere, nempe drachmarum 100. Hinc Cæsar dicit *Fundas librales*.

librales. Ad hos lapides, & ut frequentare possent ictum, sacculi pelliceos ferebant iis implendos; magis expedire, quam ut lini etiam præ se ferrent. Quod in lapidibus quoque factum. Telum alterum Clandes, atque ex e plumbo, ideo *μολύβδινον* Græcis: & *Plumbæ* simpliciter Spartiano. *Sphærolas* vocat incertus apud Suidam scriptor. His inscribi aliquando solere, & occulte sic ad hostem mitti, legitur, ut omnia, quæ gererentur, hostes scirent. Appianus ad istam rem tesseras plumbeas quasdam adhibet. Revera autem non istæ communes glandes fuerunt, sed tabellæ magis productæ, & huic rei aptatæ.

Funda variis gentibus in usu, quia prompta, iteratu facilis, tum etiam quia longe & fortiter feriret. Nam sæpe adversum bellatores cassidibus, cataphractis, loriceisque munitos, retes lapides de funda vel subscutulo destinati, sagittis sunt omnibus graviore: cum membris integris lethale tamen vulnus importent, & sine invidia sanguinis, hostis lapidis ictu intereat. Ergo per ipsa arma interfecit, etli sine sanguine; quia contusio plerumque & confractio ex ictu lapidis. Glans tamen profecto penetrabat. Quod cum ita sit, telum tamen hoc parum honestum habitum, & junioribus aut vilioribus assignatum. Itaque ipsi Romani raro uti, inter Auxilia habebant.

Præter communem illam Fundam, quæ vulgo in usu, fuerunt etiam distinctæ quædam species; ut *Achaica*, *Cestrosphendonis*, *Fustibalus*. De *Achaica* sic Livius: *Itaque longius certiusque & validiore ictu, quam Balearis funditor* (loquitur de funditoribus ab Ægio, Patris, & Dymis accitis) *eo telo sunt arsi: & est non simplicis habena, ut Balearica & aliarum gentium funda, sed triplex scutale, crebris suturis duratum, ne fluxa habena volutetur in iactu glans, sed librata cum sederit, velut nervo missa excutiat.* Habena autem, Græcis *ἀόγειν*, *Amentum* Latinis, hoc loco *Scutale* dicitur, quia pars ea fundæ, cui lapis imponitur, quasi scuti formam palam refert. *Cestrosphendonem* idem Livius describit; sed tenebrosa illius descriptio lucem accipit ex Suida, sic enim apud hunc aliquis: *Novum hoc inventum bello Persico. Ipsius spiculum bipalme fuit, tubulum habens aequalem microni.* Huic hastile ligneum insertum erat, longitudine spithame mensuram æquans, crassitie digiti. In huius medium tres pinnule à ligno infigebantur, plane breves. Hoc in fundæ, quæ duo funalia imparia habebat, in medio utrorumque amento leviter, & ut solvi posset, ligatum, imponebatur. Tum igitur in circumactione fundæ, intentis finalibus manebat: cum vero alterum solveretur in crassione, excidens amento suo, velut glans è fundæ ferebatur, & cum impetu incidens, quidquid incurrisset, valide ladebatur. Tercium Fundæ genus, *Fustibalus*. Vox est novitiæ ævi: appellatur ita fundæ fusti alligata, quo incusso, lapis fere & robuste emittitur. Et qui eo

utuntur, *Fustibalatores* dicti, non *Fundibalatores*: nam *Fundibalus* diversus ab hoc. Antiqui has vocabant *Fundas libriles*, & *Librilia*, quasi quæ lapides libræ pondo emittant: *Libratores*, qui iis utuntur. Ita Vegetius descripsit. *Fustibalis fustis est longus pedibus 4. cui per medium ligatur funda de corio, & utraque manu impulsus, prope ad instar Onagri dirigit saxa.*

De Jaculis Rudibus.

Jacula duorum sunt generum. *Rudia* & *Ferrata*. *Rudia* appello, quæ simplici ligno constabant, non alia materie ad lædendum. In eo genere *Sudes*, & *Faces*.

Sudes est lignum, in capite acutum leviter, & igni duratum. Vetus id telum, & plerisque gentibus sic usitatum. Sed tamen meliore etiam ævo, & in legitimis bellis, usurpatum.

Faces, non adustæ, sed urentes quædam hastulæ, e picea, tæda, larice, & si quod tale genus. Obyium & populare fuit hoc telum.

Huc quoque referuntur *Præpilata missilia*, quæ sine ferro, nec aliud quam pilæ instar, obruso acumine, rotunda. *Præpilare* enim Ammiano non aliud videtur, quam *Præjaculari*. Et si *Pilare* idem usurpat, pro *prædari*, *vacuare*. Aliter Servius; cui *Pilare*, est *cogere*, *premere*: & ita interpretatur *Pilatum* agmen, *densum*.

De Jaculis Ferratis.

Jacula Ferrata pluria & multigenera sunt, nec alia in re sæcundius Martialis ingenia luserunt. Nos crebriora quædam tangemus:

1. *Hastam*. 2. *Lanceam*. 3. *Verutum*. 4. *Gesum*. 5. *Tragulam*. 6. *Securim*, & similia.

1. *Hasta*, Græci *ἄσπερ*, etsi commune fere id nomen est, & in plura valet; diciturque tam de grandi illa, qua cominus utuntur, quam de leviori, quam minus jaculantur. Simile in *Lancea* & *Conto*, in *Sarissa* & *Pilo*. Ab *Hasta* dicti *Hastati*, jaculatores olim in legionibus.

2. Alterum nomen communius. *Lancea*, Græcorum *λάνξ*. Et est Hispanica vox, ut Varro & Agellius testificantur; Gallica, ut Diodorus. Sed potest esse Hispanica stirpe, in Galliam tamen post traducta, uti & in Latium ipsum. Vox quidem *Lanceare* quod est *jacere*, *mittere*, ipsis Hispanis Gallisque & hodie est in usu. Lucanus *Lanceam* pro *Pilo* usurpat, ut est profecto nomen jaculis commune. Hinc *λάνξοβηται*, bene redduntur *Jaculatores*, & sunt ista, quæ *Menaula* posterior & deterior ætas dixit. *Venabulum*, seu *Venabulum* idem; unde & vox depravata videtur *Menaula*. Sunt quidem *Lanceæ* venatorum.

3. *Tertium*, sed magis strictum. *Verutum*; cui nomen & formatio ab ipso *Veru*, quod refert. Itaque alii *Veruinam* dixerunt. Non nemo etiam *Veru*. Est spiculum tenue & longum, aptum forare.

forare. Σαόνι Græci *Verutum* dicunt. Etsi Samnites primo & proprie uti, tamen & alii Itali. Livius levi armaturæ tribuit, sed veteri. *Hastæ velitares* haud longe iverunt ab istis, si non eadem.

4. *Gesum*, alii, & sæpius Græci, *Gesam* scribunt: vox ac tela peregrina videntur. Athenæus quidem Romanos petisse ab Hispanis vult, alii magis à Gallis. Est autem telum vel contus, longe feriens: & grandius fuisse jaculum, etiam Festus indicat, cum vocat *grave jaculum*. Pastoricium telum Livius facit, & Silius.

5. *Tragula*, dicta quod scuto infixâ trahatur. Hispani ea uti, apud Livium: sed & Galli, apud Cæsarem. Uti & Romani. Validum fuit telum, hamatum, forte ob etymon illud à trahendo. Hoc telo Corta ram validam plagam inferebat, ut percussum per loriam, per latera transfigeret, & velut clavo terræ affigeret. Vegetius *Tragularios* vocat, qui ad manuballistas vel arcuballistas sagittas dirigebant.

6. *Securis* etiam est in hoc numero, nam & missilis fuit, etsi comminus pugnasse ea non nego: Sidonius Scythiis, Horatius Rhætiis, tribuit: atque etiam nunc habent & sic utuntur Boiemi, & vicini. Veteres item Galli. Securis ferrum crassum est, & utrimque acutum. Hanc Franci in primo congressu jacere in hostem consueverunt eo impetu, ut scuta perfringant; & ipsos simul interimant. Ipsum hoc telum est, quod *Haggones* patria lingua, *Haacken*, Franci dixerunt, vel *Anconas*, ut apud Agathiam, & sunt breviora tela, quorum pars major ferro obducta est, ita ut ex ligno aliquid, præter manubrium, vix existeret. In superiori ferro tanquam hami utrimque sunt, & deorsum vergunt. Non est plane *Hallebarda* nostra, etsi hæc potest inde nata esse. Suntne Græcorum δελια, bipennes? Isthinc fortasse originem habent *Matricobirbuli* qui his telis scienter & fortiter utebantur.

7. *Aclis*, exiguum & teres quoddam missile. Fuit, religatum lino vel loro, ut peractis vulneribus possit redire. Fere idem est *Aclis* cum *Cateia*, quam sic describit Isidorus: *Est genus Gallici teli, ex materia quam maxime lenta, quæ jactus quidem non longe propter gravitatem evolat, sed quo pervenit, ei nimia perfringit. Quod si ab artifice mittatur, rursus ad eum redit, qui misit.*

De Amento.

Jacula alias manu sola missa, alia loro revincta: & eo excusso adjuta. Id dicebant *Amentum*. Latini & *Noctum* vocant, item *Ansam*: unde *Ansata hastæ*. *Habenam* etiam alii. Græcorum id inventum. Fuit autem non aliud, quam lorum revinctum in hasta media circiter, quod manui deinde & primoribus digitis illigabant leviter, in emissu cum impetu solvendum. Et videtur plane esse Græcorum *μοσάριον*; etsi teli certum genus Grammatici præponunt, certe vix aliud, quam *telum amentatum*, possunt & debent explicare.

explicare. Nam Græcis ἀγών, *amentum* est, & ἀγώνισμα, *amentare* proprie, etsi interdum pro *Jaculo* & *Jaculari* usurpant. Ante pugnam strictis illigatisque amentis ad digitos primores incedebant, prompti scilicet & parati. Contra, ubi ignavia aut metus, laxæ ea habebant & solute: quod etiam in pluvia fiebat; & humor resolvebat.

Quia igitur amentum roborat & incitat hastam, inde Tertullianus metaphorice dixit, *Amentavit sententiam*, id est, fortiter & serio edixit, & velut amento intoruit. Et *Amentata sententia*, apud Ambrosium. Inde *Hasta amenata*, sortes, & sic ligatæ.

De Sagittis, & Sagittariis.

Romanis ipsis ab antiquo vix fuerunt *Sagittæ*. Sed post Punicum bellum secundum creberrime in Romanis castris Sagittarii, sed Auxiliares, non cives. In hoc numero maxime Cretenses, quos & excelluisse hac pericia certum est; & quidam originem primam ad eos trahunt. Alii ad Persas; alii ad Scythas: & certe nostrate lingua *Sagittare*, etiam nunc est *Schieten*, forsitan a Scythis. Scythiæ igitur inter inventores censentur, & celebratur Arcus Scycticus, cujus forma π Σ Græcorum. Sed & Parthi hoc taliarcu uti. Ab Arcu Festus notat *Arquites* dictos, arcu præliantes, qui nunc Sagittarii. Ipsæ Sagittæ dictæ etiam *Virgæ*. Sic & Græci usi voce πέλτε. Item *Calami*; quia sæpe ex leviori illa materia, etsi quædam firmiores atque etiam grandiores. Et Arabes majoribus uti. Pleræque autem Sagittarum hamatæ, & ne facile avelli possent: quædam etiam triplici hamo; quædam quadruplici, Hippocrati περὶ ἑξάγωνά βέλη, *quadrangule Sagittæ*. At ille Parthorum mirificæ, quæ videntur aciem super aciem habuisse, quæ tenui ferro nexæ, aut ut involucrum insertæ, in corpore fere manerent, & rumperebantur, si quis tentaret educere. Tanta autem violentia sagittæ emittebantur, ut arma perfringerent, & per omne quod obfaret, durum aut molle, penetrarent, quibus neque thorax ullus, neque scutum possit resistere.

Fuerunt & thecæ sagittis, quas *pharetras* aut *Corycos* prisca dixerunt. Leo Imperator pharetras vocat *Cocuria* sive *Cocuria*; vox nostras, *Kokeren*. Festo *Scorteim*.

LIBER V.

DE REPUGNATIONE.

Opugnati non ita peribunt inulti & indefensi, sed repugnabunt nostris armis, quæ dabimus in tutelam eo ordine, quo dedimus oppugnantibus, ad singula nocumenta & plagas, adhibebimus medelas, amolietur Tormenta & Tela. *Contra*

Contra Testudinem.

Primum in subita oppugnatione fuit *Testudo*, & globus militum densus, qui incurrit, & nisi amolitur, scandit. Resistebant & saxi, aut ponderibus adventantem obruebant, aut certe dissipabant. Primum igitur erat saxi obruere: si pars aliqua leviter cecidisset, aut se abjuxisset, tum contos aut lanceas inferere, donec compage scutorum soluta, jam intutos, lapidibus, pilis, aliisque missilium prosternerent. Quod si qui per ipsam testudinem tamen scandere, ii vero gladiis & armorum incussu præcipitati, sudibus & pilis obruebantur,

Contra Scalas & Ascensum.

Contra *Scalas*, repugnantes, *Furcas* usurparunt. Certum fuit furcæ genus oblongioris, aut in pertica longiore. Dupliciter igitur Furcæ utiles, ad scalas ipsas rejiciendas & resupinandas; sed & ad homines ipsos.

Erant & alia communiter in ascendentes, tum in eos, qui testudine nixi; tum & qui sparsi, aut sine ea. Primum inter hæc, liquida quædam, aut liquefacta; ut, Oleum feryens, Pix, Sulphur, Bitumen, Plumbum, & si quid tale. Oleum enim celerrime a capite ad pedes, per omnia sese arma inlinuat, & carnem instar ignis depalcitur: quippe quod natura facile accenditur, & tarde refrigatur, ob pinguedinem & lentorem. Loricis itaque & galeis illigati cum essent, fuga non erat hujus pestis; sed nunc subilientes, nunc dolore se incurvantes, decidebant de Pontibus. Picem, sulphur, bitumen; vasis plurimum inferebant, sive fictilibus, eaque fervefacta appropinquanti exercitui injiciebant, & inbris in modum dense & confertim inspergebant. Corbes etiam, titellæque è ferro, huic rei adhibebat: item Quali; sed ipsos vineos, & una cum materie ardentes jaciebant. Et hæc non in viros tantum, sed & in machinas ipsas ligneas usurpata. Imo vasa hæc eminus etiam projecta in hostem, idque auxilio fundarum. Jam & Plumbum liquefactum infusum scandentibus, quod in vasis æreis, perticis contisque protendentes, effundebant. Atqui non plumbo solum usi, sed & ferro; quod, cum fundi non posset per naturam, raserunt in pulverem, eumque ignitum sic injecerunt. Cui adimile, sed parabilius, quod Curtius Tyrii factum in Macedonas narrat: *Il clypeos æreos multo igne torrebant, quos repletos fervida arena canoquo decocto è muris subito devolvebant. Nec ulla pestis magis timebatur.* Idem Tyrii Macedonas scalis ascendentes, retibus piscatoriis involverunt, & inutiles ita factos, scalis facile detruserunt.

Fuit & illud callidum & novitium: Fœnum Græcum elixum, tabulis pontium, quibus usi ad ascendendum, inspergebant & superfundebant; qua re milites lapsantes & casabundi, incerto vestigio vacillabant, adeo ut nec progredi, nec regredi rectis iis esset, alique super ipsos pontes resupini caderent, alii in aggeres delaberentur.

berentur. Rumices & Tribulos spargi non rarum fuit, nam & hi in defensionem valent, contra ingressum: & in oppidorum tuitio-
ne item utiles esse possunt; sed & castrorum. Utile inventum hoc ligandi, & sic retrahendi. Reperio etiam Sudes plumbatas in flu-
mine defixas. Sed & contra equos & camelos (quorum molles ungulæ) rumicibus usi, sæpe cum successu. Remedium in eos, calcei è ferro aut duriore ligno.

Sed quædam ex dictis rara, aut novitia: lubet addere inter vetera de Dolis, Cylindris, aliisque talibus, quæ oppugnati, & in ho-
mines, & in machinas, usurpabant. Dolia saxis farcire solebant, & sic cum pondere & impetu immittere, præsertim per declive.
Sic molis & columnarum fragmentis pugnatores obruebant. Item de ligno Crates fecerunt, quas *Metellas* vocaverunt, lapidibusque complerunt, ea arte inter bina propugnacula constituta, ut, si per
scalas ascendisset hostis, & partem aliquam ipsius contigisset, supra caput suum vergerent saxa. Rotas quoque de lignis viridibus in-
gentissimas demittebant per præceps, non solum ut obruerent sub-
euntes, sed etiam machinamenta confringerent. Intercisos etiam ex validissimis arboribus Cylindros (quos *Talcas* vocant) ut essent
volubiles, levigabant, qui per pronum labentes, prosternebant bel-
latores. Præterea axæ vincitæ trabes, per pronum incitabantur, axibusque eminebant, in modum Ericii militaris, veruta binum pe-
dum. Est enim *Ericius militaris* nil aliud, quam transversaria ad portas trabes, aculeis confixæ, cæque versatiles; quarum & ho-
die usus manet. Currus etiam quadrifidos ponderibus onustos de-
jiciebant. Item lapides molares: qui non tam grandes, ut nostri, ut nec ipsæ molæ, quæ manuarie tantum, & a servis volvendæ.
Itaque crebræ cæ, & fere domesticatim erant. Nostros enim mo-
lares quæ brachia, imo qui vinctes, subito movissent?

Contra Machinas ligneas.

In omnes Machinas è ligno duo tela valuerant, *Saxa & Ignis*: in Vineas dico, Pluteos, Musculos, Turres; & si quid tale. De
saxis aut ponderibus dictum jam satis. Ignis restant: ii varii.

Fuere *Facer*, communes illæ è picea, larice, abiete, & quibus in-
usum luminis domi etiam usi; hæ paulo robustiores aut grandio-
res. Has manu jaciebant & destinabant in machinas propinquas:
sed & iis pugniabant.

Aliæ magis sepositæ & militares: quas *Malleolos* dicebant. Id
quoque duplex genus. *Simplices* & rudes, atque hi non aliud vi-
dentur, quam manipulus aut collectio sparteæ, ligata in medio,
forma quadam mallei, & pice aut sulphure illita, sic projecta. At
Alterum genus, magis efficax & militare, quod teli in morem for-
matûr & aptatur. Id Ammianus ex præfesso describit: *Malleoli*,
*teligenus, figurantur hac specie. Sagitta est cænea, inter spicu-
lum & arundinem multifido ferro congmentata, quæ in multebus*
coli

coli formam, quæ ventur stamina, concavatur, ventre subtiliter & plurifariam patens, atque in alveo ipso ignem cum aliquo suscipit alimento, (lino aut stappa, continendis alimentis illis ignis.) Et sic emissa lentius in valido arcu (jactu enim rapidiore exstinguitur) si hæserit usquam, tenaciter cremat, aquisque conspersa, acriores excitat aestus incendiorum, nec remedio ullo, quam supra-jecto pulvere, consopitur.

Malleolis adident σιδήρεα σπινθηροποιήζοντα, ferramenta minuta scintillantia: item ελόμενα σιδήρεα, ignita ferramenta, quæ non proprie Malleoli, sed hami quidam aut unci ferrei, sive murices, qui toti igniti ad incendium adfigerentur.

Hastæ ardentes tormentis adigebantur, quæ proprie *Falaricæ* dictæ, quas describit Livius: *Falarica* erat missile telum, hastili oblongo, & cætera tereti, præterquam ad extremum, unde ferrum exstabat: id sicut in pilo quadratum stippo circumligabant, lineabantque pice. Ferrum autem tres in longum pedes habebat, ut cum armis transfigere corpus posset. Solebat è locis editis turribusque mitti, quas præsci *Falas* dicebant: atque inde *Falaricæ* nomen, ut Grammatici volunt. E ballista has *Falaricas* & *Mailculos* jaculabantur.

Contra Aggeres.

In oppugnatione diuturna considero primum *Aggeres*, qui everfi aut consumpti dupliciter: *Cuniculo*, aut *Ignè*. Illo, cum ex urbe duxissent, terram ad se introrsus idemtidem subtrahebant: cum foris assidue injicientes, minus tamen attollerent, subducto scilicet inferius aggere, & in locum vacuèfactum assidue subidente. Nec subtrahebant solum *Cuniculo*, sed & incendebant supposito igne. Sed alia item ratio, & magis exposita, destruendi per ignes: cum scilicet faces, malleolos, aliaque ad inflammandum, aut jacerent enimus, aut ipsi in aggerem inferrent.

Sed est & tertium subsidium in *Aggeres*, molem & velut aggerem alium opponere in ipsis muris. Nostri mechanici æmulantur, & est res quotidiana hodie in defensione. Sed & *Corbes* terra aut arena repletos, & in fastigium sic exstructos invenias: quod haud longe abit a *Sportis* aut *Gabionibus* nostris, imo iis dedit exemplum.

Contra Turres.

In *Turres* præcipuum telum *Ignes*: sed & saxa è catapultis, quibus perfringebant. Utrumque hoc satis innovit è prædictis. Sed & tertia repugnatio: *Asseres* aut trabes advenientibus incussa, atque ita impetu evertebant aut frangebant. Muros quoque ea parte, ad quam turris admota, attollebant & augebant. Alias etiam turres struebant opponendum illis.

Contra Arietem.

Aries violentissimus machinarum, & maxime terribilis, eoque plura in eum adinventā. *Primum* remedium. Centones & culcitæ paleis plenæ, quas demittebant funibus in eam partem, qua impetus Arietis ferebatur, ut hoc modo & aberrare facerent jectum: aut si exceperet, vanus redderetur, mollitie & laxitate fractus.

Secundum. Laqueis excipiebant frontem prominentem Arietis, & sursum trahebant, in obliquum, & cum ipsis testudinibus evertebant. Sed & laqueis *Falces* murales soliti avertere. Falces scilicet illas, quæ lapides è muris extrahunt, & vicem ac vim pene Arietis habent: non illas, quibus pinnas detergebant: quibus navium funes abscindebant, atque talia patrabant.

Tertium. In modum foricis dentatum funibus illigabant ferrum, quem *Lupum* vocabant, apprehensumque Arietem aut avertunt, aut ira suspendunt, ut impetum non habeat ferendi. Hunc *Lupum* alii *κόραξ*, sive *Corvum* appellant.

Quartum. Ponderibus grandibus superne incussis aut injectis Arietem deprimebant, aut frangebant. Item Tollenonibus libramenta plumbi aut saxorum, stipitesque robustos incutebant. Nam magnas trabes adaptantes longis catenis, a capitibus utrimque suspendenderant ad duas antennas, super muros inclinatas & extensas. Has trabes sursum trahebant, attollebantque obliquas, & quoties invasura machina esset, islumque datura, trabem dimittebant, laxatis catenis, manuque remissa: atque is impetus decuriebat caput Arietis. Et plumbum ipsum in trabium formam factum, & in massam longiusculam productum, ut certius feriret.

Quo, si tanta vis fuerit, ut murus Arietibus perforaretur, & decideret, una salutis spes supererat, ut destructis domibus alius intrinsecus murus adderetur, hostesque inter binos parietes, si penetrare tentaverint, perimerentur. Hoc remedium hodie quoque receptum contra demolitoria nostra tormenta: imo ut nos lunari fere forma tum ducimus sic illi.

Contra Ballistas, & Catapultas.

Ballistæ, Catapultæ, & toti generi levium telorum unicum fere obstaculum & oppositio, *Coria, Cilicia, Vela*. His enim vim excipiebant & frangebant, molliter ita suspensis: imo & ignita jacula repellebant. In urbe, extra urbem utebantur, quia utrimque scilicet periculum & metus vocabant. Tegumenta & vela è caprillis pilis, Cilicia vocabant. Ea iusta & sufficienti crassitie ac longitudine suspendebant è proceris lignis, & ante se prætendebant. Ita nec ignita jacula, nec alia tela eos attingere poterant, sed in ipsis ibi tegumentis sistebant & hærebant. Sed & in alio opere usurpabant; tum ne conspici ab hoste possent; tum ut & tela sic eludi. Commodum inventum, & à nostra hodie militia non alienum.

num. Imo vero fistebant etiam lapides Ballistarum. Aqua quoque centones aut cilicia, aut coria humectabant, contra ignes aut ignita, quo minus corripere, aut corrumperentur. Et proprie huic rei acetum habebant. Legimus, culcitra paleis aceto maceratis aut humectis farctas, & in ignes oppositas; quod est lana nostros hodieque facere accepi in tormenta.

Contra *Catapultas* proprie, habebant totas marmoreas quasdam oppositas, crebris intervallis aut septis distinctas. Has per machinam quandam in orbem volvebant: & telorum alia frangebant, alia avertabant, omnia revolvebant.

DE AMPHITHEATRO LIBER.

Locum spectaculi & ludicre voluptatis, quem hodie *Colosseum* dicunt, quia Neronis cum capite Colossus in vicinia, prisci tribus nominibus appellabant, *Amphitheatrum*, & sæpe *Carveam*, sæpe *Arenam*. *Amphitheatrum* Græca voce ideo, quia gradus circum undique, & sedilia continenter disposita ambibant in orbem. At *Carvea* Latinis, ab interiore hac parte, quæ concava, & capaci quodam profundo. Quod nomen quidem apud antiquos (libera rep. dico) in Theatris fere hæsit; sed sub Principibus, cum gratia & usus Amphitheatrorum increbuisse, bono jure migravit ad ista.

Sed & *Arenam* dixere vulgo, scilicet quia is locus defabulari solet, & arena sterni in usum pugnae. Nam si lapide aut rudere, in tam crebra effusione sanguinis, lubrico statim pavimento, quæ ratio standi aut certandi? Arenam igitur injecere, quæ bibula: & quam ipsam per intervalla ludorum renovare, & velut inarare soliti per pueros quosdam, non sine lusus specie. Vulgaris arena insternebatur; nisi quod quidam rasuram lapidis albi destigarunt etiam huic rei, quaesita gratia candoris. At Principes interdum arenæ loco intravere minium aut chrysocollem. Sed hæc monstrorum aliquot dementia, quibus satis non fuit ostentare opes suas in spectaculis, voluerunt etiam calcare. Cæterum Editorum vulgus contenti arena: inde ea vox passim pro certamine amphitheatrali, proque ipso loco. Ab hac stirpe *Arenarii*, qui in arena depugnant.

Dii, quibus Amphitheatra sacra.

Dedicabant in primis locum & ludum hunc Dianæ, Tauricæ sive Scythicæ: nec ab alia causa Dianam pro ipsa venatione amphitheatrali.

phitheatrali posuit Martialis. Sed & Jovi sacrabant, sive Latiari, sive Stygio. Et aram imo Ditis, in Amphitheatro positam, quæ sanguine humano perfusa, videtur agnoscere Prudentius. Quin imo ex Minutio colligas, solenne quoddam ibi hominis sacrificium fuisse, velut ad committendos ludos: mactatio horrida, nec Romanorum cultu digna. Præter hos Deos, Saturnus etiam in partem venit hujus tutelæ.

Origo Amphitheatrorum.

Nata Amphitheatra haud diu ante tempora Reip. desidentis: & quidem temporanea primum, & e ligno. Ita Curionem (illum Tribunicium, qui tuba belli civilis) ligneam molem exstruxisse, quæ diducta, duo theatra redderet, iterumque Amphitheatrum unum, conducta, refert Plinius. Et in Dione legitur, Theatrum quoddam e ligno exstructum corruisse cum multorum clade. Sane valde recepra & crebra theatra hæc lignea. Et Cæsar ipse Julius, jam Dictator, Amphitheatrum ligneum exstruxit in campo Martis.

At sub Augusto, & venatio valde jam increbuit, & increvit ejus dignitas. Sive una cum opibus augefcente luxu: sive potius, quia ipse Princeps valde in hunc ludum pronus. Itaque statim venationi tunc reperta propria & mansura domus; Amphitheatrum exstructum e lapide, Augusti suasu, Statilii Tauri opibus & sumptu, in campo Martio, Anno urbis 725. Hoc solum primumque lapideum Amphitheatrum Romæ fuit ad tempora Vespasiani.

Illud ergo in multa fama & usu, donec ambustum sub Nerone. Et quamquam restitutum postea, tamen quia incendio illo infirmius redditum & infirmius; occasio data Vespasiano & cupiditas fruendi novi. Struxit, & quidem in media Urbe; hoc ipsum, cujus semiruta moles adhuc Romæ viuitur, & quod jure miremur injuriis restituisse tot annorum, tot bellorum.

Struxit autem Vespasianus in Consulatu suo Octavo, id est, vix biennio ante vitæ finem. Itaque cæpit opus ipse, non absolvit. Struxit, non exstruxit. At Titus filius summam manum imposuit, idemque dedicavit. Duorum ergo Principum opus: etsi fama & vulgus Tito magis adjudicavit; sive favore quodam in illum, sive potius ex Romano ritu, quo receptum, opera censerî a dedicante. Atqui hi duo soli Principes fecere, alii refecere, cum casu aliquo la sum, aut igne. Inter eos M. Antoninus Pius. Item, Heliogabalus. Denique Senatus ipse eam tuitionem suscepit sub Gordianis. Ita multorum cura, & Genio quodam. Perennitatis, pervenire tanta machina potuit ad hoc ævi.

Amplitudo Amphitheatri Titi.

Altitudo Amphitheatri Titiani nunc quoque miranda est, etsi multum a vertice ejus corruit, multum a pedibus subsedit. Nam mole & ævo magna hæc pondera clare desident, terra cedente: adde

adde aggestum ruinarum. Ammianus de altitudine ea scribit tantam fuisse, ut ad ejus summitem ægre visio humana conscenderet.

De ejusdem capacitate P. Victor asserit, cepisse loca 87000. Et de gradibus tantum intelligit, in quorum pulvillis federunt comode 87000 hominum: at in ambitu illo superiore, & circumjectis porticum aulis, non minus item spectarunt, quam dena aut duodena millia, sive stantes, sive in allatis cathedris sedentes.

De Forma Amphitheatri.

Arenæ sive Caveæ totius forma non rotunda & orbicularis prorsum est, sed porrecta magis paulum, & oblonga: quia Amphitheatrum junctum & factum ex duobus Theatris, rejecta scena. Ex integro enim circuli ambitu quartam partem si abscindis, quod majus ejus reliquum est, scito Theatrum fuisse: atqui ex iis duo si jungis, (ita tamen, ut flexas lineas circa abscissionem dirigas, vel potius extra leviter flectas) Amphitheatrum habebis. Ovo aptissime comparatur; item Valli, quæ cincta undique supino monte.

Area erat pura, sine substructionibus aut ædificiis, libera tota ad cursum ferarum & ad pugnam; nili quod in ea alibi ara fuit e lapide: illa, dico cruda ara, quæ sacra Jovi Latiari.

De Cloacis, Specubus, & Caveis.

Sub ipsa area Cloacæ, forsitan ad exsugendum educendumque humorem illum stagnorum (nam in stagnis Neronis structum Amphitheatrum) structæ. An potius fuerunt cameræ quædam & specus subterranei, ad custodiam & receptum ferarum? sive etiam ad usum aquarum, quas in Arenam occulte & subito inducebant atque educebant ad Naumachias? Certe cum ferina magna vis quotidie in Amphitheatrum induceretur, credendum est, partim subterraneos hos cavos fuisse, in quibus recondiderentur sub ipsos ludos; partim depositas eas in caveis sub inferiore porticu, e qua portulæ & aditus plures pertinent in Arenam. Ibi ergo caveæ terree exstructæ, per quas bestię intromittebantur in Arenam. In his caveis erant portæ, (*Ostia* vocat Varro, *Vopiscus Aditus*) ex quibus cum imperu quodam mittebantur in arenam feræ: iterumque in caveas immittebantur post pugnam.

Habebant & caveas itinerarias, in quibus feræ clausæ & transvectæ: quæ potuere forsitan in his specubus & fornicibus deponi. Hæ autem caveæ ex argento & auro, per splendoris speciem, sæpe factæ.

De vario Arenæ ornatu.

Hæc fuit solens & vulgata Arenæ facies: cui comptus aliquis novitius sæpe additus, & colorum quidam fuci. Varia enim quotidie ab ambitiosis Editoribus excogitabantur, ut studia spectantium

allicerent lenocinio quodam novitatis. Ita fuere, qui arboribus hoc planum conferrent, & Arenam totam verterent in silvam: scilicet ut vivam imaginem exhiberent veræ germanæque venationis. Arbores validæ per milites radicitus vulsæ, connexis longe lateque trabibus adfixæ erant, terra deinde superjecta: totusque Circus ad silvæ consitus speciem, gratiam novi viroris obtulit. Æmulati sunt hoc idem in provinciis.

Neque in solo solum hæc variatio, sed in caveis ipsis; quarum loco invenerunt antra quædam coeuntia & decuntia, quæ velut è terra emitterent subito feras. Quæ ipsa decora fuisse fatendum est, & blandientia sensibus imitatione quadam Naturæ.

At illud fuit improbi acuminis; quod navim ædificare solerent grandem aliquam in ipsa Arena, quæ solutilis esset, & subito luxata emitteret omne genus ferarum pro arbitrio magistri temperantis. Ea enim occulte soluta exsiliebant ursi, lææ, pantheræ, leones, struthiones, onagri, biffontes: ita ut septingentas feras aut pecudes, simul & currere liceret cernere, & occidi.

Nec naves solum ejusmodi induxere in Theatra, sed quod magis admirere, quodammodo mare ipsum. Reperti enim qui totum locum, per occultos quosdam ductus & meatus, subito aqua replerent; & pro terrestribus feris, monstra maris ostenderent, & classes & navalem pugnam.

De Podio.

Post Arenam murus occurrit, qui Podium sustinet, quique claudit & ambit infimum solum. Dicitur enim *Podium*, projectura quæ in summo muro, quæ paulum provehitur & propendet instar pedis: Unde & nomen. Mænianorum ea quædam species est, facta in theatris, templis, ædibus, ad circumeundum, innitendum, spectandum. Ergo Podium est muri pars projectior & prominentior, ante imum spectaculorum gradus; cui columnæ impositæ cum epistyllis ad ornatum, sive (cum liberet) ad innixum. In Podiis istis victoriæ etiam reponi solebant.

Ad hoc Podium spectare soliti primi è Senatu. Nam cum Orchestra plurium graduum esset, dignissimus habitus ille imus, qui Podio proximus & Arenæ; quippe ex quo facillima spectatio. Inter ipsum Podium & gradus, spatii aliquid vacuum fuit latioris, in quo spectare soliti honorati: idque proprie, *ad podium spectare*. Quidam enim sellis curulibus spectarunt. Et eædem sellæ honoris causa positæ absentibus, sive etiam mortuis. Consules, Prætores, alique quibus id jus in curulibus suis ad Podium sic sederunt, cum lictoribus, viatoribus, & magistratus sui pompa.

Nec magistratus solum ad hoc podium spectavit, sed & ipse Princeps, cui tamen eminentior quidam suggestus exstructus, & velut sua domus. Origo rei à Julio Cæsare, qui inter alios honores, quos nimios recepit, admisit statuam inter Reges, suggestum in Orchestra.

stra. Secuti Principes id tenere. Suggestus ille tectus & inædificatus fuit ad modici cubiculi formam: cui proprium etiam suum Podium, quod ostiis quibusdam sive fenestris Arenam versus aperiretur.

Sed præter hunc suggestum, ad Podium etiam tribunal Editoris fuit. Cum enim alii honoribus, alii, liëtoribus & veste prætexta, insignes voluerint eos esse, qui ludos exhiberent; tum etiam altiori hac sede, in qua præliderent. Quod vero ad Podium ea sedes, cum ratio evincit, tum Suetonius, qui exadversum collocat Vestales: eæ autem ad Podium.

Hujus Podii murus, qui Arenam dividebat, non minus olim altitudinis habuit, cum hoc Podio, duodenos quindenosque pedes. Hunc ergo nulla fera poterat transilire. Et tamen contra inopinatos quoque casus à catis illis provide provisum: nam primum retia valida nodosa, in orbem undique Podium cingebant, quorum raritas scilicet non impediēbat aspectum. Et interdum retia illa per luxum inaurata. Nec retia solum, sed versatiles quidam trunci appositæ muro & Podio, contra scanlionem omnem ferarum & insulorum; si quidem ligna illa transversa & versatilia objecta fuerunt muro, quæ feras, dum enituntur, fallerent, insilientium impetum frangerent, & vertendo excuterent. Contra elephantēs & immanes illas feras alia arma parata; nam aut clathris ferreis Arenam totam circumdabant: aut, quod certius, Euripis: vaide enim id genus metuens aquæ.

De Gradibus.

Gradum promoveo ad Gradus, & ad hos Subselliorum, ut sic dicam, colles. Non male colles, quia revera per declive jacentium ea forma. Sed ut tota hæc sedendi spectandique ratio subtili quadam Minerva intelligatur, non crassa, opus, hoc omne spatium distingui per partes: quæ erunt istæ. 1. *Gradus*. 2. *Præcinctiones*. 3. *Aditus*. 4. *Via*. 5. *Cunei*. 6. *Cathedra*. 7. *Porticus*.

1. *Gradus* sunt ea ipsa loca, in quibus sedebant. Sic dicti in Amphitheatris, quia ad formam scalarium graduum alii alios consequuntur. Alii erant pede uno & palmo, sive palmis 5. Palmus enim 4. digitos continet, Pes 4. palmos. Quamvis ista altitudo non convenit gradibus Amphitheatris Veronenlis. Latitudo pedes duo & semis. Hanc enim latitudinem exigebat in contextu graduum ratio sedendi. Pedes enim eorum, qui in superiore gradu spectant, innixi inferiori gradui proximo: qui ne læderent sedentes alios, neve ipsi læderentur, opus habuere aliqua laxitate. Fortasse etiam ad pone transeundum, si qui surgerent, aut sedentibus aut aliis intrarent.

Gradus autem isti è lapide. Unde scitum illud Aristippi: Cui bono eruditio? *Huic saltem*, inquit, *ne in Theatro lapis sedeat*
K 2 *super*

super lapidem. quanquam & sæpe ex ligno. Sero repertum, ut pulvilli insternerentur Senatui, ne nudis asseribus infiderent: idque primus Caligula instituit. Postea id etiam equiti concessum.

2. De Præcinctionibus.

Præcinctiones non sunt aliud, quam graduum intervalla & divisiones quædam in orbem. Videntur autem sive ad Vomitoria & ipsos Aditus, sive in discriminibus Orchestræ, Equestrium, popularium, gradus quosdam latiores altioresque struxisse, qui reliquos minores velut præcingerent & complecterentur. Unde & nomen. Vocatur id alio nomine *Balteus*, a pari causa; quia velut cingulum quoddam latum fuit. Eaque re Zodiaci zona etiam *Balteus* a Manilio vocatur, *Diazomata* item, Græcanica voce, commode appellat Vitruvius. Apparent autem clarissime *Præcinctiones* istæ in Theatris: observavit Torellus in illo Veronensi, gradum esse circa medium, qui duos pedes & uncias 6 altus, cum reliqui tantum pedem & uncias duas.

3. De Aditibus.

Aditus sunt portæ quædam sive ostia in ipsa gradatione, per quæ ab exterioribus porticibus venit & descenditur in ipsas sedes. *Vomitoria* appellat Macrobius, voce vulgi, quod homines inde glomeratim ingredientiæ in sedilia se fundant.

4. De Viis.

Via inter gradus duum generum: *Alia*, quæ ad cardines sive limites Balteorum in circuitu; *Itinera præcinctionum* vocat Vitruvius: *Alia*, quæ a Vomitoriis illis in descensu aut ascensu inter Cuneos; proprie *Scalaria* dicta. In his Viis, qui locum non habebant, quique (ut suo verbo dicam) excuneati erant, spectabant stantes. Latitudo Itineris ad Balteum non minus trium quatuorve pedum. Gradus autem Viarum humiliores aliis sedentariis parte dimidia.

Canaliculæ quædam & derivationes aquarum ad oram extremam graduum fuerunt, quæ *Scalaria* incipiebant; & usum habuerunt sive aquæ cœlestis derivandæ, sive potius humanæ. Nam cum dies totos in spectaculis perierent, quin urina reddenda fuerit, non ambigendum, eique usui hi incili canales tributî. Nam ad pluviam, omnes gradus leviter penduli & proclives fuerunt.

5. De Cuneis.

Cunei jam (Alexis *καπίδες* dixit) inter has vias, medii: Quid enim sedilium dividitur præcinctionum Itineribus, & secatur lateralibus viis, in hoc nomen id venit. Nomen datum à forma, quia re ipsa scalarum directio talis, ut ab imo ordiens magis divideretur in altum, redderetque cunei formam. Viæ istæ scalares, non ab imo ad summum recta & sine intermissione ierunt: sed contra; dirigebantur saltem ab ima Orchestra ad primam præcinctionem;

ibi

ibi definebant, & alternis aliæ incipiebant, cum Cuneorum nova variatione. Apparet hoc clarissime in Veronensi. Ita si triplex præcinctio, triplex etiam ordo & discrimen Cuneorum. Nec absurde fortasse fenerit, qui Cuneos & præcinctiones finiat ac discriminet limitibus Orchestra, Equestrium, Popularem. Inde est, *Theatrum cuneatum*. Inde *Excuneandi* verbum, id est, ejiciendi & velut extra cuneum excludendi, usurpatum Apuleio.

Hi cunei certi certis assignati. Cuneos autem etiam Equitum & Senatorum fuisse, clare docet Suetonius. Et Virgilius plebis item ac Patrum agnoscit.

6. De Cathedra.

Cathedra vocatur ipse in amfractu ad confessum situs; id est, superus locus, ubi clivi subselliorum desinunt, & murus incipit, qui porticum facit, clivosque illos velut frangit. Nam plani aliquid spatii ibi fuisse viderit, unde cathedris politis spectarent. Et sane de sellis allatis & illatis quidam suadent: & pullati non nisi ex superiore loco spectabant, ex Augusti decreto.

7. De Porticibus.

Porticus superiores, e quibus tenuiores spectabant, pars est summa, sive summus fornix Theatri. Dio vocat αἰθρα θέατρον. Nec mala: quia porticus illæ arcuato opere tectæ. Ideo *Cameras* vocat Tertullianus.

De Ordine in sedendo.

Populi Romani prisca divisio in Senatum, Equitem, Plebem. His discretæ in spectaculis sua loca & gradus. In Theatris quidem jam olim lege Roscia, at non ita diu in Circo & Amphitheatris: promiscue enim ibi spectabant, & quovis loco libere, quamdiu libertas Romæ. At id mutatum sub Principibus, & discrimina dignitatum facta, bono jure. Senatui in Amphitheatris sua sedes fuit: sua Equiti, sua plebi: Illam, *Orchestra* dixere; alteram, *Equestris*; tertiam, *Popularis*.

Orchestra vox nata in scena & pulpito, transiit, communi abusu quodam ad alios etiam ludos. Sedes illi inter gradus imos: Is enim locus, quia Scenæ & Arenæ proximus, ideoque oculis auribusque expositus, optimus habitus spectationi, sive auditioni. Magnitudo ejus in gradibus 4 aut 5, fortasse pluribus, ut etiam Sacerdotibus ibi locus; & fociarum gentium Legatis.

Equestris, lege veteri, 14 gradus tenuere. Itaque passim legitur *Sedere in quatuordecim*, & pro ipsa equestri dignitate. Ut autem numerus idem sub Principibus fuerit, aucto immaniter numero Equitum, non hercle videtur probabile. Tribuni quoque inter Equites spectarunt, militares in primis, quia adnexum hoc Tribunicia illi dignitati. Et quidem hi Tribuni in gradibus primis spectabant: fortasse & alii, qui vario agnomine sub Principibus nati.

Popularia sunt loco tertio. Et quamvis *Populi* vox communis est tribus ordinibus; hic tamen pro una ejus & uberiore parte capitur, pro Plebe sola. Popularibus autem attributi reliqui omnes gradus, id est, cavea media & summa. Nam ima Senatui & Equiri vacabat. Itaque propter granditatem discrimen aliquod in ipsis popularibus: & pro varia conditione plebis, varii adfessus. Quosdam, imo ple-rosque, Suetonius expressit in Augusto: *Militem secrevit à populo, maritis à plebe proprios ordines assignavit; Prætextatis cuneum suum, & proximum Pædagogis.* Pullati ex loco superiore specta-runt, ut & feminae. Hinc Verba ad summam caveam spectantia, sunt vilia & ad gustum minutæ plebis.

Hos limites, & hunc ordinem migrabat & miscebat sæpe Quiriti-um turbida plebs. Avidi enim multi ludorum, & exclusionis metuen-tes, loca de multa nocte occupabant, & inhærebant ut suis. Illud pro-prio verbo vulgo notabant *Occupare*. Interdum loca pretio aliquo distributa, quod receptum in servis. Et Græci pretium hoc *ἐντιμήν* appellasse videntur, τα ὑπὲρ τῆς ἰδίας τιμῆς. *donâ videndi causa.* Nec in servis hoc tantum, sed receptum etiam in aliis è plebe, qui Lo-cariis nescio quid pro sedibus pendebant. Appellat autem Martialis *Locarios*, qui loca designabant, homines locabant, disponebantque; alio nomine *Designatores*. His lictores attributi. Ut enim in funere publico lictores comitabantur Designatores, severioris imperii cau-sa & ordinis servandis, sic in Theatris. Non quod proprii Designa-torum ulli apparitores, (viles enim ipsi olim, & fortasse inter liber-tinos) sed accipiebant à domino funeris & Editore ludorum. Ho-rum tamen dignitas sub Principibus aucta, & non pro modico bene-ficio dabatur. Horum munus ordinibus sua loca adnotare, pellere occupatores ab alienis. Et id dicebant theatriali verbo, *Excitare* aut *Suscitare*. Labente ævo, præter Designatores, fuere & digniore quodam nomine Tribuni, qui electi ad moderandas & tem-perandas ludicras populi voluptates. Ii dicti *Tribuni Volupta-tum.*

De Fistulis Amphitheatralibus.

Tubi sive Fistulæ in imo & summo Amphitheatro erant dispositæ, ea arte & fine, ut odoratum quemdam humorem ejacularentur levi-ter & inspergerent in sedentes. Is humor è croco plerumque, qui è fistulis illis per minuta quædam foramina stillabat in modum im-bris. Unde Antonius Musa apud Senecam has sparsiones odoratos imbres vocavit. Martialis *Nimbos*. Proprie autem vocabant il-lum rorem ingeniosam *Sparsiones: & Spargendi* verbo in hac re tili.

Nec è fistulis solum hic imber, sed scito magis invento è statuis expressas, velut humanus quidam sudor. Et ex Theatri Marcelli configuratione conspicuum, in media & summa præcinctione statu-

as plures fuisse, partim ad ornatum, partim ad hunc usum. Eas autem scire licet concavas fuisse, & per immixtas fistulas terreas si-
ve ancas (quæ grandes fuisse suspicamur, & alias minores, quæ ab
illis diffusæ per membra) minutis foraminibus, velut per poros
& membra, expressum hunc humorem: non sine præsentis quidem
auxilio & manu ministrorum, qui in parte inferna stabant.

Sed sparsio hæc non fuit crocus merus aut aridus, sed vino dilu-
tus: mixtus videlicet tritusque flos is herbæ cum vino fuit, quod
colorem deinde assumeret & odorem. Hinc *Liquidum crocum* Ovi-
dus dixit. Et fluebat per gradus. Balsamo etiam usi, etli minus
id crebrum. At de croco omnibus spectaculis protritum; etiam
Scenicis. Ideoque *solennes crocos* Propertius agnominavit. Adeo
ut etiam supinorum hominum deliciis e Theatris in convivia
sparsiones migrarint, & eadem illa arte unguentis persusi con-
vivæ.

De Velis Amphitheatrorum.

Tegmen etiam in Amphitheatro fuit, quod superduci solebat ar-
cendo æstui ac soli. Tegmen hoc e velis. Primus inventor rei Q.
Catulus: aut certe jam inventæ primus Romæ imitator. Ejus ritus
vestigia in ipsis Amphitheatris, ubi foramina in summis lapidibus
ad funes velorum illigandos: ut in Nemausensi illo clare; & in
summo Romano quædam grandiora, per quæ, conjicitur, trajici &
in altum dirigi antennas solitas, velorum funes sustinentes. At ip-
sæ deinde antennæ five mali, per foramina ea immixtæ & demis-
sæ, mutulis quibusdam excipiebantur, firmitatis causâ. Ad anten-
nas autem subrectas, funes transversim ligati & extensi, super quos
ducta vela. Hinc dicunt, *Vela ducere* & *reducere*: &, *Velorum*
inductiones. Huic muneri præpositi milites e classe: scilicet quia
maritimi illi, jure periti tractandorum velorum.

Vela illa varie colorata fuisse, ad ornatum, Lucretius ostendit.
Et Carbasina vela Plinius nominat cum auctore Lentulo Spinthere.
Cæsar Dictator vela serica suspendit. Jam Nero purpurea etiam vela
induxit, stellis aureis varie interstincta.

Hæc ipsa vela Juvenalis dicere videtur *Velaria Velarii*, qui præ-
positi velis in aula ducendis. Sed Theatrica hæc vela non semper
extensa, quia sæpe id impediabat ventus. Nec mirum, in tam laxo
& capaci circo.

De Pileo & Umbella.

Ne autem indefensi à Solo spectarent, cum vela non superduce-
rentur, duplex iis tegmen, sive *Pilei*, sive *Umbellæ*.

Pileis quidem uti Thessalicis, qui fere idem cum Petafo. Uti &
Gausapis & Causia loco illius pilei. Ad hunc usum interdum pilei
in Theatris ab Editoribus dati, sive birri.

Umbella autem, à faciendâ umbra dicta, non aliud fuit tegmen,
quàm quo hodie in Italia passim supra caput suspensio utantur per

viam, & in æstu. E linteo formant, instar obtusæ & brevioris metæ, quod orbiculata virga extensum, baculo sustinent supra caput erectum. Hanc, puto, colorabant, pro favore cujusque in hanc illamve Circi factionem, Prasinam, Venetam, &c. Umbellam Græci vocant *σκιῶν*. Hinc & *Umbellati clavi*, apud priscos Architectos, qui capite paulatim instar turbinis latiore: itemque *Umbellati fores* forniculi, aniti, sambuci, apud Hortenses scriptores.

De Spoliario.

Spoliarium non erat in ipsis Amphitheatris, sed juxta ipsa: & videtur e regione ad alteram illam portam fuisse, quæ Libitinentis. Nam *Spoliarium*, quod receptaculum mortuorum, aut graviter in Arena læsorum, jure constituitur juxta mortualem istam portam. Enimvero solent gladiatores occisi turpiter unco per Arenam trahi in *Spoliarium*.

De Gradibus interioribus.

Erant & gradus interiores intra porticus, per quos ad spectacula ascensus: hi ita flexi & dispositi apte, ut, quantumvis conferta multitudo, statim ingredi ordinate & sine conflictu potuerit. Ordines hi graduum sive scalarum miro artificio pene invicem decussabantur, & ad ostiola sua sive Vomitoria singuli ducebant.

Jam columnæ, jam coronæ, epistylia, zophori, & uno verbo, omnia exteriora hujus operis, admiranda nostro sæculo, non imitanda. Sed hæc videlicet potentia Romana, hæc olim opes, quas etiam docti plerique capiunt dumtaxat & vident per nubem.

De Pegmatis.

Pegmata antiqui appellarunt machinas quasdam e ligno, quibus usus in Theatris aut Arenis. Vox Græca origine est, ἀπὸ τοῦ πῆγμα, quod est *Figo, Gelo, Compingo*: Itaque Glossæ priscae πῆγμα interpretabantur *Confixum*; & docte Apuleius *Confixilem machinam* dixit, allusione ad vim ipsam verbi. Pegma paulo aliter, pro loculamentis pluteisque librariis, Cicero dixisse videtur.

At Pegma Theatricum non aliud, quàm grandis quædam & ingeniosa contabulatio, quæ sponte & occulte statim cresceret, statim subsideret; ideoque compacta raris quibusdam & interlucentibus tabulis & sublevis, ad laxandum & comprimendum. Quæ ornatus causa recta sæpe argento vel auro, sed tenui.

In his Pegmatis varia inventa & stupendi lusus ingeniorum, de quibus Augustinum loqui sentio: *Ad quam stupenda opera industria humana pervenit quæ in Theatris mirabilia spectantibus, auditibus incredibilia, facienda & exhibenda molita est?* Nam hæc Pegmata ex se surgebant, tabulata tacite in sublime crescebant, subsidebant mox hæceadem: quin interdum chasmate & ruina subita dehiscabant,

hiscabant, sive tota pegmata, sive homines qui impositi. Et solebant interdum ita componere pegma & hanc ruinam, ut ii, qui impositi, præciperent in caveas ferarum, ibique discerperentur. Sed & flammæ quidam lusus & imago in hoc pegmate; sine ulla ejus plerumque noxa. Duces etiam captivos & oppida in Pegmatis solere ostendi, Josephus adnotat; sed non hæc theatrica intelligens, verum Fercula, quæ portari solita per triumphum.

DE GLADIATORIBUS LIBER.

Spectaculorum apud Romanos quatuor genera fuerunt: *Gladiatores, Venatio, Circenses, Scena*. Tria ex iis ad oculos maxime, unum pertinet ad aures. Quæ ad oculos, propria fere Romanorum; aut si in alia gente, tenuia præ istis, & dictu parum digna. De GLADIATORIBUS dicemus; quod inter omnia celeberrimum fuit frequentissimumque Romæ, & in quo plebs maxime vel delectabatur, vel verius insaniebat, juventutique erat in deliciis.

Spectaculum hoc appellatum proprie, *Munus*: vel quia populo gratis daretur: vel ab officio, quia officium se mortuis facere arbitrabantur. Nam *Munus* proprie officium antiquis; sicut *Munis*, officiosus: & e contrario *Immunis* dicitur, qui nullo fungitur officio. Is qui præbebat, ab ea voce *Munerarius* dictus; Glossæ, *Munerarius ἀγοράστης*: cujus vocis primum patrem Quintilianus facit Augustum. Nam antea vel *Domini ludorum*, vel *Editores*, & res ipsa *Editiones*. Quamvis hæ voces communes sint omnibus ludis, *Munerarius* non nisi is, qui munera edit, id est, Gladiatores aut Venationes. Hunc Florus magis nove dixit *Muneratorem*. Et *Gladiatores* plus semel pro spectaculo & munere ipso usurpat Cicero aliique homines pro re. *Gladiator* autem ipse est, qui in arena populo spectante pugnavit.

In hac autem re de Gladiatoribus quatuor sunt dicenda. 1. ORIGO progressusque. 2. LOCUS. 3. HOMINES. 4. MODUS.

1. DE ORIGINE GLADIATORUM.

ORigo Gladiatorum à re funebri: exemplum ab Hetruscis. At fortasse Hetrusci ipsi a Græcis. Undecumque exemplum, causa tamen & origo Funus. Nam quoniam olim animas defunctorum

rum humano sanguine propitiari creditum erat, captivos, vel malo ingenio servos, mercati, in exsequiis immolabant. Postea placuit impietatem voluptate adumbrare. Itaque quos paraverant, armis, quibus tunc & qualiter poterant, eruditos, mox edicto die inferiarum, apud tumulos erogabant. Hæc muneris origo. Atque Gladiatores illi a busti cineribus *Bustuarii* dicti.

Itaque prætexu hoc religionis dati publice Romæ primi gladiatores in foro boario, A. U. 490. Dederant M. & D. Bruti, causa mortis patris. Dixi *publice*; quia facile suspicor, jam ante privatim & per convivia innotuisse. Nam in lætiori convivio solenne fuit, in triclinio paria aliquot gladiatorum exhibere ad pugnam, qui cum applausu convivantium occidebant, occidebantur. Ortus mos à Campanis: ab iis avidè hauserunt Romani, perseveravitque ille mos ad extrema imperii tempora. Atque hi convivales gladiatores sunt, quos *Cubicularios* vocat Lampridius.

Olim in funere tantum data munera gladiatorum, nec eo omni, sed virorum Principum, illustriorumque. Non enim dabantur, nisi in funere Indictivo: Imperatorum ergo, Procerumque. Sed paulatim, ut solet, res increbuit, & à tenui canali in mare quoddam (sic loqui) excrevit Editionum. Dare enim cœperunt vulgo etiam privati, & plerisque ea cura in testamentis: cavebant enim post mortem suam tot & tot paria sibi edi. Imo usque eo mos evaluit, ut ditiori aliquo mortuo, populus Munus efflagitaret velut debitum, & ex præscripto legis. Nec vero hoc sine, aut in virorum saltem funeribus stetit mos, transiit etiam ad feminarum. Dux & auctor rei stirps illa Veneris Julius Cæsar, qui munus populo epulumque in filia memoriam pronunciavit, quod ante eum nemo. Nec dubium, quin Divi exemplum cupide imitatus sit vulgus.

De Progressu Munerum.

Præter funus & religionem, etiam Voluptatis causa dati gladiatores. Postquam enim res placere populo visa est, & omne vulgus cupiens harum voluptatum, ecce ansa præbendi reperta est etiam citra funus. Scilicet nimis raræ illustrium divitumque mortes: & inventum, ut Magistratus darent, Sacerdotes, Principes, denique omnes, qui gratiam à populo exambire vellent aut honorem.

Primi è Magistratibus dederunt *Ædiles*. Quidni enim exemplum rei primum ab illo Magistratu censeam, cui, velut peculiare munus, ludi? Editio tamen ea quando cœperit, non scitur; vix est ut ante 600 Urbis annum. Quandocumque cœperint, mansere tamen ad extrema Imperii.

Secundo dedere *Prætores*, more item vetere. Augustus hac in re aliquid innovavit & astrinxit, è publico aliquid eis dari præcepit, & interdixit, ne quis à se aliquid amplius altero impenderet, nisi *Senatus decrevisset*. Neve sæpius, quam bis quoque anno, Gladiatores

tores daret, neu plurium quàm 60 parium. Postea tamen editum illud, qua de sumptu est, laxavit idem Augustus: imo è publico aliquid dari ultra vetuit. Caligula etiam aliquid statuit hac in re. At Claudius profum vetuit, & à Prætoribus ea munera removit. Videntur tamen iterum irripuisse.

Tertio *Quæstores*, instituto Claudii: quod tamen conatus Nero tollere, qui sanxit, ut ne designatis quidem Quæstoribus gladiatores edendi necessitas esset. Sed reduxit denuo Demitianus, & Quæstoria munera olim omiſſa revocavit. Non levavit, sed auxit Quæstorum onus Alexander, qui Quæstores candidatos jussit ex sua pecunia munera populo dare.

Quarto dedere *Consules*, exemplis tamen haud ita crebris. Non enim sæpe reperias Consularia munera gladiatorum, venationem sæpe. Hæc de Magistratibus.

Jam vero dedere etiam *Sacerdotes*. Atque ita Pontificales & Sacerdotaſes ludi passim observantur.

Item novo nomine & re *Æarii*. Hos alii vocant *Arcarios* qui præerant arcæ fisci.

Denique *Imperatores*, ita quidem frequenter, ut hoc eximium censuisse videantur inter munia principatus. Dabant enim Natali suo, dabant Quinquennialibus, Decennialibus, Vicennialibus; dabant in dedicatione publicorum operum, in victoria & triumpho, & per variam occasionem. Ista Romæ.

Munera extra Urbem data.

Sed & Provincias pervasit studium hujus ludicri, velut tabes. Primus Perſeus Macedonum Rex tranſtulit in Græciam, majore primo cum terrore hominum infuكتورum ad tam cruentum spectaculum, quàm cum voluptate. Nec dubie alii Reges & Dynastæ in sua regna. Et profanæ solum gentes; imo ipsi ecce Judæi, apud quos Herodes Rex sub Augusto in singulis pene oppidis Theatra & Amphitheatra constituit. Et Agrippa una commissione dedit paria 700, Romanos quodammodo ipsos exsuperans.

Nec Reges solum infanterunt hanc insaniam, sed etiam in provinciis passim Proconsules Præfidesque. Editiones ejusmodi aliquando veritæ, sed obedientia non diuturna. Jam vero coloniæ & municipia æmulabantur, & passim inter reliquas vetustatis Amphitheatra etiam nunc, cædium istarum sedes. Atque ut Romæ magistratus præbebant, sic in coloniis municipiisque Duumviri aut *Ædiles*. Sed & multi privati dabant, nulla lege, ad populi tantum gratiam, & pecuniæ suæ illudentes: imo & cerdones & libertini. Et ab hac causa in lapidibus frequenter decreti honores leguntur. Frequens etiam titulus præbendi. Salus Imperatoris; quamquam id Claudius, quod in se erat, veruisset. Atque hi fortasse *Honorarii ludi* Suetonio dicti, quia in honorem Principis suscepti.

Postremo

Postremo non homines solum certi qui darent, sed etiam tempora quædam quibus darentur. Saturnalia imprimis. Deinde Quinquatrum festi dies. Atque etiam per adulationem Senatus dies unus alterve gladiatoribus sæpe additus, in honorem Cæsaris.

Crebritas Gladiatorum, & Numerus.

Munerum crebritas, & multitudo pugnantium, supra nostram fidem. Cæsar Ædilis 320 paria dedit. Adrianus Cæsar Gladiatorum munus per 6 dies continuos exhibuit. Gordianus ædilitatis suæ tempore populo Romano 12 munera, id est, per singulos menses singula exhibuit; ita ut gladiatorum nonnunquam 500 paria exhiberet, numquam minus 150. Ergo unus ille non minus 3000 dedit uno anno. Titus Gladiatores, Venatus Naumachias per 100 dies dedit. Bonus & moderatus Princeps Trajanus spectacula ejusmodi per dies 123 continuavit, & gladiatorum 10000 dedit. Caius 1000 paria. Itaque magna copia Romæ & in provinciis gladiatorum fuit. Gordianus Romæ habuit gladiatorum fiscalium paria 1000. nec tamen aut imperium tunc, aut ipse, ad ævi illius. Otho Imperator 2000 gladiatorum contra Vitellium armavit: credo, ex iis tantum, qui in Principis fisco.

Legibus inhibita munera.

Calamitas Orbi invecata per hos ludos: nullum enim bellum tantam cladem vastitatemque generi humano intulit, quam hi ad voluptatem ludi. Numerum dierum hominumque recense; mentior, si non unus aliquis mensis Europæ stetit vicenis capitum millibus aut tricenis. Neronem culpamus aut Caligulam, qui 100 aliquot homines vita interfecerunt, ira sive metu: ecce unus Editor homines supra 1000 ludens interfecit, & die non toto. Atque hæc delicias vocabant, & cibum oculorum: fiebantque non per unius alteriusve lasciviam, sed velut publica lege & decreto. Itaque eo ventum est, ut aliis legibus effusio ista fuerit coercenda.

Primo ad ambitum reprimendum, cautum fuit, ne quis daret candidatus. Legem eam tulit M. Tullius Consul. Cautum etiam de numero aliquid gladiatorum, sub idem tempus, supra quem ne haberent in Urbe. Sicut in Catilinaria conjuratione item remoti gladiatores ab Urbe. Sed Augustus certe etiam de numero parium cavit, edixitque A. U. 732, nec Gladiatores sæpius quam bis anno dari, nec plurium quam 60 parium. At Tiberius firmus contra ista, certum numerum in commune præscripsit. Sed post Tiberium Caligula conculcaro hoc edicto, permisit volentibus cunctis etiam supra numerum definitum, gladiatores præbere. Et Domitianus gratificatus contra eandem legem ingenio suo & sæculo videtur.

Nec de numero solum Tiberius, aliquid etiam statuit de Munerariis, cavitque S. C. nequis gladiatorium munus cderet, cui minor 400000 res. Fortasse & idem vetuit, ne quis edidisse vellet libertus.

Quin

Quin & Nerone Principe statutum, ne quis Præses aut Procurator, qui provinciam obtineret, gladiatores daret. Sumptus etiam ad munera coercitus plus semel. Antonius Pius profusionem vetuit, certa pecunia definita. Post illum Marcus Philosophus. Alexander vero habuit in animo, ut munera per totum annum dispergeret, ut per 30 dies munus populo daretur, salubri consilio; sed sine effectu. Perrupit enim omnia septa inveterata licentia; nec jam Princeps aut lex, qui capere posset tam effusis cupiditatibus modum.

Tarde, imo sero descensum eo, ut gladiatoria spectacula prorsum tollerentur. Pulcherrima hæc laus ad Constantinum Imperatorem referenda: is primus Romanorum Principum gladiatoria spectacula è toto orbe Romano submovit, A. U. 1067. pene 600 annis post ea instituta. Repressit igitur Christianus Princeps: tamen & sub Constante, & postea sub Theodosio & Valentiniano conati irrumpere; imo irrupere. Etiam sub Honorio, qui tamen sustulit, occasione Telemachi cujusdam Monachi, qui gladiatores Romæ pugnantes, pio quodam ardore diducere conatus, à populo lapidibus obrutus fuit. Ita obviam itum ludo non ludo, & sublata adeo res cum memoria gladiatorum, ut ægre nunc ad intelligentiam retrahere possimus morem fugitivum.

De Habitu Edentium, Spectantium.

Duo genera fecimus Editorum: *Magistratus & Privatos*. Qui enim munus mortis causa dabant, plerique videlicet fuere privati; tamen dabant non quasi privati; per dies enim omnes muneris, prætextæ illis jus, lictorum, accenti; omninoque imaginem quandam gerebant, Magistratus. Nec illud occasione prætereundum; propriam quandam vestem fuisse in munere funebri ipsorum spectatorum: spectabant enim in penula pulla. In munere vero volupuario spectabant togati.

II. DE LOCO GLADIATORUM.

Locus Gladiatorum duplex: *Ludus & Arena*. Ille, ubi habitati que gladiatores; hæc, ubi dati & producti. De priorè prius.

DE LUDO GLADIATORIO.

Ludus gladiatorius inde dictus, quod in eo juvenes usum armorum conficerent. Nam primo gladiatores domi & in reliqua familia fuerunt: mox crescente numero, & crebritate editionum, aperti iis velut Publici quidam ludi, & in his armorum Magistri. Itaque quidam splendiores, etiam post institutos ludos, habuere domi eos aut apud amicos. Quod tamen perrarum, & vulgo ars pugnandi docta exercitaque in ipsis ludis. *Lusorum* appellasse videtur Lampridius. Græce *μαθηματικὸν γυμνασίον*, appellat Herodianus,

dianus, quasi dicas *diversorum domiciliumque*. Suidas *μονομαχε-
τησάριον*.

In Urbe autem plures ejusmodi ludi, nominibus suis noti & discreti: ut, *Ludus Gallicus, Dacicus, Magnus, Mamertinus, Matutinus, Emilius*. Ex his aliqui etiam Bestiariorum fuerunt; uti certe *Matutinus*; nam matutina spectacula ferarum. Et distincti ludi bestiariorum & gladiatorum.

Hisce ludis non Lanistæ solum præerant, (de quibus mox dicetur) sed etiam digniori nomine *Procuratores*, nec ii de plebe, sed ex civium primis: fuitque velut inter dignitates & insulas id munus. Nec longe ab istis diversi Curatores munerum ac venationum. Medici etiam sui singulis his ludis; nec id invento novi sæculi, sed diu ante Imperatores, anno Urbis 663. adeo antiqua cura illa in valetudine gladiatorum. Exemplum translatum e Græcia, apud quos Medici athletis. Medicos autem hic haud tam arcte acceperim, ut hodie; sed incluserim etiam Chirurgos, usurpatione prisca: ii autem opus certe gladiatoribus læsis, laxatise. Deinde & ratio victus gladiatorii ea, ut salvi esse sine Medico non possent: large enim edebant, bibebant, & dabantur velut in faginam: eo fine, ut domini, valentes eos producerent, ut Cicero ait, cum gladiatoria totius corporis firmitate. Inde *Gladiatoria sagina* Tacito. Inde *Sagina* nomine ludum ipsum Propertius intellexit. Plinius videtur attribuere hordeum iis in cibum. Sed non credo eo usos; male alibilis est is panis, status genitor malique coloris; ideoque ignominie causa militibus datus qui deliquissent. Seneca etiam eum inter vilissima genera habet. Quæ omnia contraria huic gladiatorie fagine.

Ludi isti non solum Romæ fuerunt, sed in coloniis item municipiisque: Capuæ inprimis & Ravennæ. Nam Ravennæ ludum extruxit, aut certe voluit Cæsar.

De forma ludorum nihil dixerim, præter, multiplices in iis minutasque cellas fuisse, in quibus seorsim haberentur singuli gladiatores: exemplo scilicet fervorum, quibus cellæ. Sed & meretricum cellæ (ex Juvenale & Petronio) & capitum omnium viliorum.

De Lanistis, Ludorum præfectis.

His ludis præfuisse Lanistas supra tetigi. Vocem *Lanista* vulgo à laniandis corporibus formant; nec persuadent. Ildorum potius audio, qui Tuscum esse vult, & illis carnificem signare: & audio eo libentior, quia res gladiatoria petita a Tuscis. Lanistæ avium etiam apud Columellam, qui aves condocerant ad pugnam. Eruebant autem Lanistæ futuros gladiatores, aut expositicios pueros huic rei tollebant.

Tota autem manus, quæ sub uno Lanista, *Familia* appellabatur; & cum dicebant Familie præesse. Hinc natum proverbium Ciceroni famili-

familia: *Ducere familiam* quod idem est, ac Familiae præesse, sumptumque ab hac ipsa Lanistarum præfectura.

Hic iidem Lanistæ honestiore & invidendo verbo *Doctores* dicti, & *Magistri* : videlicet, quia gladiatores novitios & tirones docebant. Quin iidem *Commentari* dicuntur, & *Dictata dare*, verbis omnibus à meliore ludo sumptis. Nec inepte *Dictata*, quia revera præcepta sua armorum committere etiam scriptis.

In ludo duo erant genera : *Tirones* seu novitii, & *Veterani*. Veterani nobiliores, & usu longo edocti. Ad Tirones cura & institutio præcipue pertinebat. Ratio modusque instituendi, ut rudibus batuerent cum Lanista : sive etiam ad palum exercerentur, militum instar. Sed prius illud de rudibus proprie *Batuere* dicebant ; & gymnasium ipsum, *Batualia*, vulgo *Battalia*, *πορὺα ἢ μάχων*. Erat autem *Rudis*, gladius e ligno. Et quidem pro modo cuiusque armaturæ, Threci incurvus, Secutori rectus, Retiario dentatus. Fortasse etiam e ferro, sed tamen hebes. Amplius, duplex fuit *Rudis* : Lanistarum, & Tironum sive exercentium. Lanistæ sua rudis, quæ secerni cognoscique potuit ; ea fuit e ferula, qualia sceptræ Pædagogorum : & *Ferula* etiam nominata priscis, quæ novos auctoratos, & novitios gladiatores aberrantes Lanista cædebat, velut legitimus magister. Nam & hæc res à literario ludo. At *Rudis* ad gymnasia diversa ab hac, & gladii forma, fortasse etiam ponderosior, graviorque. Hæc exercitatio & velut meditatio novis gladiatoribus ad cædem.

DE LOCO PUGNÆ.

Dictum de loco, ubi habiti gladiatores ; superest locus pugnæ, qui non unus : ad rogam enim dati, in foro, in Circo, in Amphitheatro, in septis ; vicatim, & regionatim. Ad Rogum olim in exsequiis, isque antiquissimus locus. Postea non placuit circumducere populum, & omisso rogo ipsi gladiatores funebres in foro dati. Forum ergo locus vetus pariter & diuturnus. Nam & sub Augusto fuit ; & Tiberius munus gladiatorium duplex dedit, alterum in foro, alterum in septis. Tamen conceptum vilescere & forum : forte ideo, quia loca selsui & spectationi parum apta. Itaque magno ambitu locum in foro Consules Magistratusque clientibus tribulibusve suis assignabant, & in beneficii loco. Igitur structa Amphitheatra, destinata proprie huic ludicro & Venationi. Et Plerumque exhinc in iis dati gladiatores, tamen non omisso prorsus foro. Etiam in septis Agrippæ. Sed & Circus interdum huic rei. Sæpe vici, & 14 regiones Urbis, quod sub Imperatoribus factitatum.

De Spoliario.

In loco ludi etiam Spoliario suus est locus. Est autem *Spoliarium* non ipse ludus, sed ludi pars. Ductum nomen à re balnearia : nam exteriores cellulæ in balneis, *Spoliaria* dictæ, Græce *ἀνδρῶν*. Ubi ergo in balneis exuebantur, sequæ veste expoliabant, *Spoliaria* dicta ;

dicta; & à causa simili in ludis. Nam ibi gladiatorum vestes & ornamenta. Imo amplius, locus ille receptor vulneratorum cæsumque. Quin & ii, qui sine spe curationis læsi illic interficiebantur.

Erat & locus obscœnus in ludo, ubi spongia: de qua Martialis & Seneca.

De Diludiis.

Tempora, quæ gladiatoribus concedebantur inter dies munerum, quibus pugnatur, dicebantur *Diludia*, ut vult Horatii vetus Scholiastes. Verum potius Diludia videntur esse, cum medii ludi alio genere spectaculi interrumpuntur, & quasi diffinduntur. Ita enim mos, ut in media sæpe Comœdia aut Tragœdia, Venationem, aut paria aliquot gladiatorum, poscerent, tædii levandi.

III. DE HOMINIBUS PUGNANTIBUS.

DE *Origine & Loco dictum*: Tertium nunc de *Hominibus*, de quibus duo dicenda: *Quæ* CONDITIO fuerit gladiatorum; & *Quæ* eorum GENERA, quodque discrimen.

CONDITIO GLADIATORUM.

Ad *Conditionem* quod attinet, è servis plerumque fuerunt, aut captivis. *Servi* aut vendebantur in ludum, aut damnabantur, adeoque id increbuit, & ob levem sæpe causam. Eos conquiri, moris etiam in provinciis fuit. De *Captivis* etiam non ignotum: aut enim venditi illi ipsi lanistis, aut ab Imperatoribus, postquam in triumpho ducti, dati in ludum sæpe & sine triumpho. Servi ergo captivique primo ad hoc munus.

Sed paulatim etiam liberi & ingenui, nulla quidem aliunde vi, sed pretio inducti, vel mala libidine pugnandi. Et vero paulatim, non desidentibus, sed corrudentibus moribus, eo ventum, ut primæ nobilitatis viri operas arenæ locarent; quidam desperatione & bonis exuti; alii Principibus gratificantes. Quin vulgo jam sub Principibus Equites polluti arena, & Senatores. Origo prima rei à C. Cæsare, qui permisit Equitibus Romanis ut pugnarent. Eoque remeritas hæc, sive infamia fuit, evalit, ut lege cavere Augustus debuerit; qui tamen Equitibus palam id permisit, non item Senatoribus. Sed denuo id vetitum S. C. & fraudem, quæ huic legi fiebat, repressit Tiberius. Sed non ad Tiberii severitatem Principes secuti, qui solum adeo permisserunt, ut Caligula, una commissione 26 Equites dederit: Nero exhibuerit ad ferrum, 40 Senatores, 60 Equites Romanos Vitellius: quamquam ipse infamis infamiam hanc genere quodam sustulit; cavique severe, ne Equites Romano ludo aut arena polluerentur.

Nec

Nec solum Romana juvenus tam prodiga sanguinis sui pariter & honoris, sed & feminæ ipsæ in arena nudæ pugnarunt veram illam gladiatoriam pugnam. Hoc adeo verum est, ut, Severo Principe, vetandum S. C. fuerit. Nec tantum feminæ venerunt in hanc pugnam, sed pumili & nani, improbo quodam studio novitatis.

De Auctoratis.

Fuerunt ergo in universum duo genera gladiatorum, Coacti & Voluntarii. *Coacti*, servi, damnati, captivi. *Voluntarii*, liberi, quique pretio se addicebant. Hi postremi *Auctorati* dicti. Inde *Auctorandi* verbum notione pari: ab eodem & *Auctoramentum*, pretium ipsum gladiatoris & merces *Gladiatorium* Livius appellavit.

Hæc autem *Auctoratio* non simplex. Quia enim liberi, juramento solemniter interposito fiebat, quod vinculum servitutis; jurabatque novitius gladiator, se omnia passurum ausurumque, quæ legitimus gladiatore jus, mos esset. Formula adeo ipsa juramenti in Petronii Arbitri fragmentis: *In verba*, inquit, *Eumolpi Sacramentum juravimus, uri, vinciri, verberari, feroque necari, & quidquid aliud Eumolpus jussisset: tanquam legitimi gladiatores, domino corpora animosque religiosissime addicimus.* In tria jurabant, unctionem, verbera, necem; quæ gladiatores patiebantur ex more: Necem, cum cecidissent, & ferrum juberentur recipere: Flammam, & Verbera, si quando timidius pugnarent, aut fugerent à ferro. Hoc sine Lorarii fuerunt, sive Maltigophori in Arena & in Scena.

GENERA GLADIATORUM.

Sequuntur genera & discrimen gladiatorum. Nec enim gladiatorum unum nomen, aut una classis; sed ab *Armis*: à *Locis*: à *Tempore*: aliisque *causis* diverſi. Ea omnia opere est accurate persequi, quia nec vulgo nota, & gladiatorum in his sæpe error.

In prima classe, qui armis & ratione pugnae diverſi, collocantur isti: *Secutores*, *Retiarii*, *Threces*, *Myrmillones*, *Hoplomachi*, *Samnites*, *Essedarii*, *Andabate*, *Dimachari*, *Laquearii*. De his singulis dicendum.

De Secutoribus.

Secutor ab insequendo *Retiarium* dictus est. Nam *Secutor* proprie est assecla, comes, ἀνάκτορος. Itaque extra rem gladiatoriam legitur. *Secutor Tribunus*, *Secutor Cæſaris*; muneris operæque nomen. Et forte sic dicti milites, qui ex instituto prisco Tribunos comitabantur, velut loco apparitorum. Ab hac eadem notione Mars cognomento *Secutor*; apud Apuleium. In Petronio etiam legitur *Secutuleia mulier*, ab hoc eodem etymo, quæ virum appetat, & sectetur ipsa. At *Secutorum* inter cetera gladiatorum nomina, mentio multa.

Arma Secutoris describit Ilidorus, sed parum ex fide : Gestabat enim cuspidem seu gladium, clypeum, & galeam, quæ communis plerisque gladiatoribus. Ilidorus ipsi tribuit etiam massam plumbeam, quæ adversarii jaculum impediret, ut antequam ille feriret reti, iste superaret.

De Retiariis.

Retiarius plerumque commissus cum Secutore. Interdum etiam cum Myrmillone : nec enim novum, ut unus cum diversis componatur : sicut Myrmillo cum Threce. Retiarium Ilidorus describit : *Retiarius*, inquit, *qui contra alterum pugnantem occulte ferebat rete jaculum, ut adversarium cuspidem insistentem operiret, implicitumque viribus superaret : quæ armatura pugnat Nep- tuno tridentis causa.* Origo & exemplum ejus armaturæ non dubie à Pittaco, qui inter sapientes. Ita enim ille ex provocatione cum Phrynone pugnavit.

Juvenalis cum cura ejus arma descripsit, & velut ex professo. Non erat ei clypeus, non sica, non galea, quia fuit contentus solo galero : nuda facie soli hi ex gladiatoribus. Ita autem docti Retiarii, factique, ut arte quadam collectum suspensumque dextra manu rete in adversarii caput jacerent : &, si errassent, effuse fugerent, donec forte iterum rete collegissent. Tridens live fuscina illis pro gladio ; inermes & in sola tunica. Tertullianus tamen spongiam iis attribuit, pectori nimirum tegmen.

De Threcibus.

Thracæ, vel (ut libri fideliores) *Threces*, gladiatores à similitudine parmularum Thraciarum. Imo non ab armis solum, sed quia ipsi ex ea gente. Certe suo ingenio ea gens prona ad pugnas & cedes : & jam antiquitus ad rogum singulari certamine decertabat. Sane Monomachia hæc ad gladiatores Threces spectat, quorum sparsa in libris mentio.

Arma videamus ; quæ Ciceroni aliisque *Threcedica* dicta : & inde, *Pugnare Threcedicis*. Festus & Martialis iis parmam dant : sumpta enim parma à Thracum populo, quibus velut propria. Harpe etiam, id est, ensis falcatus Threcum, Latinis *Sica*, Curtio *Copis* dicta.

De Myrmillonibus.

Myrmillones venerunt e Gallia, *Crupellarii* iis forte dicti : quasi qui ob gravitatem armorum reperent, non irent. Hinc *Crupellares* aut *Prorepes* vocarunt. Certe Myrmillones toti in armis. Videntur inter pugnam soliti sublidere, ad excipiendum adversarium ; & vitabundi. Myrmillo plerumque cum Threce compositus, nonnunquam etiam cum Retiario. Unde est illud Festi ; *Retiario pugnanti adversus Myrmillonem cantatur. Non te peto, piscem peto : quid me fugis, Galle ? quia Myrmillonicum genus armatura Galli- cum est, ipsique Myrmillones, ante, Galli appellabamur, in quorum galeis piscis effigies inerat.*

De

De Hoplomachis.

Hoplomachi Græcum nomen. Universe sonat quemvis gladiatorem, qui pugnet armatus: Romanis tamen certa species. Confundi possunt cum Myrmillonibus, vel Samnitibus. Nam & in Myrmillonem vox Græca convenit, quia tectus armis. At verius fortasse in Samnitem, cujus nomen ante Ciceronem celebre, defuisse sub Imperatoribus videtur, & abiisse in Hoplomachum: at res armaque eadem.

De Samnitibus.

Samnitium originem non celat nos Livius: *Campani*, inquit, odio *Samnitium* gladiatores eo ornatu armarunt, *Samnitiumque* nomine appellarunt.

Arma eorum idem Livius describit. Scutum auro & argento cælatum, cujus summum latius, qua pectus & humeri teguntur, fastigio æquali; ad imum cuneatus, mobilitatis causa. Spongia live Balteus pectori tegumentum, & sinistrum crus ocrea tectum: pinnæ in galeis. Itaque *Pinnirapi* non alii, quam qui cum Samnite compositi, quique rapiunt ejus pinnas. Hos Cicero vocat *Provocatores*, qui cum Samnitibus solebant componi: *Artemidorus Probafores*; voce, ut videtur, peregrina.

De Effedariis.

Effedarii sunt, qui ex effedo pugnant; quamquam mixtim modo è curru, modo pedites præliati sunt. Nam defuisse, & pedibus pugnasse, præit ad suspicandum Seneca. Servum etiam habuisse videntur in pugna, qui pro auriga.

De Andabatis.

Andabata his proximi, sive *ἀναβάται*. Hi pugnabant ex equis, galea frontem oculosque tecti: inde origo adagii apud D. Hieron. *Clausis oculis Andabatarum more pugnare*. Galeæ istis ex auro.

De Dimachæis.

Dimachæus sive *Orbelas* parum notus, & inter legendum repertus, sed non inventus: Colligas tamen facile, duobus gladiis pugnasse.

De Laqueariis.

Laquearii Isidoro sunt, quorum pugna erat, fugientes in ludo homines injecto laqueo impeditos consecutosque prostertere, amictos umbone pelliceo.

De Supposititiis gladiatoribus.

Receptum erat, ut fello gladiatori aut victo alius atque alius sufficeretur, & contenderet cum victore. *Il Subdititii*, vel *Supposititii* dicti. Græci, apud quos idem in Athletis mos, vocant *ἐπίδοτοι*. Substituebatur autem sæpe unus, alter, tertius: unde in Glossis *ἐπίδοτος*, *Tertiarius*. Id autem non fiebat ad cujusque arbitrium; fors decidebat.

De Pegmaribus.

Dictum de Gladiatoribus, qui ab armis appellati; ad reliqua genera eundem. Inter hos primi se offerunt *Pegmares*; ii a loco nomen habent, quia pegmatis impositi pugnabant; licet tantum captivos aut inignis sceleris damnatos in pegmatis solere ostendi constet. Ad pegma autem moliendum movendumque multi e numero fabrorum administri. Ii ergo admoti per occasionem, tractique in arenam à Caligula, deficientibus bestiariis.

De Meridianis.

Meridiani occurrunt, quibus hoc nomen scilicet à tempore, quia sub meridiem darentur. Nec hi tamen legitimi destinatique gladiatores, sed bestiariorum velut reliquæ quædam & purgamenta. Duplex enim spectaculum. Matutinum, & Meridianum. Mane cum bestiis depugnabant: post meridiem, ii qui superfuerunt, inter sese; & *Meridiani* gladiatores vocabantur. Caterum nec docti factique ad pugnam erant, nec armis in ea utebantur, aut arte: cædes tantum promiscua, & velut laniena.

Alia Gladiatorum cognomenta.

Gladiatores *Fiscales* sunt ii, qui in Cæsaris bonis, & velut fisco. Nam Principes ipsi proprios & peculiares gladiatores alebant, ad instruendum suas populique voluptates. Itaque recte Arrianus dixit istos, *Κρίοι καὶ μοιμαχῆς*, *Gladiatores Cæsarianos* aulicosque. Nec gladiatores solum, sed alebant etiam histriones.

Ab his orti *Postulatitii* gladiatores. Quia enim Cæsariani isti, eximii viribus, arte, ornatu, (ornati autem auro & apparatu aulico) sepe a populo postulari solebant, velut muneris auctarium & ornamentum. Et nominatim hunc illumve gladiatorem flagitare in pugnam solebant, sive manu, sive scelere, notum.

Sunt & *Catervarii* inter gladiatores, à modo pugnae: scilicet, cum non singuli cum singulis, ut moris, sed confusi mixtique pugnant, & per catervas. Nec ab alia mente *Catervarii pugiles* Tranquillo.

Inveniuntur & *Victores*: dubium, an *γανιζῶς* & ab effectû, an cognomine certo, & discernendi causa.

Eliciunt aliqui ex Plinio *Consummatus*, sed rejiciuntur: nisi accipias consummationem gladiatorum apud Plinium, cum conjuncti omnes congregatique pugnant, redacti tanquam in unam summam.

Postremo *Ordinarii* gladiatores lecti, qui legitimo tempore, loco, & apparatu, inducuntur: à prioribus illis (Postulatitios dico, & Catervarios) diverii.

De Veste, & Ornamentis Gladiatorum.

Vestis Gladiatorum in genere, *Tunica*; ut decuit servos. Sed Togatos facit Tertullianus & Capitolinus: forsan labenti ævo mutata res. Togam certe, cum in honore & usu fuit, quis credat foedatam minuteriis arenæ?

Arma

Arma gladiatorum antiquis proprie appellata *Ornamenta*. Suetonius ipsos gladios vocat *Ornamenta*. Festum audite: *Ornatus*, inquit, dicitur bene aptus, ut miles, aut gladiator, aut acturus fabulas.

IV. DE MODO PUGNÆ.

Quartus terminus & ultimus superest, de *Modo*; de quo modice dicendum, aut potius intra modum. Et tria erunt sermonis capita. 1. *Quid ante pugnam*. 2. *Quid in pugna*. 3. *Quid post pugnam*.

1. QUÆ ANTE PUGNAM.

Ante pugnam quædam fiebant ante diem muneris, & quædam ipso die pugnæ, sed tamen ante pugnam. Ante diem muneris fuit *Apparatus* & *Invitatio*. Ipso die ante pugnam, fuit *Pompa*, *Compositiones*, *Ostensio ornamentorum*, *Prælusio*, *Tubæ cantus*, & *Versa arma*.

Apparatus & Invitatio.

Ante Pugnam moris, ut Editor libellos proponeret, in quibus dies futuri muneris, item nomina & paria gladiatorum, scilicet alliciendæ plebi, & expectationi commovendæ. Id vocabant, *Pro-nunciare munus*, *Ostendere munus*, *Proponere munus*. Seneca vocat *Edita*. Edicebant enim describebantque futurum munus in libellis, quos tamquam ludorum indices vendebant describebantque palam, ut in provincias mitterent, & ad amicos absentes. *Libellum munerarium* apposite vocat Pollio.

Nec vero in libellis solum pronuntiatio hæc munerum, sed etiam in tabulis & pictura. Pingi, inquam, jubebant habitum formamque pugnantium gladiatorum, item loci, munerisque totius. Picturæ hujus primum auctorem Plinius facit C. Terentium Lucanum. Idemque in Venatione servatum esse, ex Capitolino discere est. Et hodie servant nostri in isto Batualium ludicro, quod *Gladiatorium* vocant, etiam præfisci illius vix umbram. Atque hæc ante muneris diem.

Pompa & Traductio.

At die ipso, gladiatores ordine deduci in Arenam mos fuit, & inibi solenni quadam pompa circumduci. De qua traductione Quintilianus: *Jam ostentata per Arenam periturorum corpora, mortis sue pompam duxerant*. Ad hanc traductionem etiam accommodatur illud Capitolini, Faustinae quondam, cum gladiatores transire vidisset, unius ex his amore accensam.

Compositio.

Postquam introducti, paria inter se componebantur, sive ut Græci decenter appellant, *ἁρμόζω*. Hoc enim dicebant *Componere*, *Comparare* etiam, item *Commistere*. In hac compositione prima Editoris

cura, ut pares cum paribus configerent : atque adeo id volebant ipsi gladiatores.

Armorum ostensio.

Post comparationem, gladii armaque, quibus pugnaturi, Munerario ostendebantur, explorandi causa, & an fatis acuti. Facit ad hunc invulgatum adhuc ritum, quod Dio scribit, gladios acutissimos, Drusianos vulgo vocatos : videlicet, quia crudelis ille & cruentus edito acutissimos semper exigebat. Contra lenissimus Marcus Imperator, qui ferrum acutum nemini gladiatorum permisit.

Prælusiones.

Ipsi pugnae præmittebatur Prælusio. Quidam enim arte quadam jaciebant hastas ; quidam velut feriebant gladiis : sed hastæ illæ puræ à ferro, obtuli gladii, denique proludebant & eludebant. Prælusionis diem vocat Symmachus ; qui præmissus legitimo certamini. Sed ille de Venatione aut Circensibus intelligendus : Gladiatores illo ipso die pugnae proludebant.

Prælusio autem in *Hastis*, *Rudibus*, *Armis*. Præludentes Hastis, Quirilianus vocat *Pilarios*, & *Ventilatores*, qui ea, quæ emiserant, ita libabant, ut venire in manus viderentur, quaque juberebantur decurrere. Rudes autem Seneca appellat *Lusoria tela* sive *arma* : Tertullianus, *Exercitatoria tela*. E contra, vera & acuta tela, *Decretoria* : forte ideo, quia hæc velut decreto Prætoris sive Editoris dabantur, postquam inspecta acriter & probata. Eadem *Arma pugnatoria* dixere. Seneca *Pugnatorium mucronem* dixit. Præluserunt item armis : Nam parmas aut clypeos in altum jaciebant recipiebantque cum venustate ; nec parmas solum, sed & hastas, ut dixi, fortasse & gladios. Id vocabant propriè *Ventilare*. Hoc ergo erat *Præludere* : ut, cum desierint, dicuntur *elussisse*, aut *delussisse*. Nec absumili notione *Litus* definiebat Aquilius, qua fluxus eluderet, id est, ludere delineret. Plinius *Deludere* videtur dixisse.

Tubæ cantus.

Cantus tubæ signum fuit commissionis & veræ pugnae. Ideo Apuleius *Tubam terminalem* appellat, quia primitias & ludicra certaminis finiret terminaretque. Idque in omnibus ludis factitatum, etiam scenicis.

Arma versa.

Dirempta ergo prælusione, abjectisque lusoriis armis, transibant ad vera. Atque hoc est, quod *Dimicare ad certum*, Tertullianus vocat. Appellabant id etiam, *Pugnare versis armis*, id est, transmutatis.

2. QUÆ IN PUGNA.

Componebant se gladiatores & colligebant in arma, mira arte curaque sui defendendi, alterius petendi. Nec mirum : nam gladiatori composito ad pugnandum hæc proposita fors est, aut occidere,

dere, si occupaverit; aut occumbere, si cessarit. Hanc ex arte polituram vocabant *Statum*; &, *In statu stare*. Curæ enim iis fuit, atque adeo laudi, mansisse in statu. Imo nec læsi deserebant. Idem est, *Stare in gradu*. Hinc apud Tertullianum legimus, *De gradu pellere, Cedere de gradu, Construere gradum*. Cicero etiam ab hoc gladiatorio more elegantem metaphoram plus semel usurpat, *Dejici, Deturbari de statu animi, de statu mentis*.

Cum hoc modo igitur paria in statu; petebat alter, vitabat alter. Et hoc proprie dicebant *Petere*: & ictus ipsos, *Petitiones*. Videntur etiam appellasse conatus; invasionesque lingulas, *Manus*. Unde Seneca dixit. *Manum mittere*. Est igitur *Petere*, arenæ verbum: etiam *Repetere*: sic enim appellabant geminare ictum.

Hæc invadendi verba: At vitandi cavendique, *Exire*: etiam *Excedere*: Prudentius & Manilius id ipsum *Ludere*, vel *Eludere* dixerunt. In vitando præcipua cura, ut latus tegerent. Et latus certe adversarius maxime petebat. Nec rarum erat, ut cum plura paria pugnarent, vulneraretur quispiam per alterius latus. Unde, *Per alterius latus peti*, dicebatur.

Cum quis læsus esset, aut cecidisset, vox adversarii insultantis, aut acclamantis vulgi erat, *Hoc habet*, aut simpliciter, *Habet*. Læsi autem, & mortis metuentes gladiatores submittebant arma, id signum victi fractique. Solebant etiam digitum tollere gladiatores, cum se victos faterentur, & veniam à populo ostensione digiti postulare. Hinc proverbio, *Digitum tollere*. Nec ideo tamen liberi: à nutu populi pendeat mors eorum vel salus; siue etiam ab Editoribus. Imperatori etiam, cum præsens, semper jus liberandi. Quinimo & solo interventu suo. Hæc liberatio, *Missio* dicta; diversa à *Rudi*: nam *Missio* ad victos pertinebat, *Rudis* ad victores. Illius effectus, ut ab imminenti periculo, & in eum diem duntaxat liberarentur: hujus, ut ætatem. Mittebantur ergo læsi. Itaque *sine missione dare gladiatores, & sine missione pugna*, non aliud, quam ad certam mortem dari, nisi vincas; jus non esse vulneratos supplicesque liberandi. Augustus decreto prohibuit, gladiatores sine missione edi. Clementer, quoniam reperti sevi Munerarii, qui omnes dabant in certam mortem. Qualis Domitius, avus Neronis.

Populi ergo in arena præcipuum jus, & ad ejus voluntatem domini plerumque se conformabant. Intercedebat pro victis læsisque: interfici jubebat idem. Signum, conversus pollex. Hoc Tranquillus dixit, *infectis spectatoribus dimicare*. Causa huic malevolæ notæ a contrario proverbio, in favore pollices premendi. Hinc dicitur, *Pollicem premere*, in favore: nam pollex pressus, signum liberationis. Contra, *Pollicem convertere*, minus favere. Hac in re multum potuit audacia & constantia gladiatorum, quæ accepta populo: ignavia odio fuit. Post hæc ergo suffragia vulgi, si alba

quidem favensque sententia, miser ille mittebatur, sed in eam diem aut id munus dumtaxat: sin funesta, boni gladiatoris erat decumbere, & libenter fortiterque recipere ferrum. Id enim imperabatur: *Recipe ferrum.* his verbis subiecta vis, ut jugulum ultro præberent, ne membra contraherent, ne manum opponerent. Mira firmitas, si in re bona seriatque. Et tamen misericordia (si ita placet) admixta his sceleribus, si quis caderet gladiator famosus. Imo & quidam, quati mitiores, avertebant se à vulneribus. At illud feritatis inaudita, percussos jacentesque repeti jubebant, & cadavera ictibus dissipari, nequis illos simulata morte deluderet. Et superest alius ad sevitiam gradus: Nam & manum mittebant in vulnus, & sanguine velut se prolucebant. Nec defuerunt è populo, qui gladiatorum sanguinem ex ipso vulneris hiatus biberent, calidum adhuc spirantemque contra morbum quidem; sed iusta Plinii detestatione; cum plagis ne ferarum quidem admoveri oras sit humana. Non ergo injuria, in hanc fatalem arenam illata, una cum reliquo apparatu, Libitinæ instrumenta, ut esset videlicet, quo mortui subito efferrentur. Ab hac re certa porta in Amphitheatro, quæ *Libitinensis* dicta.

3. QUÆ POST PUGNAM.

Jam ad exodium perducta res, & pugna pugnata est. Venio ad ea, quæ post pugnam: *Premia & Rudem.*

De Præmio & Rude.

Præmium victori duplex; *Palma & Pecunia.* Nam præter palmam iisdem & pecunia data. Quæ donationes effuse creverant, & coercendæ à Principibus sæpe. Sed & ultra legitima præmia, corollaria adjiciebantur, exemplo à scena.

Rudem indulgebant gladiatoribus veteranis, quasi magisterii signum; aut etiam novis, in novo aliquo & strenuo facto; idque populo imperante. Hanc enim gladiator, stans ad crepidinem Circi sub circulo Amphitheatri à populo petere & impetrare solebat. Dabat eam Editor, vel Lanista etiam ipse; sed tamen populi arbitrio aut postulatione: quod etiam in aliis præmiis obtinuit.

Rudis mentio apud omnes scriptores crebra, cujus effectus, liberatio ab arena. Quod tamen aliter atque aliter pro conditione gladiatorum. Quidam enim liberi erant sive Auctorati, qui arenæ operam pretio locabant: ii donati Rude, redibant in veterem prorsus libertatem, nullo ultra vinculo servitutis. Alii è gladiatoribus conditione servi: hi donati rude non libertatem accipiebant, sed vacationem dumtaxat à pugna; Lanistæ deinceps, prove lanistis erant, doctores tironum, & batuebant, non pugnabant. Ideo *Tuta rudis* Ovidio dicta. Quod si libertatem etiam impetrarent, mos erat, uti pilearentur, id est, exemplo reliquorum servorum pilei impositione liberi judicarentur. Itaque Tertullianus bene Rudem à Pileo sejunxit. Quæ tamen præmia ne temere conferrentur, cautum

tum est, quid in noxiis damnatisque servaretur: tempus rudi, tempus pileo præscriptum.

Qui donati rude *Rudarii* dicti: ii non ultra depugnabant, nisi pretio aut sponte inducti. Moris etiam fuit, uti gladiatores emeriti arma sua suspenderent, ad Herculis: sacra, videlicet, ejusmodi gymnasiorum Deo. Nam & athleticis & gladiatoribus Hercules præesse putabatur, qui facta ejus scilicet & robur æmulerentur. Igitur ut in Circo Neptuni, in Theatro Veneris: sic in Amphitheatro Herculis ædes vulgo.

De studiis & factionibus in Arena.

Vilissimæ animæ addictæ his ludis, & velut consecratæ, in partes deducebantur, & magno studio huic generi gladiatorum favebant aut illi. Atque ut in Circo alius in Venetum pannum, alius in Prasinum pronus: sic in Amphitheatro hic in Threcum armaturam, alius in Myrmillonum aut Secutorum. Hinc *Parmularii* fautores Threcum dicti, quia parmæ favebant: & simili modo, *Secutoriani*.

Sed & sponções interponebantur vulgo, uter vinceret. Et vulgus hæc tantum? Principes imo ipsi imbuti hoc favore vel odio. Titus Imperator studium armaturæ Threcum præ se tulit. Domitianus contra, in hoc quoque dissidens à fratre, Myrmillonibus fautor. Nec simplex hic favor, & in re ludicra ludus, in iram, inimicitiam erumpebant, imo cædem.

Conclusio.

Profuisse potuerunt hæc bellica spectacula publice & privatim. *Publice*, quia hujusmodi meditationes fortitudinis fecerunt ad moris contemptum; ideoque dari solebant tempore belli. *Privatim*, erat exhortatio ad constantiam.

ADMIRANDA,

Sive

DE MAGNITUDINE
ROMANA.

LIBER PRIMUS.

Inter Imperia & Magnitudines, quas Deus a condito Orbe esse voluit, eminet & primas fert Romana. *Nulla enim unquam, Livio teste, Respublica nec major, nec sanctior, nec bonis exemplis ditior fuit.* Ideo Ammianus *Romam, Imperii Virtutumque omnium Larem* appellat. Hieronymus duplicem interpretationem nominis ROMÆ, rei aptam reddit: *Roma, inquit, aut Fortitudinis nomen apud Græcos est, aut Sublimitatis apud Hebræos.* Jungatur & tertia, quam dederit lingua nostra, quia *Roma Gloria & Fama* nomen est Germanis, *Roem.* Quid, quod apud Orientales Indos *Rumes* appellantur (Oforio ita traditum) milites boni & fortes? an quasi Romani, & admiratio vetus apud eos manlit? an vox indigena id quoque notat?

Ob duplicem autem causam Romana Magnitudo anteferenda omnibus, ob POTENTIAM, & VIRTUTEM:

In POTENTIA,
consideranda,

FINES,
COPIÆ,
OPES,
OPERA.

In VIRTUTE, confide-
randa,

VIRI,
& Ipse
VIRTUTES, in specie.

De his ergo singulis dicemus, & quasi in umbra & imagine conabimur repræsentare formam faciemque illam veterem, & qualis, & quanta, Roma fuit.

DE FINIBUS.

Fines Romanæ potentiae fuerunt amplissimi, & spatia terrarum ac maris, uno velut sinu & junctim inclusa, quanta in ullo priorum aut posteriorum imperiorum numquam fuerunt. Itaque attollunt

attollunt haud vane hæc veteres, & magnifice loquuntur, passimque illi sermones feruntur; *Romanos Orbis dominos, Solem utrumque in eorum imperio currere, & talia, animose magis, quam superbe dicta.* Non quidem habitata omnia loca sub imperio habuit, nam multa sub Parthorum jure ad Orientem fuere; multa libera, aut sub Regibus ad Septentrionem ac Meridiem. Sed quidquid opportunum aut dignum vinci, vicit: cætera non tam non potuit, quam contempsit, & judicio reliquit.

Illud nemo negaverit, florem Asiæ, Africae, Europæ, in hoc imperio fuisse, ipsa gentium robora, ingenia, opes. Termini igitur finesque imperii, cum maximum & in culmine suo, sub Augusto, ab Oriente Euphrates: à Meridie, Nilii cataraactæ, & deserta Africa, & mons Atlas: ab Occidente Oceanus: a Septentrione Danubius & Rhenus. Ita enim Augustus bono consilio instituit, claudere imperium, naturæ aliquibus limitibus, & custodes ac milites ad eos habere. Posteriores consilium hoc neglexerunt: nec solum regna aliquot, defunctis aut evertis sociis Regibus, imperio adjecerunt; sed etiam ultra terminos, nova quæsierunt, aut Claudius, qui Britannias in ipso Oceano devicit; ut Trajanus maxime, qui ab Oriente Arabiam, Armeniam, Mesopotamiam; à Septentrione Daciam subegit. Ita moti prolatique tunc termini trans Euphratem ad Tigrim: iterumque parte alia ad Mare Rubrum, & trans Danubium ipsum tota Dacia addita fuit.

Provinciae Romani Imperii.

In Asia habuit *Colchidem, Iberiam, Albaniam, Pontum, Bosphorum, Cappadociam, Galatiam, Bithyniam, Armeniam, Syriam, Arabiam, Palestinam, Ciliciam, Pamphyliam, Lydiam, & Asiam totam minorem.*

In Africa *Ægyptum, Cyrenaicam, Marmaricam, Getuliam, Affricam propriam, Numidiam, Mauritaniam, aliasque minores aut ignotiores.*

In Europa *Italiam, Hispanias, Gallias, Inalpinos, Rhetiam, Noricum, Illyricum, Macedoniam, Epirum, Græciam, Thraciam, Massiam, Daciam, Pannoniam.*

Consulto omni magnam partem, quidquid Insularum mari ambitur. Ex quàm multæ & magnæ quædam in toto illo mari mediterraneo fuerunt, à columnis Herculis ad Pontum usque. Profecto, quæ vel decimam partem pene provinciarum terrestrium æquent, si Britannias in exteriori mari adjungas.

DE COPIIS ROMANIS.

Fines Imperii Romani mari, omnibus, montibus clausi ac muniti, sed Milite & Copiis multo magis. Nam Romanus mos & institutio, duplici via Provincias munire, **COPIS, & COLO-**
NILIS, de quibus utrisque breviter dicendum.

Copiar

Copiarum nihil aliud sunt, quam perpetuus miles, qui ad tutelam imperii, ex instituto Augusti, fuit. Erant triplices fuerunt, *Provinciales, Urbanae, Classicae*: illae maximae, alterae satis validae, & tertiae utiles ac opportunae. Omnia haec ab Augusto, qui sapienter pleraque in novo imperio aut instituit, aut restituit, ut res visae postulare.

De Copiis Provincialibus.

Miles ad limites positus, ubi minimo oneri subditis, maximo usui in hostes esset. Sub Augusto & Tiberio 25. legiones fuerunt; postea tamen auctae, ut sub Trajano & Hadriano essent 30, aut etiam supra. Haec legiones Augusti & Tiberii aevi, sic dispositae. In Hispania legiones 3. In Gallia ad Rhenum 8. In Africa 2. In Aegypto 2. In Syria ad Euphratem 4. In Moesia ad Danubium 2. In Pannonia ad Danubium 2. In Dalmatia 2. Sed mutabant interdum, & ob causas huc atque illuc ibant, aut sedebant. Et quavis legiones pleraeque in castris, tamen & in oppidis erant, quae valida aut magna, & ideo motui aut rebellionis opportuna. Talis Alexandria in Aegypto.

Sed praeter legiones ipsas fuerunt etiam cohortes sociarum, aliarumque, numero satis grandi. Atque alibi in minoribus provinciis solae cohortes aut alae fuerunt, ut in Rhætia, Judaea, talibus, & quae procuratoribus regebantur. Interdum & in oppidis interioribus ad coercendum; ut Lugduni in Gallia, item Foro-Julii, auctore Tacito, & alibi.

Haec ita sub Augusto, sed creverunt, ut tetigi; & primum Claudius Imperator Britannia domita; legiones in ea 3 locavit, manseruntque. Tum Vespasianus 2 etiam in Cappadocia: & Trajanus deinde in Dacia 2. Et istae Copiae *Provinciales*.

De Copiis Urbanis.

Copiae *Urbanae* fuerunt; quae sedem Romae & in ipsa domina Urbe habuerunt: duplici fine, ut *Principem* in ea tuerentur, & ut ipsam *Urbem*.

Principis custodiarum triplex miles fuit: *Prætoriani, Evocati, Batavi*.

Prætoriani, in 9 cohortes divisi ab Augusto, flos militum, fide, robore, & gente. Exemplum instituti hujus fuit à Prætoris cohortibus in exercitu, quae circa ipsum Imperatorem, & ad ejus tutelam erant, sed plerumque una. Augustus, autem plures habuit in bellis civilibus, & victor quoque retinuit in pace, contra motus subitos, & ad plebem Romanamque coercendam. Nam fuere 9000 militum non robore solum, sed stirpe & domo eximii; nec capti nisi ex Hetruria, Umbria, Latium, & Colonis antiquitus Romanis. Alii Imperatores post Augustum Prætorianus auxerunt. Vitellius videtur primus, qui 16 Prætorias, 4 Urbanas, cohortes habuit.

Istis

Istis Castra prætoria fuere ad portam Viminalem, ut arctius & in disciplina haberentur, secreti à civibus & urbe.

Evocati, propria quædam & separata manus, vites ferebant, instar Centurionum, ut circa cubiculum Principis excubias agerent. Horum cohors una millenaria erat.

Batavi, equites peditesque, quos Dio equitandi peritissimos facit. Videtur autem intelligere superiores illos Batavos maxime, qui Geldriæ nunc accensentur; nam inferi & ad mare, nec ipsi, nec regio eorum, equis satis facti aut apti. Hos puto haud minus duabus alis plenioribus fuisse, & ut minimum 1000 equites, pedites etiam olim ad 1000.

Alter nunc miles in Urbe, & pro Urbe, duplex est: *Urbana*, & *Vigilum cohortes*.

Urbana cohortes, Tacito 3, Dioni 4, æque grandes, atque etiam supra Prætorianas. Nam harum singulæ fuerunt 1500 militum. Earum officium præcipuum, tueri urbem, id est, motus aut turbas plebis coercere; noctu circum templa, fora, basilicas, excubare; stationes agere contra grassatores aut licarios; itemque Præfecto Urbis, qui caput æs erat, apparere. Itaque & extra Urbem interdum dispositi, cum ejus jurisdictio ad centesimum lapidem porrigeretur.

Vigilum cohortes & ipsæ ab Augusto fuerunt. Nam is, cum crebra incendia in magna illa & frequenti urbe videret, remedium quaesivit firmum & perpetuum, militemque ex libertinis collegit, & in 7 cohortes digessit. Id factum A. U. 795. Et quamquam præcipuus hic finis & instituendi causa fuit; tamen servisse etiam tutelæ Urbis, & contra nocturnos fures aut grassatores, non est ambigendum; Minus lecta hæc manus fuit, & ministerio potius, quam militiæ facta: tamen ut regi melius juberique possent, digessi in cohortes, & Centuriones Tribunosque suos accepere.

De Copiis Classicis.

Terrestri milite satis limites, itemque vitalia imperii, id est, Romam ipsam, munivimus; nunc & maritimo, sive fluviali etiam muniamus. Nam cum mare medium per totum illud imperium iret, cum etiam flumina magna clauderent & ambirent, utile censuerunt, Classes perpetuas in utraque parte esse, quæ & piratas cohiberent & hostes excluderent, & suis etiam transitum aut transvectionem, cum opus esset, statim darent. Prudens & pulchra inventio: fueruntque Classes in ipso Mari *Quatuor*: in Fluminibus *Tres*.

Primæ duæ majores in mari se offerunt, *Misenensis* & *Ravennas*: Dictæ Prætoriæ, forsitan dignitatis causa, & quia inter minores alias, ut Prætoria aliqua navis, eminerent: nam Præfectus sane earum non fuit Prætor. Possunt & exemplo Prætoriarum cohortium esse dictæ, quia ad Italiæ & Principis tutelam. *Misenensis* Classis apud Misenum,

Misenum, pulcherrimo sinu stetit, & Galliam, Hispanias, Mauritaniam, Africam, Ægyptum, Sardiniam, atque Siciliam habebat in proximo. Eti autem naves ibi & classis, tamen castra etiam in terra & ad portum ipsum fuisse, commoditas eorum exigit. In his item portibus, præter castra, Pharos sive turres quasdam ad præluendum noctu fuisse, Plinius suggerit. *Ravennas* Classis, ad notum & nobile illud oppidum, ob sedem ibi postea regni Gothorum, Epiron, Macedoniam, Achaiam, Propontidem, Pontum, Orientem, Cretam, Cyprum, petere directa navigatione consueverat. Atque hæ sunt duæ majores illæ Classēs maritimæ, utraque navium 250.

Sequuntur duæ minores: Prior in Gallia, colonia & portu Foro-Julienſi: tum ad ipsam Galliam, tum ad Hispaniæ illam oram tendendam. Est autem hoc Forum-Julii in Gallia Narbonenſi. Ab hac causa urbs illa Plinio *Classica* dicta: & *Colonia octavianorum*, quod octava legio eo deducta. Altera minor in ipso Ponto, id est, in capite & fonte mediterrei maris. Statio ei supra Byzantium fuit; 40 naves rostratas habuit.

Ex Classibus fluminum *prima* fuit in Rheno, per partes divisa: pars Bonnæ & Geldubæ, pars, & certo, ad exitum fluvii fuit, ubi Pharus olim, quam nunc *Arcem Britannicam* vocant. Pars enim hujus Classis *Britannica* dicta, quia & in Britanniam ea commebat. Sed tota Classis communiter *Germanica* dicta. *Alter*a Classis fluviatilis in Danubio, cujus naves vocabant *Lusorias*, quibus pererrarunt totum amnem. Videtur & *tertia* Classis fluviatilis fuisse in Euphrate. Quidni in magno flumine, & contra Parthos? Ammiani aliquot loca suadent, etiam non cogunt.

Colopiarum Summa.

Hæc est tota munitio imperii, terra marique, an non valida, utilis, opportuna? Hinc ergo partium distarum numerus, & totius prædii summa facile patebit cogitanti. In *provinciis* enim copiarum non minus fuerunt, legionum, cohortium, alarum, 250000, aut circa; & sic, ut nec legiones plenissimas, sed 4000 accipiamus. In *urbe* ponere licet in universum ad 26000 militum: & post Severum vel ad 60000. In *Classibus* omnibus haud minus 100000 militum remigumque. Ita fient in universum supra 400000 ordinariorum: etiam Agathias Historicus plures etiam, & largiter, fuisse alievet; colligi enim ex Romanis militibus vult 645000.

DE COLONIIS.

Præsidia militum in longinquis limitaneisque locis fuerunt, pauca aut nulla in provinciis mediis: imo pleraque earum sine milite & armis ullis. Quid ergo tuebatur interiora, & quietam præstabat? *Coloniarum* deductio, optimo & sapientissimo Romuli invento. Nam ad illum consensu referunt; qui victis finitimis oppidis aut gentibus,

gentibus, partem earum solitus in Urbem & ad se traducere; partem illic relinquere, sed sic, ut Romanos suos misceret, custodiam & regimen, ne quid moverent. Eos ita missos *Colonos* appellaverunt, & ab agrorum novæ dedicatione culturæ, ipsas *Colonias*.

Ratio & modus erat, ut agri dividerentur viritim, idque à Triumviris, quod graves & prudentes viros huic rei legere solebant; qui & sedes, agrosque, & ipsum oppidum (si condendum esset) disponebant, & jura ac formam novæ quali Reipubl. dabant. Sic tamen, ut omnia Romam & Urbem matrem referrent: ipsis quoque locis, Fora, Capitolia, Tempia Curiae, pro illa imagine essent; & in gubernatione Duum-viri plerisque Colonis, quali duo Consules, & Decuriones pro Senatu.

Utilitates, & Causa Coloniarum.

Varia in hoc instituto utilitas. *Prima*, quod allevabatur urbs ipsa princeps, & superfluum nimiamque multitudinem, ut sanguinem emittebat. Ita victus facilior, ita turba minor, & turbæ quoque faciles oriri inter tam confertos. Sed & soboli magis vacabant libentiusque, sic vacui: non aliter quàm arbores aut plantaria, magis se diffundunt & propagant, ubi in arcto non stantur.

*Alter*a utilitas ipsos hostes aut subditos tangit. Ubi enim Colonie sic collocatæ, loca frequentabantur, colebantur, poliebantur etiam, novorum hospitem adventu, & artium inventu. Divina providentia hoc sine Græcos olim in Asiam, Europam hanc nostram, usque in Hispaniam, per maritima loca milit & disposuit: ut rudes ferocesque humanitate & elegantia percolerent, atque ad mitiora studia & mores transferrent. Quod idem Romani mox fecere; & iis cultum hunc omnem debet pulcherrimus noster Europæ tractus.

Tertia utilitas, quæ præcipue in oculis Romulo & Romanis, præsidium in subiectos. Sparsa hæc tot oppida locis opportunis, & in iis Romanus sanguis, quid nili tot arces & propugnacula erant imperii Romani? Dicamus quidlibet, nihil tam validum, quam talis aliqua deductio: & ubi ii, qui agros in alieno accipere, semper obligantur aut tueri jura imperiumque donantium; aut pelli, si & ii perantur. Atque hic primus præcipuusque aspectus.

Accessere mox, valde aucta re Romana, duo alteri. *Prior*, ut plebem inopem & gravem sic exhaurirent. *Alter*, ut militibus emeritis præmia largirentur. Nam ecce in tanta Urbe, & crescente civium tenuiorum numero per tot manumissiones, quæ ratio alendi aut subsistendi fuit, nisi ut emitterent; non aliter, quam ubi alvearia plena, nova examina in alia & nova transfunduntur: Sic & oculo Politico consilio, sentina & fax urbis educabatur; purior meliorque pars asservabatur. Jam vero in militibus pulchrum: & qui

qui non libens in eam militiam se impenderet, ubi & post eam tam magna & certa præmia essent? Agri & sedes dabantur, regimen illic & honores, pecunia etiam (nam sic Augustus instituit) ad instrumenta, jumenta, &, si quid opus, coëmendum.

Frequentia Coloniarum.

Ista fuit deductio Coloniarum, & causæ, in quibus tamen tyranni aut violenti aliquot cives fraudem & injuriam miscuerunt; ut Cornelius Sylla, qui non, ut olim, agros ex hoste captos distribuit, sed in ipsa Italia, quod sciebat milites appetere, sedes iis dedit. Quod fieri non potuit, nisi pacatis fidisque populis, per summam injuriam & scelus, expulsi.

Appianus auctor est, 23 legiones à Sylla sic deductas, quæ facerent 120000 cum iis qui adjuncti. Simile & Cæsar Julius in pace & Consulatu fecit, qui agrum Campanum & Stellatam, 20000 civium, colonia Capuam deducta, diviuit. Idem jam Dictator in transmarinas colonias, 80000 civium distribuit, in Carthaginem maxime & Corinthum. Augustus sub quintum Consulatum, bellis civilibus jam finitis, 120000 deduxit: & postea multa millia adjunxit. Imo in sola Italia 38 colonias collocavit: quid apud tot exterarum gentes, & imperio tam diuturno? Itaque hujus Principis plurimæ & in toto Orbe fuerunt: quod ipsa agnomina earum ostendunt. Denique paulatim tanta frequentia, ut negem regionem, imo vix regiunculam, fuisse, in qua coloniarum aut colonia non esset. Tot illis vinculis miramur orbem compeditum, & astrictum in Romana ditione & imperio mansisse? Harum alia atque alia genera tamen erant, & quedam *Romani*, aliarum *Latini*, quedam & *Italici* juris. Fuerunt & *Patriciæ*, & *Equestres*, agnominatæ: haud dubie, in quam digniores civium militumve deducti.

Fuerunt in sola Italia coloniarum 150. In Africa circiter 60. In Hispaniis ad 30. Paulo minus Gallis, & idem de reliquo Orbe judicandum.

Ratio adsciscendi gentes.

Romani primum pauculi fuerunt, & cum Romulus militiam & Rempublicam ordinavit, vix ad millia terna peditum censâ; & equitum trecentos. At idem ille, cum e vivis abiit, peditum reliquit 46000, & equitum 1000. Tantum viri opesque creverunt in annis circiter, quibus Romulus regnavit, 37. Hoc autem assecutus est apertione Atyli, quæ haud dubie aliquid adjuvit, & e vicinis, etsi non optimos, elicit. Lege de liberis lara, qua jussit, quidquid natum esset, tolli, modo ne mutilum aut monstruosum. Receptione in civitatem, quam non exteris solum confluentibus, sed victis & hostibus, dedit. Atque id sane diu retentum Romæ, ut e provincialibus honestissimos hoc beneficio civitatis obligarent, & ita simul se augerent, simul discrimen, & tacitum pene dissidium ob æmulationem, inter illos consiliarent.

Sed tertia etiam ratio augendi cives, ex instituto, non quidem Romuli, sed Servii Tullii. Ille cum videret, plerosque tunc servorum, aut bello captos, aut è præda emptos esse, atque eos fere è liberis & ingenuis, & ante etiam liberos; humanum bonumque putavit in civitatem recipere, si qui à dominis manumissi essent. Nam & Romanis moribus ingenisque assueti jam erant, & sic fore providebat, ut semper tamquam ex fonte domestico, proles scaturiret ad belli aliosque usus.

Difficile id persuasum primo civibus, & inquinari eo consortio videbantur: sed nempe ostendit, & origine bonos eos esse, & jam diu ipsos etiam hostes in hoc jus admissos: ita cur non idem domesticis & fidis servis indulgerent, causam nullam esse. Maxime, cum in eorum manu totum hoc beneficium; & videre posset, ut nec temere manumittent darent; & illos adnifuros, ut omni fidelitate ac fide emererentur. Amplius, futuros eos nihilominus velut in cura & clientela Patronorum: & sic nobiliores cives, in comitiis aut suffragiis, semper manum aliquam faventem & obnoxiam habituros. Ita illis persuasum: sed Regi in oculis præcipue frequentia & multitudo civium, fundamentum omnis potentiae & diuturni status. Nec tamen ii æquiparati statim dignioribus & veteribus civibus: rejehti in quatuor urbanas tribus fuere, & inventa ratio, ut minimum in suffragiis, aut alia publica re, pollerent. Quin & à militia legionaria & honestiore exclusi sunt, donec paulatim nepotes ac pronepotes eorum, vere jam Romanus sanguis, pervenirent. Liberti ipsi & Libertini, veteri quidem republica, arcebantur. Hoc institutum, incredibile est, quantum civitatem auxerit, in qua aliquot servorum millia pauculis annis manumissa. Neque negandum est, utile initio & præclarum fuisse, sed lapsu temporis (ut fit in humanis rebus) hic quoque lapsus: cum jam Syri, Cappadoces, Asiatici, Græci, Barbari, in servos recepti, & multi ex his facinorosi & perditii, qui pretio, blanditiis, aut & fœdis obsequiis, libertatem meriti, quam colluviem in civitatem non invexerunt? Imo per eos effectum, ut egregia illa animi ac morum, Romana olim plebs, vilissima facta hominum sit, & uno verbo, cloaca & sentina vitiorum. Sed ista seculis aliquot post Tullium.

Interea profuit largiter institutum, & effecit, ut cum primo censu ac lustrò Servii Tullii, 74000 censa essent, illo, qui sub primis Consulibus fuit, 130000 censerentur, idque eorum, qui pueres & in virili toga essent. Post aliquot ætatis, id est, A. U. 414, censa sunt 260000. & paulo ante bellum Maricum, A. U. 639, circiter 400000, paulo minus. At post id bellum, fociis jam in civitatem paulatim receptis, crevit valde numerus, & ad 900000 censa. Quid jam sub Augusto? In consulatu suo sexto lustrum condidit, quo censa sunt civium Romanorum capita quadragies

centum millia & sexaginta tria. At etiam crevit assidue, & sub Claudio Imperatore Tacitus ac fidei auctores accensent, sexagies novies centena sexaginta quatuor millia. Ultra querere supervacuum sit, cum jam passim in civitatem totæ urbes regionesque recepræ.

Ratio transferendi populum.

Non è solis civibus Romani copias scripserunt. Olim quidem & à Latino nomine: at postquam ii civitate donati, Principum temporibus maxime, coeperunt & è provinciis auxilia scribi. Augusti id inventum: & præter conspicuam utilitatem in militia, causam occultam etiam hanc habuit, subditos sic exarmandi, & quasi obidibus traditis in fide continendi. Nam quotannis dilectus istos habebant, & optimum ac robustissimum quemque abducebant. Ita enerves provinciæ; & illi qui dilecti, in longinquas & dissitas oras consulto trahebantur. Non enim facile res novas audere aut movere inter ignotos & alienos. Atque ejusmodi auxiliorum è variis gentibus magna copia.

Sed judicio & consilio in hac re opus, ne plures suscipiantur aut traducantur, quam coercere possis: peccatumque à secutis Imperatoribus, qui, Barbaris receptis, Imperium & Urbem prodiderunt. Alioqui multum commodi aut tutelæ translatio hæc habere possit, qua Philippum Macedonem usum Justinus prodidit. Parabat & Alexander simile, firmando imperio, nisi mors intervenisset. Anripater, qui in partem potentiae successit, in idem hoc consilium: & Atheniensium urbis potens, ipsam ejusque regimen ditioribus honestioribusque concessit: tenues, & quidquid inopia turbidum, eduxit, & 20000 eorum in Thracia, agris datis, collocavit. Lego & Tigranem Regem, cui bellum Pompeius fecit, 30000 è Cilicia & Cappadocia in Armeniam & Mesopotamiam traduxisse, ad ea loca frequentanda, & meliori genere implenda. Et ut vicina magis temporibus locisque tangam, Carolum Magnum satis scitum est Saxones sæpe rebelles translatione domuisse, & in Belgicæ oris posuisse. Ludovicus etiam xi, Gallie Rex, Atrebatium fidei infensus, & quia à vita divelli, quam à Burgundiaci imperio malebant, sparsit eos per Gallie Urbes aliquot, & suos in locum introduxit. Reges Peruani tractus, novi orbis, quos *Ingas* ipsi appellant, pro firmamento status habebant, populos vicios statim cum tota sobole transferre ad interiora loca, & in illa limiranca alios suos fidosque supponere. Hoc genus *Mitimaes* patria lingua vocabant.

LIBER II.

DE OPIBUS ROMANIS.

IN Romanorum potentia tertium OPE S. Eas considerabo PUBLICAS, & PRIVATAS. In Publicis 1. *Vectigalia* sive *Tributa*. 2. *Triumphales manubias*. 3. Denique *Liberalitates*, aut *Erogationes*.

I. DE VECTIGALIBUS.

VECTIGALIA olim ferè triplicia : è *Decumis*, è *Pastione*, è *Portoritiis*.

Decuma cum decimam partem fructuum in agris sativis sibi retinerent. Quid in ea re fuerit, Cicero in Verrinis satis dixit ; nec obscurum est vel ex moribus hodiernis.

E *pastionibus* genus alterum est, quod proprie & vulgo *Scripturam* appellabant. Hinc, *Scripturarius ager*, est publicus, in quo ut pecora pascantur, certum æs est : quia publicanus scribendo conficit rationem cum pastore.

Tertium est *Portorium*, quod scilicet in evehendo aut invehendo pendebant. Fuit & *Portarium*, antiquis, & faciunt discrimen Glossæ. *Portorium*, τὸ ἐν λιμένι, *Vectigal in portu*. *Portarium*, τὸ ἐν πύλῃ, *Vectigal in porta*. Et vero hoc quoque fuisse videtur, ævo præsertim inferiore, & sub Principatu, ut & in pontibus, & in viis, & portis adeo oppidorum dederint, pro transgressu, aut ingressu. Italia hodie, sed & Belgica, hæc non ignorat. Hæc sunt illa vetera, & Vectigalia proprie dicta, quibus dies & sagacitas, addo, & necessitas, aliquid semper addiderunt.

De Tributis.

Vectigal plura sub se continebat ; sed primo solum ipsum *Portorium*, quia id scilicet è vectura, unde Vectigal. Græcis etiam hic discrimen aliquod, quibus *Vectigal* proprie est τὸ ἐν λιμένι, *Tributum* τὸ ἐν πύλῃ. Sed & in re ipsa differunt, quod illud res & fundos magis spectat & ligna : hoc capita ac mobiles opes : Atque ita pessima conditio eorum, qui Stipendiarii, ipsi, atque agri, essent. Tales Pœni, Hispani, & plures, qui per vim ultimam & bello pertinace victi essent : Nam & corpora sive capita (ut Latini magis loquuntur) onusta erant, & terra ipsa. Hoc autem non nisi in vere victos ; & vi subditos, usurpatum, olim quidem : sed Imperatores, & ipse Augustus, produxerunt, & valde hæc tributa dilatarunt.

Magnitudo Vectigalium.

Sola Asia pro vectigalibus pendit annua 20000 talentum, id est, 12 milliones, juvat his compendiis, vulgariter magis quam

(eleganter uti) Pompeii & Syllæ tempore. Decumas unius Siciliæ, atque eas tenuiter æstimatas, Cicero fuisse dicit nonagies H.S. quod nobis est 225000 Philippicū. Decimas dico frumenti : & hordei non computat, & leguminum, quid jam vini, olei? quid Portoria, & Passiones? Valde tenui ore atque animo est, qui non aulit concipere hæc universa ex proportionem, supra quadringenties, sive unum millionem. Atqui Sicilia quanta pars fuit Romani illius Orbis? profecto nec centesima quidem. Hinc liquere potest magnitudo reliquorum vectigalium per Orbem.

Sed ex Portoriis etiam conitare in parte potest magnitudo vectigalium. Unus portus Syracusanus ex unius hominis Verris exportationibus pauculis mensibus, idque ex Vicesima tantum, perdidit sexaginta H.S. quæ sunt more nostro circiter 1500 Philippæi. Quid ergo reliqui portus, in omni evectione, investione, & in totum annum; præsertim ubi Octava, ubi Quadragesima (ut factum constat) capiebatur? Hæc enim pro locis, aut mercibus, sed & temporibus, variasse opinandum est; maxime tamen pro mercibus, & ut gravius vectigal solverent peregrinæ, ad delicias magis aut pompas, quam usum, invectæ. C. Cæsar ejus rei auctor. Quæ haud dubie ipsa Italia etiam pendit, etli reliqua portoria, lege Merelli, in ea sublata essent. Hæc sane magna fuisse, quis potest ambigere, ex pretio & copia rerum? Nam gemmæ, lapides, vestes, ebur, mancipia, aromata, unguenta, & plura ejusmodi exotica, inferebantur: quibus si Octavam imponis, quanti ea sint?

De Capitatione.

Capitatio, seu Vectigal capitarium, vel maximum certissimumque fuisse arbitror; sed in modo, tenebras & nubes suas habet. Videtur autem centesima imposita pro ipso capite, ætimatione omnium facta: ut si 10000 aureorum in censu habeam, solvam ex iis annua centena. Hoc placeat ob æqualitatem, & quia pauperes & tenues non sic pressi, quam si uniforme in omnia capita indiscriminatus fuisset Tributum. Sed alia sunt quæ refellunt, aut certe morantur. Quid enim tum servis fiet? quid filiis familias grandioribus? qui peculium suum nullum habent. Sed de servis responderi potest, dominum dependisse in suo capite, dum eorum ætimatione centibus ejus accedit: & servi alioqui in jure, *caput non habere*, scribuntur. Quod ad filios, certum est, parentes pro iis exsolvisse. Probabile ergo videtur, Capitationem fuisse ex censu non uniformem.

Multum rediisse ex ea, multitudo capitum dicet, quæ in Romano Orbe. Sola Ægyptus 750 myriadas (id est, 7 milliones cum dimidio) hominum habuit, Alexandria excepta, quæ & ipsa aliquot centena millia habuit. Si igitur talis ille Ægyptiorum numerus, facile intellectus est, in quantum creverit capitarium hoc vectigal ex 300 non minus millionibus hominum, quos in Romano Orbe fuisse, ratione colligitur.

Tributa

Tributa, quæ Ægyptus solvit, Ptolomæi ævo, fuerunt annua 12500 talenta, id est, 7 milliones & semissis. At eadem Augusti & Tiberii ævo ad 10, aut 12 milliones producta fuisse credendum est. Gallia quoque videtur primo reddidisse quater millies, id est, 10 milliones; postea hæc tributa aucta largiter, & vel in duplum ab Augusto, ad 15, vel 20, milliones. Jam si solæ Ægyptus & Gallia ad 30, aut circiter, milliones pependere; quid totus Orbis reliquus? An non Syria & Asia, tantum? Africa & Hispania? Græcia & Illyricum? Insulæ omnes simul? Ita ut supra 150 milliones summam tributorum fuisse asserere possimus. Quod vel hinc colligi potest, quod Vespasianus initio statim Principatus professus est, quadringentis millies opus esse, ut Respublica stare possit. Sunt ipsi 1000 milliones nostro ritu. Unde sic subito parandi, si non tales tantique reditus? Sed & nostro ævo, (ut desinant obliqui, qui nostra aut nova tantum cogitant) Rex Sinarum accipere in tributo annuo asseritur 120 milliones. Et Sinas aliquis ad totum Romanum Orbem comparabit?

De Ærario militari.

Augustus ille, qui valde rem Romanam auxit, etiam onera: & hic quoque pro nomine suo fuit. Nam is Ærarium militare seorsim instituit, & ad id explendum reditus novos & certos. Hi triplices: *Vicesima, Vicesimaquinta, Centesima.*

Vicesima fuit hæreditatum & legatorum, quæ cuique obvenissent testamento. Deus bone, quanta & quam crebra ea, vel in Roma tantum? Quot illic divitiæ, & quoties, per capturas & aucupia, ad externos translata? Solvebant igitur sæpe *Vicesimam*. Excipiebantur tamen proximi sanguine juncti, & pauperes, quos hoc onere liberarunt. Atque ut verum fatear: hoc tributi genus imitabile videtur, nec grave etiam pendentibus; cum lætitia magni & inopinati sæpe proventus obruat vel minuat sensum inserendi.

Vicesimaquinta erat mancipiorum, anno post *Vicesimam* instituta. Quanti hoc vectigal fuerit, is agnoscer, qui crebra mancipia in Romano orbe, crebram mutationem, & maxima deinde eorum pretia cogitabit. Quis nescit, Daphnidem vasisse 3700 sestertiis? id est, 7517 Philippæis cum dimidio? grande pretium in uno fluxu & mortali homine, & quem solus Grammatici titulus commendabat. Ab eadem classe & arte Lælius Præconinus, emptus 200000 nummum, quæ sunt 5000 Philippæorum. Jam Calvisius ille Sabinus plures anagnostas habuit, & singulos 100000 emptos. Quot aurei igitur prodeunt è talibus singulis? quot ex millenis aliquot, qui, quotidie pene dixerim, vanebant? Et Jurisconsulti quidem pretia servorum definiunt, in communi aliquo 20 aureos, in Artifice, Medico, Notario, 30, 50, 60.

Centesima rerum venalium fuit. Si omnium autem venalium, quæ, & quam infinita, summa fuit? Si in auctione tantum, minor,

sed & sic grandis. Hæc de Ærario militari, quæ proprie quidem ad ipsum faciebant. Alias non nescio, & pœnas five multas legum, item damnatorum confiscationes, sæpe in hoc ærarium relatas.

De Metallis.

In ista re pecuniaria, non omittenda ipsa ejus materies, *Metalla*; magni ex iis redditus, & in variis locis; & redditus quidem innoxii, justii, & sine onere subditorum. Terra, benigna illa mater, hæc quoque nobis donat. Aurum per bella quærere, nefas est; per maria, periculum; per fallitates, opprobrium: in sua natura, justitia. Sed nescio tamen, an non sævitia aliqua admixta. Nam multa millia hominum huc adigebant, quosdam mercede conductos, plerisque damnatos ad metalla, quos in subterraneo illo carcere sanies, labor, vapor, & ruina sæpe etiam necabat. Ægyptiorum hoc inventum fuit. Atque hi tali interdum numero apud Romanos, ut Polybius ad Carthaginem novam, fodinis in Hispania non minus 40000 hominum scribat assidue in opere versari. Plinius etiam notat, Censoriam legem fuisse, qua cavebatur, ne plus 5000 hominum in opere Publicani haberent. Nec id credito miseratione aut cura pereuntium factum, sed cautione, & dispensatione operis, ut ne in una conductione Publicani totum aurum exhaurirent. Itaque lex in elocatione dicta fuit de numero operarum.

Ex hac quoque metallaria parte igitur magnum uberemque factum quæstum & nostra ætas doceat: maxime cum pulcherrimas foecundissimasque fodinas varie haberent, ut in Hispaniis, Gallis, Norico, Balassis, Illyrico, Pannonia, Thracia, Macedonia, Proconeso. Habuit & Italia: putatque Plinius, aliam nullam foecundiorum metallorum quoque tellurem esse: sed interdicto Patrum cautum, ut ei, velut parenti, parceretur. Præter hæc fuerunt & Cretariæ, & Picariæ, Salinariæ, Ærariæ, Ferrariæ: & nullum genus quæstus è terra omissum.

De Væstigalibus pudendis.

Ab Augusto & præcis ad noviores, atque adeo avidiores, veniamus. Vespasianus (ut communiter de illo Suetonius) auxit tributa provinciis, nonnullis etiam duplicavit. In paucis verbis quanta accessio rerum, attritio subditorum? Et quidni ille solita auget, vel duplicaret, qui instituit & excogitavit etiam pudenda? Nam urinae væstigal commentus est; & notus, cum filio pecuniam ad naves adinvenisset, in ea re ejus jocus. Origo huic væstigali & causa, quod in publico amphoræ aut dolia stabant ad urinam reddendam, quam fullones vertebant deinde in suum usum. Principes etiam secuti tenuerunt, sive auxerunt: & videtur hoc fuisse triste illud *Chrysargyrum*, Historiis decantatum; ut scilicet quisque mendicus aut pauper, meretrix, sive jam emerita, omnis servus, itemque libertus, inferrent in ærarium pro urina & stercore, jumentorum etiam

etiam & canum; sive in agris, sive in oppidis, habitarent: Et homines quidem utriusque sexus, nominis argenteum: equus, mulus, bos tantundem: asinus & canis, folles sex. Quanta hæc pecunia fuisse debuit, ex omni genere pene viventium? Viri Proceres & Reipublicæ primi hoc munus colligendi ambibant, non aliter quam militarem aliquam Præfecturam, aut civilem magistratum. O indignitas! sed Princeps dignitatem addebat, qui & in sacrum ærarium hanc pecuniam recipiebat. Atque isti pudendarum sordium, lucrique exercitores aut conductores sunt, quos *Foricarios* Jurisconsulti appellant.

Caligula ex capturis prostitutarum vectigal instituit, quantum quæque uno concubitu mereret: sed cum illo periit, etli postea quoque sub Heliogabalo Lenonum vectigal, & meretricum, & exoletorum, fuit. Ista fœda, & Romano nomine indigna: nec sustulit tamen optimus Imperator Alexander Severus: sed dumtaxat in sacrum ærarium vetuit inferri, & ad instaurationem Theatri, Amphitheatri, Circi, deputari. Ex quo vere dixeris, magnum & hoc vectigal fuisse, cum ad rantorum operum restitutionem conferret.

De opibus Imperii Byzantini.

Divitiæ Imperii Græcanici quoque miranda: neque hic lubet in rationes aut vias omnes pecuniæ inquirere; ipsam dabimus.

Basilii Imperator, qui vixit sub annum Christianum octingentesimum, implevit totum ærarium, & ipsos aditus viasque, pecuniis confertim stipatis. Habuit in thesauris 200000 talentum auri; (id est, 1200 milliones.) Nam alterius pecuniæ nec numerus iniri poterat, adeo ut terre eam infoderet, ærariis aut repositoriis ubique repletis. Quin & arculas habuit lapillis gemmisque pretiosis plenas, quæ æquarunt omnino summam illam auri. O mira, ô rejicienda, nisi e dictis & dicendis fidem caperent, & mutuo sibi attestarentur! Nam hæc Judæus scriptor nomine Benjamin, in suo itinerario, ab Aria Montano edito, affirmat. Is ante annos 400 Europam, atque alia peragravit, & scribit, se Constantinopolim quoque venisse, & in ea opes inenarrabiles vidisse. Deferuntur enim in Principis palatium quotannis tributa, quibus turres implentur, coccinea purpureaque veste, & auro; ita ut nullibi terrarum par congestæ pecuniæ exemplum reperiri possit. Affirmatur etiam, ipsius solius Urbis vectigal, ex foris vœnialium, & portu ac mercatorum pensionibus collectum, ad 20000 aureorum in singulos dies accedere. Sint ergo mensura 60000 aureorum nostrorum, sint annui 7 milliones, & pene quadrans, sed nempe Byzantium, id est, Nova Roma, hoc dedit, & tunc quidem in suo flore, quid autem censēs illam veterem olim dedisse?

IL DE MANUBIIS TRIUMPHALIBUS.

ALia nunc via se ostendit & aperit, lata, trita, & per quam cumuli & acervi pecuniarum inveci. Pecuniarum? imo vasorum, coronarum, vestium, gemmarum, & quidquid dici appetendum, aut æstimandum, potest; Opes nimirum, quæ è præda & manubiis per Triumphos ferebantur. Quot autem isti fuerunt? Quam multi? supra modum & fidem, uberes divitesque. Nobis satis sit tangere, & specimen eorum, aliquot per ætates, dare.

Fuere igitur Triumphi à Romulo, usque ad extrema Augusti, circiter 312, & ex his primi non nimis uberes, tamen modici, & magis magisque creverunt. Sub Regibus L. Tarquinii Superbi triumphus reperitur, qui victa Sueſſa Pometia & caput, tantum prædæ retulit, ut sacratæ Diis decimæ explerent 400 talentorum numerum. Ergo fuit in cumulo 4000 talentum: id est, vicies quater centena millia Philippicorum.

Post ejectos deinde Reges, inignis L. Papyrii Curſoris de Samnitibus triumphus; quo æris gravis magna vis transvecta, vicies centum millia & quingenta triginta tria millia. Id æs redactum ex captivis dicebatur, quos ingenti numero sub corona venundabant. Argenti, quod captum ex Urbibus erat, pondo 1330. Summa autem illa æris efficit 25330 Philippeos: argenti 13300. Ac tales fere, aut minores, omnes illi usque ad Tarentinum triumphi, qui incidit in A. U. 478. Purpura etiam, signa, tabulae, atque adeo quidquid notabile aut optabile Orbis, aut in eo urbs aliqua haberet, per hanc viam portamque triumphalem id Romam tere inductum: etſi quædam etiam extra bellum, vi aut persuasione magistratum.

Jam vero postquam copiae & arma extra Italiam missa, in grandes illas, & priscis opibus aut victoriis quoque inclytas regiones, quid auri, argenti, spoliolorum, non relatum? P. Scipio ex Hispania argenti præ se in ærarium tulit 14342 pondo, & signati argenti magnum numerum. Ea pondo faciunt 143420 Philippæos. Idem iterum, victa Carthagine, intulit in ærarium argenti pondo 133000. quæ sunt nobis ter & decies centena triginta millia Philippum. At alter Scipio, victa & diruta eadem Carthagine, retulit 4470 pondo. Et efficiunt 44700 Philip. Neque miremur, minus, quam antea, relatum, quia pleraque urbs, dum capitur, incensa & diruta fuit: ita opes perditæ, aut ruinis oppressæ.

L. Æmilius triumphans de Macedonibus, tantum priores excessit, vel magnitudine Regis Perſei, vel specie simulacrorum, vel modo pecunie, ut bis millies H. S. ærario contulerit, id est, quinquagies centena millia Philippum. Nam reperta in theſauris Regis Perſei in auro & argentoque 6000 talentum, id est, 3600000 Philippum,

lippam. Quod si in solis thesauris & arario peculiari Regis, quid in reliqua præda publica oppidorum, aut privata hominum fuit?

Cornelius Sylla, etsi splendido triumpho minus intulit, tamen transtulit auri pondo 15000, (1500000 aureorum.) argenti pondo 115000. (1150000 Philip.)

Excessit omnes deinde Cn. Pompeius, in illo, quem de Rege Mithridate & Oriente duxit; intulit enim in ararium 20000 talentum, ea sunt centena millia Philippam, præter ea quæ in milites expendit: iis enim solis donativi triumphalis nomine largitus est 16000 talentum, id est, 9600000 Philip. adeo ut is, qui minimum accepit, habuerit drachmas 1500. Magna hæc omnia sunt, & vere illo Magno digna: sed hunc hic quoque C. Cæsar, uti acie, vicit & superavit. Is enim intulit 65000 talentorum; efficiunt nobis 39 milliones. Ex paucis his videre est immensas opes in arario cumulasas esse triumphis, quos non omnes, imo nec decimam partem dedimus.

De Auro coronario.

Aurum coronarium dicitur, quod specie triumphorum vel oblatum fuit, vel exactum. Origo ejus, ut focii & amici Imperatori victori coronas aureas offerrent, quasi gratulantes, & meritum ei caput cingentes. Itaque primo quidem coronæ ipsæ datæ, aut missæ: postea invaluit, ut pro iis pecunia offerretur. Hæc accepta à sociis, aut subditis; & sicut manubias ab hostibus legebant, sic spolia ista occulta ab amicis. Mos plane vetus, & à Græcis ad Romanos imitatione translatus. Cn. Manlius cum Gallogræcos viceret, eoque terrore Asiam liberasset, in triumpho tulit 212 coronas aureas, pondo, id est, ut singulæ fuerint librales. Ita enim obtinuerat, ut ex coronæ, ante ipsum victorem latæ in triumpho, populo ostenderentur. Jam ante etiam in Quintii Flaminii triumpho, coronæ aureæ, dona civitatum, translata 114. In Scipionis Asiatici triumpho Livius numerat aureas coronas 234. Appianus in Cæsaris 2822, easque pondo 20414, ita ut 10 pondo, aut circiter, pleræque necessum sit fuisse. Claudius cum de Britannia triumpharet, inter coronas aureas unam habuit, ut minimum, 700 pondo, quam contulit Hispania citerior: item alteram 900, vel potius 1000 pondo, quam Gallia Comata. Etsi non ad usus tales, sed pompam modo fuisse sciamus. Sicut & in torque aureo, quem 100 pondo D. Augusto Galli dederunt. Hæc in speciem tantum; imo plerumque nudo nomine, pecunia ipsa data. Neque coronæ solum ipsæ; sed aurum aut pecuniæ ad coronas: atque id proprie *Aurum coronarium*.

Non ab ipsis victis (quod putavit Servius) ob vitam hoc aurum datum, sed à sociis amicisque: datum tamen in pecunia titulo coronario. Et hoc prætextu rapinæ extorlionesque usurpatæ. Imo vero

vero & ab ipsis Italici, qui tamen immunes talium videbantur esse : decretis enim coronis statuisque, pecuniam ipsam dari sibi curabant. Eo paulatim ventum erat, ut hoc Coronarium non minus tributis fere attereret; nec in triumphis modo, sed in levitia quacumque, & primordiis imperii, daretur; atque velut honorarium tributum genus exigeretur. Quid, quod legamus, civitates in alia occasione, atque etiam tristi, coronas has misisse? Appianus in Sylle funere supra 2000 coronas aureas, magna celeritate confectas, prelatas scribit.

Post praelationem, hæ coronæ in templis, & Capitolio maxime, videntur dicere. Imo & triumphale ipsum aurum interdum, aut pars ejus, ibi condita: fortasse ut religio magis servaret. Solebant tamen & alia templa auro coronario exornare. At Cæsar coronas suas in triumpho ductas vendidit, & ex earum pretio militibus promissa persolvit.

III. DE EROGATIONIBUS.

PER gravimus & eminentissimus Triumphalem viam: tempus, desinere, nec addere ultra, sed erogare. Ne ergo omnis Roma illationibus tot auri impleatur, nunc exhauriemus, & expendemus non loculis, sed totis saccis, ut ipsum iterum admirandum sit, unde ad tot expensas ulla opes. Oceanus si ærarium fuisset, dices delicandum.

Impendia igitur sub Principibus *duplicia* fuere, *Necessaria*, & *Arbitraria*: ex quibus sane colligas immensas & vere admirandas quasdam opes.

De Impendiis Necessariis.

Necessaria illa impendia fere trium generum: in *Militem*; in *Magistratus*; in *Populum*.

De *Militibus* res clara est; stipendiis alendos, emeritis prosequendos: & id perpetuo, in legionibus & prædiis perpetuis jam factis. De his in Militia Romana dictum, supra pagina 143, & seqq.

Magistratus duplices fuerunt, in quos largiter & statim expendendum; *Urbani*, & *Provinciales*. Urbanis quidem Augustus instituit, ad onera sublevanda, ad ludos præbendos, & talia, aliquid dare: præsertim Prætoribus, quasi ex lege. Provinciales autem vel plurimum auferebant, ut ipsi plures, & per provincias dispersi. Ea expansio immensa, vel hoc argumento, quod Cicero L. Pisoni objecit, cuncti in Macedoniam, ut Proconsuli, sestertium centies octogies, quasi Vasarum nomine datum. Ad sola vasa, inquam, id est, ornatum & instructum. Et objicit, non quia contra morem fuerit, sed quia supra modum. Quid igitur? esto vel centies tantum summa ordinaria (250000 Philip.) esto vel quinquagies (25000 Philip.) In tot illis talibus nonne immensum accrescet?

Et

Et plura accedunt huic generi, ut *Curatores* variorum munerum alendi, vel ornandi; ut *Legati* exterarum gentium admittendi, & munerandi; & quæ scimus in omni Republica esse.

Jam de *Populo*, perpetui etiam & certi in eum sumptus, & præsertim ad alimenta. Nam jam ante institutum, *Principes* tenuerunt, ut plebes egenam aut tenuem perpetua frumentatione pascere; atque ea labore & sumptu magno paranda, advehenda, & tum gratis distribuenda.

De Frumentatione.

Frumentatio vetus Romæ, & ab ipso etiam Senatu. Ille in rebus & annona arcta, quasi benignus pater miseris plebis, frumentum aliquando divisit, non tamen nullo, sed modico ære. Accessere *Tribuni* statim, & hoc tam popolare sibi vindicarunt, variis frumentariis legibus latis. Ultimus in hac re *Clodius Annonarius* legem tulit, ut frumentum, quod antea populo semisse æris ac trientibus in singulos modios dabatur, gratis daretur. Atque hæc origo, deinde & continuatio, gratuiti frumenti, fuit. Et statim à conjuratione *Catilinæ*, in Prætura *C. Cæsaris*, frumentationis sumptus 1250 talentorum. Id sit trecenties HS, more Romano; nostro 750000 Philippicorum. Quin & sub imperatoribus largiter crevit, cum plures adscripti, & classès etiam institutæ ad transvehendum.

Numerus accipientium aliquando ad 320000 fuit. Sed *Julius Cæsar* minuit. *Augustus* deinde auxit, & 200000 fecit. Hi pauperes, aut saltem qui sublevati gauderent, inter quos liberti, & id genus, maxime fuere. Et fraudes etiam hic factæ: multi enim ideo manumissi, ut frumentum in singulos menses accipientes, & si qua alia liberalitas Principum in pauperes fieret, id totum dominis ferrent, à quibus facti sunt liberi: sic quos puderet ipsos è publico pasci, id fecerunt succidanea libertorum persona.

Distributio frumenti erat menstrua: nam in cujusque mensis initio accipiebant per tesseras, quique eas habebat, ad *Curatores* frumenti dividendi ibat, munus institutum ab *Augusto*. Quatuor viri enim erant, sique ex honestioribus, & qui ante quinquennium Prætura functi essent. Etli *Præfectus* etiam annonæ proprius, illustri honore, sed qui de advehendo & adservando in horreis satageret, non proprie de dividendo.

Ad hanc frumentationem *Augusti* tempore ex *Ægypto* Urbi annua ducenties centena millia frumenti inferebantur: intellige, modios. Atqui *Africa* jam addenda est, quæ duplum ad *Ægyptum* dedit. Ex hac igitur ratiocinatione frumentum Urbi illatum annuum fuerit sexcenties centena millia modiorum. Sint in dies, circiter 164083. Ingens copia, & quæ sufficiat vel vicies centenis hominum millibus alendis. Nam modius paulo plus minusve Romanis

manis pendit 25 libras: sed Romanas tamen libras; id est, 12 unciarum. Igitur censendum est, plerosque istorum qui caperent, Patres familias fuisse, uxorem, liberos, servulos, habuisse. Itaque largius valde quàm in unum caput capiebant: & videtur tessera five donatio ordinaria fuisse in singulos, 10 modiorum. Jam & hoc cogitandum; plures etiam in consortium hujus frumenti venisse. An non probabiliter urbanos illos omnes milites? Quid ipsam deinde aulam & Palatinos? nonne item probabile, annonas suas hinc accepisse? An non, & Classarios ipsos in Italia milites.

Circa Flaviorum imperium, non ipsum frumentum, sed panis distribui coepit: credo, quia lucrum aliquod ex eo sciscus caperet, & quo minore modo in plures largitio spargeretur. Is *Pauis gradilis* dictus, quia in gradibus divideretur. Idem *Fiscalis*, quia e publico & fisco. Ii panes fuerunt bilibres. Aurelianus opsonium addidit, & populo Porcinam carnem distribuit, quæ distributio usque ad tempora Constantini fuit. Oleum quoque perpetuum populo dedit & instituit Imperator Severus. Vinum etiam, ut nequid decisset, Aurelianus statuerat, sed morte præreptus non fecit.

De Impendiis Arbitrariis.

Arbitraria impendia trium maxime generum fuerunt: In *Ludos*, *Opera*, *Dona*.

Impensa in Ludos.

Ludos singulatin si persequar, aut exempla accumulem, seorsim rheatrum mihi struendum sit, & novi aliquot sermones. Capita impendiorum tangam, de quibus univérse sic Lactantius: *Quid dicendum est de iis, qui populari levitate ducti, vel magnis urbibus suffecturas opes exhibendis muneribus impendunt?* Item Ambrosius: *Magistratus in theatris, mimis, athletis, gladiatoribus, aliisque hujusmodi generibus hominum, totum patrimonium suum largitur & prodigit, ut unius horæ favorem vulgi aquirat.* Merito damnant nostri Patres damnosam hanc insaniam, & quæ privatos homines bonis per ludum exuit, Principes ipsos attenuat & debilitat. Atque id discere, cum ex frequentia eorum potes, tum ex apparatu.

Unus Augustus fecit ludos suo nomine quater & vices; pro aliis magistratibus, qui aut abessent, aut non sufficerent, ter & vices. Vix arbitrator, ullos ex istis principalibus ludis minoris quingenties, aut & millies sestetio stertisse, (id est, millione cum quadrante, aut & duobus millionibus cum dimidio.) Quod apparatus & pompa facile persuadebunt. Nam in ipso Theatro, Amphitheatro, aut Circo, adornando, qui sæpe sumptus? cum semper gratia aliqua & illicium novitatis in ipsa forma quæreretur.

Nero Theatrum totum, non scenam ejus tantum auro illevit & obtexit, sed & quidquid illatum fuit, & omne instrumentum ac choragium,

choragium, aureum; itemque vela, quæ superne contra Solem obumbrabant, purpurea tota, & aureis stellis interstincta. Ex quo & dies ille *Aureus* appellatus.

Quid Julius Cæsar, ante Neronem, & nondum Princeps? Is primus in Ædilitate, omni apparatu arenæ argenteo usus est, feræque argenteis hastis laceßere, tum primum visum. Cæsar igitur hoc primus, sed non ultimus: nam passim & in coloniis & municipiis argenteæ jam scenæ. L. Muræna, & Caius Princeps, in Circo pegma duxit, in quo fuere argenti pondo 124000, quæ faciunt 1240000 Philip. Nec id pro Caio aliquo sit magnum, imo nec pro privato nimium, quia argentum recipiebant, nec totum peribat, si ramen vellent.

Vis nunc unum & extremum furorem? Heliogabalus Imperator, in Euripis vino plenis nauales Circenses exhibuit. Tu cogita, quantum vini profusum, fossis illis & Euripis in Circo ita eo plenis, ut naves inter se concurrere ac certare de velocitate possent. Quid jam dicam tot gladiatorum millia? tot ferarum ex toto Orbe quaritarum? tot equorum nobilium? quæ in vita actisque Principum assidua leguntur.

Addo huc Missilia & sparsiones in populum, id est, Tesseras ligneas cum notis rerum, aut interdum res ipsas, magno certamine diripiendas. Quæ item velut legitima jam erant in omnibus ludis, ad populum illiciendum. Horum pretia & sumptus ex Neronianis istis colligantur apud Suetonium: *Sparsa & populo missilia omnium rerum per omnes dies, singula quotidie millia avium, cujusque generis multiplex penus, tessera frumentaria, vestis, aurum, argentum, gemma, margarita, tabula picta, mancipia, jumenta, atque etiam mansuetæ feræ, novissime naves, insulæ, agri.* Notetur hæc jactatio, quanti ea, & quantarum rerum. Præter aurum, gemmas, margaritas; insulas & totos agros dedit: insulas nempe urbanas, & habitabiles domos.

Neque Nero hæc solus: de more fiebant, etsi alius largius parciusque, pro opibus, præberet. Titus sane Vespasiani filius item profusissime in ludis, quos per 100 dies dedicatione Amphitheatrui sui fecit. Nam globulos ligneos quosdam de loco superiore in theatrum jaciebat, qui symbolum haberent inscriptum, hic alicujus esculenti, ille vestis, alius argentei vasis, alius aurei, equorum, jumentorum, mancipiorum; quæ oportebat eos, qui rapuissent, ferre ad Curatores ludorum, & ab iis accipere quamque rem inscriptam. Credis tu, hæc per tot illos centenos dies fieri potuisse sine impensa bis terque millies HS? ego non opinor: & ubi sumptus ludorum reliqui? Neque miror jam profecto, Hadrianum cum in adoptione Cejonii Commodi multa in populum profudisset per similes ludos, & in militem, atque is Cejonius ægro corpore, vitalis non videretur, sæpe dixisse: *Perdidimus quater millies*

HS, quod populo & militibus dedimus, qui sunt nostri 10 mil-
liones.

Sed dices, Principum virorum modo hæc fuisse. Erras: de Mi-
lone hoc jam olim Cicero, tria patrimonia in has res effudisse. Pro-
bus, filius Alympii, cum ipse Præturam gereret, 1200 pondo auri
absumpsit, id est, 120000 aureorum. Symmachus Senator, unus
è mediocribus, in filii Symmachi Præturam 2000 effudit, id est,
200000 aureorum. At Maximus, scilicet è divitibus, item filii
Præturam 4000, id est, 400000 aureorum. Edebant autem ludos
Prætores non nisi 7 diebus. Vide dies, vide sumptus: quanto im-
maniter plus olim alii? quanto scilicet tunc Resp. florentior, &
majores privatim opes. Si igitur sola spatio, id est, missilia in
populum, tanti, quid reliqui omnes ludi, & eorum apparatus?

De Donis Principum.

Doni sequuntur (nam de impendiis Operum toto libro 3 agetur)
magnitudine sua non jam inter admiranda, sed stupenda. Si quis
Midas fuisse fingatur, qui omnia tactu faciat aurea, defecerit inau-
rare, quantum isti sunt largiri. Per Principes aliquot lubet ire,
& hoc ostendere.

Ordiam à capite ipso, *Cæsare Julio*, qui nullum largitionis aut
officiorum genus in quemquam publice privatimque omisit. Mi-
litibus singula interdum mancipia vel prædia viritum dedit. Quid
in Senatum & digniores? Vel invitatos, vel sponte ad se comme-
antes, uberrimo congiario profecutus est. Nec hic finis. Extra
Urbem quoque & Italiam ea largitas se diffudit: & non minore
studio Reges atque provincias per Orbem terrarum illiciebat; aliis
captivorum millia dono offerens, aliis quo vellent, & quoties vel-
lent, auxilia submittens; urbes præcipuis operibus exornans. Atque
hæc privatus Cæsar fecit, & nondum in fastigio illo principali.
Magis mireris, si accogites, jam ab adolescentia profusum hunc fu-
isse, & grandi ære alieno oppressum. Debit enim, prius quam
ullum Magistratum caperet, 1300 talenta. Ea sunt nobis 780000
Philip. Quid vero jam in ipsis magistratibus? materies & causa
amplior largiendi. Itaque Appianus scribit, euntem ex Prætura
in Hispaniam, creditoribus renitentibus, dixisse joco: *Millies sibi
opus esse, ut nihil haberet*: id est, ut solum æs alienum solveret,
in suo nihil haberet. Ea reddunt vicies quinquies centena millia.
Auxit etiam in Consulari, & deinceps ad Principatum, ut hominis
hujus ingenium erat, tantum ut daret, quærentis. Sed unde ha-
buit & reposuit? Non longe te duxero. Gallias vide: iste fons,
è quo hault: ibi enim fana templaque Deum donis referta expi-
lavir, urbes diripuit, sæpius ob prædam, quam ob delictum. De-
nique è tot præliis accessit ingens captivorum multitudo, è qua di-
vendita pecuniam redegit.

Sed lubet singulatim inspicere viri dona. Instante civili motu, in Gallia cum esset, L. Paulum Consulem designatum 1500 talentis flexit, ne contra se staret. Tot talenta reddunt 90000 Philippicū, id est, pene millionem; in virum unum. Quid jam in Curionem, ut pro se staret? amplius longe dedit, aes alienum ejus totum exsolvit; illud fuit sexcentis H.S. Ea faciunt 150000 Philippicū, quid nisi plurium Senatorum census?

Sequuntur Milites, quibus unice se dedit, atque id ipsum privatus. Certe adhuc in Gallia, cum Pompeius duas legiones colore belli Parthici revocaret; ipse, ut animos sibi pigneraret, singulis abeuntibus 250 drachmas divisit; id est, 25 Philippicos nostros. Cogita jam duplum in Centuriones, triplum quadruplumque in Praefectos & Tribunos; valde ea largitio crescit. Sed quid in ipso jam bello civili; privatim haud dubie multa; communiter haec largitio fuit. Veteranis legionibus decem, praedae nomine, in singulos pedites super bina sestertia (nobis, sunt 50 Philippaei) quae initio civilis tumultus numeraverat, 20000 nummum dedit. Ea sunt ipsi Philippici 500. atque ita viritum, & in gregarios milites divisit, cum duplum Centurionibus; Tribunis, Praefectisque alarum quadruplum: praeter hos ergo, & equites, soli gregarii milites acceperunt 15 miliones; sunt autem 30000 militum in decem legionibus.

Atqui an finis est? imo sub ipsum idem tempus largitionem ad populum extendit. Praeter frumenti denos modios, ac totidem olei libras, trecentos quoque nummos, quos pollicitus olim erat, viritum divisit, ac centenos pro mora. Populi vero illius, qui frumentum acciperet, grandis numerus, & sub id tempus 320000 erant: accepit ergo totus populus viritum 400 nummos. Sunt Philippici 10. Ergo in summam tres miliones ducenta millia. Ubi olei deinde modus? ubi frumenti? nam viritum quoque denas libras olei, & denos modios frumenti elargitus est.

Augustus non diuturnitate solum Imperii, sed etiam liberalitate patrem superasse videtur. Dona ejus quaedam ante imperium, alia in ipso sunt: & illa magis miranda. Primum militibus & Evocatis, quos contraxit metu Antonii, adita hereditate Juliana, dedit singulis 500 drachmas. Is numerus Evocatorum ad 10000 fuit; ergo hic 500000 Philippicorum. Amplius, eodem pene tempore, cum legiones Quarta & Martia ad se transissent ab Antonio, dedit singulis totidem illas drachmas: iterumque cum in armis decurrissent & speciem praelii perite assimilassent, alteras totidem; quae certe fuerunt ad dictam summam, & longe supra, si Equites & Centuriones suo more computentur; quod & in ipso primo Consulatu, cum lignis à Mutina motis Urbem intravit, dedit qui se deduxerant singulis 2500 drachmas, sive 250 Philippaeos; atque ex 8 legiones fuerunt; minima legionum frequentia, surgent 6 miliones,

6 miliones,

8 milliones, & Equites ac Duces omittentur. Ubi autem prædæ, quas egit, aut spolia, quæ cepit? adhuc nulla: quo magis in admirandis hæc donationes tres, à privato Octaviano, & sola spe futuræ magnitudinis, susceptæ & perfectæ. Sed quarta etiam donatio à privato immensa, aut certe immodica. In Philippensi prælio, ubi de Principatu actum vel libertate, hic ipse Octavianus cum Antonio promiserunt viritim 5000 drachmas 19 legionibus, quæ in præfidiis aut Italia sparse: præter Auxilia, quæ haud longe infra legiones. Itaque hæc summa est supra 150 milliones. Atque hæc ille fecit ante Principatum; in ipso tenuit & cucurrit eundem liberalitatis cursum.

Donationes Augusti in Principatu proponimus ex lapide Ancyrano. In prima, ex testamento patris dedit viritim populo centenos vicanos sestertios. II sunt 3 Philippici in singulos. In secunda, in quinto suo Consulatu, statim post Actiacam & Alexandrinam victoriam, sub triumphum, 400 nummi viritim dati, qui sunt Philippici 10. nec viris tantum puberibusque, sed etiam pueri, in gratiam Marcelli, sororis filii, adjecti: ita ut ad minimum fuerint ad 600000 capientium. Fiunt in pecunia impensa 6 milliones. In tertia, Consulatu decimo, populo dedit congiarium bis 400, id est, bis 10 Philip. viritim. In quarta, Consulatu undecimo, datæ 12 frumentationes, privatim frumento coempto. In quinta, in Tribunitia potestate duodecima, quæ incidit in A. U. 741, cum peregre & è Gallia rediit, plebi refovendæ & conciliandæ distribuit ter uno anno 400, id est, Philippicos ter denos, sive in universum 30. In sexta, in 320000 capita plebis urbanæ dedit sexagenos denarios viritim, quæ summa ad duos milliones, paulo minus (1800000 Philip.) se attollit. In septima, donatione militari iis dedit, qui in colonias missi aut mittendi, 1000 nummum; acceperunt autem viritim hominum circiter 120000. In octava, in Consulatu decimo tertio, sexagenos denarios dedit in 200000 capita frumentantium. Liberalitates ejus plures ex facili dederim, ut ipse dare facilis, etiam per ludum & jocum. Cujusmodi ista: Omnibus qui secum pila lussent, sestertia 100 dari Cæsar Augustus jussit, soli Cælio 50. Magna donatio in ludicra ista causa, singulis 2500 Philippici. Iterum totidem Græculo cuidam pro carmine, & audaculo dictione factoque.

Aliorum quoque Principum carptim aut saltuatim quædam tangam. In *Tiberio* pauca sunt, parca ille manu & restricta fuit, atque ita moriens in thesauris reliquit vices septies millies HS, (id est, 66 milliones & 50000 Philipp.) vel ut alii verius, ter & tricies millies HS. Sunt 81 milliones. Quod Caligula non toto verterente anno absumpsit; ille vero statim exhaustus & egens, atque ad rapinas se vertit.

In Claudio notatur prima liberalitas in auspiciis imperii, cum militibus omnibus ubique viritum remisit 5000 drachmarum, qui sunt 500 Philippæi. Quæ donatio superat omnes jam dictas, & fortasse dicendas.

Nero sequitur, qui divitiarum pecuniæ non alium fructum putabat, quam profusionem. Itaque nepotinos ejus sumptus frustra colligam, in Suetonio atque aliis patent; quædam addam, quæ magni & laudabilis animi sunt visa. Militi Prætorio ob causam aliquam jusserat centies HS numerari: id est, 250000 Philippicæ. Et cum Agrippina mater, mirata improvidam fortasse liberalitatem, jussisset totam eam pecuniam ipso coram, in mensa exponi & expandi, ut sic vel aspectu poenitentiam eliceret: ille magno animo jussit alterum tantum addi, & *Nesciebam*, inquit, *tam exiguum me dedisse*. Hoc Nero in militem: sed quid in regii sanguinis Teridatem? Is per 9 menses continuos Romæ, aut in finibus Romanis, fuit, & toto eo tempore immunis habitus ab omni sumptu. Decreta igitur ei diem 800000, quæ sunt 20000 Philippæorum. Numera in mensem, quid ea nisi 600000? In 9 menses, 5 milliones, 400000. Jam abeunti datum millies HS. quasi in viaticum, quod iterum efficit 2 milliones & dimidium. Atque ista conspicua & signata liberalitas Neronis est; quid minores aliæ & sparsæ, sed coalescentes in grandem summam? nam donationibus bis & vicies millies HS effuderat. Ea sunt 55 milliones.

Severus Imperator, Decennalia imperii celebrans, una donatione in populum, qui frumentum solebat accipere, & in Prætorianos, effudit bis millies HS, id est, 5 milliones. Commodus vero Imperator pene triplum ejus, quod Severus postea dedit, populo congiarium donavit. Hæc de Opibus publicis.

DE OPIBUS PRIVATIS.

Opes privatæ & ipsæ magnæ fuerunt, & per multos sparsæ. Quis nescit, Senatores aut Senatorios plurimos fuisse, & plures longo Equites Romanos? Atqui primus illis census sub Augusto fuit decies HS, sive 25000 Philippæorum. Istis, id est, Equitibus, census 400, quæ faciunt 10000 Philippæorum. Hic census, quem necessario haberent; quam multi autem, & plerique omnes excessere? Ac lubet paulisper recensere hos divites.

Græsus, cognomento *Dives*, dicebat, neminem divitem esse, nisi qui exercitum, 6 legionibus, & magnis equitum ac pedum auxiliis constantem, suis fructibus alere possit. In agris ille posedit bis millies HS, solos architectos & fabros in servis habuit ad 500. quorum operam elocabat in Urbe ruinis vel incendiis obnoxia. Quid deinde servorum ad reliquos usus, domi vel in agris? Universe ejus opes fuerunt bis millies, sive 5 millionum, dirisimus post

post Syllam Quiritium, post eum plures etiam opulenteriores, qui ad ter milles, aut circa pervenerunt.

D. Domitius, successor in Galliam Cæsari destinatus, agris sane abundare coëruit, qui Corfinii obsessus, ad animandos milites, in concione agros ex suis possessionibus pollicetur, quaterna in singulos jugera, & pro rata Centurionibus Evocatisque. At enim 30 cohortes ibi militum, id est, circiter 12000. Ea sint igitur 48000 jugerum: quid jam in Centurionibus & Evocatis, quibus duplum debebatur?

Poppæus quidam sub Caligula possedit aliquot flumina in suo orientia, in suo cadentia, ut loquitur Seneca. Oportuit igitur totas regiones possedisse. Uti C. Antonius ille, collega Ciceronis in Consulatu, totam Cephalemiam Insulam, velut proprium patrimonium habuit, atque ibi oppidum etiam novum struxit.

Inter divites L. Cornelius Balbus etiam merito locandus, qui moriens populo Romano viritum legavit denarios 25, live aureum Romanum unum. Quid putemus nunc hæredes, & legatarios habuisse? Senecam ter milles HS, id est, 7400000 Philipp. possedisse, amicus illi Tacitus scripsit, & inimici cum multa invidia objecerunt. C. Lentulus Augur, divitiarum maximum exemplum, antequam illum liberti pauperem facerent, quater milles HS. suum vidit. Hic, stupor! ergo possedit ipsos 10 miliones, Regum aut certe Regulorum opes. Pallas libertus quater milles in bonis habuit, id est, 10 miliones. Et hoc ipsum de coliberto ejus Aelio Narcisso Dio narrat.

Sed aula hos beavit, inquit. Vis igitur, & homines, non è Senatu vel aula? ecce e media plebe unum. Sub Augusto C. Cæcilius Claudius Isidorus testamento suo edixit: Quamvis multa civili bello perdidisset, tamen relinquere servorum 4116; juga boum 3600, reliqui pecoris 250000, in numerato HS sexcenties, id est, 1500000 Philip. Funerari se jussit HS 11000. Belisarius ille, sub Justiniano magnus, 12000 puerorum propria habuit. Athenæus affirmare scribit, quosdam Romanorum ad 10000 aut 20000 servorum habuisse; nec ut questum ex iis facerent, sed ut assecras aut subsequas eos modo haberent. De aliis armentis simile quid legimus in Vopisco de villa Valeriani privata, in qua 500 servi, 2000 vaccarum, equæ 1000, ovium 10000, caprarum 15000 fuere. Et communia hæc, certe non nova, in opibus, illo ævo.

Quid autem, quod etiam inferiore ævo, rebus & imperio labentibus, magnæ istæ opes? Multæ Romanorum domus in annuo reddito accipiebant è possessionibus ad 400000 aureorum, idque absque frumento, vino, & aliis speciebus, quæ si venderentur, facile trientem æquarent illati auri. Secundariæ autem domus quindecim centenarios aut decem auri recipiebant. Addam distincte & unum exemplum. Gordianus adhuc privatus divitissimus & potentissimus

fuit ; in provinciis tantum terrarum habens, quantum nemo privatus. Quæsturam magnificentissime gessit. Aedilitatis suæ tempore populo Romano 12 mûnera, id est, per singulos menses singula, de suo exhibuit : ita ut gladiatorum nonnunquam 500 paria exhiberet, numquam minus 150. Feras Libycas una die 100 exhibuit, ursos una die 1000. & plura deinde animalium nominatim : quæ omnia populo rapienda concessit. Amplius de eo ; in omnibus civitatibus Campaniæ, Hetruriæ, Umbriæ, Flaminii, Picensi, de proprio illum per quadriuum ludos scenicos & Juvenalia edidisse. Qui bene hæc tollit singula & penlitat, quique scit quid sit ludos olim edere ; nescio quam trutinam reperiet ad tot illa ponderanda aut æstimanda.

LIBER III.

DE OPIBUS ROMANIS.

AD Opera ducimur, quæ ordine sequuntur. Duplicia autem ista Romana Opera : *Temporaria*, & *Diuturna*. Illa, quæ subito & in breve tempus aliquod excitabantur, è terra aut ligno plerumque. Ista in longum, & mansura, è latere, lapide, & materie firmiore.

DE OPERIBUS TEMPORARIIS.

T*Temporaria* iterum duplicia : *In militia*, & *extra eam* ; atque utraque merentur jultam admirationem. Nam siue Militiam videas, quis Fossas, Vallos, Aggeres, & talia terrea ; iterumque Materialia, Turres, Testudines, Museulos, Vineas, legit, tam multa, tam crebra ; & aut industriam, aut vires hæc patrantium, non æstimet & admiretur ? Siue extra eam quædam in voluptatem aut splendorem structa ; quomodo idem affectus non inlinuet animo vel irrumpat ? De Militaribus jam dictum in libris *De Militia Romana*, & *De Machinis*. Igitur pauca ex civilibus tangam.

Inter Opera civilia ludica præcipue fuere ; ut, Theatra, Amphitheatra, Circi, & magnæ ejusmodi moles, structæ sæpe in paucos dies, & pene ut deicerentur. Duo exempla in Plinio, etiam cum ejus, qui tam multa admiranda viderat aut legerat, nimia admiratione. *M. Scaurus in Aedilitate sua fecit opus omnium maximum, quæ umquam fuere humana manu facta. Theatrum hoc fuit. Scena ei triplex, in altitudinem 360 columnarum. Inna pars scena è marmore fuit, media è vitro, inaudito etiam postea genere luxuria. Summa tabulis inauratis columna ; ima 38*

pedum. Signa area inter columnas fuerunt 3000 numero. Caves ipsa cepit hominum 80000. Sed & reliquus apparatus tantus, Attalica veste, tabulis pictis, ceteroque choragio fuit, ut in Tusculanam villam reportatis, quæ superfuerant, quotidiani usus delictis, incensa villa ab iratis, concremaretur ad HS bis millies, id est, 5000000 Philipp.

Alterum exemplum ex eodem Plinio, qui jam dictis subnectit: *Aufert animum, & à destinato itinere digredi cogit contemplatio tam prodiga mentis, aliamque connecti insaniam è ligno. C. Curio, qui bello civili in Caesarianis partibus obiit, funebri patris munere, Theatra duo juxta fecit amplissima è ligno, cardinum singulorum versatili suspensa libramento, in quibus utriusque, antemuridiano ludorum spectaculo edito, inter sese arversis, ne invicem obstreperent scena: & repente circumactis, ut contra starent: postremo jam die, discedentibus tabulis, & cornibus inter se coeuntibus, faciebat Amphitheatrum, & gladiatorum spectacula edebat, ipsum magis auctoratum Populum Romanum circumferens. Quid enim miretur quisque in hoc primum & incensorem, an inventum & artificem, an auctorem? ausum aliquem hoc excogitare, an suscipere & Super omnia erit populi furor, sedere ausi tam infida instabilique sede. Ecce Populus Romanus universus, velut duobus pavibus impositus, binis cardinibus sustinetur, & se ipsum depugnantem spectat, periturus momento aliquo, luxatis machinis. Diserte ista Plinius, & culpans simul ac laudans.*

Plura hujus generis passim, sed in circumfusa rerum copia, excerpimus pauca & eligimus. C. Caligula pontem struxit in ipso mari navibus impositum, magnitudine trium milliariarum & quadrantis: id est, toto illo spatio, quantum est à Puteolis ad Baulos. Per hunc triumphantis ritu cum Senatu militibusque incessit, spectante toto populo; in eodem epulatus, noctem etiam pervigilem egit, inter lascivias & ludos. In paucis etiam diebus pontem hunc totum structum narrant; immensum opus perpendenti, sed cui laudem vanitas detrahit: nam quo sine structum, nisi ut destrueretur?

Caracalla, quem alterum Caligulam licet dicere, non suis solum, sed alienis opibus proterve abusus, cum adigeret homines Senatorii ordinis, quoties Roma egrederetur, domus & prætoria varia struere, item diversoria splendida, etsi in plerisque non solum non acturus hæsurusque erat, sed nec ea visurus. Amplius, ubicumque hyematurus erat, aut etiam putabatur hyematurus, cogeantur Amphitheatra & Circos struere, nec in sumptum quidquam ab eo capientes: & ea ipsa mox diruenda.

DE OPERIBUS DIUTURNIS.

A Damnoſis iſtis & Temporariis ad ſtabilia & utilia veniamus, & quæ ſunt perpetua. In hoc genere multa ſunt Romanæ magnificentiæ, nec in Urbe ſolum aut ipſa Italia, ſed per Terrarum Orbem ſparſa. Licet dicere, divino munere Romanos datos, ad quidquid rude, expoliendum; ad quidquid infeſtum, faciendum; & ad loca homineſque elegantia & artibus paſſim exornandos. Quot oppida nova ſtructa? vetera ampliata, aut reparata? in iis *Templa, Baſilicæ, Fora, Porticus, Aquæductus, Viæ, Theatra, Circi*, & plura, quæ aut uſum haberent, aut amœnitatem. Quid jam privatæ ſtructuræ? ut *Domus, & Villa*? omnia ſplendida, ab ingenio ſimul & pretio commendanda. Non per ſingulas provincias, urbes, agros, ibo: ſolam Romam oſtendam, omnium operum opus, & in qua ſola fuit, quidquid ubique fuit. Nam & coloniæ ſua Capitolia, Fora, Baſilicas, Theatra, & talia habebant, ad urbis dominiæ & parentis ſuæ ritum.

De Situ & Forma Urbis.

Non ſine cauſa Dii homineſque hunc Urbi condendæ locum elegerunt: ſaluberrimos colles (hodie tamen vix ita ſunt, ſed cauſa, ſolitudo, & deſertio; tum & auræ è vicinis paludibus vel æſtuariis) flumen opportunum, quo ex mediterraneis locis fruges devehantur, quo maritimi conventus accipiantur (*Tiberis ille pater, qui Urbem ſecat*, latus circa eam, ut *Dionyſius* monuit, 4 jugera, ſive pedes 400; profundus ſic, ut maximas naves ſuſcipiat & portet) mare vicinum ad commoditates, nec expoſitum nimia propinquitate ad pericula claſſium externarum; (nam diſtat 16 millibus paſſuum, ſive 120 ſtadiis) regionum Italiæ medium: in longitudine quidem, nam latitudinem ſi ſpectas, finem tenet. Eſt & munitiſſimo loco ſita Roma, nec Alpibus ſolum ab omni vi ſubita, ſed *Apennino* deſenſa.

Forma veteris Romæ, quali ſub Romulo fuit, quadrata. Sed in ſuo flore propemodum rotunda (etſi haud juſte tamen) & ſeptem ſuos colles amplexa, grandem ambitum fecit. Scribunt veteres, *Servium Tullium* Regem, ad quinque colles jam incluſos urbi duos addidiſſe, *Viminalem* & *Esquilinum*, talem tantamque deinceps fuiſſe Romam.

Liquet autem, Romam quaſi duplicem fuiſſe; unam clauſam muris; & alteram non clauſam, quæ tamen in orbe circumjecta eſſet, & continentibus ædificiis inſtructa. Illa habebat in ambitu 23 milliaria: hæc 42. Itaque totus ambitus interioris & exterioris Romæ erat 42 milliarium. *Aurelianus* vero muros Urbis ſic ampliavit, ut 50 prope millia murorum ejus ambitus tenerent. Quid miraris? an adeo tale nihil alibi? Ecce in ipſa Italia urbs *Locro-*

rum (nec ea inter has maximas) 12 millia in ambitu habuit. Quid Carthaginem illam, Romæ æmulam? 24 millia passuum circumdedit. Ipsa Constantinopolis olim 22. ut hac quoque parte compar matri suæ esset. Denique ad Tartaros & Sinenses si abeas, hodie reperies exempla.

Iste Urbis fuit ambitus, sed defuit. Nam ecce cum Constantinus sedem Imperii transtulit, & una secum tot nobiles familias abduxit, frumenti etiam trientem abstraxit, denique se ipsum & aulam, nonne probabile est, Romam iterum valde minuisse? idque in extremis & longinquis maxime, ut solet: atque ita reditum, collapsis aut disiectis Aureliani muris, ad veterem ambitum & modum. Nec mihi aliquis rursus dixerit, muros hodiernos contra nos esse. Tunc veteres eos potes credere? & ita nescis, toties dirutam, incensam, vastatam, iterumque instauratam & resectam esse? Noli arbitrari quod in iisdem vestigiis, nam qua spe ejusdem frequentiae aut felicitatis? Immo Honorius contraxit, post Belisarius, Narses, denique & Pontifices Romani; e quibus Hadrianus Primus muros eos, qui nunc existant, 100000 aureorum è Tuscia contractis, exstruxit.

Magnitudo Suburbiorum Romæ.

Romam duplicem hæcenus habuimus, veteri ambitu, & novo; est & tertia quædam sine ambitu, & quæ in suburbiis procurrit. Ea quoque ingens, & Plinii imagine ostendenda, qui ait: expansantia tecta multas addidisse urbes. Plures, inquam, sunt urbes, & tot quot suburbia. Quæ Tibur, Oriculum, Ariciam, atque alio excurrabant, sed maxime Ostiam, & mare versus. Illuc vel ad 15, aut circiter, milliaria procedebant: & fidem huic assertioni Neronis consilium ac destinatio faciat, cui ab hac causa visum, Ostiam tenus mœnia promovere, atque inde fossa mare veteri Urbi inducere: etsi non effecit.

De hac magnitudine jam suo ævo Dionysius: *Omnia loca circa urbem habitata, sine manibus esse: in quæ si quis intuens, magnitudinem Romæ exquirere velit, frustra eum fors, & hæsurum, ubi desinat urbs, ubi incipiat. Adeo suburbana, inquit, ipsi urbi adhærent & innexa sunt, & speciem immensæ longitudinis exhibent spectanti.* Et Aristides Rhetor, qui vixit sub Hadriano, cum Urbs in summo flore, haud vana *μυακν-βοη* dixit: *Tantam Romam esse, ut in quacumque parte quis constiterit, nihil impediat & in media eum esse.* Quem locum hæc talia habeant, nisi in magnitudine ista adstructa?

De Hominum in Urbe multitudine.

Opportune additur multitudo habitantium, argumentum pro magna nostra Roma. Hanc colligere & affirmare possumus ex vestigiis Scriptorum, quæ sagaciter ibo indagarum.

Ex lapide Augusti, itemque è Suetonio constat, 320000 aliquando fuisse plebis urbanae: plebis, dico, tenuiores, & quæ e publico victitaret; imo supra. Contidera, & institue ratiocinium; si tanta multitudo inopum istorum, quanta jam etiam divitum? Quot illi Senatores aut Senatorii? quot Equites, & ex ipsa plebe honesti? Visne illos quoque 300000 fuisse? age sunt vel 200000 tantum? quid conficitur? pueros feminasque addendas & quo numero? profecto duplo triploque (si non ultra) superarunt: & ita ubique gentium aut urbium observamus. Habebimus jam nunc in nostra Roma duos hominum milliones.

Rursus probabile est, totidem servos Romæ, quot liberos fuisse, imo plures. Nam tenuium, quotusquisque fuit, cui non unus alterve servulus? At divites illi agmina eorum post se trahebant; nemo certe divitum istorum aut lautorum fuit, cui minus centeniss aut ducenis, qui in varia sua officia aut munia divisi. Jam igitur 3 aut 4 milliones servorum, quantum nec in provinciis quibudam & regnis. Quot jam peregrini ex toto Orbe Romam venerunt? alii negotii sui causa, alii publici; multi & mansionis. Ita semper ea urbs referta iis, cum hi inirent, alii exirent; arque ipsa, ut mare, admitteret, nec cresceret minueretve. Itaque Aristides Romanam dicit esse velut commune totius terræ oppidum. Athenæi Roma est Orbis compendium & Epitome. Eadem Urbs urbium dicta, quia videre in ea est omnes urbes collocatas. Nam & totæ Nationes illic simul & confertim habitant. Ut jam igitur hoc claudam & definiam, putasne & servos & peregrinos minus duobus millionibus fecisse? Ita in universum sint 4 Romæ, & circæ eam; nec mirius aut contractius possum. Quid autem hoc magnum sit? cum & alias urbes reperire est assatim populas. Cæsarea Cappadociæ (nec ea inter urbes principes) 400000 incolarum habuit. Et hunc ipsum numerum aut circa, Lutetia Parisiorum in censum referebat, ante ultimas istas turbas. Agrigentum Siciliae olim 800000 hominum inhabitavit. Sed hodie nonne Cairum in Ægypto scribitur ad 7 milliones hominum habere? Et Quinzai illud famosum, ad 1600000 familiarum? præ quibus nostra illa frequens Roma decreseat.

At ecce hodierna Roma, quam relinquitor, & à veteri illa abest nam præcipuos illos collos, & vales etiam, vacua habet & desertat. In veteri illa, etiam ubique obvia Tempia, Porticus, Basilicæ, Theatra, Circi, Fora, Balneæ, Thermæ, cætera publica, quæ vel magnam partem, si non maximam, urbis occuparunt; non tamen vacuæ, sed plenissima fuerunt. In balneis & thermis an non multitudo curantium, ministrantium, ad observandum, purgandum, aquam aggerendam, lavandum etiam, fricandum, ungendum, tiquis servum non habuisset? Tempia autem, basilicæ, fora, suos custodes & ædituos habebant, satis grandi sane numero, ob sacrificia,

figia, ob ornatum, & tutelam. Et passim curatores, & servi item Publici in publicis istis locis.

Sed duo non omittendi ad frequentiam urbis, Milites, & Palatini. Milites tot illi in præsidio Principis aut Urbis erant: iis sui cætones, & honestioribus servi plures; certo ad 100000 excreverunt. At Palatinos dico totam Principis aulam, in qua tot officia aut ministeria. Est & tertium genus, Meretrices & scorta utriusque sexus ingentem numerum roddiderunt, ut in Urbe, quam multi cælibes, multi exteri sine uxoribus inhabitarent aut frequentarent. Quid jam gladiatores, venatores, scenici, quadrigarii, xystici? multa millia fuerunt.

Duo adhuc argumenta multitudinis addam. Primum quidem jocosum ex Lampridio. Heliogabalus servis imperavit, ut omnes areneas colligerent in urbe, atque ii collegerunt ad 10000 pondo: ut vel hinc intelligendum, quam magna Roma esset; quot enim domorum angulos excuti oportuit ad hoc pondus? Alterum argumentum triste, & à peste. In Eusebii Chronico traditur; sub Vespasiano ingentem Romæ luem factam, ita ut per multos dies in ephemeridem 10000 mortuorum referrentur. Nec nimium pro nostra Roma, quando in Cairo etiam legimus ad 20000 hominum in dies absumpta. Sub Nerone pestilentia onus autumnii 300000 funerum in rationem Libitinæ venerunt. Per hanc ergo frequentiam Romæ factum, ut paulatim Italia pene deserta esset, cum plerique eo confluerent, ob frumentationes, ludos, & alios usus, aut voluptates: multi quoque maluerunt manus in theatro movere, quam in aratro. Quod maxime fuit post frumentationes sic largiter & firmiter institutas.

De Edificiis Urbis communiter, & de earum Altitudine.

Inimus nunc ipsam Romam & perambulamus ac lustramus. *Trium* in Urbe miranda canit Claudianus, *Altitudinem, Spatium, & Dicorem*. De *Spatio* haftenus dictum, duo alia exsequamur.

Altitudo consideranda, sive in collibus ipsis ædificatio, pulchra specie; sive singulatim in operibus ipsis. Quod ad colles, quomodo non bellum, videre eos publicis privatisque ædibus infensos, gradatim declinantes, & velut superas quasdam urbes urbi inferre imminentes? Itaque Plinius, cum de magnitudine dixisset; *Quo*, inquit, *siquis altitudinem tectorum addat, dignam profecto æstimationem concipiat, fateaturque, nullius urbis magnitudinem in toto Orbe potuisse ei comparari.* Quæ altitudo tamen in templis, aut publicis maxime. Cæteræ sedes non communiter sic altæ, nec humiles tamen fuerunt. Nam Augustus Princeps, cum ambitionem in ædificando videret, atque alte attollendo, eamque cum discrimine & periculo ruinæ; sive etiam quia aërem interciperent, & nimis inuibrarent; coercuit, & 70 pedes definivit in modo ædificiorum.

ficiorum. Nero hoc ipsum postea secutus; cum ab incendio Romam instauraret. Sed non hic communiter; nam multæ ædes, & in primis omnes publicæ, extra legem hanc fuerunt. Quid si & divites illi nobilesq; neglexerint? ego arbitror, siue gratia impetrata, siue & ea neglecta. Et titulus sane fuit: quia lex in futuras novas ædes cavebat, structas non diruebat, & fas easdem sic reparare. Quidquid tamen sit, si vulgo ædes omnes septuagenum pedum, satis conspicua ea altitudo, præsertim ubi recta compluviata, aut testudinata, quod sæpe. Nostra hæc pestinata, & in angustum surgentia, aliquid de dignitate minuunt, sed & capacitatem tollunt. In tali autem illa altitudine quid minus, quàm quaterna aut quina coenacula? quorum frequentia studebant.

De Decore ædificiorum.

Ad Decorem transeo, qui varius; in mole, in materia, in artificio, in symmetria, siquid aliud elegantia aut peritia amat. In hac quoque parte quid Urbs omnes Orbis urbes superarit, nemo dubitet. Quidquid artificum insigniorum Græcia aut Asia habuit, Romam evocabantur, aut ultro veniebant: quippe hic præmia. Et quidam ex iis, quibus ingenium & audacia erat, etiam quæ natura denegavisset, per artem tentarunt. Sed primus aut præcipuus decoris hujus auctor Augustus, qui urbem neque pro majestate imperii ornata, & inundationibus incendiisque obnoxiam, excoluit adeo, ut jure sit gloriatus, *Marmoream se relinquere, quam lateritium accepisset.* Alter ab eo Nero Imperator; qui ambitione impulsus urbem incendit, ut novam melioremque repararet. Sub Trajano autem videtur culmen fuisse pulchritudini urbanæ; adeo ut & Plinius & Cassiodorus Romam totam, ac per partes, miraculum esse, & inter prima Mundi spectacula censuerint. Sed paulo distinctius membra hujus pulcherrimi corporis videamus.

De Capitolio.

Divina, à quibus rerum hominumque ortus, præeant, & totum hoc pulchritudinis agmen ipsa ducant. Fuerunt Romæ 424 templa; pleraque ex his magnifica, & aliter atque aliter structa, vel instructa. A templo Tarpeio five Capitolino exordiemur, non quod pulcherrimum: sed quia primarium, & Dei Principis; itemque quia multa substructionum mole, & opibus ac tempore pleraque præibat.

Mons Saturnius primo dictus fuit; in quo hæc ædes, tum Tarpeius, & mox Capitolinus, a capite hominis (cui vivo Toli nomen fuisse Arnobius tradidit) invento, dum fundamenta moliantur. Sed hæc nota, non vulgo nimis illud, duplex Capitolium fuisse, *Vetus & Novum.* Illud in regione sexta Circi Flaminii, à Numa constructum. Istud in regione octava fori Romani, à Tarquinio Prisco. Is complanato monte Tarpeio struere cœpit, ex voto, quod voverat bello Sabino, idque oppido Apiolis capto, è manubus & præda:

præda: sed fato præventus absolvendum nepoti L. Tarquinio Superbo reliquit, Regum ultimo; etsi Servium quoque Tullium aliquid addidisse, sociorum studio adjutum, Tacitus (sed solus) dixit. Præcipuus tamen auctor operis Superbus, qui Sueffa Pometia è Volscis capta, divendita præda, cum 400 talenta argenti aurique recepisset, (ea sunt 240000 Philippæorum) concepit animo eam amplitudinem Jovis templi, quæ digna Deum hominumque Rege, quæ Romano imperio, quæ ipsius etiam loci majestate esset. Nec tamen vel Tarquinius supremam manum imposuit, & gloria operis libertati reservata. Pullis Regibus, Horatius Pulvillus Consul dedicavit, ea magnificentia, quam immensæ postea populi Romani opes ornarent potius, quam augerent.

Capitolium ipsum Tarquinii describit his fere verbis Dionysius: *Situm est in alta crepidine, habetque in ambitu 8 iugera, sicut latera singula 200 fere pedum sint, exigua latitudinis & longitudinis differentia, nisi quod ista illam vincit vix pedibus quindenis. Qua parte frons ejus meridiem spectat, triplici columnarum ordine circumcingitur, ab aliis lateribus duplici. In ipso sunt tres cellæ ex ordine, à lateribus communione parietum clausæ. Media est Jovis, utrimque altera Junonis, altera Minervæ, sub eodem laqueari eodemque tecto. Verba si examinemus, 8 jugerum ambitu fuisse dicit, id est, pedum 800: sed sic ut quadrum esset, imo pene quadratum, nisi quod longitudo 15 pedibus superaret. Egregia capacitas, & apta proportione. At, frontem ad meridiem spectasse, id est, Forum Romanum & Palatium versus, frequentissimam Urbis partem. Ergo ab ea quoque parte 100 gradus, quibus superbe adibatur: quos tamen continuos fuisse non arbitror, & retractiones suas habuisse, id est, areolas, ubi fessi pedem figerent & respirarent, quas post singulos 7, aut 9, graduum ordines solere interponi, Architecti notarunt. Gradus autem isti haud dubie ad majestatem, eoque & in aliis templis, etsi pauciores, soliti usurpari. Sed ibi ratio, hic necessitas, & locus editor, voluerunt. Addit columnarum triplicem ordinem, quas L. Sylla Athenis, è templo Jovis Olympii advexit. Quam multæ eæ fuerint, haud dixerim, quia varia proportio in collocandis. Tres in ipso cellas locat Dionysius pro tribus Diis: nec alii quidem Dii in Capitolio, excipio Juventutem & Terminum, qui cedere scilicet noluerunt exaugurantibus. Mons tamen passim & pene totus Deorum aris, statuis, templis, infestus.*

Sed notandum, quatuor in hoc ipso loco, ex ordine, fuisse Capitolia. Nam *primum* illud Tarquiniorum, bello civili Syllano, incendio perit, negligentia custodum. *Alterum* ipse Sylla instruxit, sed non dedicavit; quod unum felicitati suæ defuisse, ipse apud Plinium faretur: Lutatius Catulus dedicavit & nomen inscripsit. *Tertium* fuit à Vespasiano: nam illud Catuli arsit civili iterum

iterum bello Vitelliano: atque iste reparavit iisdem vestigiis, sed & dedicavit. *Quartum* Domitianus instauravit. Sunt hæc igitur 4 Capitolia, sed in eodem loco reposita semper, atque innovata. Capacitas Capitolii, pro mensura jam assignata largiter data, erit hominum 8000. Aititudo, quæ minima esse potuit, fuit 200 pedum, sicut in Pantheo Agrippæ; par item latitudo & altitudo. Juvit & decuit altitudo, ubi tanta multitudo, aut aer laxior ac liberior ad respirandum, ad refrigerandum: alioquin ubi arctatio & compressio, scimus quam subito animo male fiat.

Ab ædificiis ad ornatum pergo, qui tamen varius in vario isto opere. In illo Tarquinii Capitolio ænea limina, & trium mensarum argentea vasa in cella Jovis, Jovemque in culmine cum quadrigis aureis Ædiles posuerant: item clypea inaurata. Post Carthaginem everfam laquearia inaurata fuerunt, id est, torum illud internum cælum & cameratio. Illud Catuli, fastigiatis supra tectis, auro puro fulgens præluxit Capitolium. Catulus enim primus tegulas æreas Capitolii inauravit. Sane hoc magnificum & vere splendidum fuit; & quis ille fulgor, Sole irradiante? Fuit & ad firmitatem aptum æs, & contra æruginem aut rubiginem valuit inductum aurum. Cætera donorum & ornamentorum varia, Coronæ aureæ, Victoriæ aureæ, candelabra, vasa, & quæ tu tibi subijcias. Illud omnino observandum, omnibus his detractis, ex Egyptiaca præda alia victorem Augustum reposuisse; detractis ex S.C. ut tam multis his novis & melioribus locus fieret. Id vero ipsum tempus fuit, quo una donatione in cellam Jovis Capitolini contulit 16000 pondo auri, (id est, Philippicorum 1600000.) & quingenties H S in gemmis, id est, 1250000 Philipp. Quid censes in duas alias collatum? nam & eas sua dona accepisse Dio disertim dicit. Pleraque tamen horum perire incendiis. Sub Domitiano quæ & quanta fuerint, ex Plutarchi verbis suspicemur: qui ait, in solam inaurationem privatum omnem modum excedentes opes impensas, nempe supra 12000 talentorum. Ea sunt nobis 7200000 Philippæorum, sive 7 milliones; & quod excedit. Tanti igitur inauratio, quæ fuit non in lacunaribus solum, sed in tegulis æreis, ut illo Catuli. Nec tecta modo inaurata, sed ipsæ fores auratæ, & crassis laminis obductæ, quæ mansere ad Honorii Imperatoris ævum. Tunc in pecuniæ inopia Stilico mandasse perhibetur, ut fores in Capitolio Romano, quæ auro magni ponderis erant obductæ, laminis iis spoliarentur. Cum autem qui hoc facere jussi erant, id agerent, in parte forum scriptum repererunt: *Infelici Regi servantur*. Quod eventus docuit; nam Stilico paulo post infelicer periiit.

De Templo Panthei.

Pantheon ab Agrippa genero Augusti structum fuit, & opus notum est, hodieque (eth ornamentis omnibus spoliatum) ipsum corpus

corpus exstat. Struxit in tertio Consulatu suo, quod inscriptio frontis indicat; sed perfecit biennio post, & dedicavit, A. U. 729. Quæ causa nominis, ipse Dio dubitat. In Glossis illis prisca legitur, *πᾶθετον*, *Omnium Deorum*. Sed & Athenis, atque alibi, τὸ κοινὸν τῶν θεῶν ἱεῖον fuisse, *commune Deorum Templum*, ex Pausania disco: cui & origo esse apud Romanos potuit, ex communi Deorum sacro, de quo Festus. Sed Dio tamen aliter: & movit ipsum, credo, quod paucae & certæ in eo statuæ essent, neque Diis communiter politæ. Fuit enim Martis, Veneris, (in cujus auribus festus famosus ille unio Cleopatrz) & Cæsaris Julii: ipsius Augusti, cum sua, in vestibulo posuit Agrippa. Jupiter autem præcipuus, & præles ibi, Deus fuisse videtur: sed & plures alii, eoque nomine haud male Pantheon, etsi Dio à cœli forma magis petit, quoniam id scilicet receptaculum & sedes Deorum.

Hoc inter pulcherrima operum Plinius recensuit: quid mirum vel ab ipso isto corpore, sed spoliato & nudo? Nam artificium & symmetria per omnes partes, maximas, minimas, in eo mirabilis; decor, ordo, devinctio singularis, ut Sebastianus Serlius, vir peritissimus talium, habendum censeat hoc velut unicum exemplar consummatæ Architecturæ. Latitudo atque altitudo par est, pedum 144. Amisit de specie, quod rudera locum sustulerunt, & gradibus in templum nunc descenditur; atqui antea ascendebatur. Tectum & ipsum æreis regulis, quæ prægrandes aliquot in fornice repertæ: nec dubitandum & has auratas fuisse. Abstulit eas regulas Constantinus Heraclii filius, ut pleraque alia ornamenta Romæ reliqua; averit in Siciliam, & Saraceni invadentes omnia abstulerunt, in Ægyptum avehentes.

Exustum fuit magno illo incendio sub Tîto, cum & Capitolium tertio arsit: & refecit Domitianus. Sed nec diu post, Trajanî anno 13, fulmine ictum conflagravît; & ab Hadriano restitutum. Itaque non soli ii restituerunt, qui in fronte operis hodieque insculpti leguntur, L. Septimius Severus, & M. Aurelius Antoninus; sed jam dicti. Mutavit & transiit in melioris templi usum, & a Venere ad nostram Virginem, faciente Bonifacio IV. Pontifice, sub Annum Christi 607.

De Templo Urbis.

Habuit & Domina Urbs, illa æterna & ecclésiis, suum templum, O infamiam! ædificiis & inanimato corpori non vitam solum attribueri, sed nomen! Atqui fecerunt: & Urbs hæc, in qua sedes tanti imperii, tamquam in ea potentia & divinitas, sic culta. Inventio & adûlatio à Græcis Asiaticis est, apud quos Smyrnæi primi templum Urbis Romæ statuerunt, circa A. U. 558. Nec desuerunt alii sequi exemplum, statimque Alabandenses in sua Urbe struxere. Non alio fine, nisi ut propitiâ sibi non Urbem, sed Urbis incolas & rectores haberent. Ita igitur initium, sed in provinciis:

vinciis: imo nec sub Principibus statim Romæ, in ipsa Roma, templum. Hadrianus fecit, & ob eam causam Colossum transtulit; qui idem Veneris templum struxit; non inepte, ut Venus, Æneadum mater, cum sua prole jungeretur. Credendum est, fuisse templum Urbis ad radices montis Palatini, circa, aut in Comitio: in divisione tamen Urbis accensitum Regioni Pacis.

De Templo Genii.

Fuit & *Genii publici* templum Romæ, distinctum ab isto Urbis: & hoc verecundius paulo, & minus insolenter excogitatum. Nam Genium locis, regionibus, civitatibus, tribui, satis est frequens & notum. Itaque in Dione templum *Genii populi* aliquoties nominatur: sed diu ante Urbis, & quidem ab anno 741, ante Principatum Augusti. Sed & Antiochiæ, Alexandriæ, atque alibi, Templum Genii leges,

De Templo Pacis.

Templum *Pacis* Vespasianus Romæ consecravit, magna spe & animo, mansurum post civilia tunc quoque bella. Fuit foro proximum, ac nunc vestigia exstant, & ex iis operis ipsius forma. Grande fuit, & longitudo 300 pedes attingit, latitudo 200. Igitur supra Capitolium ipsum. Hac causa merito Herodianus id appellat *Maximum & pulcherrimum omnium in Urbe operum*: additque, ditissimum item fuisse, ornamentis auri & argenti excultum.

Fecisse id sub initia imperii, & post triumphum, Vespasianum, ex Josepho discas. Magnis enim opibus in hanc rem usus, & priscorum etiam præclara omnia adhibens, picturis & statuis pulcherrimis adornavit. Omnia enim in hoc templum collata & disposita sunt, ob quæ homines videndi cupiditate antea per totum Orbem vagabantur. Consonat & Plinius, qui passim pulcherrima aut rarissima operum in templo Pacis fuisse adnotat. Quod magis impressusque refertur, ut tristius damnum cognoscatur, quod factum est templi hujus incendio sub Commodio. Tunc enim levi terræ motu prævio, sive ictu fulminis, sive igne è terra expirante, subito & improvise totum conflavit, itemque porticus, & totus ejus ambitus: malo sane augurio, ut tunc Romani haud vane interpretabantur, periisse sibi Pacem. Inter adjecta autem vel circumjecta periit & Bibliotheca, quæ in ambitu ejus templi erat; cujus in A. Gellio memoria existat.

De Foris Romanis.

Fora Romana, sed & Græca, alia quàm pro nostris moribus hodie. Græci in quadrato amplissimis & duplicibus porticibus fora constituunt, crebrisque columnis, & lapideis aut marmoreis epistyllis adornant, & supra ambulationes in contignationibus faciunt. Atque hæc ipsa Romani, nisi quod non quadrata æqualiter, sed oblonga magis faciebant, nec nisi tertia latitudinis parte. Sed nec columnas tam crebras interponunt, & Romæ etiam magnis circumpolitis

cumpositis ædificiis, ut Templis, Basilicis, Chalcidicis, magis orabant. Ambitus ipse fori porticibus claudebatur, viis relictis & spatiis ad intrandum: exterius deinde templa, & quæ dixi, circumponebantur, & late super porticus illas eminebant. Sed membra singula videamus.

Porticus erant duplices, in altitudinem & latitudinem; magis tamen in latitudinem, ut latius inambuletur; quamvis nec de illa negem. Duplex ergo columnatio in altum solita usurpari, sed in latum sæpissime, atque adeo triplex, quadruplex, quintuplexque: pulchra sane tot columnarum series, & superba facies. Jam super istas porticus, ambulationes erant.

Fora duorum generum Romæ, & in universum 17 numerant descriptores Urbis. Erant *Civilia*, erant *Venalia*. Illa, in quibus res & lites agebantur; hæc, in quibus merces aut species certæ venales; ut Forum *Suarium*, *Piscatorium*, *Pistorium*, *Boarium*, *Obolitorium*, & talia. In utrisque & cœtus ac circuli, ac sermones hominum erant, ut solet in vacuis; sed magis in Civilibus illis. Hæc olim fuerunt tria. *Romanum*, *Julium*, *Augustum*. Quartum *Transitorium* vocabant, & postea Nerva absolvit, ab eo etiam *Nervæ* dictum. Quintum denique addidit Trajanus, ab ipso sic appellatum. Labet breviter lustrare singula, & quædam in iis, levi oculorum injectu; præcipua observare.

De Foro Romano.

Forum *Romanum* est, quod *Vetus* appellant, aspectu ad hæc posteriora. Itemque *Magnum*, quia spatio superavit; & *Latium* dictum. Id à Romulo institutum, inter Capitolinum & Palatinum montes, ad hujus finem: sic ut templa Capitolina ei imminerent, palatii variæ structuræ, & varia in ambitu templa. Sed hæc postea fuere; Romuli ævo, simplex planities. L. Tarquinius Priscus postea exornavit; & tabernis ac porticibus cinxit. Alii deinde tam multa & varia (quia quisque opus suum in conspicua maxime & celebri parte exstare cupiebat) addiderunt, ut multæ & curiosæ curæ sit, singillatim recensere. Starius quædam recensuit in Equo Domitiani. Ille enim ex ære colosseum illum, & se infessorem, constituit in hoc Foro.

De Foro Julio.

Julium Forum C. Cæsar, etiam privatus, & Proconsul adhuc Galliæ, concepit, atque adeo cœpit. Nam locum & aream emit, ac purgavit; magno sane, siquidem area super HS millies constitit. Ea summa est nobis 3500000 Philippicûm. Suetonius palam hoc inter Gallicanæ liberalitatis exempla refert. Tunc igitur emit, sed bellis impeditus aut tardatus, non nisi post bellum Africanum perfecit. Pulchrius Romano fuisse narrat Dio, quod eequidem credo, vel quia à Cæsare, vel quia posteriora opera prioribus fere ante-

antecellunt. Fuit autem hoc Julium haud longe nimis à Romano post templis Pacis & Faustinae.

De Foro Augusto.

Transeo ad Forum *Augusti*, quod nominatim Plinius inter maxima operum collocavit. Profecto gradatim scandimus, & meliora ac majora in his damus. Mars *Ultror* hic in medio, ut in superiore Julius, aut Venus. Ovidius *Bisultorem* cognominat, quia & ob vindicatam patris necem hoc cognomen Augustus imposuit, & ob Crassianam cladem, signis à Partho receptis Porticus in eo, de more, ad latera: sed hoc in iis singulare, & ab Augusti invento, quod in altera, ordine omnes Latini Reges à capite & principe Ænea essent, in altera Romani Reges, aut Duces clari, à Romulo ipso. Inter eos & ipse Augustus locum habuit, atque ejus tituli & acta. Ergo illic sub quoque viro aut statua suæ res gestæ breviter, & index. Atque istæ novæ statuae: quot deinde veteres, & priscæ raræque artis? Situm autem hoc forum supra ipsum Romanum, ad latus Capitolii, post ædem hodie Divæ Martinæ.

De Foro Nervæ.

Quartum Forum est *Nervæ*, quod Domitianus inchoavit, iste perfecit & agnominavit. In hoc Alexander Imperator statuas colossas, vel pedestres nudas, vel equestres, Divis Imperatoribus collocavit; omnibus cum titulis & columnis æreis, quæ gestorum ordinem continerent, exemplo Augusti, qui summorum virorum statuas in foro suo è marmore collocavit, additis gestis. Istud fuit situm inter Capitolinum & Quirinalem colles, dictumque ideo *Transitorium*, quod per id in alia opportune velut transitus esset. An & quia Jani in eo templum? quod quatuor portarum ibi fuisse Servius tradidit. Forum hoc etiam *Palladium* dixere, quia Minerva etiam ibi, familiare Principi Augusto numen.

De Foro Trajani.

Quintum Forum *Ulpium* sive *Traiani*, quia Trajanus fecit. Quale hoc fuerit, Ammianus paucis verbis dixerit, clamitans, *singularem sub omni cælo structuram, etiam Numinum assensione mirabilem*. Consentit Cassiodorus, & *Traiani forum*, inquit, *vel sub assiduitate videre, miraculum est*. Apollodorus Architectus fuit, summus in arte vir, & quem Hadrianus postea, livore quodam ductus, occidit. Porticus & columnas fuisse, satis scitum est; & puto in altum plures. Et sane altitudo columnæ, quæ in medio sita fuit, hodieque apparet, pedum 128. Credibile ergo est, aut tam altas, aut non longe infra, porticus ipsas fuisse. In quarum fastigiis simulacra equorum, & signorum militarium: subscriptumque erat, *Ex manubiis*. Et hæc omnia inaurata fuerunt, & probabiliter etiam statuar, quæ subter porticus collocatæ. Has M. Antoninus numero auxit. Ibidem & Templum & Equum æneum fuisse, Victor ostendit, & circum Bibliothecam, alii

De Thermis, & Balneis.

Thermas & Balnea Romæ fuisse magna, ruinæ docent, ornata valde & magnifica. Quo respiciens Ammianus, scribit, *Lavacra in modum provinciarum extructa*; quali quæ non urbes, sed regiones totas æmularentur. Videntur hodie illæ parietinæ Thermarum Antonini, aut magis Diocletiani, in quibus mira laxitas. Nam Thermæ Antoninianæ in usum lavantium habebant 1600 sellas è marmore factas; Diocletiani autem circiter 3200. quid nisi igitur tot personæ inibi simul lavari potuere? Ubi jam reliquum Thermarum corpus? Cellæ, Solia, Piscinæ, Sphæristeria, & reliquæ partes? De splendore porro & paratura earum audi hæc Senecæ: *Pauper sibi videtur ac sordidus, nisi parietes magnis ac pretiosis orbibus resulserint, nisi Alexandrina marmora Numidicus crustis distincta sint, nisi illis undique, & in pictura modum variata, circumlitio prætexatur; nisi vitro condatur camera; nisi Parius & Thasius lapis, quondam rarum in aliquo templo spectaculum piscinas nostras circumdederit, nisi aquam argentea epistomia fuderint, (significat, fistulas & canales argenteos fuisse, ipsa etiam labra.) Et adhuc plebeas fistulas loquor, quid, cum ad balnea libertinorum pervenero? quantum statuarum, quantum columnarum est, nihil sustinentium, sed in ornamentum positarum, & impensa causa? quantum aquarum per gradus cum fragore labentium? Eo deliciarum venimus, ut nisi geminas calcare nolumus. Quod si igitur privata hæc ira culta, credo equidem & Principes in suis, quæ publicabant, parcos aut sordidos non fuisse. Ejusmodi publica & gratuita balnea 12, P. Victor agnoscit Romæ fuisse; omitto alia publica, quæ meritoria licet agnominare. Nam parvo ære & quadrante, ad ea lautum ibant.*

Sed ideo tam multa balnea Romæ, quia assidua lavatio; & quotidie, de more, lavabant, ituri jam ad cœnam. Hinc Artemidorus scripsit, balneum nihil aliud suo ævo fuisse, quam transitum ad cœnam. Itaque qui sæpius etiam cibum capiebant, sæpius lavabant. Commodus Imperator notatur septies aut octies in die lavisse. Etiam inter Christianos Silinarius quidam Episcopus bis in die, non sine suspitione intemperantiæ & voluptatum: sed ille dictorio culpantes illudit: *Quia ter lavare non possit, significabar, bis se comedere, bis igitur lavare, tertio non terre valetudinem.*

De Odeo, & Rostris.

Alia quoque erant publica opera, ut Theatrum, Amphitheatrum, Odeum, Stadium, Suggestus, quæ singulos tractatus requirerent. De *Amphitheatro* alibi dictum. *Odeum* Plutarchus in Pericle describit, ad Musica cœramina spectanda structum fuisse, interiore forma sodilibus instructa & multis columnis, recto declivi, & ad imaginem atque instar tabernaculi Regis Persarum.

Suggestus

Suggestus consularis huc spectat, scilicet *Rostrum*, quæ *Julia* dicebant, live *Novum*. Nam vetera illa non in tanto nunc honore, vel usu. Vocat Ammianus *Suggestum*, à forma, quam ostendit, per gradus surrexisse, cum dicit, vertice scanis fuisse. Dicit & imitamenta Principum portasse, id est, vultus & statuas eorum, quas equidem arbitror in gradibus, ad extrema latera, dispositas in ordine fuisse. Eorum basim, live ima, ornata rostris navium ex Actiaca victoria, Dio Cassius docuit: & inde *Rostrorum* nomen. Ideo autem *Consulum Suggestum* appellat Ammianus, quia initio magistratûs eo conscendere solebant Consules, & populum salutare; eodem iterum, cum deponerent magistratum. Mos ab antiquo mansit; quia & adire, & orare illic, ac gratias agere populo solebant pro honore. Sed inferiore & Principum ævo nihil factum, nisi ut conscenderent, salutarerent, itemque jurarent, aut ejurarent. Imo & sedisse illic in sella curuli videntur, & sic se ostendisse, quasi auspiciû causâ.

De Statuis, earumque custodia.

Unum etiam in his omnibus operibus locisque monendum, de *Statuis*, quarum incredibilis multitudo, pretium speciesque. Nullum publicum opus quodcunque nomines; nullus adeo locus publicus aut vacuus, ubi non hæc ornamenta. Et credo equidem nihil magis in totâ Urbe admirandum elegantioribus ingeniis fuisse. Earum originem & augmentum breviter in Cassiodoro habes, *Statuas primum Tusci in Italia invenisse referuntur, quas amplexa posteritas, pene parem populum Urbi dedit, quam natura procreavit*. Fuerunt & *Tabule* magnorum illorum artificum, ob quarum unam alteramque vel Romam philocali & elegantes illi venirent.

Jam de pretio statuarum, quod tetigi, quia non vel è materie cernat? Omitto marmoreas illas & æreas infinitas; dico, argenteas, aureas, eburneas, fuisse. Et argenteæ quidem sub Augusto maxime increbuerunt; sed ille moderatus est, & suas conflagavit: non ita alii Principes, & nominatim Domitianus, qui superbo arbitrio statuas sibi in capitolio (locum hunc sacerrimum profanus Princeps statuis suis sedem eligebat) non nisi aureas argenteasque poni permisit, ac ponderis certi. Nota materiem, nota pondus: & ex solido utroque igitur metallo fuisse. Ruerunt etiam graves pondere: atque adeo Commodus Imperator statuam 1000 librarum auream habuit, cum tauro & vacca, quasi Urbis conditor. Claudio Populus Romanus sumptu suo, in Capitolino, ante Jovis Opt. Max. templum statuam auream 1000 pondo collocavit. Eidem Principi in Rostris posita columna est, & palmata statua superfixa, librarum argenti 1500. Disce hinc pondus grande in utroque meliore metallo: quod crebrum omnino fuit, & crebris etiam misceri, & æs vel argentum inaurari. Et id dicebant, *Sub auro statuam poni*.

Harum statuarum tanta erat frequentia, ut Claudius Imperator coercere sit conatus, quia nimia jam copia Urbem, vias, vicos, non ornabant, sed stipabant & arctabant. Atqui exceptio quam posuit, & permissio item à Senatu, fræna iterum laxabant; & qui in Urbe non potuit, is se in villis aut agris publicabat. Variæ statuarum fuerunt species, quædam Colossæ, Curules, Equestræ, & habitu variante & diverso. Quid, quod equorum, leonum, sphingum, & variorum animalium? ut Obeliscos, & hæc talia, omittam.

Ne autem aliquis è statu is illis aliquid abraderet aut rescicaret, custodia & cautela antiqua fuit. Miles in Urbe excubabat, Urbanus ille & vigilum ad templa, ad loca item publica. Sed præterea certus etiam Præfectus huic statuarum custodiæ, & qui militem haberet. Vocarunt id officii, *Comitum Romanam*. Atque hic est, qui *Comes Romanus* appellatur, quia Romam & ejus opera servabat.

De Viarum operibus.

Non Romam solum, sed quædam circa eam ostendam. Tria autem occurrunt vel maxime admiranda. *Via, Aquaductus, Cloaca*. Quæ tria Dionysius vult specimen & argumentum esse Romanæ opulentiæ & potentiæ, sive ab usu consideres, sive ab impendiis & sumptu.

Primæ sunt *Via*, quas illi non in urbe solum, sed extra eam, ad longissima spatia, plurimas & plurimo opere muniverunt. Vel una via Appia considerantem in stuporem dabit, de qua audi Procopium, quem asserimus, & passim explicamus: *Hanc (viam Appiam) Appius Romanorum Censor ante annos 900 struxerat, (imo 850 circiter) & a se dederat nomen: Longitudinem ejus 5 dierum spatium vir expeditus possit emetiri. Ab urbe Roma Capuam pertinet, (nimirum à porta Capena Capuam usque, quæ sunt milliaria 124. Deinde fuit usque Brundisium lapidibus strata, an ab Julio Cæsare, an ab Augusto, incertum: quæ longitudo est milliarium circiter 350. Addit de latitudine) ea latitudine, ut duo currus ex adverso obvii, libere queant pervadere & commeari. (Ergo haud minus 23 pedes patuit.) Et est sane hæc via præter ceteras spectabilis, siquidem Appius ex alta & longinqua tunc, ut reor, regione excisos lapides, & hos quidem siliceos, & suapte ingenio durissimos, in hanc viam vehendos curavit. (Intelligit silicem, durum asperumque lapidem, & è rupibus, non illum minutum & tenuem, quem vulgo vocamus, & qui in glaream potius venit. Sed è qua regione petiti? in vicinia tales non esse, Procopius indicavit. Onufrius Panvinus hoc amplius, duos montes ostendit, ad Sinuessam unum; alterum inter Puteolos & Neapolim, è quibus saxa ea, colore & duritiæ ferrum referentia, videantur excisa. At Leander specus & fodinas in Brutiis existare, ad Seminariam, è quibus lapides ad vias eruti, præsertim ad Appiam. Quidquid sit, opus mirum*

mirum & laboriosum fuit. Nos in Procopio pergamus, qui addit: Quos planos deinde ac læves redditos, & quadratos incisione factos, junxit, & in ordine locavit, (Conspiciuntur hodie tales, diversa magnitudine, 3, 4, 5, etiam pedum quaque versus. Cætera de junctura & firmitate, utque unum corpus appareant, sunt miranda magis, quam explicanda,) metalli nihil vel alterius rei inferendo, sunt tamen ita connexi, & valide inter se hærent, ut speciem visentibus prabeant non conjunctos ita esse, sed congenitos. Et quamvis tot jam sæculis atterantur, assiduis plaustris jumentisque, tamen neque serie sua vel minimum exeunt & dimoventur, neque franguntur, aut laborem suum amittunt. Nec brevior quoque Via Flaminia, quæ Roma Arminium usque, & inde porro Aquileiam ducebat.

Observanda hoc loco duplex ratio sternendi vias apud veteres, vel glærea, vel silice. Amplius, marginare solebant: quod caput sane erat, & agger ille viæ, cum altiusculus, & instar pulvilli esset, (ita solet) firmiter arctari & stringi lapidibus grandioribus ad oras debebat, ne diffunderet & spargeretur. Hoc Marginari: & ibidem etiam alii lapides duplices, & ad usum duplicem positi. Priores, Cippi, quidam eminentes, in quibus insidere fessis, onera reclinare, aut & ascendere ex iis in equum fas esset: li crebriores dispositi per totam viam. Alteri autem rariores, qui ut columellæ exstabant, & notis numerorum incisi, milliaria notabant. Utrumque hoc C. Græchus instituit; & gratum id vulgo fuit. Cur non esset? nihil magis ad tædium & fatigationem, quam ignaros spatiorum oberrare, & contra, refici animum ac vires ea signatione. Hinc ille mos per lapides computandi, quos Græci ab hac notatione milliarium Συσία vocant, id est, Signa, sive Notas.

Quod ad munitionem viarum, pleræque similes, nec in Italia solum plurimæ, sed in provinciis ipsis. Nam scripsit Isidorus, Pœnos primos lapidibus vias stravisse, quas postea Romani pene per totum Orbem disposuerunt; excisis sæpe montibus, complanatis vallibus, ut æquabiles & faciliores ita viæ essent. Præcipuum vero in viis, si non in usu, at splendore & voluptate fuit, quod monumenta & sepulcra passim ad viam assita, & latus utrumque prætexebant. Quam pulcher ille aspectus viantibus? quanta & seriorum & jocorum materies? Illic illustrium ingeniorum, aut clarorum virorum memoria & inscriptio; alibi libertorum, servorum, scortorum, superba monumenta. Mirari, dolere, illudere, etiam detestari, occasio erat: & quid in tot titulis & inscriptionibus pasci? Quædam enim à meliore ingenio, & scintille; quædam aliqua nota aut inventiuncula spectabiles; & istæ, quæ hodie existant, dicunt. Sed & utilis aspectus ille; nam monumenta secundum viam prætereuntes, admonent, & se fuisse & illos esse mortales. Quid amplius? omnium illorum, qui disparibus monumentis teguntur,

parem in exitu fortem fuisse : Aequat omnes cinis ; impares nascimur, pares morimur.

De Aquæductibus.

Jam *Aquæductus* videamus, & pulverem fordesque, si quas è *Via* contraximus, abluamus. Diu *Roma* sine *Aquæductibus* : & *Tiberis*, ac siqui fontes nativi erant, sufficiebant populo, sed nondum sic aucto. Urbe dein magna, plena, & cum in collibus, procul à flumine, degerent, optimum rerum aqua (ut *Poëta* canebat) quaesita, & per tubos ac canales, in fornicibus latericiis, *Romam* advecta. Id factum primo, A. U. 441, cum *Appius Claudius Censor*, idem qui vias sternere instituit, huc quoque bonum invenit. Ab eo est *Aqua Appia*, per milliaria circiter 11 deducta. Hoc initium ; sed Deus bone, quæ mox incrementa ? Nam egebat sane aquis populus ille, non solum ad potum, sed ad balnea, ad fullonica, ad *Naumachias* & *Circos*. Atque ita ubertim inducta fuit, ut quisque domi aut in vicino haberet copiam. Ita autem flumina per Urbem & cloacas videbantur fluere, ut unaquæque domus propemodum haberet fistulas & canales, quibus aquam induceret. De hac re *Plinius* ; *Si quis diligentius astimaverit aquarum abundantiam in publico, balneis, piscinis, domibus, euripis, suburbanis villis, spatioque advenientium exstructos arcus, montes perfollos, convalles aequatas, fatebitur, nihil magis mirandum fuisse in toto Orbe terrarum.* Nec *Romæ* tantum, sed in coloniis plerisque & majoribus oppidis hæc fuere.

Fuerunt in Urbem perducti 14 *Aquæductus* (*P. Victor* 20 numeravit) coctili laterculo per priscos illos ædificati, ea latitudine ac simul altitudine, ut vir eques commode per eos posset incedere. Sed hæc altitudo de ipsis modo est ; quid arcus & fornices arbitraris ; quos in quibusdam locis sublevatos 109 pedes. *Julius Frontinus* affirmat. O rem stupendam ! & magis, quod à tot milliaribus continuo opere (etsi non ubique sic alto) perducebant. Reperies quosdam à quadragesimo milliari perductos esse, & nempe per valles, per tot inæqualia, supra, infra terram. Exstant juxta *Sublaqueum Aquæductus Claudiani* fornices, & ingentes pilæ sustentantes, de quo *Plinius* ita scribit : *Vicit antecedens aquarum ductus novissimum impendium operis inchoati à Caio Casare* (Caligulam intelligit) *& peracti à Claudio.* Quippe à quadragesimo lapide, ad eam excelsum, ut in omnes Urbis montes levarentur influxere *Curtius* & *Ceruleus* fontes. Erogatum in id opus HS ter millies. Pueruat 7 nostri milliones & semis.

Idem *Plinius* quædam de lacubus, aliisque additamentis *Aquæductum* scribit, non sine miraculo etiam audienda. *Agrippa in Aedilitate sua, adjecta Virgine aqua, ceteris corrivatis atque emendatis, lacus 700 fecit, præterea salientes 105, castella 130 ; complura etiam cultu magnifica. Operibus in signa 300 arca aut*

*marmorea imposuit, columnas ex marmore 400 : eaque omnia annuo spatio. Hæc unus Agrippa, & uno anno. At scripsit Plinius, lacus 700 ab ea factos ; recte ab eo : sed plures longe fuere in univ-
sum, & alibi 1352 legimus. Isti non aliud, quam aquarum in pu-
blico receptacula, è quibus petere omnibus fas esset : etli gratior
æstimatorque è salientibus ipsis sumpta. Nota autem in Plinio
tot signa, tot columnas, ad ornatum lacuum, salientium, castello-
rum : atque ea ab uno Agrippa ; quid arbitraris ab aliis prioribus
& secutis fuisse ? Atque alia etiam assidua multa impendia circa has
aquas.*

Harum aquarum Curatores ab Augusto fuerunt instituti, cum
licitoribus, servis, scribis, librariis, accensis, præconibus. Sed præ-
cipuum, quod familiæ & homines certi, ad tuenda hæc opera,
sumptu publico tolerati. Audi hac de re Frontinum, qui ipse in-
ter Curatores aquarum ; is ergo scribit, Agrippam primo per ser-
vos privatos suos hæc fecisse, eamque familiam Augusto morientem
legasse, Augustum deinde publicasse, & deinceps mansisse ; atque
habuisse homines circiter 240. *Erat autem et altera, inquit, fa-
milia Cæsaris dicta, et numerus ejus 360, quam Claudius, cum
aquas in Urbem perduceret, instituit.* Addit, in utraque simili
varia ministeria fuisse ; Villicos, Castellarios, Curatores, Silicarios,
Tectores, aliosque opifices. Habes igitur perpetuos homines 600,
ad aquarum tuitionem.

De Cloacis.

Ponimus & *Gloacas* inter magnifica, & sordes has inter illos
splendores, imo & sub terra thesauros ostendimus, & latentium
quorundam operum moles, *Cloacæ* à Tarquinio Prisco Rege structæ,
ad munditiem, sordesque omnes vel abluendas, vel evehendas : sed
& ad sanitatem, quæ illam amat. *Cloacæ* operum omnium ma-
ximum : suffossis montibus, atque Urbe penili, subterque navigata.
Quid magni, si tam magnæ, ut vehem tœni onustam large trans-
mitterent ? Id enim non Plinius solum scripsit, sed & Strabo. La-
titudinem Marlianus reperit 26 pedum ; nec forsan minor altitudo.
Fecit id Agrippa in Ædilitate, per meatus corrivatis 7 annibus,
cursuque præcipiti, torrentium modo, rapere omnia atque auterre
coactis. Fuerunt enim 7 *Cloacæ* præcipuæ, tot quot sunt montes.
Nam ex iis disfluebant ac derivabantur aquæ ac sordes, & in mag-
nam unam confluebant. Quin enim plures minutæ fuerint, non
ambigendum est ; sed istæ tot fuere quali flumina, & alveo gran-
diore, atque ex per plana Urbis ferebantur.

Cloacarum firmitatem commendat Plinius, & causas concuti-
entes 4 commemorat, quarum vel singulæ firmissima opera ever-
tant ; at non labefactant istud. Sunt pugna aquarum & copia
intus : moles & columnæ vastæ, quæ per vias, & super illas, tra-
hantur : ruina varix & pondera incidentium ædificiorum ; denique

validi aliquot terræmotus. Quidni igitur firmum & rara duritie opus, quod omnibus resistit; & id per tot sæcula? Eri tamen repararunt, aut fulserunt interim, quod omnino necesse fuit. *Quam sumptuosa autem illa reparatio, dicit apud Dionysium C. Aquilius qui scripsit, neglectis aliquando cloacis, & non defluentibus, Censores in earum instaurationem 100 talenta impendisse in redemptores. Ea sunt 600000 Philipp. Quid igitur & quanti paratio universa, si tanti in partibus reparatio?*

De Trajani Ponte in Danubio.

A Tiberi ad Danubium magno saltu imus, ut ejus aquis fordes Cloacarum abluamus. Liber Pontem in Danubio memorare, quem Trajanus Imperator struxit; operum omnium fortasse arte & difficultate maximum, si non sumptu. Describit graphice Dio Cassius, & gratia sectori ejus Xiphilino esto, quod hanc partem non recedit. O quam pulchras valentesque ille alias! *Pila igitur, inquit ille, ejus sunt 20, è lapide secto & quadrato, quæ altitudinem habent 150 pedum, latitudinem 60. Distant inter se 170 pedes, fornicibus devinctæ.* (Grande hoc concamerationis spatium, nec efficiendum, nisi altitudo illa pilarum accessisset, & tarde ac lenta inclinatione fornix surrexisset. Ex hoc autem numero pilarum, & distantia earum, colligo & efficio, fluvii latitudinem 4770 pedum fuisse, id est, paulo minus unius milliaris.) *Quomodo autem non aliquis sumptum in istas pilas admiretur? quomodo non & destituendi firmandique modum? idque in flumine magno & vorticoso, & fundo ipso infido & limoso, nam nec arvertere quidem cursum fluminis licuit ullo modo.*

Hæc de Operibus publicis.

Privatorum quædam Opera.

In Privatis Operibus duo nunc considero; *Domos, & Villas.*

De Domibus privatis.

Domus fuerunt in tam splendida & nitenti urbe, pro ipsa urbe, & ut pulchri corporis apta ac decora membra. Domus, dico, magnificæ, ornata, instructæ columnis, marmore, auro, statuis, & quicquid excogitare ambitio aut luxuria poterat. Sed eadem etiam lata, patentes, amplæ, & præsertim magnatium virorum procerumque. Hinc Valerius cum indignatione ait: *Anguste se habitare nunc putat, cujus domus tantum patet, quantum Cincinnati rura patuerunt.* Quid domus? imo earum aliquod membrum, Cellaria, Piscinæ, Culina. Et Seneca increpat passim ædificia laxitatem magnarum urbium vincentia: habebant enim aulas æmulas urbium. Quod non nescivit Olympiodorus, qui scribit: *Quæque magnarum domuum omnia in se ipsa habet, quacumque mediocris urbs possit continere, nempe Circum, Fora, Tempia, Fontes, Balnea diversa.* Per Fora, puto intelligere hypæthra quædam & subdivalia, inter illas porticus, & statuis alioque

que ornatu, in fori faciem. Quid autem, si ~~revers~~ ^{revers} ibi iudicia & forenses conventus? Fuere, & clientium, libertorum, servorum suorum, causas domi cognoscebant. Clientium autem magnus olim populus. Tales autem domus in tota Urbe fuerunt 1780. Insulæ vero (quæ distinctæ à domibus) 46602. Illarum longe minor numerus, ut quæ tanto gradiores, instructioresque essent, & propriæ virorum procerum.

Apparatus jam & instructio domorum admiranda. Columnas ingentes, è longinquis petitas, sive ex Ægyptis arenis, sive ex Africæ solitudinibus, disponebant in porticibus & capacibus cœnationibus. Callistus, Claudiani libertus, in una cœnatione habuit columnas 30, easque e Sudine lapide Germanico, cui ingens tunc pretium & novitas. Scaurus in atrio collocatas habuit maximas, atque adeo 38 pedum, Lucullæi marmoris. Vide hanc altitudinem, in uno atrio, quam multæ domus totæ vix æquant. Deinde parietes marmore inducebant, quod genus *Incrustationes* Latini, Græci *μαρμαροειδεις* dicunt. Id non aliud fuit, quam marmor in tenues crustas sectum parieti imponere scire, & pro tectorio ei dare. Secandi ratio arena, & ferra, in prætenit lineâ versante arenas, tractuque secante. Primum autem Romæ parietes crusta marmoris operuisse totius domus suæ, in Cœlio monte, Mamurræ, Equitem Romanum, Præfectum fabrum Casaris, Plinius tradidit. Istæ marmorum crustæ sæpe picturæ & variegatæ fuerunt, velut aliquod Mulvum opus. Solebant præterea laquearia tota inaurare, quod passim scriptores & tradunt & damnant. Nec solum levi inductione, sed solido sæpe auro. Trabes nonnunquam auratæ faciebant, sed cameras gemmatas & eboratas, ad splendorem & varietatem, ut quasi cœlum imitarentur, & (ut Arnobius loquitur) *sidereos evomant variata interstitione fulgores*. Longius hoc quoque producebant; ad parietes & columnas.

Sed alia hîc etiam & ingeniosa luxuria; nam lacunaria ista versatilia faciebant, & alia atque alia subinde facie convivas delectabant. En Privata ingenia & luxuriam; quid existimas Principes tentasse & fecisse? Nero Cæsar in vestibulo ædium suarum Colossum 120 pedum posuit. Hoc principium: deinde porticus triplices milliariæ, item stagnum, maris instar, circumseptum ædificiis ad urbium speciem. Rura insuper, arvis, atque vinetis, & pascuis, silvisque varia, cum multitudine omnis generis pecudum ac ferarum. In cæteris partibus cuncta auro lita, distincta gemmis unionumque conchis erant. Cœnationes laqueatæ tabulis eburneis versatilibus, ut flores; & fistulatis, ut unguenta, desuper spargerentur. Præcipua cœnationum rotunda, quæ perpetuo, diebus ac noctibus, vice Mundi circumagerentur. Omnia illa Capitolina, quæ & quanta fuerunt, nugæ & quisquiliæ visæ, præ uno membro aliquo Palatinæ domus.

Inter tecta & domos inclusæ aliquando silvæ, & intermixtæ veræ aves. Luci enim & arbuta in magnis istis ædibus erant, imo & super ædes. Seneca castigans & increpans, ut solet, suum ævum: *Pomaria, inquit, in summis turribus serunt, quorum silvæ in tectis ac domorum fastigiis mutant, inde ortis radicibus, quo improbe cacumina egissent.*

De Villis Romanorum.

De Villis hoc universe Strabo pronunciat: *In Villis velut more Persarum regias quasdam struunt.* Quid majus ampliusque in hanc rem dicam? Vis tamen specimen aliquod in una villa? Capitulinum audi: *Exstat Gordianorum villa, via Prænestina, 200 columnas uno peristyllo habens, quarum 50 Carystie Claudiana, 50 Sienitides. 50 Numidica pari mensura sunt. In qua Basilicæ centenariæ tres: cætera huic operi convenientia; & therma, quales, præter Urbem, nusquam in Orbe terrarum.* Sed nec Hadriani villam in Tiburtino ingero, cujus superbæ reliquæ exstant. Quid tot aliarum in solo Latio, & circa Romam?

LIBER IV.

DE VIRTUTE ROMANA.

Quartus noster limes, de VIRIS & VIRTUTIBUS Romanorum. Plinii enunciatio est: *Gentium in toto Orbe præstantissima una, & in omni virtute, haud dubie Romana existit.* Quid homo Gothici sanguinis Cassiodorus? *Roma Virtutum omnium latissimum templum.* Profecto sedes suas per aliquot sæcula ibi habuere, nec injuria ipsi Romani templum struxere *Honori pariter & Virtuti.* Utramque colebant: sed & *Fortunam* etiam, id est, providentiam & fata ab alto, quæ incredibile est, quam pressò nec tardanti pede secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Nam (ut breviter & nervose Florus) *ad constituendum Romanum imperium Virtus & Fortuna contendisse videtur.* Sed amica contentio fuit, in qua tamen ipsa Virtus vicit. Habuit igitur Fortunam sive coelitum illum favorem, sed habuit à caulis, quas iidem coelites per Virtutum gradus nexuque præstruxerunt. Ut id liqueat, videamus primum universe, qui *Viri* in imperio illo fuerint, & tum quæ *virtutes.*

DE ORDINIBUS IN POPULO
ROMANO.

Viros considero dupliciter, & eos qui in Magistratu, Imperiis, Consiliis, fuerunt, id est, *Capita Reipublicæ*; & parte altera, *minora etiam membra*, id est, Populum, & eos qui paruerunt. Utrique egregii, nec quibus alia gens facile, aut ex vero comparatur. Primores igitur illi in duplici discrimine sunt, *Senatores, Equitesque*.

De Senatoribus Romanis.

Senatores si inspicias, qui proprie sedebant ad clavum, prohi Deus, quanta gravitas, sapientia, majestas! Ut merito illum ordinem *Regum confessum*, Cyneas legatus Pyrrhi Regis, vir nec mentis, nec oris egens, appellaverit. Profecto talis fuit, & nec sub Principum imperio nimis degeneravit: etsi postea quidem discessit ab illa sua præstantia, & ut grande ædificium, paulatim mole sua defedit, & mox ruit.

Erant autem in illo Senatu civium eximii, genere, censu, virtute. Nam hæc spectabant; nec temere viles aut sordidos, (etsi plebeios interdum, quos magna virtus eveheret) inopes nunquam, & improbos raro admittebant: aut si tales, non tenebant. Censores enim legebant hunc Senatum, atque iidem per singula lustra examinabant, ac relegebant; si quis loco eo indignus, aut si quid in privata etiam vita turpe ac maculosum, notabant, & emovebant. fiebat id silentio, & sine accusatione ulla, aut causæ apud iudices dictione. Dumtaxat in recitando Senatu, quod publice & solenniter fiebat, nomen ejus præteribant, quem motum Senatu vellent. Ita cum in albo illo non esset, nec in Senatu censébatur. Causa quidem iis movendi semper erat, & hanc subsignabant, & volentibus edebant: sed certare de ea lite nihil opus erat; judicium sufficiebat; quod à tam gravibus viris, (nam primores fere Senatus erant) bonum meruisse, laus & approbatio habebatur; culpa & damnatio, triste. Rarènter, & vix evenisse legimus, ut Censores illi per affectum judicarent. Nam voces statim omnium damnassent, & exagitassent. Et fac ramen semel iterumque evenisse, quid magni mali præ magno illo bono erit? Non enim alia pœna quam ignominia, facile aut contemnenda, aut eluenda, qui publica judicia aut testimonia pro se haberet. Denique alii Censores mox reponebant. Nam & hoc sciendum, non in gravibus & grandibus peccatis hanc censuram intervenisse; ea enim legibus & judiciis servabantur: sed minoribus delictis, aut domesticis flagitiis; à quibus vacare & castos esse primos illos ordines maxime volebant, & quorum vita erat in exemplum.

Initio à Romulo centum facti, & *Patres*, iidemque *Senatores*, vel à cura, vel ab ætate dicti. Postea ad 300 crevere, & in libera Republica sic manere usque ad Livium Drusum: is in Tribunatu, cum opes Senatus vellet extollere, eosdem iudiciis etiam proponere, numerum auxit, & ad 600 fecit. Mansisse ita ad Cæsarem videtur: qui per bella civilia, non opes solum, sed honores multis largiturus, amplificavit, & vel ad 1000 allegit. Displacuit Augusto, & magna cura, atque iterata aliquoties recensione, purgavit, & denique ad modum veterem, id est, 600, redegit. Qui sane satis amplus numerus, etsi in amplo illo imperio: atque ex his plerique non solum consiliis publicis semper adhibebantur, sed etiam in provinciis, ad imperia, aut exercitus mittebantur. Itaque Curia hæc velut promptuarium erat, è quo statim Princeps caperet viros, ad omnia civilia aut militaria munia aptos, & suffecturos. Et hoc aspectu tenuerunt Senatum, grande vel unicum fulcrum illius Principatus.

Elogia de Senatu res & veritas multis dictavit. In Cicerone *leges, Senatum principium salutis, publicæque mentis*. In Ammiano, *Asylum Mundi totius*. In Cassiodoro, *Gloriosum Senatum morumque lumina*. In Petronio, *Recti bonique præceptorum*. Jam in Tacito etiam dicitur, *Caput imperii & decora omnium provinciarum*. Quia jam sub Principibus ex omni regione capiebantur Senatores: & ut ditissimi honestissimique provincialium civitate donabantur, Equites fiebant, ita & mox Senatores. Utile inventum, & ad populos sub unum imperium firmiter colligandos. Symmachus ea causa scripsit: *Pars melior humani generis Senatus*. Cassiodorus: *Quidquid humani generis floris est, habere Curiam*.

De Equitibus Romanis.

Alter ordo est *Equitum*, qui & ipsi ab illis notis tribus probati, aut probandi. Nam de genere, multi erant à Senatoribus & Patribus orti, & certe liberti aut libertini, nec si censum haberent (nisi beneficio Imperatorum) in hunc ordinem veniebant. Erant tamen ex ingenuis multi, & fere omnes, qui censum equestrem haberent. Is fuit 400, id est, 10000 Philippicorum. Igitur latus hic ordo & amplus, ut tunc opes plerisque amplæ erant; & ideo quod ad vitam, coercendus aut recidendus. Apud veteres id quoque Censores fecere, sive in Transvectione, (quæ tamen eorum modo erat, qui equum publicum habebant) sive per lustra singula, cum ordines digerebant, & recognoscebant. Nam hic quoque album erat, sive tabulæ, & recitabant, quique primus ex iis nominatus, *Princeps juventutis* dicebatur, plane ut qui in Senatu primus recitatus, *Princeps item Senatus*, augusto titulo dicebatur. Ideo autem dictus *Princeps juventutis*, quod olim & prima Republica, pauci Equites, nec fere nisi filii Senatorum. Crævitur paulatim

paulatim largiter numerus, & magnam civitatis aut civium partem comprehendit, sed nomen tamen *juvenum* mansit. Sed & *Juvenes* antiquis dicti ad annum 45. Hæc causa & origo nominis.

Sed Senatorum filii, an non Senatorii, aut Senatores? Cave res; distinctione hic opus. Aliud *Senatus*, si Principum tempora aspicias; aliud *Senatorius ordo*. Ille certo numero stetit, ut diximus, & intra 600, sub Augusto quidem: at iste latius patuit, & juvenes quoque ac Senatorum filii, sed & alii Equites in eum cooptati. Censebantur enim Senatorii, qui jus lati clavi à Principe impetrassent, id est, insigne ipsum Senatorum: & in Senatum quidem ii veniebant, sed sententiæ jus fuisse non putabis. Institutum enim Augusti fuit, qui liberis Senatorum, quo celerius Reipublice assuescerent, protinus à virili toga latum clavum induere, & Curiam interesse permisit. Hoc ita Augustus, sed restricte in Senatorum liberis: postea Caligula etiam aliis quibusdam Equitibus permisit. Permisit dico, aliique Principes; sed sic, ut ab ipsis peteretur. Hi ipsi *Senatores* interdum dicuntur. Atque isti sunt, qui *Illustres Equites* à Tacito, atque aliis, ad discrimen appellantur; & palam ipsæ Tacitus cum Senatoribus jungit, aut coequat.

Genus Equitum diffusum, & in vario discrimine: Erant qui *Equo publico*, erant qui *Judices*, erant communi nomine *Equites* dicti. Illi qui equo publico, tempore Augusti, ad 5000 erant, aut supra. Qui in Judicibus, haud pauciores; imo plures, ex Plinii testimonio. Classis reliqua eorum, qui immunes. Atque isti *Equites*, quos Perseus Rex apud Livium ita laudat & insignit: *Equites enim illis, Principes juventutis, Equites seminarium Senatus, inde lectos in Patrum numerum, Consules, inde Imperatores, creant.*

De Plebe Romana.

Supereff tertius ordo, *Plebis*. Is triplici discrimine fuit, *Ingenui, Libertini, Liberti*. Et in militia discrimen erat ab hoc genere: itemque a censu, sicut & in aliis muniis, siqua publice subirent. Vita etiam censuræ permixta: quam tamen neglexisse postea (malo sane publico) Imperatores constar, contentos duplicem illum priorem ordinem recognoscere.

Isti ordines statim poterant agnosci in occurſu ab habitu. Nam etsi toga communis omnium civium vestis esset, tamen discrimina alia, ab aliis notis. Ut solis Senatoribus, aut istis quasi Senatoribus, jus lati clavi gestandi erat: quod non aliud, quam velut bullæ e purpura, & capita clavorum intexta aut inserta. Equitibus autem aurei annuli, qui hunc ordinem à plebe distinguebant. Qui his duabus notis carebant, *Plebs* erant.

DE VIRTUTE ROMANA
MILITARI.

JAM, quod propositum, de *Virtutibus*, addamus: nam Viros illos laudabiles, vel potius admirabiles, fuisse dico, idque à duplici virtute, *Militari*, vel *Civili*. Illam in Imperio & Republica jure considero, ut tutelam ejus, imo augmentum, sine qua frustra aliquis status aut commune se jactet. Præmitto igitur, & duo hic in Romanis miror, *Justitiam*, & *Fortitudinem*.

Justitia Romanorum.

Quod ad *Justitiam*, nescio an alia gens consideratius, & causis in rationis trutina libratis, bellum suscepit, quam ista. Nam plerique aut Regum suorum arbitrio arma induerunt, aut primum aliquot in Republica, qui decernebant. Hic aliter: & nec Senatui, nec populo toti plenum hoc jus, nili cognitio & judicatio Sacerdotum publicorum intervenisset, quos *Feciales* dicebant. Eorum arbitrio sumpta arma, posita arma: religio, non solum *justitia*, ea temperabat. Etenim semper duplici hoc titulo usi Romani, ut aut pro *Salute* arma caperent, aut pro *Fide*. Pro illa, ubi res eorum ageretur: pro ista, ubi Sociorum. Et hoc de Sociis late patuit: & est illa catena, quæ bella & terras conjunxit aut subjunxit.

Vis pauca exempla? Ecce Carthaginenses validi sunt, imo æmuli virium Romanarum; obstant crescentibus. Quid sit? removendus ille obex; & causam ipsi præbunt. Siciliam invadunt, & *Mamertinos*: isti ad Romanos appellant, ut *Socios*. Veniunt, subveniunt, pellunt eos, & quæsitæ jam ipsis ad se trahunt. Fit pax, & Sardinia etiam Sicilia adjicitur, concessu ipsorum. Vides augmentum? Sed enim jam sistimus, & illi manent ac florent? non: in Hispaniam mala cupidine transcendunt, arma etiam Saguntinis inferant, & amicum sociumque Romanis oppidum evertant. Bellum ergo iterum justum: quo fine, & fructu? Victi illi, & in Africam compulsi: Hispania aucti Romani. At enim Græcia & Macedonia jam desunt. Vis juste dari? Philippus Macedo fœdus cum Annibale coibit, Romanos & Græcos simul laceffer; atque isti eos advocabunt, & sibi primum, mox & Macedonibus, imponent. Talia in Antiocho, Jugurtha, ipso Mithridate; qui sceleratissimus non Regum, sed mortalium, quid de fraude vel injustitia Romanorum quæritur? ut volet; ipse ab illis & nobis audiet, *Væ viliis*. Non dicam, pereant; sed tamen pareant, qui vincere aut quiescere non potuerunt. Hæc de antiquis saltem Romanis, & ante Syllam civili bello nondum infectis, &, ut sic loquar, decoloratis. Pleraque omnia tunc pura & justa. At postea degenerarunt, avaritia, & ambitio quædam distarunt, ad hoc rationis examen non dirigenda.

Punivit

Punivit quidem populos quosdam, fateor, sed non nisi imperio suo, & stipendiario illo jugo. Quam multis autem & pacem indulgit, si uti ea potuissent, aut voluissent. Iplis Carthaginensibus his; Philippo etiam, & Antiocho, & Tigrani: atque hos omnes cum pellere terris in eorum manu esset, contenti fuerunt restringere, &c, ut imagine hac utar, pennas incidere, ne temere & lascive sic evolarent.

Fortitudo Romanorum.

De *Fortitudine Romanorum militari*, satis in libris, *De Militia Romana*, dictum: sed argumenti & contextus etiam causa, pauca dicantur. Igitur & *Milites* & *Duces* praestantissimi huic genti fuerunt, & in omni aevo admirandi.

Vide mihi legiones illas, quae binæ junctæ, & cum totidem sociis, equitatu autem 1800 ad quaecumque bella & hostem ibant: ibant, sed & victrices fere redibant. Tota autem ea manus quid amplius, quam 18000 erat? Jam si 10 legiones jungeres, quod item factum, quid nisi Hirtii verbis dicam, *Vel Caelum diruere eas potuisse?* Ecce gigantes novos, & veros, nec è fabulis petitos.

An non tales ibi videbuntur, si in *Opere*, *Agmine*, *Acie*, pauper eos consideras? Quod ad *Opus*, rodiebant, vallum & fossas ducebant, aggerem, testudines, turres struebant: omnia celeriter & industrie, ut fidem superet, homines paucos tanta in tantulo tempore struxisse. Jam de *Agmine*, quid istud est? arma omnia peditem ferre, cibos semestres aut mensuarios, utensilia, & septenos, aut plures interdum vallos. Jumentum ita oneres, negabis par futurum. Adde ordinem in toto incessu, à signis non discedere pari passu omnes ambulare, decurrere etiam, cum opus esset, in plenis armis. Denique in *Acie* quis par Romano miles erit? nam non fuisse quidem, id constar. Cum omnibus gentibus, omni genere armorum aut pugnatum concurrerunt, equando victi sunt ignavia sua aut culpa?

Quid autem mirandum tales fuisse, apud quos, à prima adolescentia, vita omnis in armis, honos omnis ab armis erat? Nemo honestiorum ad Rempublicam accedere, aut magistratus capere poterat, nisi decem annos militasset. Et pedestris ipsa militia, 20 annorum decursu denique terminabatur. In ipsa pace, an quietem egisse censes? exercitia assidua erant, vel in campo illo Martio, vel in ipsis alibi castris: Quis jam nescit locum in acie, vel in praesidio militi servandum, vel moriendum fuisse? Leviter ab eo discedere, a vita erat abire, ut severitas; quidem volebat saluberrimæ illius disciplinae. Inde contemptus periculorum & hostium: & in medios illos vel exiguum manum si Dux misisset, quis non sine cunctatione parebat? Exemplum illustre & notum, sed admirabile est, in bello Panico primo, Consul parum provide suos ducens,

ductans, in locum humiliorem, & collibus undique cinctum, innuariat. Hostes aditus insederant, & sine ferro confectum bellum videbatur. Ibi Tribuns consilium suppeditat. Consul, inquit, *vides tu collem illum, ab hostibus nondum occupatum; illuc censeo mittendam cohortem aliquam militum, si te & alios vis salvos. Hostes enim in illos irruent: interea tu, si vir es, te explicabis, & pervades.* Placuit Consuli sententia, & vera erat: nec de militis obedientia dubitabat, sed, *Ducem, inquit, illum, qui in certam mortem erat, quem habemus? Me ipsum,* ait ille. Dictum, factum, 400 ad moriendum proficiscuntur, & cadunt; solus Tribuns inter mortuos, semimortuus ipse, repertus convaluit, & sæpe utilem operam Reipublicæ postea navavit. Viros istos tali robore, tali obedientia alibi mihi dabis? Sed hæc infelix audacia; ista lætior, cum Punico item bello, fugientem eorum classem pedites, in mare se conjicientes & natantes, quasi in camporum firmitate aggressi, manibus suis in litus retraxerunt.

In Hirtio legimus, Numidarum copias in coronæ modum Cæsaris copias cinxisse; Cæsariani interim non amplius tres aut quatuor milites veterani si se convertissent, & pila viribus contorta in Numidas infestos coniecissent, amplius 2000 ad unum terga vertebant. Vis nominatim & L. Sicinium aliquem citem, qui centies & vices in aciem descendit; 36 spolia ex hostibus retulit; 8 ex provocatione occidit; 45 vulnera pectore excepit, tergo nullum? Vis Cassium Scævam? qui in Britannico litore cum 4 commilitonibus in scopulo relictus, cum mari abeunte hostibus adire fas esset, atque si confertim irruerent, desertus ab aliis, solus impetum sustinuit, multos dejecit aut occidit, denique, armis suis onustus, solo scuto abjecto, in mare se dedit, & ad Cæsarem natavit. Qui stupens ad viri virtutem, laudare parabat: at ille disciplinæ memora, *Da veniam, Imperator,* inquit, *quod scutum reliqui.* O dictum factis illis ipsis laudabilius! & quid à tali animo, non enim jam manibus solum, non speres? Idem Pompeiano bello, ad Dyrhachium castello præpositus, solus in porta consistens, contra Romanas legiones & copias id servavit. Quo tempore ei oculus effossus, humeri trajecti, & femur, scutum 130 ictibus perforatum.

Sed in victoria quid milites istos miror? magis pene in clade & morte. Miles in Cannensi prælio cum vulneribus confectus, manus etiam mutilatus esset, spoliare se conantis Numidæ cervicem brachiis invadens, ad se traxit, & naribus atque auribus corrosis (cum alia tela non essent, aut tractare non posset) deforme cadaver aspicientibus reliquit. De uno loquor: sed quinam illi viri fuerunt, quos ab elephantis obrutos Pyrrhi prælio accepimus? omnium vulnera in pectore, quidam hostibus suis immortui, omnium in manibus enses, & relictæ in vultibus minæ, & in ipsa morte ira vivebat.

Unde

Unde mihi istos, non homines, sed Martes, si fas dicere, & nec victos quidem, nec vincendos?

Transio ad *Duces*: et si quomodo non isti omnes Duces? Sed tamen Duces etiam aliqui eximii: ut patens illé Romulus; ut M. Furius Camillus, ut L. Papyrius Cursor, quem vel Alexandro parem (si venisset) Livius opponit; ut M. Claudius Marcellus, igneo impetu; ut Q. Fabius Maximus, salubri tarditate; ut P. Scipio Africanus prior, divina felicitate; & posterior, divina virtute; ut denique (nam omnes quis numeret?) caput & culmen C. Julius Cæsar; fortuna; peritia; magnitudine, & celeritate animi super omnes, qui arma tractarunt, aut tractabunt. Sed concludimus, si post Cæsarem tamen unum addidero, alterius Cæsaris, & fidum utilemque ministrum! Is M. Vipsanius Agrippa fuit, vir bello providus & fortis, & vel causa victoriarum Augusti, vel instrumentum.

DE VIRTUTE ROMANA CIVILI.

AD *Civilem* jam Virtutem venio, domi & in toga spectandam. Eam per omnes ordines diffusam triplicem maxime reperio, *Pietatem, Probitatem, Constantiam.*

Pietas Romanorum.

Pietas eminet, vana illa quidem, dixerit aliquis, sed tamen in assiduo Numinis cultu (pro ipsorum capto) reverenter occupata. Incredibile est, quam omnia publice & privatim religiose cepta, administrata, patrata: ut totam civitatem sacris operatam & ad dictam possis arbitrari. Atque id secundum vetera instituta, nec novitati aut mutationi dabant hic locum. Miratur hoc Dionysius, quod quamquam 600 nationes pene in urbem confluerant, quibus singulis sacra sua ritusque patrii essent, tamen nulla peregrina religio publice suscepta: aut, si qua oraculorum monitu introducta, ea ipsa Romano more culta, abdicatis fœdis vanitatibus, aut fabularum portentis. Quo valde faciebat, quod sacris præssent, & ipsi non interpretarentur solum, sed administrarent, viri in Republica primi, honoribus honesti, qui & exemplo plebem eo trahebant, & prudentia ac maturitate, nova aut nocitura spernebant.

Probitas Romanorum.

A *Pietate* tamquam capite, alia virtutum membra, & imprimis illa *Probitas*, id est, animi morumque integritas quædam & candor. Sine fuco, sine fallacia, diu mores illi fuerunt, & in proverbium abierat, *Homo Romani ingenti, Romana simplicitas, & Romana fides.* Et sane differere alibi de virtute crebrum, hic usurpare. Nec solum in pace, sed etiam in bello candoris fuit, & raro altu aut fraudibus victoria quæsitæ aut parta. Tangit graviter M. Aquilius

Aquilium Imperatorem Annæus Florus, quod is bello Asiatico veneno fontes miscuisset, ad deditionem quarumdam urbium. Jam & huic Probitati *Abstinentia*, sive etiam *Continentia*, adhærent: non foede aut injuste appetere alienum, parce & modice suo uti. Et illius quidem (*Abstinentia*, dico) quàm pulcrum, nec jactatum nimis, exemplum fuit ab universo populo editum Mariana & Cinna proscriptio? Quippe cum ii hostium suorum penates, omnibus opibus aut elegantis plenos, vulgi manibus diripiendos ultro objecissent; nemo inventus est, nemo qui justam hanc prædam à civibus peteret, caperetve: sed tamquam à sacris ædibus omnes manus & cupidinem abstinuerunt. Et quid in toga miramur hæc exempla, cum in ipso bello, & inter hostes, prædæ abstinentia fuerit? quæ non nisi permissu capta, & sic quoque tota ad Duces relata.

Jam in *Continentia* quàm laudabiles, si cibum, vestem, aut externa alia, spectes? Plinium & Plautum testes habemus, populum Romanum per aliquot sæcula non nisi farre & pulte vulgo usum. Quod si nuptiæ, festivitas, aut lætius convivium esset, pro magno pauci pisciculi, & porcinae aliquot pondo in opsonium adjecta. Similis in vestibus frugalitas, & omnium, ditium pauperumque, lana; atque ea nativi & albidii coloris, nisi quod ditiorum splendentes paulo magis & nitidæ à fullonia arte essent. Nam Sericum, Holofericum, & ipsa Lintea, sero innotuerunt, & timide etiam in usum paucorum venerunt.

Adderem *Modestiae* laudem, & reverentem Senatus & Procerum suorum populum, nisi Tribuniciae interdum procellae turbassent: quam ego peltam unicam & labem reperio in re Romana.

Constantia Romanorum.

Tertia Virtus *Constantia*: ò vere admiranda in Romana gente! Nam in aliis pares alios habeant, in hac nec comparandos. Mucius ille olim oraculum protulit: *Et facere, & pati fortia, Romanum est*, quasi hæc in malis magnis patientia (quæ ipsa est Constantia) peculiaris eorum virtus esset. Et tu dispice: Umquamne unum aliquem hominem plus invicti & obnixe in omnes casus roboris ostendisse, quam populum hunc universum? Exemplis doceatur.

Pyrrhus ille in Italiam venerat, cum novi generis gentisque copiis, & in primis inaudito terrore elephantum: victor grandibus præliis erat, Italiam percurrebat, & a trigelimo pene lapide Romam prospexerat. Quid Romani? trepidant scilicet, & pacem petunt? Imo oblatam ultro respuunt, & legatos ejus cum animoso hoc responso dimittunt: *Pyrrhus Italia cum copiis excedito; ubi excesseris, de pace, si volet, agito. Ni excesseris, arma & viros, & aciem expectato.* Qui animi isti aut verba sunt? non contra Pyrrhum, sed contra Fortunam, & pene dixerim, cælum dimicantium.

tium. Etsi mos ille eorum semper in bellis, notandus & admirandus, nihil largiri armato hosti : sed ubi ea posita, & obsequiosi aut flexibiles illi visi, tunc denique conditiones ferre & aquas, & sæpe nec expectatas. Generosorum hoc est, ire in adversos, parcere aut abstinere jam abjectis. Fructus autem Constantiæ in Pyrrhum fuit, sponte Italia illum fugere, ipsos ejus dominos & potentes fieri.

Vide & bellum Punicum primum : quot ibi clades : raræ & novæ ? Rara in Africa ipsa, cum Atilius Regulus Consul, cum toto exercitu oppressus, & vivus venisset in hostium potestatem. Novæ aliquot in mari, cujus antea expertes & imperiti, classes plures vel naufragio vel pugna amiserant. Polybius scribit, & ipse miratur, 700 quinqueremes eo bello amissas fuisse. Satis autem jacturam eam æstimas aut intelligis ? in quaque earum 300 remiges ferme erant, milites 190. Hos tu si una computas & colligis, videbis paulo minus 300000 hominum periisse. Et qui Romani tunc erant, nec tota etiam Italia plene adhuc potiti. O constantiam, ô robur, ô Fortunam ! nam hæc se vertit, & puduit tam merentibus non se dare.

Jam ad mortem plaga, Punicum bellum tertium. Annibal, summus Ducum, in Italiam ipsam venit, sylvam excindere parat, in qua stabulabantur Martiales isti lupi ; & pene fecit. Tribus præliis magnis victor, & ultimo illo Cannensi, quid nisi totum virilem sanguinem Romanum exhaustit ? Heu cladem ! 50000 selectorum militum una cum altero Consulium, cum tot Tribunis & Centurionibus, tot Senatoribus & Equitibus Romanis jacent. Et tu Roma adhuc spiras ? quibus freta ? senibus, puerisq; & fœminis, quos solos pene reliquos habes ? Spiro, inquit, imo alta & vetera spiro. De pace nulla mentio : veniat vel Romam Annibal, arx & Capitolium nos defendet, & è cinere isto suscitabuntur rerum domini Romani. O insanas, dixerit aliquis, cogitationes ! Sed res & exitus docuit, constantes & felices. *Magna populi Romani fortuna*, (ait Florus) *sed semper in malis major, resurrexit* : & pueros, senes ; victos, servos, armavit, & imbecillo aut fœdo exercitu victrices illas copias profligavit. Plura possum ; nam in omni Romana historia propria hujus virtutis exempla sunt : sed quid majus istis potest ?

Jam quid admirabilius, quam, cum Varro auctor & causa tantæ cladis (nec falso) diceretur, Romam redeunti obviam itum ab omni ordine & populo, & gratias actas, quod de Republica non desperasset ? Si quia alia hæc plebs fuisset, itane gratias funesto & turiali capiti ? supra, saxa, tela, nec unam mortem. Illi fecerunt : quia hoc quoq; Constantiæ proprium, mederi malis potius, quam irasci.

Est & minutum aliud. Nam cum Urbem ipsam Annibal obsideret, & terreret, fundus in quo castra ejus posita, publice sub hasta Romæ venit ; nec minoris quam si liber, nec infensus ipse, aut Italia, ab hoste essent. Item alterum : eodem illo tempore, cum ad unam portam Annibal pugnaret & invaderet, altera militem &

auxilia in Hispaniam emiserunt. Fiducia hæc humana non fuit ; à Deo inspirante Venit.

OBJECTIONES

Contra Probitatem Romanam.

De candore & fide Romanorum multa sunt dicta : sed proh sancta Fides ! quæ legimus alibi & videmus contra tuum, numen aut nomen admissa ? Caucaei, populus Hispaniæ fatis potens & notus fuit, qui, cum pares Romanorum armis & violentiæ non essent, legatos supplices in castra ad Lucullum Imperatorem miserunt, pacem & fœdus quacumque lege facturos. Ille obsides imperat, & argenti statim talenta 100 (id est, 60000 Philippæorum) equites auxiliares certo numero. Omnia fiunt sedulo & obnoxie. Imperat tum amplius, ut 2000 militum in urbem suam accipiant, præsidii causâ. Id quoque factum. Sed illis occulto mandatum, ut muros portasq; occuparent : atque ita Lucullus reliquum exercitum induxit, & tuba signum datum, ut sine discrimine, senes, pueri, viri, fœminæ, interficerentur. Ita oppidum direptum, deletum, ipsa 20000 hominum per summum scelus interempta. O candorem ! ô simplicitatem !

Ecce aliam in eadem Hispania similem. Sulpicius Galba Lusitaniam hostiliter ingressus vastabat. Mirantibus illis, nec causæ aut culpæ fatis consciis, legatos mittunt, fœdera priora renovant : illo recipiente, & ultro miserante, quod sic affligerentur. *Sed, inquit, egestas vos impulit prædas agere, & belli speciem præbere : medebor. Tripartito vos dividam, & in agro ac solo pingui collocabo, ubi reliquum beati ac tuti agatis. Venite cum uxoribus, cum liberis, in talem vallem ; talis illa pars, assignabo.* Venerunt miseri læti ac securi, & in triplici regione distincti ; ad quorum primos cum accessisset, arma ponere quasi amicos sociosque iussit ; & iis positis, milites immisit, & fidem ac Deos implorantes, ad unum omnes occidit. Idem alteris, tertiisque celeriter factum, & priusquam fama prioris facinoris ad eos venisset. Vide, si tale aliquid infidum & barbarum in ulla barbarie factum. Vis antiquiora ? accipe. Ausonum gens in Italia fuit, uno tempore, nullo fatis certo crimine, excisa. Livius ipse narrat, suspectos & delatos à paucis, quasi deditur ad Samnites vellent : præventos autem à Romanis, qui occulte submissis militibus, quibusdam & togatis, portas trium oppidorum occuparunt, & eadem hora, cædibus promiscue factis, urbes & gentem deleverunt.

Contra

Contra Abſtinentiam Romanorum.

Jam quæ, aut ubi *Abſtinentia*? Romæ & inter cives fortaffe? credo, & ex veteri dicto, *Corvus corvo oculum non eruit*. Sed an eadem in Provinciis, & ubi occasio, aut facultas peccandi? O Dii Deæque, (ſi fas ſic exclamare) quæ illic occulta aut aperta furta, libidines, nundinationes, raptus? Poætæ Harpyias aliquas finxerunt, quæ contactu unguibus omnia diriperent, aut fœdarent: in re iſti Romanorum Præſides fuerunt. Optimus & belliffimus quiſque ita ſe gerebat, ut bella omnia domum auferret. Demades olim dictitare ſolitus, cum ad tribunal aut magiſtratum iret, ad auream meſſem ſe ire: mihi crede, iſti ibant, & Colchos quiſque Jafon ſibi ſpondebat. Legiſti tu Ciceronis illa de uno Verre? Pleraque talia in aliis, & miſeri Provinciales non niſi præda & ſpolium Præſidibus ſuis erant. Quod ſi in pace talia, per bellum & arma quid ſuſpicamur fuiſſe? Dabo exempla.

L. Sylla in Aſia, cum communiter 20000 Talentum exegiffet, privatim edixit, ut hoſpes militi, apud ſe divertenti, 16 drachmas in diem daret; cœnam inſuper ipli, & ſodalibus quot vocaſſet; Centurio autem acciperet in diem 500 drachmas, id eſt, 50 Philippæos, veſtem præterea duplicem, domeſticam & forenſem. Hæc Sylla, inquit, homo nequam, & natus ad diſciplinam militarem diſſolvendam. Bene eſt; accipio excuſationem. Quid ergo L. Paulus qui Macedoniam vicit, inter optimos civium? Deſtinatum ei, Epirum totam diripere, & in prædam militibus dare, quia cum Perſeo Rege ſenſiſſent. Quid facit? Centuriones ſubmittit, per ſpeciem de liberandi, decem primos evocat, ut conſilio & ducibus ſpoliet: ô candidum factum! Milites deinde immittit; diripit, cædit: ô clemens abſtinenſque factum! Sed pulcherrima clauſula, tot millia caputū abducta: nec finis, in miſeros muros & tecta ſævitum, & dirui ea juſſa.

In vicina Græcia quid Hortenſius Prætor patravit? Legati Abderitæ in ipſa Roma audiantur: Flentes ante Curiam, querentesque oppidum ſuum ab Hortenſio expugnatum direptumque eſſe. Cauſam excidii fuiſſe, quod cum 100000 denarium (id eſt, 10000 Philipp.) & tritici 50000 modium imperaret, ſpatium petierant, ut de ea re ad Hoſtilium Conſulum, & Romam legatos mitterent. Vix dum ad Conſulem ſe perveniſſe, & audiſſe oppidum expugnatum, principes ſecuri percuſſos, ſub corona cæteros veniſſe. In ipſa Italia, Locrorum oppido, Q. Pleminius, legatus Scipionis Africani, cum milite præſuit. Sed quomodo? In corpora, in liberos, in conjuges, infandæ contumeliæ editæ.

Et quid ego Conſules, Prætores, Legatos, nomino aut conquiro? Ecce puſillus unus Præfectus Equitum, titulo tenuis, Scaptius, cum

pecuniam deberi sibi a Salaminis diceret, illi ad Senatum appella-
rent, ejusq; consultum; homo probus & justus, 50 Equites ab Ap-
pio Consule impetrat, inclusum in Curia Senatum habet in multos
dies, adeo ut interierint nonnulli fame. Quid plura dabo? Claudat
mihi Polybius testium agmen: qui scribit, Scipionem, capta Car-
thagine nova, omnes obvios occidi jussisse, nec ut ulli parcerent.
Tum addit, solennem hunc morem Romanis fuisse: *Videntur enim,*
inquit, *terroris gratia hoc illi facere. Itaque frequenter videre est,*
quando Romani civitates capiunt, non homines modo occidi, sed
etiam canes diffecari, & aliarum animantium membra truncari.

Contra Continentiam Romanam.

Continentiam, & frugalitatem veterum illorum Romanorum,
sed plane veterum, si laudas, ego succino, & Fabricios, Curios,
Quinctios, tecum miror. Sin longius trabis; ut non ego, lectio
& observatio tacite resistent. Quid? leges illæ sumptuariæ ab an-
tiquo latæ, & sub bellum Punicum secundum, non ostendunt morbos
in ea parte fuisse, cum ad publica hæc remedia decurrendum? ipsæ
cœnæ & lautitiæ quæ narrantur, non id clamant? Reminiscere Pon-
tificæ illius cœnæ apud Macrobiū, ubi incognita & nobis quærenda
ciborum genera. Reminiscere & Sallustii verborum de Metello,
Proconsule in Hispania: considera cœnaculi apparatus, cœnantis
habitu aut honores, cœnæ ipsius exotica fercula; quis ganeonum
& lurconum possit vel ausit imitari? Quis nostrum hodie aves aut
feras trans mare, cœnæ causa, conquirat? Atqui olim non Metellus
solum aliquis, sed jam vulgus lautiorum. Seneca, acer ille talium
quaestitor & censor: *Non est necesse,* (inquit, ad sæculi sui mores)
omne perscrutari profundum ac strage animantium ventrem onera-
re, nec conchyliis ultimi maris ex ignoto litore eruere. Dii Deæque
istos perdant, quorum luxuria tam invidiosi imperii fines transcen-
dit. Ultra Phasim capi volunt quod ambitiosam popinam instruat;
nec piget à Parthis, a quibus pœnas nondum repetimus, aves pe-
tere. Quid Latinus Pacatus in Panegyrico? Laudat Theodosium
Principem, quod nihil tunc opus esset ad penum regiam flagitare
remotorum litorum piscem, peregrini aeris volucrem, alieni tem-
poris florem. Et tum addit imaginem prioris sæculi: Nam delicati
illi ac fluentes, & quales sæpe tulit Respublica, parum se lautos pu-
tabant, nisi luxuria vertisset annum, nisi hibernæ poculis rosæ in-
natassent, nisi æstiva in gemmis capacibus glacie Falerna fregissent.
Horum gula angustus erat Orbis noster: namque appositæ dapes non
sapere, sed sumptu astimantes, illis demum cibis acquiescebant, quos
extremis orientis, aut positus extra Romanum Colchus imperium, aut
famosa naufragiis maria misissent. Ecce vitia & prodigiosum luxum,
omnia fastidientem, nisi remora & sumptuosa.

Sed inferioris tantum illa ævi? imo vero à bello Punico secundo, aut circa: cum ecce Cato Censorius publice questus, *Non posse saluam esse urbem, in qua piscis pluris, quàm bos, veniret.* At ego dico, pluris quam decem boves, veniisse unum piscem; piscem? pisculum, dico. Mulli in quo tunc pretio? Putantur fuisse, quos *Barbos* hodie, aut *Regulos marinos* vocamus. Sed quicquid fuit, pisculus; & vix 5 aut 6 librarum. O non delicias, sed infanias! unum ex iis 5,6,8,10, millibus HS reperio emptum. Tiberios Cæsar nullum sibi missum 4 pondo & selibrarum venire iussit, quem P. Octavius 5000 HS, id est, 125 Philippæis emit. Asinius Celer è Consularibus, hoc pisce prodigus, unum mercatus est 8000, hoc est, 200 Philipp. Tiberius graviter questus est, tres mullos 30000 nummum veniisse. Si numeri recti, certum est, excessisse, & singulos 250 Philippicis sterisse.

De Apicio res nota est, hominem perditæ gulæ fuisse; de quo, ut alia fileantur, mors sola iudicabit, quam Senecæ verbis dicam. *Cum HS millies (duo milliones & semis) in culinam congestisset, ære alieno oppressus, rationes suas tunc primum coactus inspexit. Superfluum sibi HS centies computavit, & velut in ultima fame viturus, veneno vitam finivit:* Quam luxuriam, & quam effusam vitam privati hominis hanc fuisse putamus, cui centies HS (id est, 250000 Philippæorum) paupertas & desperatio fuit?

Sed hunc omitto, & duos eodem nomine alios, qui in exemplar & nomen transierunt huius vitii. Claudium Æsopum addamus, Histriionem. De eo Plinius: *Maxime insignis est in hac memoria Clodii Æsopi tragici Histriionis patris, 600 HS taxata, (15000 Philippæorum) in qua posuit aves, cantu aliquo aut sermone humano vocales, millibus sex singulas coemptas, nulla alia inductus voluptate, nisi ut in his imitationem hominis manderet.* Atque iste: etiam fuit (alii ad ejus filium referunt) qui margaritas sorbere solitus acetis solutas.

Sed quod ad illos gulones, de M. Antonii & Cleopatæ sponcione non meministi, cum hæc se centies HS una cœna diceret absumpturam? Ille negare, & rem ad idem censere: ad summum, judex & sculna captus Munatius Plancus. Res non differtur, sequenti die illa cœnam apparat pollucibilem, si quis umquam, & deniq; ut Cleopatra, ut Ægypti Regina. Nihil mirari Antonius, & calculos ad extremum poscere: cum illa arridens, *Unum, inquit, ferculum rem confecerit.* Et simul ex composito, illata phiala acris aceti plena, unionem, quem aure dextra gestabat, singulare naturæ opus, detractum in phialam demisit, eumque, ut natura est, statim liquefactum absorbit: parata & in alterum, quem sinistra gerebat, manum injicere, ni provide & propere Munatius victum Antonium, clare pronunciaffet. Quidni victum? cum sola ea gemma vel centies HS esset? sive, ut nostra æstimatio, 250000 Philippæorum.

Caligula, quem à Natura editum, ut ostenderet, quid summa vitia in summa fortuna possent. Seneca iudicavit, centies HS cœnavit uno die, & in hoc omnium adjutus ingenio, vix reperit, quo mediocrium provinciarum tributum una cœna fieret. Commentus est portentosissima genera ciborum, unguentis calidis frigidisque lavabatur, pretiosissimas margaritas aceto liquefactas sorbebat, convivis ex auro panes & opsonia apponebat.

Quid jam Vitellius, ille helluonum omnium altissimus gurgis? de quo Plinius: *Vitellius in principatu suo decies HS (25000 Philipp.) condidit patinam, cui faciendæ fornax in campis ex ædificata erat.* Scripsit autem Suetonius, *In hac scarorum jecinora, phasianorum & pavonum cerebella, linguas phanicopterym, murenarum lactes, & Capathio usque fretoque Hispania, per navarchos ac triremes petitarum, eum commissuisse.* Idem non solum ipse prodigus, sed alios impellens, indicebat eadem die jentacula, prandia, cœnas, comestationes, ipse omnibus sufficiens, vomitandi consuetudine. Nec cuiquam minus singuli apparatus 400000 nummum constiterunt. Heu illufum vel abufum in alienis opibus! nam ea sunt 10000 Philippicorum, five ipse census equester.

Jam de Heliogabalo quid dicam? de quo Lampridius: *Numquam minus 100 HS cœnavit, hoc est, argenti libris 250. (2500 Philipp.) Aliquando autem 3000 HS cœnavit, omnibus supputatis quæ impendit. (id est, 75000 Philipp.) Cœnas vero Vitellii & Apicii vicit.* Si ergo centum HS quotidie, essent 75000 Philippæorum. in mensem. Quid jam convivia, quæ ejusdem totius summæ in unum diem interposui?

Sed jam monstra omittimus; aliquid ad communem morem quærimus, à quo non nimis Philippus, Hortensius, Lucullus, & hi tales, lumina Reipublicæ, abiverunt. Piscinæ & vivaria istorum nota sunt, & cœnæ; ex una Luculliana 50000 drachmarum, quæ sunt 5000 Philippæorum. Quid plura adferam? unum hoc Senecæ: *Quid est sumptuosa cœna flagitiosius, & equestrem censum absumentes? & tricies tamen HS adjiciales cœnæ frugalissimis viris constiterunt.*

De luxu in vestitu aliquid addendum. Romam à Censore nostro Seneca: *Quidquid est boni moris, exstinguimus levitate & politura corporum. Muliebres munditias antecessimus: colores meretricios, matronis quidem non inducendos, viri sumimus. Tenero & molli ingressu suspendimus gradum; non ambulamus, sed incedimus. Exornamus annulis digitos, in omni articulo gemma disponitur. Ista de viris: quid de juvenibus? Pater illius Senecæ: *Torpenť ecce ingenia desidioſe juventutis, nec in illius rei honestæ labore vigilatur. Cantandi saltandique obscœna studia effæminatos tenent: & capillum frangere, & ad muliebres blanditias vocem extenuare, molitiæ corporis certare cum fæminis, & immundissimis se excolere munditiis, nostrorum adolescentium specimen est.* Fortasse de fœminis addam, quas*

quas scimus cum venia peccare, ubi viri gradum struunt? Iterum Seneca: *Video uniones non singulos singulis auribus comparatos: junguntur inter se, & insuper alii bini superponuntur. Non satis muliebris insania viros subjecerat, nisi bina ac terna patrimonialia auribus singulis pependissent. Ille de auribus queritur, alius de toto corpore. Pedibus etiam aurum & gemmæ adhibitæ. Ac Plinius scribit: Non tantum crepidarum obstragulis, sed & totis socculis addi. Neque enim (inquit) gestare jam margaritas, nisi calcent, ac per uniones etiam ambulent, satis est. Addit pro fastigio infanix, Visam à se Lolliam Paulinam, ne serio quidem ac solenni ceremoniarum aliquo apparatu, sed mediocrius etiam sponsalium cæna, smaragdus margaritisque opertam, alterno textu fulgentibus, toto capite, crinibus, spiris, auribus, collo, manibus, digitisque: quæ summam quadringentes HS colligebant, (decies centena millia Philippicum) ipsa confestim parata, mancipationum tabulis probare.*

Excusatio Objectorum.

Non est magnum opus hoc, quod hic acervatum; unius alteriusque manus impulsu diruetur, nec machina aut ariete alio adhibito cadent infirmi isti muri. Triplex accusatio structa, in *Probitatem*, in *Abstinentiam*, in *Continentiam*. Et videamus.

Fraudulenti quidam & perfidi fuere, rapaces quidam & crudeles, luxuriosi in cibis aliqui aut veste, sed quidam, sed aliqui: & hæc prima responsio sit, & scutum pro me firmum. Quid pungis aut invadis gentem totam ob pauculos tot sæculis nominatos? Fuisse non miror: nec id prodigium aut monstrum; imo esset, si non fuissent. An tu in hac facie nostra hominum puram meramque virtutem aliquam vis? Soles nobis imperiorum lucere sine nube, aut tonitru, aut procella? nec fuere ista, nec erunt: & Deus in superis illis locis, & liquido æthere, serenum hoc habet & servat, cætera omnia inferiora miscentur & turbant. Galbam aliquem aut Lucullum in Hispania nominas? Hortensium aut Pleminium alibi: quid ista sunt in tot millenis Præsidibus, qui boni & innoxii fuerunt? Ut si guttas aliquot aceti in magnum vas aquæ mulsæ jaciam, non ipsam corrumpam, sed gratiam fortasse magis ab acore aliquo addam: sic in magnis istis imperiis magis sentitur bonorum bonitas, si pauci interveniant acidi aut amari.

Et tamen (quæ altera responsio) adversa sæpe fuere, atque etiam animadversa. Hoc excuset Senatum & imperii præsides, quod legibus poenas dederunt, quicumque convicti sunt leges alibi violasse. Nonne id in Galba, Hortensio, Pleminio, Verre, & talibus? Nec Romanis igitur universis fraudi aut culpæ fit, peccasse aliquos, sed impune & libere peccasse. Paulum Æmilium attulisti, magnum virum, fateor, & uno illo vel colore culpæ, non enim culpa, indignum. Cur tamen cum invidiose rem totam narras, hoc callide files,

Senatum jussisse? Ex præscripto id fecit: quaecumque est, non jam ipse, sed Senatus potius accusetur. Cur tamen vel iste? Audi, & disc. Epirotæ illi omnes firmiter pro Persa steterant, Romanos oppugnaverant: quæ injuria est, si hostes hostium pœnas luant? At nimias, inquires. Nollem factum; sed ad coercendas rebellion-nes aut defectiones talia quædam a modestissimis Regibus aut Rebuspublicis facta, possum docere.

Addis solennem sævitiam Romanorum, ut puras, in expugnatione oppidorum; homines occidi, canes discari, animantes truncari. Miseranda sunt, non nego: nec tamen, ut censes, referenda inter admiranda. Quid dissimulas? non heri & hodie hæc fiunt in puberes & viros omnes, ubi vis ultima expectata? Et causa aliqua huic rei est, Terror: & non facile alioqui, manum & finem bellis imponere, nisi hæc interdum frangendæ pertinaciæ, usurpentur. At canes etiam disciti. Oridiculum, si in canes non licet, quod in homines! Hæc dici & excusari possunt, & vere possunt: non infiteor tamen, sub Sylla aliquo, Mario, aut Cæsare, & præsertim per civilia bella, jus omne & fas neglectum aut calcatum; sed mox attollendum ab Augusto, aut siquem bonum Principem Deus dedit. Illo medico opus fuisse fateor, Republica jam tam laxa & opulenta: & inter pares severitas aut terror esse non poterat, ad satis reprimendum.

Venio ad Continentiam asserendam. Argumenta in eam præcipua duo erant, Leges sumptuariæ ab antiquo latæ, & exempla aliquot luxus.

Quod ad leges, aio & affirmo, non firmitus pro frugalitate argumentum esse. Nam quod ex coercent aut emendant, quale est? ex emendatione apparet, quam videamus. Fannia ecce lex, sub bellum Ponicum tertium lata fuit in hanc sententiam: *Permitti diebus festis centenos æris; cæteris, denos.* Centeni illi æris 10 drachmas nobis reddunt, deni unam. O nuptias, repotia, natales, apparatus celebri, quibus Philippæus unus sufficeret in potum, in cibum! Quis de via aut ponte mendicus pene non plus hodie absumpserit? Atqui Respublica tunc satis opulenta & florens erat, & maxime sub Sylla: tunc & Græcicæ, & Asiaticæ deliciæ cognitæ. Videamus igitur, & laxè laetueque jam epulemur. Nam ecce tulit Sylla, ut feriis solemnibus 30 sesterstios liceret insumere; cæteris diebus ternos; 30 sesterstii sunt nostro calculo 7 drachmæ & semis, id est, nondum Philippicus: terni autem nec drachma. Lex Licinia prævit, in qua non nisi 30 asses (tres denarii) permitti diebus festis. Laxavit igitur & auxit Sylla. Sed quid hic sistimus? Augustus ille, qui Romam opibus & gaza Ægyptia replevit, & sub quo illa in ipso flore, Cibariam legem hanc tulit: *quæ profestis diebus, 200 sesterstis; Kalendis, Idibus, & aliis quibusdam festivis, 300; nuptiis autem & repotiis, 1000 finiantur.* Sunt 5 Philippæi, profestis; festis, 7 cum dimidio; nuptiis, 25.

Atqui

Atqui Apicios, Lucullos, Caligulas, Vitellios, adduxisti. Quid ad me? cum Rempubicam laudavi, plurimos in ea laudavi, nec aspicere debui, si quæ in tanto ac tam uberi agro malæ alibi & nocentes herbæ. Non obstant, quo minus hæc seges bona & laudabilis sit: nec tales certe mihi dabis ante labentem Rempubicam, id est, Syllanum ævum.

Notandum quoque est, apud Romanos interdum tantam rerum vilitatem fuisse, ut bos aliquis non nisi quaternis aut quinis drachmis constiterit. Plinius ita scribit: *M. Varro auctor est, cum L. Metellus in triumpho plurimos duxit, elephantēs, assibus singulis farris modios fuisse, item vini congios, ficique siccæ pondo 30, olei pondo 10, carnis pondo 12.* Si igitur carnis pondo 12 singulis assibus venit, fac bovem pependisse 400, aut 500, libras, quid erunt nisi quaternæ aut circiter drachmæ? Sed illa nimis vetera sunt, inquires. Nec id quidem, sed bello Punico primo, A. U. 502, evenerunt, haud longe à Catonis ævo. Bello Mithridatico, Lucullus prædas è Ponto agit, sic abundantes, ut mancipium 4 drachmis venale esset, bos, una; capræ, oves, vestes, alia, pari vilitate; ecce, bovem reduxi ad drachmam. Catonis ævo in Gallia Cisalpina medimnus Siculus (sex modios continet) non nisi duabus drachmæ partibus venit, nempe 4 obolis: metreta vini (12 congii sunt, si Atticam intelligis, & sunt libræ mensurales 120) tertia parte drachmæ. Viator in iis locis nihil cum diversitore aut hospite pascebatur, sed bene & laute habitus, abiens sollebat dimidiatum assem. O si nobis peregrinari ita fas! tota juvenis dilabatur, & abeat in beatas illas oras. Non tamen, ut serio loquamur, tam grandis vilitas hæc semper fuit.

Vestibus & viros fœminasque lascivisse, non nimis nego, neque excuso: concessu omnium peccet in nugis ille sexus, ad seria non aptus. Sed viri, parum aut nihil in veteri Republica: sub Principibus coepere, ne Principibus ipsis invitis. Frangi aut mitigari altos & generosos animos, vestium, conviviorum, ludorum deliciis aut remissionibus, haud abs re eorum est; nec Augustus & sagaciores illi ignorarunt. Itaque Tacitus scripsit: *Luxus mensæ, à fine Actiaci belli, usque ad arma, quæ Servius Galba rem Romanam adeptus est, per annos centum, profusus sumptibus exercitos fuisse.* Sed antea negamus.

De Doctrina Romanorum.

Abolvimus de *Virtute*, nisi placet ornamentum vel adjumentum ejus adtexere, *Doctrinam*. Nam & ea Romæ viguit, atque adeo ab ipsa condita Urbe, vel potius ante eam. Atque adeo erat transfusa ipsa Græcia in magnam Italiæ partem, cui & nomen reliquit. Exolevisse tamen hæc paulatim fateri debemus, & usque ad bellum Punicum secundum ratas Romæ vel elegantias, vel literas fuisse; Mars & horrida virtus omnia obtinebant. Postea capta ipsa Græcia victores iterum

iterum cepit, & feliciter artes suas intulit, & diffudit. Magno gradu tunc itum ad variam doctrinam, sed primo ad eloquentiam maxime ut quæ conjuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honeste oblectandos, facere videretur. O hanc quoque curam laudabilem ! & maxime, quia cum modo & temperie fuit, quod nec omnes passim se darent, nec nimis etiam se darent literis. Non omnes, sed primores fere, & ii qui vel erant in Republica, vel ad eam se præparabant. Et triplici illo ordine. Plebs ad militiam adspirabat, neque erat harum rerum Senatus & Equites, præter illam, animi cultum assumebant, & mente, non manu solum, conspici volebant. Modum quoque plerique servabant ; nec ut mancipia quædam literarum essent ; sed ut, quatenus opus, haurirent, & ad rem atque usum transferrent. Talis Scipio ille posterior, talis Cornelius Sylla, Pompeius, Lucullus, Cæsar, alii, uno verbo, quicumque in Republica eminentes postea fuerunt.

Itaque studium hoc doctrinæ publice viguit, & doctores paulatim, in privatis primo Principum ædibus, mox & in publico, ac stipendiis publicis, auditi, conducti, & præmiis varie affecti. Quis nescit, Cæsarem omnes liberalium artium doctores, qui Romæ essent, civitate donasse ? qui summus extero honos, & nulla pecunia æstimandus ; etiam nec hæc defuit, primo quasi è privatis loculis data, mox è fisco annuatim appensa. Primus id Vespasianus firmiter instituit. Qui Latinis Græcisque Rhetoribus annua centeta constituit. Ea reddunt 2500 Philippæos : ubi hodie vel eximiis doctoribus largiendos ? Atqui & Medicis quingena HS mercedem annuam fuisse, Plinius docuit : quæ sunt 12500 Philippæi. Cur ergo non admittam vel 600 excellenti alicui honorarium fuisse ? Imo fuerunt Eumeno Rhetori, & doctori in scholis Augustoduni, quem Constantius Princeps sub Augustis Diocletiano ac Maximiano salarium in 600000 nummum accipere jussit. Scilicet alienum nimis à magnitudine Romana est, 15000 Philippæorum singulari doctori, & qui Magister Palatii fuisset, dari ? nihil est : & credent mecum, qui veteres opes & animos satis sciunt.

Dè Diuturnitate Imperii Romani.

Vidimus, quam magnum Imperium Romanum à *Finibus, Copiis, Opibus, Operibus, Virtutibus, Virisque*, fuerit : & potuissimus addere à *Tempore*, ac diuturno statu. Nam quod alibi imperium, modice magnum, tam diu perseveravit ? Atque istud maximum tot sæcula stetit, & reliquæ ejus cum nomina, etiam nunc in Germania & Austriaca domo feliciter ecce vivunt. Itaque Plutarchi verba liceat usurpare : *Cum Fortuna alata sic ac vaga, & modo Assyrios, Medos, Persas, Macedonas, Carthaginenses, lustraverit, eosdemque reliquerit : videtur ad Tiberim alas posuisse. volubilem globum reliquisse, & Urbem quasi perpetim inhabitatura intrasse.* Quid Homeri jam olim vaticinium ? quam mirabile est ?

Nunc

*Nunc autem Trojana Æneas sceptrā tenebit,
Et nati natorum, & qui nascentur ab illis.*

Ille vero tenuit, & nati ejus; inter quos Romulus primus Regum, ex eo sanguine; & o occultam decreti vim! primus Imperatorum Cæsar. Et si autem mutatio aliqua status intervenit, tamen imperium mansit; primo sub Regibus, tum Consulibus, tum Principibus: & sub istis scissum divisumque, & caput alterum in Thraciam aut Græciam translatum.

LIBER I.

DE CRUCE.

Materies & Ordo Operis hujus iste: QUID CRUX, & CUIUS-MODI fuerit: UBI, QUARE, QUOMODO, & QUATENUS, usurpata. De his omnibus accurate & distincte dicetur.

De Nomine Crucis.

Crux significatione duplici, *laxa* & *adstricta*. Illa est, cum pro omni angore, tormento, atque etiam interitu, sumitur à Comicis passim, qui jubent, *Abire in malam crucem*; ut Gracchus, qui dixit, *Mala cruce perire*. Sed & Terentius à cruciando, Meretrices dixit *Cruces*. Adstricta significatio est, & vulgo receptissima, cum peculiariter cruciatum & interitum notamus in ligno. Dixerunt & alio nomine *Gabalum*, voce Hebræa: nam illis *Gab*, excelsum; *Gabal*, terminus aut rectus stipes in agris. Quid nisi tale crux, quæ erecta, & in excelsis? Et Germani patibulum *Galgen* vocant. Dixerunt aliter, *Infelicem arborem, lignum, stipitem*. Dixit & *Infamem stipitem* Poëta incertus. Natæ appellationes à judicio & sensu vulgi, quibus hoc supplicium in horrore pariter & vilirate. Et quamvis *Crux* proprie in ligno, tamen similitudine etiam ita dicta suspensio aut fixio in alia paratura, puta in monte aut petra.

Nomina vero supplicii, quod per eam, sunt ista, *Cruci suffigere, in cruce suffigere, Cruci affigere, Crucifigere*, crebra sunt. Illud minus. *Figere*, ἀνέλεω, & sine additione, quod alii, *Configere*. Suo etiam & proprio verbo appellarunt, *Cruciare, Crucificare*. A *Crucio*, five *Cruce* ipsa, *Cruciaris* dictus is, qui in cruce, vel qui ea dignus. Quo modo & *Verberonem, Flagrionem, Mastigiam*, dicimus, verberare, flagro, mastigare, dignum. Qua mente & *Vinum crucium*, insuave, acerbum, Festus observat.

Græcis duo fere Crucis nomina, σταυρός & σκόλοψ. Illud frequentius, quod tamen proprie non nisi stipitem signat singularem & erectum. Latine dixeris *Palum*, five *Vallum*. Vox facta σταυρὸν τὸν σταυρὸν, hoc est, quod ad aërem sicut,

stent, vel quod in latum. Lucianus derivat à Ταν littera, quæ figura crucem refert. Jam Σταυρός proprie vallam sudemque significat acutam. Appellant etiam ἰσχίον crucem. Duo autem sunt verba, quibus ipsam crucifixionem signabant, ἀνασταυρῆν, & ἀνασκολοπίσεν. Ita enim plerumque compositæ, ad elationem scilicet fixationemque in alto notandam; etli alias etiam simpliciter σταυρῆν & σκολοπίσεν. Sunt & alias duo verba, quibus vulgo valde usi, προσελῆν, & κρεμῆν, sive ἀνακρεμῆν, quorum illud clavationem ipsam in ligno proprie notat, hoc suspensionem. Tale apud Latinos ipsum *Suspendere*, quod ad crucem referendum.

Diviso Crucium.

Rem ipsam ordiamur; cui illustrandæ duplex genus statuo, *Simplex & Compactum*. Illud voco, cum in uno simplici ligno sit affixio, aut infixio. Quæ crux, meo judicio, primâ fuit, & in aliam speciem à rudi hac ventum. Sed ea quoque duplex; altera ad *Affixionem*, altera ad *Infixionem*. Nam alias ad arborem sive stipitem alligabant figebantque hominem. Nec ambigimus, arbores plerumque huic rei servisse, præsertim in grandi numero cruciandorum, sive recisas leviter, & ad crucem apratas, sive etiam comantes. Sed & in stipite simplici idem fuit. Atque hæc fuit in simplici Cruce affixio.

Est & in eadem *Infixio*, cum nudum hominem erecto acutoque stipiti infigebant, ea forma & facie, quam docent Scriptores. Seneca: *Cogita carcerem & cruces, & adactum per medium hominem, qui per os emergat, stipitem.* Viden' clare, medium hominem scissum & transfossum? Vulgo dicitur *Impalatio*. Et hoc proprie est Σταυρός, & σκολοπίσεν, ubi legitur plerumque referendum ad hanc formam. In hac cruce, quam *acutam* vocat Seneca, habitus erat hominis ab infero in superum sic transfixi, quasi federet. Hoc ipsum genus ἀνασκολοπιῶνται dictum Græcis, quasi diffindere & diffecare. Item ἀνασκολοπιῶνται.

At *Compacta* crux est, quæ manu facta, idque è duplici ligno. Hæc est plena & vera crux, in qua brachia etiam explicantur, atque ideo *Patibulum* non semel dicta. Hujus species triplex: Est *Decussata*, est *Commisssa*, est *Immissa*.

Decussata est, in qua duo ligna directâ & æquabilia inter se obliquantur. *Decussare* hoc enim Romani dixerunt. Hieronymus: *Decussare, est per medium secare; veluti si duæ regulæ concurrant ad speciem literæ X, quæ figura est crucis.* Hæc illa est, quam *Antæcanam* hodie dicimus, valida & satis veteri fama, divum istum in ea cruciatum.

Jam *Commisssam* crucem appello, cum ligno erecto brevius alterum, superne, & in ipso capite committitur, sic ut nihil exstet. Ea forma examussum est in T littera, quam uno ore omnes cum cruce componunt. Astringunt etiam picturæ, & nostra lingua. In illis quidem,

dem, passim hodie videas D. Antonii, vetustissimi monachi, penulæ & manui assui aut imponi hanc crucem. An quia Ægyptius ille vir, quibus jam olim notum, & inter sacra hoc signum? Certe in obeliscis, qui inde Romam vecti, sculptum sic videtur, cum annulo tamen vel ansula superne. Certe in penula aut veste monachorum crux, imo cruces. Quod autem manu tulerint, hodieque in Æthiopibus sive Abyssinis ille mos, uti vulgus reliquum cruces è collo pendulas gestet, monachi hoc amplius etiam manu, auctor est Damianus a Goës. Ægyptiis autem litera T olim inter notas hieroglyphicas, & significabat *Vitam venturam*. Atqui & à lingua nostra argumentum petii: nos enim Germani hodie bacillos in hanc formam, quos ægrorum brachiis sustentaculum subjicimus, vocamus ipsa Latina voce *Crucken*.

Denique *Immissa* crux est, cum ligno erecto transversum alterum injungitur atque immittitur, sed sic, ut ipsum fecet. Ita eminentia hic semper aliqua & capitellum, aliter quam in *Commissa*. Etiam anguli hic sive fines quaterni, illic terni. Ingerunt eam oculis pieturæ pariter & scripturæ priscæ.

Habes omnes crucium species. In qua earum ille mortuus, qui morte sua nobis vita? In illa postrema, quæ quatuor finibus universum Orbem complexa est, non sine mysterio, quod toti Orbi mortuus, Salvator noster pendit. Nec ambigi profecto potest, in tam veteri Christianorum sensu.

Cruce ubi usitata.

Cruces satis vidimus: *Ubi* gentium eæ in usu fuerint, addemus: etsi uno verbo pene dixerim, ubique gentium receptas. Oriens quidem plerumque usurpavit, idque jam olim. De Syris, in *Esthere* scriptum. De Judæis, in sacris libris sæpius. Ægyptios etiam usos reperio; & Persas crebro: sed Afros vel omnium creberrime: qui non in viles modo, sed illustrissimas Personas adhibebant. Atque à Senatu Carthagenensium etiam in Duces, bella pravo consilio gerentes. Video & Græcos usitasse. Jam Romanis vetus veterrimumque supplicium patibulorum. Si Livio fides, statim sub primis Regibus usurparunt; & exemplum in Horatio, cui id sub Tullo parabatur. Etsi Cicero dissentire videtur, & horridum illud carmen ad Tarquinium Superbum auctorem referre. Utrum horum est, video etiam libera Republica statim in usu cruces: An Germani usi, dubium.

Causa variæ hujus Supplicii.

Plurifariam igitur receptæ cruces, sed vix tamen, nisi in homines viliores, Romano quidem ritu. Atque apud eos servorum fere hoc supplicium, aut plebejorum, qui juxta servos. Ea adeo peculiare hoc servis, ut nomine *Servilis supplicii*, crux veniat capienda.

Servile

Servile igitur hoc supplicium, sed non ob levem aut quotidianam noxam, sed graves erant, & in extremo supplicio extrema causa : ut Delatura domini ; & in genere, omnis machina contra dominicam salutem. Item Fuga, sed diuturna, aut repetita. Hæc & plura in servis, quos mitiores durioresve domini, gravius, mitius, pro arbitrio sunt puniti.

Quid autem in liberis ? Rara crux, ut prædixi. Quin remove prorsus ab hoc genere Lactantius videtur. Sed frænanda ea assertio est ; & cive quidem indigna crux, nec credo usurpatam in eos, nisi præter leges, & per sævitiam : viliores liberi, & provinciales, non ab ea profecto immunes. Atque hæc crimina in iis cruciaria. Primum, Latrocinium. Deinde, Sicariatus. Tertio, crimen Falsi. Anne & Furtum ? ita, sed non Romæ. Et mirum ni è Gallis Germanisque isti Reges, quorum moribus etiam nunc fures ad furcam. Alia etiam crimina in hanc pœnam, ne ambigas.

Cum hæc vidimus, pie, non curiose, quæro, in Servatore nostro quis prætextus (nam causa numquam fuit) ad crucem ? Blasphemiam aliquis dixerit, ex vocibus & judiciis Judæorum. Atque ipsi sane ita apud Pontificem accusant, & huic noxæ testes quæruntur, & ipse denique Pontifex ejus damnat. Attamen si legem spectes, hi tales lapidibus, non cruce, puniti. An non verius ac simplicius, totum illud judicium, etsi judicii dissimile, Romanis moribus legibusq; directum ? Mihi videatur : & respondeam, damnatum innoxium nostrum Agnum, quasi Seditionis nomine & Regni affectati. Certe Romana lege, auctores seditionis aut tumultus, pro qualitatibus dignitate, aut in crucem tolluntur, aut bestiis obijciuntur ; Quod autem sic etiam apud Pilatum accusatus, Lucas clare. Credidit, nec credidit, Pilatus ; & titulum tamen causamque mortis inscripsit, *Rex Judæorum*.

In hos ergo tales ex ordine & more crux usurpata. Interdum regnum ei largius, & præsertim apud Reges : nam hi ex libidine sæpe ita sævierunt in hostes aut rebelles, & uno tempore multos. Alexander Magnus 2000 Tyriorum, capta eorum urbe, crucifixit. Alius minutus Alexander in Judæa, convivans in publico & conspicuo loco, una cum pellicibus, iussit in crucem dari Judæorum ad 800. Quinctilius Varus, ex eadem gente; ob nescio quem motum, crucifixit circiter 2000. At Titus in obidione illa exitiali, 500 & plures, in singulos dies crucibus affixit : & ob multitudinem terra crucibus & cruces corporibus deerant. Jam & Augustus confecto bello Siculo, 600 servorum, quorum domini non exstabant in crucem egit. Et in Christianos Tyranni crebro adhibuerunt, atque eos numerosos : sic uno tempore, uno loco, ad 10000, interfecta. Atqui nec a foemineo sexu abstinuerunt hoc supplicium : & Tiberius, ob adulteratam in templo Isidis Paulinam. Sacerdotes crucifixit, & Idam, (ancillæ nomen) quæ corruptelæ causa fuerat. E Christianis etiam Beata Eulalia cruxi affixa, Sancta Julia, & aliæ.

LIBER II.

DE MODO CRUCIFIGENDI.

Dixi satis *Quid* Crux, & *Cujusmodi* fuerit, *Ubi* & *Quare* usurpata; pergo longius, & universum hoc poenale ædificium exstruo, per singula etiam membra. Dicam enim *Quomodo* usurpata; & non solum animis, sed pene oculis subjiciam sævitiam & fœditatem ejus supplicii; quæ sane magna: nec temere Cicero crudelissimum teterrimumq; appellavit: & Poeta Nonnus, ἐλπίστον πᾶσι ποῦλον, damnatissimum quoddam fatum. Quin etiam Jurisconsulti nomine *Summi supplicii*, velut ob eminentiam, designant istud. Ab eadem mente *Supremum* Ulpianus dixit. Dicta hæc ipsa *Extrema pena*: Nam ex Jurisconsultorum mente, Crux etiam supra ignem, si infamiam, magnitudinem, & præsertim diuturnitatem poenarum, in ea attendis.

Sed sævi fœdique quid in hoc supplicio fuerit, *Modus* ipse dixerit; quem graphice imus repræsentatum. Duplex autem iste modus, *Vulgaris*, & *Rarus*. Ille receptissimus, & quo vulgo utebantur. Alter magis sepositus, nec in tam assiduo usu. De illo prius, & quidem ordine, hæc tria: *Qua ante fixationem*, *Qua in ipsa*, *Qua post ipsam*.

Qua ante fixationem.

Ante fixationem duo adhibita: *Flagellatio* & *Deductio*. Flagellatio quidem solennis antecessor, & raro in crucem dati, nisi sic purpurati. Solennis ergo mos, imo lex: & horrendum carmen diserte canebat: *Verbera intra aut extra pomarium*: & tum denique succinebat: *Arbori infelici suspendito*.

Verberati igitur: sed utrum virgis an flagellis? Illas interdum reperio, sed magis crebro ista. Discrimen enim esse scimus: & quia virgæ honestiores, inhonestissimo huic supplicio attributa flagra, servorum propria, ab ingenuis, tum à fœminis, remota maxime. Flagella autem hæc aspera, adeo ut Ulpianus scripserit, ministrorum immanitate multos sub ejusmodi flagellis interiisse. Fuerunt enim taxillata; siquidem infirmitas talis, aut ossiculis, exasperabant. Factum Romæ, & alibi. Apuleius agnoscit, & *Flagrum pecuinis ossibus catenatum*, scite Appellat. Ille idem Gallis Matrideum adscribit. Antale aliquod flagri genus, quo Christus etiam noster cæsus? imaginantur aut pingunt per pietatem nonnulli. Haud ego assens; sed illud Evangelistæ, cæsum esse, & quidem flagro. Hoc ἰσχυρῶς Nonnus appellat, *flagellum loreum*.

Fla-

Flagellatio hæc non uno semper loco, aut tempore. Aut enim ante Deductionem utebantur, idque domi, aut in prætorio : quod in Servatore factum. Aut in ipsa Deductione per viam : quod moris fuit magis præsci. Si domi, ligabant interdum ad columnam. Id de Servatore nostro non ambiguum, piis quidem & in religione antiquis : etiam enim Evangelia non expriment, secuti tamen Patres. Quid per viam ? sub furca id factum ; de qua suo loco dicetur.

Ad Deductionem venio, in qua duo observo : *Ludibrium & Tormentum. Ludibrium*, quod ipsi coacti crucem suam ferre, aut certe ejus partem ; ut vere esset istud, quod dicitur ; *Suo sibi jumento malum*. Atque ita Johannes de Christo : *Bajulans suam crucem, exiit in locum Calvaria dictum*. Qua sola causa vetera quædam vaticinia ante imagines, ductores nostri ad Christum trahunt. Et Christus sane totam plenamque crucem tulit : ni fecisset, quid opus erat auxiliatore & subsequa, qui allevasset ? Alii non semper totam : atque ideo caute prædixi, *ejus partem*. Nam qui ritu veteri sub furca cæsi ducebantur, ferebant non nisi istam : Imo interdum nec istam : nam fac in arbore aliqua crucifixum, & subito, profecto præter se nihil tulit.

Tormentum etiam in Deductione : quia trahere, divexare, & stimulis agere, per viam solebant. Nec dubium est, quin impulerint, dejecerint, erexerint, per sævitiam aut per lusum. De stimulis etiam non temere addo ; & aperte auctor affirmandi Plautus.

Qua in ipsa fixatione.

In ipsa fixatione tria consideranda, *Suspensio, Adstrictio, Inscriptio*.

SUSPENSIO præit, & ante illam etiam nudatio, quia simul ad crucem ventum, spoliabant hominem & sic in eam dabant. Receptum hoc in plerisque suppliciis, velut Naturæ suasu, quæ nudos induxit in vitam, & educit ; etiam in isto. In Christo factum hoc observes, quem Evangelistæ narrant recepisse vestes post flagellationem jam deducendum, & posuisse iterum deductum. Ergo nudi dari in crucem ; sed jacentem, an erectam ? Pro jacente Acta vetera de Pionio martyre satis clare stant. Et ratio etiam aliqua suadet. Nonne enim facilius hominem sic affigere supinum & inclinatum, quam tollere in erectam pendulum, labentem fortasse & reluctantem ? Videtur. Tamen, quod in erectam, plusculi affirmant testes. Nec video quid obduci possit, nisi istud infirmum, statutas quidem, sed sub adventum noxi, iterum demissas, Quis credat ? aut irriti laboris quæ ratio ? Abnuunt etiam phrasæ veteres, quas scimus plerumque assimiles rebus ipsis. Dicunt enim, *Tollere, Agere, Ferre, Dare, in crucem*, quæ omnia elationis sunt aut motionis. Item in ipsis fontibus, *Excurrere, Ascendere, Salire, in crucem*, quæ mihi videntur convenire non nisi in erectam. In hoc dissensu quid definimus ? consentum, quia licet. Dicimus, utrumque usurpatum, sepis

ſæpius tamen hoc poſtremum. Imo interim neceſſario hoc poſtremum. Pone enim in arbore ſuſpenſos, (ſæpe factum;) quomodo demitti ea potuit, & tunc attolli? Qui ſi de tranſverſario tantum ligno capies, in eo ſigi ſolitos, & deinde ſubduci atque appendi? Pugna omnis ceſſet.

ADSTRACTIO facta clavis, aut funibus, ſed plurimum illis. Atq; ab hac re Græcis paſſim ipſa crucifixio *προήλασις*, dicta, quaſi dicas, *Clavi-fixio*. Et *προήλασθαι*, *cruci affigi clavis*. Funes etiam adhibiti, & quorundam iudicio videntur neceſſarii fuiſſe in omni fixatione: Nam volunt manus ligatas, ne ſe ſubducerent ad ictum, aut commoverent, tum etiam ut firmius & cum adminiculo penderent. Deinde & alterum funem ad peſtus corpus ambiſſe ſub ipſas alas, eoque ſublevatum hominem & attractum in ſummam crucem. Id porro factum admotis utrimq; ſcalis. Et ſane de ſcalis, apponere eas pene neceſſarium videtur, utique ad erectam crucem. Quomodo alias ſubduxeris, aut fixeris? Funibus autem alligari, magis ſævum habitum. An ſic quoque appenſi latrones bini, cum Chriſto? Vulgo ſentiunt, nec aliter pingunt. Tamen falſo, quia illi pariter ac Chriſtus fixi. Nonnus affirmat, & magis hiſtoria priſca, quæ eſt de Helena Conſtantini matre. Ea cum veniſſet ad ſacra & Deo homini trita loca, cupidine viſendi & venerandi, de Cruce etiam quaſivit, noſtrâ illa ſervatrice. Fodit, tres reperit, ac diu animi anceps hæſit, quæ eſſet illa vera: nam titulus, quo dignoſci potuiſſet, jacebat ſeorſim diſſectus. Deniq; miraculo & divina indicatione opus fuit ad diſcernendum. Quid autem opus, ſi veſtigia clavorum modo in una? Argumentum certum eſt, & res ipſa per Eccleſiæ Annales.

Clavos autem iſtos, ſive & funes, in manibus pedibusq; fuiſſe ſatis notum. At quam multi iſti clavi? Enimvero diſſident. Alii de ternis aſſerunt. At contra tendunt alii, & ſuggerunt quaternos. Utriq; de Chriſto id volunt. Quid, quod Plautus ex more aſtruere videtur quatuor? Quàm magis conſidero, tam magis hoc dictum cenſeo; cum id quoque reperiam, per ſævitiâ multiplicatos alibi clavos. Interdum & in alia corporis parte. Itaq; ſi morem veterem vides, arbitrium fuit de clavis, & fruſtra litigemus. Si de Chriſto tamen quaeritur, nescio; & in diſſenſu Patrum non eſt noſtrum arbitrari: prior tamen ſum in quaternos. In templis Græciæ hodie paſſim Chriſtus cruci affixus, diſparatis pedibus ſic pingitur. Modus figendi fuit, ut manus primum figerent, inde pedes. Atq; initium à manu dextra; tum itum ad pedes. Sed ambigas, manuſne fuerint toti moli ferendæ? Apparet enim, corpus omne (præſertim ſi quis pedes inflecteret) pependiſſe à manibus ſolis. Ita arbitror. Quidni? Duræ & nervosæ illæ partes, & lentæ frangi. Fortaſſe nec in media ſemper manus vola clavi fixi, ſed ſuperius paulo, qua cum brachio coit, id eſt, circa carpum. Sed puto equidem amplius; ſi corpus gravius, aut manus tenuior, adminiculum ſæpe fuiſſe funes. Illos quoq; addi-

ros, & circa humeros aut pectus medium ad crucem adstrictos. Hoc malim, quàm cum aliis asserculum sive tabellam inducere, in qua innixi & fixi simul pedes; nimis accuratâ ea fabrica, imo delicata. Tamen in Christi Cruce Gregorius Turonicus agnoscit: quiane fuit, an quia pie imaginatus est? Tamen in picturis sculpturisque priscis etiam tabellæ hujus vestigium existare audio; non ergo temere spreverim; non certe a Christi cruce: de aliis, audacius.

Post Adstrictionem INSCRIPTIO. Quid ea est? Causa supplicii, & ipsum crimen, & Romana voce *Titulus*, qua & Johannes est usus. Matthæus *αἰτίαν* bene & signanter dixit. Glossæ Græcicæ veteres, *Αἰτία, causa, materia, titulus*. Eadem Latine, *Titulus, ἐλάνχον*. Latini etiam passim pro causa. Atque hic Titulus præferri solebat damnatis, cum circumducerentur: id quod etiam *Traduci* dicebant, cum ostentui duntaxat per ora populi ducebantur, & sæpe alibi puniendi. Sed & appendi, aut apponi damnatis solebat titulis: & sic Gladiatores quoque productos cum titulo, Quintilianus ostendit. Sæpe etiam, neglecto aut spreto titulo, contenti Superdictione fuerunt, id est, ut Præconis præeuntis voce populo id nunciaretur.

Quæ post fixationem.

Bene jam & fideliter fiximus: quid post fixationem? Hæc tria, *Mors, Corruptio, Custodia*.

MORS, lenta, molesta, & vel a stillante paulatim sanguine, vel à sanie. Quid si etiam ab avium ferarumque laniarum? videbimus, & singillatim deducemus. De sanguine, quem dimittebant fixi, clarum est, nec testimoniis eget: & tum ea de causa, tum ex acri verberatione, quæ præverat, credo invalidiores multos obiisse. Itaque legas quosdam diu in crucibus vixisse, ut ingenitum scilicet robur erat aut vires. Beatus Andreas in cruce suspensus, in ea populum docens biduo supervixit. Victorinus sub Nerva, jussus suspendi capite deorsum, ita per triduum vixit. Timotheus & Maura in cruce novem diebus vivi pendentes, ac se ipsos in fide corroborantes, martyrium consumpserunt. Unde hæc vis aut vitalitas, nisi a vitæ ipso fonte? Quamquam & alii quidam animosè egisse in extremis illis rebus legantur: velut Bomilcar apud Justinum; qui patibulo suffixus foro medio, magno animo crudelitatem civium tulit; adeo ut de summa cruce, veluti de tribunali, in Pœnorum scelera concionaretur. Quidam etiam perulenter: ut potervuli apud Senecam, qui ex patibulo spectatores suos conspuerunt. Quidam etiam miseratione Principis aut Magistratum e cruce ablati, post vixisse legantur.

At de laniatu etiam addidi, & causam illam quoque feci mortis, laud temere: quia sic ligati, & cum sese non commoverent, dati revera canibus laniena, atque avibus cunctis; atque id vivi etiam. Quin reperio in sententia judiciali quoque id aliquando expressum. Itaque Apuleius proprium hunc refert patibuli cruciatum, cum canes

& vultures intima protrahunt viscera. Hinc discas licet, cruces non se nper fuisse per-altas : quomodo enim, si canes attingerent, atque etiam lupi ? Nam & hos Catullus addit. Ille mortes. Nisi quod interdum lanceis etiam transverberati legantur. An ad accelerandum fatum, an explorandum ? Illud fuit in Marcelliano & Marco : Illud in nostro Domino, cui miles jam mortuo lancea latus aperuit, scilicet periculum an bona fide obiisset.

Non autem & crura iis fracta, inquires, atque ita interempti ? Vulgo invaluit hæc opinio, sed vulgo. Qui penetrant & examinant, vident disparata hæc supplicia & seorsum fuisse. Induxit vulgum, quod in sacra historia latronibus duobus crura fracta leguntur. Atqui sciant, pro moribus Judæorum id fuisse ; atque illic tortasse tantum. Et cur hoc Judæi ? ne fraus legi fieret, quæ jussérat, ad Solem occasum suspensiosos deponi. At deponi nisi mortui non debebant : diutius autem plerique vivebant : ergo hæc, aut alia via mors festinanda. Alia etiam dico via, nec crediderim fuisse hanc solam.

Ergo Crurifragium proprie nihil ad crucem : tamen quia sese ingerit, & vile atque item sævum est juxta crucem, breviter de eo dicam. Vox ipsa proba & vetus. Glossæ præce, *Crurifragium*, *καλοκρητις*, atque alibi *Crurifragium* recte etiam scribunt. Ipsa res antiqua : & jam Plauti, & ante, ævo, passim Crurifragium minati servis. Et credam, ut crucem ipsam, peculiare fuisse servis ; sed ita, ut liberi non immunes, sive in crimine, sive potius per sevitiam vindicantis. Et in Martyres nostros plurifariam sic sævitum. Modus hujus supplicii, ut incus cum malleo vel vehtë ferreo interretur, ac tibias incudi imponent, validis ictibus sic frangendas. Sublatum hoc supplicium a Constantino, Victor asseverat. Aliud autem est a fragio crurum. *Exsecare crura*. Hoc enim proinde est, ac nervos aut suffragines succidere : Vetus sævitia, & Annibali usurpata in Romanos. Usurpatum etiam fuit Tyrannis in Christianos.

CORRUPTIO jam post Mortem : quam sic intelligo quod nec mortuos deponerent, sed tabo illic passi sunt diffluere, & a Sole ac pluvia corrumpi. Hanc in cruce putrefactionem intellexit Theodorus Cyrenæus, cum Tyranno minanti eam, respondit : Sua nihil interesse, humi, an sublimè putrescat.

Itaque hoc sine assevari in cruce, & deponi, rarum omnino fuit. Ne quis autem deponeret, Miles & CUSTODIA assevit. Possis ad hanc custodiam illud Evangelistæ referre : *ἔχετε καὶ τὴν ὑπάρχουσαν*. *Habetis custodiam ; abite*. Cuius Pilati vox fuit ad Judæos petentes assevari monumentum. Videtur autem intelligere custodiam, quæ paulo ante ad crucem : nisi quis malit, *Habete custodiam* ; quam ab imperante, & indignanter dante. Vox enim Græca in utrumvis valet.

LIBER III.

DE MODO FIGENDI RARO.

ABunde, quæ ad *Vulgarem* crucifigendi modum, diximus : *Rarus* superest, quem ipsum pari cura imus expunctum. Eum supra descripsimus, (& vox præfert) sepositum, & minus in assiduo usu. *Sepositum* Aëvo, *Inusitatum*, vel SCHEMATE, vel FINE. De his tribus ordine & partite dicam.

Modus Rarus Sepositus. A. V. O.

Aëvo seposita *Furca* est ; olim quidem in creberrimo usu, sed quæ paulatim deliit atque abolevit. Mentio crebra non in historiis solum, sed Comædiis priscis : mentio tamen magis, quam explicatio. *Furca* duplex : *Vetus* & *Nova*.

De Furca veteri.

Furca Vetus, priscis Romanis (non enim apud alias gentes legi) usitata : atque hæc rursus duplex : *Ignominiosa* & *Pænalis*. Illa est, qua collo imposita servi circumduci solebant ob culpam aliquam, ostentui & ad irrisum. Hinc *Furcifer* dicebatur olim, qui ob leve delictum cogebar a dominis, ignominie magis quam supplicii causa, furcam circa urbem ferre, prædicans peccatum suum, & monens cæteros ne quid simile peccarent. Atque hæc illa prima est, ab ipsa re & sine *Ignominiosa* dicta, quæ origo aut exemplar tamen *Pænalis*.

Pænalis ea est, qua item collo impositi circumducti, sed cum verberibus, & pœnæ causa. Atque adeo mors plerumque huic consequa : sive sub ipsa furca ad necem cælis, sive cum ea in crucem latis. Nec servi solum, sed & interdum liberi sub furca cæli. Sed cum in crucem cum furca lati, ligati ad furcam, & sub ea cæli, per viam ducebantur ; fixi deinde ad eam, tollebantur in crucem. Ergo sub furca ad supplicium acti : sed numquid in ea appensi ? Ita ; quia hæc *Furca* non aliud quam *Patibulum* fuit. Alligari autem brachia manusque ad hanc furcam solent, atque ita circumduci, mox in ea attolli. Hinc in Plauto legis : *Dispositis manibus patibulum habere*. Item, *Ire patibulum per vias*. Atque hinc illa phrasis, *Patibulo crucis affigi*, quia *Patibulum* scilicet hoc sensu pars crucis Distinguit & Tacitus, *Patibula, ignes, crucis*. Et quod patens hæc transversaq; pars sic dicta, Seneca indicat. Sicut inferior defixusque ilipes *Crux* proprie dictus.

Quæ forma *Furcæ* fuerit, obscure traditum in veterum scriptis. Ex his tamen tres elicio opiniones de *Furca*. *Prima*, *Furcam* potuisse esse faciem, qua nostrum hodie *Patibulum* : atque id ipsum reliquias & exemplar esse à pœna prisca. *Secunda*, lignum fuisse geminum, quod a tergo per humeros, & ante per pectus, hominem medium includeret, atque ita rectum ad expansas utraq; manus iret.

Tertia

Tertia, Furcam, veram esse furcam, quam hodieque dicimus, & quam Varro indicat, quod singula ibi extrema bacilla furcillata figuram habeant literæ V. Pro hac sententia multa sunt. Primum, quod furca *διεραυ*, item *διεραυρίσθαι*, *Furcifer*. Quid, quod in curribus hodie, qua temo cum axe coit, furca est sustentando illi aut fulciendo? Præterea cum de sercriptione Dionysii convenire videtur examussim. Da furcam istam paulatim divaricantem; ab humeris per pectus, & inde manus veniat; est illud ipsum lignum, quod descripsit. Jam Plauti Carbonarium, quo nisi huc referas? Ecce qui lignarios fascēs, aut Carbonum facellos hodieque ferunt, furcam jungunt, cujus caput cum exstantia aliqua bacillorum, à tergo est, longiores duo fines diversi per pectus descendant, & manu utraque (quasi contra nixum) sustentantur. Atqui, inquires, manus hic non in alto expansæ. Fateor, non in alto; expansæ tamen; & cum funibus traherentur, ligatis ad extremas manus, etiam protendebantur tolleranturque.

Suspensionis modus pro formis est distinguendus. Si prima placet, res facilis: in trunco abscisso, in paxillo infixio, imo in fissura superne facta, potuit firmiter appendi. Si altera; tum sic censeo, ductos quidem cum duplici ligno ad crucem, sed non cum utroque in eam actos. Quod ante pectus, dispositum putem, manus fixas in altero, atque ad ipsum in trunco, paxillo, fissura firmatum, ut prius. Nec absurda aut vero nimis extranea sententia est, cum & *Patibulum* reperiam singularem ejusmodi rectumque stipitem dictum. Atque ego amplius arbitror: etiamsi olim Furca alia facie fuerit: tamen commodi causa, & quia pronior faciliorque hæc appensio, successisse singulare hoc rectumque lignum, & id tulisse in humeris, manibus inibi revinctis, in eoque mox figendis. At si tertia sententia sederit, duplex potuit fuisse suspensio. Prior ista, quod hominem sic revinctum clavis in loco fixerint, tum furcā sublatam appenderint funibus iis ipsis, quibus traxissent, vel etiam aliis. Posterior, quod furcam ipsam, sed inversam, in trunco aut paxillo appenderint.

De Furca nova.

Sequitur Furca *nova*, quia ævi inferioris inventum. Ea est instrumentum e ligno triplici, forma jugi veteris, cui appensos homines laqueo strangulamur. Hodie quoque usum & speciem hanc habet in pleraque Europa: priscis incognita. Pœna quidem laquei Homero expressa, qui facit impudicas ancillas ab Ulyse sic puniri: atq; idem *infamem* & *impuram mortem* vocat; Plinius *præposteram*, quia spiritus intercluditur, cui exirus quærebatur. Panegyrista appellat *femineam*, Victor *postremam*, est enim ignava & vilissima mors. Istud mortis genus a Græcis usurpatum vix invenias; nec a Romanis quidem in publico; etlii in carcere damnatis gulam laqueo frangebant, sed non ut appenderent. Credo cœpisse, cum crux desit, & vicariam illi factam, Isidori quidem ævo nomen hoc & usum habuit.

buit. In libris legum, quas Tribonianus atque ejus adjuvæ collegerunt, satis frequens hoc nomen: & ut opinor, significatione novicia, quæ sublato crucis supplicio, quidni etiam Furca vetus? Itaque ipsos Jurisconsultos usurpasse, non habet fidem apud Juris & moris antiqui peritos, qui vere notant, substitutum id pro cruce: causa aperta & liquida, quia Constantinus lege lata sustulerat crucem. Ergo ipsi quoque, qui leges collectum ibant in ævi illius & sequentis usum. Quo ipso sensu inferiores Græci dixerunt *παλιν*, in furcam agere, asperiore illa litera mutata. Credo autem, hanc furcam primo non nisi dimidiatum Patibulum fuisse, id est, facie adhuc aliqua furcæ; paulatim, & quo plures appendi possent, immutasse.

Modus rarius & inusitatus à SCHEMATE.

Alter modus, qui *Schemate* a Vulgari diversus, est, cum alio atque alio habitu hominem affigebant. Id quoque factitatum, ut ingeniosa est crudelitas in pœnas. Hæc schemata varia fuere. Est illud, quod *Inversum* dixeris, cum hominem in caput suspendunt, pedibus sublati. Martyribus in Ægypto id factum, Eusebius ostendit. Quod ipsum in D. Petro, sed eo rogante, ne assimilaretur magistro. Et Petrum quidem etiam clavis inibi fixum, Chrysostomus testatur. Sicut & Calliopius Martyr. Tamen in runibus adstricti, ut Philippus Apostolus.

Reperio & obliquos super crucem cruceve positos. Legitur id in Plutarchi Artaxerxe. Et hæc *Obliqua infixio*. Video & inter duos palos dissepiss manibus pedibusque alligatos: ut in Martyrologio de Anastasia. Hæc *Decussata*. Video & inter arbores appensos, & reductis, is scissos. De Corona Martyr. Quod ipsum Schema ad cruces refert Propertius.

Modus inusitatus à FINE.

Tertius figendi modus Rarior, qui *Fine* divertit à vulgato, est, cum cruces alio spectant, & hominem capiunt moriturum in ipsis, non per ipsas. Tale, cum appensi flamma aut fumo necati. Olim factum ex Cicerone discas. Alexander etiam Imperator quempiam, qui fumum vendiderat, quali compari pœna affect. Atque in nostris Martyribus hoc genus crebrum: ut in Pionio, & Polycarpo, antistite Smyrnæorum. Quin uno etiam tempore plures appensi pedibus in sublime, capite verso deorsum, suffocati fumo, & lento igne consumpti sunt. Et Tertullianus significat, adeo crebrum in majores illos nostros & in religione Proceres supplicium hoc fuisse, ut in illudium convitiumque venerit; & Christiani vulgo *Semantii*, a stipite, cui adstringebantur; & *Sarmenticii*, a sarmentis, quibus urebantur, sint dicti. Lapidibus etiam in cruce obrutum Philippum Apostolum, videtur vulgata opinio esse.

Crux & ista *Fine* alia, cum homines in ea fixos bestiis objiciebant. In publicis spectaculis id sæpe factum. Sic Blandina Martyr, in ligno suspensa, prostanta est esca & laniena incurrentium ferarum. Sed factum

factum & non Christianis. Atque ad hunc ipsum morem infamis & infanda illa turpitudine Neronis, qua viros feminasque ad stipitem ligatos, ipse feræ pelle contactus, emissus è cavea, medios invadebat.

Postremo Crux sine alia, cum non vivi, sed mortui in ea appenti. Notabis &, quod nobis solenne in rota exponere supplicio jam affectos, ad notam sceleris & infamiam, id olim in cruce, & Orientalibus præsertim. Plerumq; id factum post mutilationem, membrorumq; fractionem, aut etiam excoriationem. Nam deglubere olim crebrum Orientalibus; & antiquum hunc morem excoriandi in suppliciis, Ægyptiis Persisque fuisse legimus; quem & hodie Ægyptii tenent. Nam grassatores licariosque ita puniunt, diu vivos, donec ad umbilicum carnifex perveniat.

De Materia & Loco crucis.

Peregimus de Forma & Modo: duo velut succisiva & extra divilionem relicta, nunc adjungo, *Materiam & Locum*. E qua materie crux? Ex obvio & prompto aliquo ligno. E qua nostri Salvatoris? Censemus è quercu. Primum, quia viri fide digni asserunt, frustra sacratissimi hujus ligni, quæ hodie existant, speciem hanc referre. Tum, quia crebra & frequens in Judæa olim & nunc quoque illa arbor. Tertio, quia robustum lignum, & fixationi laturæque aptum. Quod superioris aliquot ævi scriptores tria aut quatuor genera ligni in Cruce dominicæ agnoscunt, (Cedrum, Palmam, Cupressum, Olivam) curiose magis dictum, quam vere.

At quis *Locus* cruci? Incertus, & pro arbitrio; tamen plerumque conspectus aliquis, & juxta vias. Exempla enim exempla esse desinunt, nisi aliorum animum oculosque in se vertant. Quin etiam oppida certa loca habuisse videntur, huic rei attributa. Hac ipsa de causa polita ea sæpe in monte: ut Servatoris nostri in Calvaria. Quin ipsa sæpe alta, præsertim in noxio aliquo insigni. Irrilio Galbæ huc pertinuit, qui cuidam imploranti leges, & civem Romanum se testificanti, quasi solatio aliquo pœnam leuaturus, mutari, multoq; præter cæteras altiore & dealbatam statui crucem jussit: altio-rem, ut digniori: albatam, ut civi, qui in veste alba; sive etiam, ut magis notabilis conspicuaque esset. Jam illa Amanis præalta, qui Mardocheo crucem 50 cubitorum posuit, sed ipsi ascendendam. Sane pleræque omnes altiusculæ.

Crux quatenus usurpata.

Nunc pedem in ultimo velut spatio pono, quod est, *Quatenus* crux usurpata. Postquam enim vitam ipsam interfecit, non diu illi vita; & sustulit ex humanis, aut certe Romanis rebus Constantinus. Serio jam ille Christianus, noluit salutare signum subservire ad perniciem; & colendum illud atque eximium, pœnis videscere damnatorum. Ergo sustulit; atque efficaciter etiam sustulit, nec postea reperiens reductam. Sed sero sustulit, nec nisi sub imperii extrema, & vitæ finem.

Hic exitus Pœnalis crucis fuit, & jam cœpta à Constantini primordiis Salutaris nostra honorati. Causa & origo à victoria contra Tyrannum. Nam cum Maxentium aggressurus esset, ambigenti & animo anxio ob ista, figura ei crucis media die, stellis efficta, apparuit in cœlo, & scriptura circa eam Romanis litteris, *In hoc vince*. Igitur ex auro statim subitario opere efformans crucem, juxta speciem quæ apparuisset, & hanc jubens prægredi exercitum, cum Maxentianis prælium commisit, & superavit. Itaque statim victrix illud signum militaribus signis inseruit, & maxime labaro, quod inter ea primum.

Nec vero in signis solum crux expressa, sed etiam ipsorum militum armis, clypeis & galeis: sed ita, ut Christi quidem nomen ipsum (litteris & notis, quibus in labaro) clypeis inscriberetur, galeis autem imponeretur superne crux ipsa. Et merito Christus in clypeis, eo ritu, quo solent nomina Imperatorum. Atque etiam hodie Constantinopoli sunt columnæ, a Constantino, ut putatur, in quarum balibus clypei cum his notis.



Sed & crucem in suum caput, & ad diadema effigiemque imperator transfudit. Et videtur ab ipso esse Constantino. Exemplum secuti Imperatores alii, in quorum nummis hodieq; cruces varie videmus, etiam quorundam, qui nec Christiani. Alias victoriæ sunt, quæ manu eas levant; alias ipsi, idque dupliciter: aut enim solam eam gestant: aut globulum, cui ea infixæ. Quin Principes Byzantini in progressibus publicis crucem hanc suapte manu prætulisse legimus. Ab hoc ritu etiam nunc crucifer ille globus inter sacri illius imperii insignia.

Hoc Signum, *admirandum & venerabile* Imperator appellat, Nov. 5. Eaque causa veritum in lapidibus sculpi, qui in solo. Quamquam autem è pavementis templorum remota, non etiam è tectis. Fulsit jam olim ibi clarum certumque Symbolum Christiani cultus.

De Vesta & Vestalibus Syntagma.

Inter antiquas religiones, ea, quæ VESTAM spectat, fuit præcipua; Romanis quidem.

Quid Vesta.

Vesta plurimum sensu, Saturni & Rheæ filia, sorores habuit Cere-rem & Junonem, ipsa natu prima: fratres, Plutonem, Neprunum, Jovem. Alii tamen dissident, & Urani sive Cœli uxorem Vestam faciunt. Mystica hæc sunt, ut verbo absolvam, varie tradita, sed in re & interpretatione concordant. Nam Cœli uxor Terra fuit, ex iis omnia nata: & Vestam ipsam passim Terram interpretantur. Et a similitudine, quia mensa nos alit, itemque rotunda est, sicut Terra, notat Plutarchus, Mensam ipsam quibusdam *Vestæ* nomine dictam. Causam deinde & hanc dat prisca moris sive religionis, ne mensa vacua relinquatur: nam nec Terram sic esse volumus aut optamus. Hinc Vestam & cum Cerere quidam confundunt, quæ ipsa est Terra: sed distinguenda; quod hæc terra dumtaxat fertilis & frugifera; illa (Vestam dico) ea universa. Inde & nomen petunt, quasi quod vi sua stet & immota libretur. Alii (ut Servius) quod variis vestita sit rebus.

Est etiam crebra, imo passiva opinio. Vestam ignem esse. Vox Græca adsonat, qui ἱστῖαν appellant *Focum*, sive ἱστῆον. Est igitur ista quasi Publicus focus, sicut privatim in ædibus alii consecrantur; eoque haud absurde Macrobius, Vestam inter Deos Penates, aut certe comitem eorum recenset. Sunt qui *Statam matrem* hanc eandem opinentur; sed opinentur. Augustini traditio, ut fidem habeat, vix exempla, Vestam etiam Venerem dici. Nostra Vesta Græcis Latinisque culta, inter præcipua numina fuit, atque adeo inter duodecim illa prima.

De cultu & origine Vestæ.

Sed ad Romanam proprie Vestam ut veniamus, (id institutum) unde ei exemplum; & quando origo? Exemplum a Trojanis, atque una cum Ænea in Italiam venit. Nam primitus culta in Illo, extulitque Æneas; elatam Lavinii constituit, condita à se urbe, & sede regni: Inde in Albam Longam transtulit Ascanius: & denique ab urbe ea matrice coloni Romam. Origo igitur à Trojanis, & Alba: imo mansit sacrum Albæ, etiam si Roma jam accepisset. Sed quando traducta? tempore Romuli, ut quidam volunt; sed tamen communiter fama ad Numam refert.

De Templo Vestæ.

Numa templum Vestæ instituit, & quidquid ad certum & solennem ejus cultum. Id fuit situm inter Capitolium & Palatium, medio fere spatio, & extra Romulæam urbem, quæ radicibus Palatii fere-
ter-

terminabatur. Condidit Numa anno Urbis quadragesimo, id est, regni sui secundo. Olim id vile, sed postea ære & marmore nituit.

Rotundum fuit id templum, quia Vesta Terram notat, Terra autem rotunda. Illud de die omnibus patuit, at pernoctare nemini masculo fas fuit: intrabant quidem viri, non penetrabant, aut pernoctabant. In hac autem æde negant simulacrum ullum fuisse. Quæ ut ita sint, tamen Vestæ imago passim in nummis aut statuis expressa; hodieque existat. Plinius sedentem effingi solitam ostendit, a stabilitate; sed nummi hoc amplius, & sedentem expriment, & altera manu facem, altera discum sive pateram libatoriam præferentem. De face, ad ignem pertinet: de disco, ad sacrificia solenniter & perpetim oblata. Interim etiam statuentem in nummis videas.

Eritne aliud Vestæ templum? aliud, falsum, & verum. Falsum, quod Antiquarii hodie attribuunt, ad Tiberim, juxta Forum Piscarium, sub Aventino. Ædícula existat, forma rotunda, & extra murum interiorem columellæ 18 velut porticum formant. Quia rotunda, quia extra pomœrium Romuli, faciunt veterem illa Numæ esse. Falli arbitror: nec assertor huic opinioni, in isto quidem loco, erit: & quis nescit, aliorum quoque Deorum templa sæpe ea forma fuisse? Quod autem extra Romuli pomœrium; valde quidem: etiam extra Numæ. Sed ante diximus, hanc veram jam descriptam, item extra finitionem illam fuisse. Ergo hæc valeat: altera est vera, & a nobis eruenda, in Palatio collocanda.

Augustus cum omnino in Palatio habitare vellet, & mos tamen ac cæremonia haberet, Pontificem Max. in domo publica juxta Vestæ habitare; ipse Vestam potius ad se transtulit, & SC. partem domus suæ publicavit, atque alteram illi consecravit. Ovidius notat, Patres ita censuisse; qui scilicet proni tunc valde in Principum desideria sive affectus. Imo non partem tantum, sed mox totam publicavit. Hæc autem Regia domus erat in Sacra via, non procul à Vestâ. Et si Regis Sacrificuli domus fuisse etiam videtur propior, quam ipsam Vestalibus Augustus dono dedit. Ibidem & Atrium Vestæ, quod Regiæ huic adjunctum. Hoc Atrium virginum habitatio serviebat, ut Regia proprie dicta Pontificum. Illic igitur egerunt, sed vi morbi exierunt, quia locus scilicet parum latus, nec ægrorum curæ. Et si major tamen jam ab Augusto, Regia etiam iis concessa; sed neque sic amplius.

De Vestalibus.

Satis de ipsa Dea, & templo; de ministerio alioque ejus cultu videamus. Ministræ Vestales tuere, atque ex virgines. Causa duplex, Prior, quod Juno & Ceres, sorores Vestæ, ambæ peperisse feruntur, restitit una de tribus, impatiens viri, nempe hæc Vestâ. Altera causa, quod Vestâ ignis, qui nihil gignit. Cicero & duas alias dedit: *Vestâ colenda, inquit, virgines præsent, ut ad vigiletur facilius ad custodiam ignis; & sentiant mulieres, in natura faminarum*

omnem castitatem peti. Advigilent facilius: quia liberæ à viro, prole, aliis curis. Castitatem peti: cum virgines placere Diis vident, ipsæ, pro parte sua quæque, sint castæ. Potest & ab exemplo esse. Nam Plutarchus scribit, in Græcia quoque, ut Athenis, & Delphis, & sicubi servatur æternus ignis, præesse si non virgines, tamen viduas & à viro castas. Usus ergo obtinuit Romæ, ut parvæ & tenera ætate caperentur, certæ pudicitia, & vitii expertes. Minorem enim quam annos sex, majorem quam annos decem natam, capi fas non erat.

Multæ non erant, nec crebræ istæ lectiones; nam ægre parentes in hanc velut custodiam, & adauctam virginitatem, suas dederunt filias. Numa in universum quatuor eas instituit, cepitque, Geganiam, Veraniam, Conulciam, Tarpeiam. Duas inde alias Servius Tullius addidit, sive ante eam potius Tarquinius Priscus; & sic sex semper fuerunt.

Modus capiendi Vestales.

Quot captæ fuerint, vidimus: nunc & Modum capiendi collutremus. Hoc enim verbo solenniter utebantur, causamque dat Agellius: *Capi virgo propterea dici videtur, quia Pontificis Maximi manu præhensa, ab eo parente, in cujus potestate est, veluti bello capta abducitur.*

Cepit primas ipse Numa, & jus deinceps capiendi voluit apud Reges esse. At pulsis Regibus Pontifex Maximus in locum venit; sed non libera prorsus electione, legibusque suis adstricta. E quibus Papia fuit, qua cavetur, *uti Pontificis Maximi arbitratu virgines e populo viginti legantur, sortitioque in concione ex eo numero fiat, & cujus virginis ducta erit, ut eam Pontifex Max. capiat, eaque Vesta fiat.* Ergo arbitratu Pontificis lecta, nempe ut jus probandi rejiciendique ipse habeat, & sitne idonea, dijudicandi. Nam non ætatem solum, sed *Genus, Corpus, quæque adharerent*, inspicere solent, & ut omnia apta honestaque ministerio essent. In *Genere* quidem, ne cujus parentes, alter ambove, servitutem servissent? aut in negociis sordidis diversarentur. Item excusari, cujus pater Flamen, Augur, Quindecimvir, aut Septemvir, aut Salius est: & talia minuta, quæ in Agellio legas. In *Corpore*, ne lingua debili, sensu ve aurium diminuta, aliave qua corporis labe insignita sit. *Quæ adharerent*, ut patrima sit & matrima, ut ne emancipata sit, & talia.

Sequebatur in lege, *virgines viginti.* Magno satis numero ad unam dumtaxat capiendam; sed causa est, ut fors levior accidat, sparsa sic per plures. Addit, *E populo*, toto, inquam, populo. Non enim e Patriciis tantum, sed & plebeiis. Imo vero Augusti ævo, præter legem moremque veterem, etiam ex libertinis capræ. Sequitur, *sortitionem in concione fieri*, in concione, Comitibus, puto, Curia-tis, ut coram testibus res fieret, & dignitas sacerdotio ad cresceret dignitate actionis. Sortitio autem adhibita, ut quasi divinitus legi

excerpique è pluribus talis videretur. Nec tamen semper ad sortem ventum : oblatio locum habebat ; & talis, si apta, præferbatur. Habet deinde lex, *Eam Pontifex Max. capiat.* Atque ipsa verba solennia capiendi sunt hæc : SACERDOTEM. VESTALEM. QUÆ. SACRA. FACIAT. QUÆ. JOVIS. SIET. SACERDOTEM. VESTALEM. FACERE. PRO. POPULO. ROMANO. QUIRITIBUS. UTI. Q. QUÆ. OPTIMA. LEGE. FOVIT. ITA. TE. AMATA. CAPIO. *Amata* autem inter capiendum à Pontifice ideo vocatur, quoniam quæ prima capta est, hoc fuisse nomine traditum est.

De Disciplina Vestalium.

Sed jam igitur captæ, & sic puellæ & teneræ ; quid deinde ? Disciplina sequitur, & quomodo ad ministeria sua factæ. Deducebantur in Atrium Vestæ, atque ibi à senioribus ad ritus & ceremonias omnes (plurculæ erant) instructæ. Nam in tres velut classes, etli parvus hic numerus, dividebantur : *Discentium, Exercentium, Docentium.* Tempus tricennale eas manere oportebat ; quo tempore decem annos discere, decem sacris operari, decem docere debebant. Itaque non nisi 30 annos obligabantur, & ante nefas excedere ; post id tempus licitum nubere, haud pessima adhuc ætate. Nam pone ab anno 7 (id licebat) ingressam : ergo anno 37 fas virum quærere, & ætate etiam frui. Ergo & interdum nubebant ; etli antiquitus observatum, infaultas fere & parum lætabiles eas nuptias fuisse. An eadem autem annorum terminatio Albæ, unde oriundum hoc sacerdotium ? non videtur ; lex Albana paulo durior Romana, & 50 annis manendum fuit. Et observamus, plerasque ad ultimam ætatem in sacerdotio perseverasse.

Omnes *præsidere sacris*, itemque Antistites vel Antistitæ dicebantur. Etli ordo tamen inter eas fuit, sed ministerii & ætatis. Una enim, quæ vetustissima, *Maxima* dicebatur : quod ad ætatem referendum.

De Muneribus Vestalium.

Numerum, Capturam, Disciplinam, Ordinem, habemus : ad *Munia* earum transeamus. Neque enim vacuæ unquam aut feriatae habitæ, sed plures frequentesque operæ, & mireris tam paucas sufficisse. Tria præcipua, in quibus deditæ : *Vigilare, Adservare, Sacrificare.*

Vigilia Vestalium.

Vigilia ad ignem spectavit, quem sine intermissione ali opus & reparari. Itaque *æternum*, sive *sempiternum*, dicebant. Voluit enim Numa, sicut sidera æternum lucent, sic debere, virginum assidua cura atque opera, hunc ignem. Atque ita erat, nam ignis extinctionem super omnia gravia & timenda Romani timebant ; interitus aut immunitationis Reipublicæ id signum interpretantes, a quacumque tandem causa evenerit. Et miseras Virgines, si evenisset ? Nam ignis Vestæ si quando extinctus esset, verberibus afficiebantur à Pontifice.

tifice. Sed pudore virgineo tamen salvo, in loco obscuro, & velo medio interpolito. Vigilia per vices ivisse videtur, & singulæ suis noctibus duntaxat excubasse.

Quod si autem extinctus ignis; sua & certa ratio accendendi iterum erat. Mos erat, tabulam felicis materiæ tamdiu terebrare, quousque exceptum ignem cribro æneo virgo in adem ferret. Quam rationem eliciendi ignis Simplicius in Aristotelem etiam agnoscit: *Ignem è lignis excutiant, alterum lignorum, tamquam terebram, in altero circumvertentes.* Hoc genus Igniarii Theophrastus agnoscit, & terebram è lauru sæpe factam ostendit, & addit, alia quædam item ligna, ut rhamnum. Tangit & Ilidorus Pelusiota, & hodie assiduo usurpant occidui Orbis Indi. Similis cæremonia Græcis fuit; sed paulo diversa: nam siquando sacer ibi ignis devixit, negant, eum fas esse ex alio igne accendi, sed novum parandum eliciendumque ex ipso Sole. Addo, Romæ etiam, sine interstinctione ulla ignis, solitum novum accendi, novo anno, qui tunc primo Martii: cum enim Vestales à Numa institutæ, nondum sic auctus & correctus annus. Eodem illo primo die reliqua scilicet, innovabant, & laurus veteres tollebant, novas subrogabant.

Adservatio Vestalium.

Alterum Vestalium munus fuit, *Adservare.* Quid autem? arcum *imperii pignus*, ut appellabant. Quid autem pignus istud, & cuiusmodi fuerit, in arcanis habebant. Et ideo variant auctores. Alii servari sacrorum partem è Samothracia, quæ Dardanus Trojam, Aeneas in Italiam advexerit, & cum Penatibus alii confundunt. Alii cælo delapsum Palladium, quod verum idem Aeneas asportavit; nam falsum & simulatum Achivos furto sustulisse. Et hæc de Palladio opinio in vulgus maxime recepta est, & nobile illud fecit ac decantatum.

Quid appellamus Palladium? Palladis minutam effigiem, Græcanica sermonis forma. Multa super isto multi. Apollodorus intelligendo sufficiet: *A cælo hoc delapsum est, & illo Regi traditum. Erat autem magnitudine tricubitale, habitu quasi ingredientis, dextra hastam sublatam præferebat, sinistra fuscum & colum.* Viris videre nefas, solis ergo virginibus fas. Sed nec Pontifici maximo fas, etiam esse sciebat & coli. Itaque nec impune Metello fuit vidisse, cum, trepidantibus virginibus, irrupit in ardens penetrale, ut sacra e flammis eriperet & servaret; qui proinde orbam luminibus exegit fenestram. Tertia opinio est eorum, qui dicunt, duo dolia recondi haud magna, atque unum ex iis plenum esse obsignatumque, alterum vacuum; utrumque tamen solis virginem oculis usurpandum. Igitur incerta hæc: Et bono religiosoque animo Dionysius: *Quæ ista sint, neque me, neque alium, qui religiose Deos & divina colit, inquirere curiose oportere arbitror.* Atque ipsi sane Romani venerabant, si non vetabant. Itaque in aperto habebant, in adyto & penetrali,

netrali, quod *Penum* vocabant. Penus enim vocatur locus intimus in sede Vestæ, tegeribus septus, qui certis diebus circa Vestalia aperitur. Si dies religiosi habentur. Penum solæ virgines, & Pontifices, adeunt: Pontifices quidem non ut videant, sed iis fatis, adire. Nam Palladium nudum non visum, sed velamento suo live feria obductum.

Sacrificia Vestalium.

Tertium munus *Sacrificare*: atque ad assiduum pene erat; diu noctuque. Armata virgo dicebatur sacrificans, cui lacinia togæ in humerum rejecta. De quo cultu aliquid Festus: *Suffibulum, vestimentum album, prætextum quadrangulum, oblongum, quod in capite Vestales, cum sacrificant, semper habent; idque fibula comprehenditur.* De sacrificiis autem ipsis, aut eorum ritibus, longum & tenuè sit hic dicere.

Aque etiam curam habebant Vestales, sed non aliam, opinor, quam quod fonti Camœnarum præessent, exque eo solo aquam ad sacra peterent: idque ex mandato Numæ. Possit sane aliquis ad Phytologiam referre; quali duo rerum principia coli Numa voluerit. Ille fons Vestalibus dedicatus, sacer habitus, & in Deos etiam relatus, delubrum postea accepit. Hinc *Fontinalia*, fontis sacra. Fuit & alia aqua Vestæ haud longinqua, Juturnæ fons & lacus. Sed nihil ad nostram rem.

Premia & honores Vestalium.

Munia, & labores vidimus: nunc iuste *Premia & honores*, quibus ad illa excitatæ. *Primo*, jus testandi habebant, vivo patre; felicet, quia statim exhibant ex patria aliaque omni potestate; & æratis deliquim leges benigne supplebant. Adeo ut vel sexennes, id est, primo anno quo capte, testari possent.

2. *Premia* habuerunt, quæ trium liberorum matres: quod non quidem Numa, sed Augustus instituit.

3. Alius honor; præcedere & deducere eas licitorem: Id quoque non a Numa, sed Triumviris referunt acceptum. Causam live *obsequii* habet Dio Cassius; quod una aliqua earum vesperi à cœna rediens & incognita, male habita ac violata esset. Tutela igitur & decus, licitor additus. Istit Consules Prætoresque via cedebant.

4. Morte liberabant, si reo, ad supplicium qui ducitur, fortuito factæ sunt obviæ. Oportebat autem jurare, a casu, non à consilio fuisse hunc occursum. Non quod ille ad iuramentum cogerentur: sed venisse in forum & testes adhibitas constat: at religionis honore voluerunt vel injuratis credi.

5. Si quis læticam earum aut sellam subisset, per proterviam aut lasciviam, & quali velandis illis revelandis: vel si quis in idem vehiculum ascendisset, morte luebat. Factitatum enim tale aliquid ab improbulis in matronarum transvectione: sed hic honori virginum morte vindicatum. Vestales enim lætica aut sella laras, sed plurimum pilento live carpento, tecto superne, & cameræ in modum arcuato.

cuato, vestas legimus. Hoc pilentum non nimis diversum à Thentia (sic quoque enim vehiculum sacrorum) quod ad formam, sed hæc Diis adtributa, illud eorum etiam ministris.

Ornamenta aut insignia Vestalium.

Isti honores sive prærogativæ Vestalium ex Plutarcho, aliæ alibi reperiuntur, opportune adtexendæ, Sicut in ipso cultu aliquid eximium. In primis Vitæ in capite, ut in Deo Deave consecratis. Vestes etiam iis purpuræ fuerunt : nempe prætexta eæ usæ, id est, limbo in oris purpureo : ita enim Magistratus & Sacerdotes solebant : ergo & Vestales, ut supra in Suffibulo observes. Non unguento iis, non floribus, non veste uti concesserunt, nisi alba. Quæ vera sunt, & inducta contra lasciviam : sed purpuratas eas, non purpureas, dicimus fuisse. Et obiter noto, & jocos & cultum scitorem, vetita : omnisq; cultus luxuriosior, conversatio cum viris licentior, iis interdicta. Vestes alba usæ, sed limbo punicante ; non tamen florida aut variegata, ut aliæ solebant. In carbaso etiam aut tenui lino fuerunt.

Nec de cultu aliud, nisi capillum in spiras quasdam plexum & divisum, tum vittis illigatum, à tergo & in cervicibus annulatum dependisse. Aliquis etiam ambigat, an non tonderi solitæ, ritu nostrarum Virginum, quæ Deo sacrantur ? semel igitur tonsæ, atque in ingressu, tortassè : & capillum hanc Deæ Vestæ suspendebant. An & alias crinem eo, caducum, vulsum, scissum, deferebant ? in obscuro hæc, atque etiam in parvo.

De stipendiis Vestalium.

Præter hæc ornamenta aut insignia, accessit etiam res & fructus, id est, stipendia & opes. Numa enim his de publico stipendium statuit, ut, vacuæ scilicet ab aliis curis, Deæ & sacris operarentur. Et credo agros à Numa adtributos, quorum vestigalibus alerentur. Sed & Augustus adjecit. Imo & alios agros habuerunt, a privatis pietatis ergo (ut hodieque solet) legatos : quos omnes fiscus eripuit, sub Valente & Theodono Principibus, invidiosa & diserta Symmachii querela ; & Ambrosius contra obducit.

Sed præter agros, video & pecuniam interdum cepisse. Tacitus de Tiberio : *Corneliæ Virginis, quæ in locum Scantia capiebatur, HS vicies dedit* : quæ sunt nobis 50000 Philippæorum. Unde non immerito objicit iis Ambrosius, Privilegia maxima, lucra ingentia.

Atque inter privilegia addamus, etiam ludos certo & honestissimo loco spectasse. Auctoritas earum maxima, & in precibus, aut alia re, vix repudianda. Cicero, cum pro Fonteio causam diceret, sororis ejus Vestalis intercessione usus : *Superbum sit*, inquit, *ejus obsecrationem repudiare, cujus preces si Diis aspernarentur, hæc sativa esse non possint*. Atque inter exempla est Claudia Vestalis, quæ fratrem injuriæ populi triumphantem, adfensò simul curru, usq; in Capitolium profecuta est, ne vetare aut intercedere cuicquam Tribunoriam fas esset. Adeo & leges, & magistratus reveriti sunt hanc impotentem, ut sic dicam, potestatem.

De

De Pœnis Vestalium.

Hæc Præmia igitur, sed virginum ; nam pollutarum *Pœnæ* etiam grandes & graves. Vetus lex fuit Festo tradita: *Probrum virginis Vestalis ut capite puniretur: vir qui eam incestavisset, verberibus necaretur.* Sed cujus hæc lex? credam Numæ regis, qui simpliciter statuit, incestam lapidibus obrui, sine alia supplicii Pompa. Alia autem Albæ, ante Romam conditam, quæ juberet pollutam virgis ad necem cædi. Sed Tarquinius Priscus, qui numerum earum auxit, idem & pœnam, & conspicuam magis horrendamque fecit. Clare narrat Dionysius, & Pinariam quandam primam supplicio isto affectam : verba ejus digna apponi, & illustrari: *Pœnæ, inquit, delinquentibus graves constitutæ, quarum arbitri & exatores sunt, ex lege, Pontifices, quod in omni earum culpa sive delicto obtinuit, causamque apud hoc tribunal dixere. Et Pontifices omnes, id est, Collegium judicavit; Pontifice tamen maximo convocante, & præidente. Moneo, etiam, inferiore ævo aliquid huic Pontificio detractum, & cognovisse quidem de culpa, pœnam tamen non exegisse ; quæ Præfecto Urbis reservata fuit.* Pergit Dionysius : *Qui virginis quidem cadunt compertas levioris delicti: probrosas vero & incestas sædissimo & maxime miserabili manant supplicio. Virgines enim, funebri ritu & pompa, effervuntur, amicis & cognatis cum luctu & lacrymis comitantibus.* Plutarchus hoc expressius, qui scribit, læticiæ inditam per forum efferrî, clausæ undique & loris revinctæ, ut ne vox quidem ejus possit exaudiri. Idem non amicos tantum, sed totam civitatem in luctu ponit & gemitu, neque ullam in ea diem tristiore. Obvios autem via decedere, vasto ubique silentio, attonitosque omnes stare, aut comitari. Iis vero, antequam deducerentur, ablatae vittæ & ornamenta, quia scilicet pollissent. Amplius Dionysius ; *Delatæ autem ad portam Collinam* (ad locum nempe, qui *Sceleratus campus* ideo dictus) *intra muros* (Plutarchus *Aggerem* dicit ; non tamen existimo totum aggerem, sed proximam tantum portæ partem ejus huic usui applicatam) *subterranea in cella, cum funeralibus ornamentis disponuntur, quod accipio, ipsas ut cadavera velatas & cultas Zonoras dixit, lectuam appositum, & lucernam, & mensam cum cibis ; & causam adjungit Plutarchus, ne sacratissimum illud corpus videretur fame consumptum. Priusquam vero deponerentur, Pontifex maximus arcanas quasdam preces, manibus in cœlum sublatis, fundebat : tum ipsæ sua manu educatam e lætica in scalis constituebat, & sic carnifici ac ministris supplicii tradebat. Iraque his gestis, scalæ attrahebantur, ædicula multa homo injecta contegebatur, donec reliquo aggeri solem adæquaretur. Sed vincatam illam ibi ; aut stantem sedentemque obrutam, nemo declarat : putem in lecto depositam. Claudit deinde Dionysius : *Nec monumento porro dignatæ nec parentalibus, aliisve solennibus defunctorum.**

Hoc supplicium; causam assignat Ovidius: *quid quam violavit in illa Conditur*, Et si duplex etiam alia in Plutarcho. Vel, quia Romani igne mortuos cremant; igne autem funerare eam, quæ ignem parum caste coluit, iniquum erat. Vel, quia corpus maximis consecratum cæremoniis occidere, aut manus mulieri adferre, nefas putaverunt. Sub terram igitur condi, cum victu appposito, ut quasi sponte examinata videretur. Atque hæc solennia. Principes interdum immutarunt, aut mitigarunt.

Quando desierint Vestales.

Finivi de Vestalibus, quæ & ipsæ finem suum sub Christianis mox Principibus invenerunt, extremo Theodosii senioris ævo. Nam et si concussæ antea, & periclitatæ sub Valentiniano, Theodosio, Arcadio; tamen animam traxere ad ultimum Theodosii, id est, 17 Imperii ejus annum, cum ille templa claudi & sacrificia tolli lege jussit.

Ignis cultus alibi.

Lubet pro Corollario addere, ubi locorum præcipue cultus etiam ignis, sive imago aliqua Vestalium fuit.

Apud Judæos primum; & Dei jussio: *Ignis in altari semper ardebit, quem nutriet sacerdos, subiciens ligna mane per singulos dies*. Et mox: *Ignis est iste perpetuus, qui nunquam deficiet in altari*. Habuere & Ægyptii; & Diodorus vult, servandi ignem perpetuum, cœlesti similem, morem ab illis natum, & ad alias gentes propagatum. Item Afri: & Plutarchus auctor est, in Jovis Ammonis *λυχνος ἁσχαρον*, sive lucernam inextinctam arsisse apud Indos. In Peris simile, ubi ignem perpetuum custodiunt Magi. Idem apud Cappadoces; apud quos Pyrathea, facella quædam modica, & in iis mediis ara, in qua cinis multus; & inextinctum ignem Magi servabant. Jam in Græciæ Prytaneis ipsa hæc Vesta, & æternus focus: iterumque distincte, Mantinx in templo Cereris, Athenis in Minervæ, Delphis in Apollinis.

Imo & virgines ipsas aliquot locis habuere. Video, & Persas Soli virgines sacrasse. Simillimum nuper, priusquam Hispani Regi & Religioni subegissent, in toto Peruano tractu, ubi crebra, & magna templa dicata Soli, & in iis virgines sæpe 200 fuisse tradunt, qui viderunt; e quibus siqua corpus polluisset, morte luebat, nisi ramen e Sole se concepisset (ride credulitatem superstitionis) sancte adjurasset. Sed de Vesta & Vestalibus satis.

incolis gereret, & tuitionis suæ causa ignem in naves misisset, qui & vincina navalibus, ipsamq; Bibliothecam comprehendit & assumpfit. Triste fatum : & Cæsari (etiã absque destinata culpa) pudendum ! Hic igitur finis nobilis Bibliothecæ fuit, Olympiade 183, cum vix 224 annos stetisset.

Revixit tamen, non eadem (qui id potuit ?) sed consimilis, & eodem loci, id est, in Serapeo, collocanda. Auctor reparandi Cleopatra, illa armoribus Antonii famosa : quæ ab eo in auspiciũ & velut fundamentum operis impetravit Bibliothecam Attalicam sive Pergamenam. Itaque totam cum dono accepisset, & transferri curasset, iterum adornata auctaque est, & Christianorum etiam temporibus in vita & fama fuit, in porticibus Serapei, loco portui vicino : videturq; stetisse, quamdiu ipsum Serapeum, immensæ molis & artificii stupendi templum : quod Christiani denique, Theodosii majoris imperio, ut arcem superstitionis, demoliti à fundo sunt.

Bibliotheca apud Græcos.

Apud Græcos nobiliores Bibliothecas strictim tangit Athenæus, & Polycratem in hoc studio parandorum librorum dilaudat. Agellius Piliatrato tyranno laudem primi auctoris in hoc studio adscripsit. Magnus vir (odiosum hoc modo cognomen tolle) & cui Homerum etiam digestum & correctum nunquam soluturi debemus. Adeo Critica hæc cura olim Principum, imo Regum fuit. Ea Bibliotheca ab ipsis deinde Atheniensibus varie aucta, donec spoliavit & avexit Xerxes, Athenarum potitus. Sed multis post annis Seleucus Nicator, Syriæ Rex, liberaliter remittendam Athenas curavit, donavitque. Et mansisse deinde ad Syllæ tempora, qui & ipse Athenas cepit, diripuit, afflixit : postea tamen instauratam, iuste opinor ; quomodo enim mater artium sine instrumento hoc librorum ? Imo plures ibi Bibliothecæ postea. De Aristotele magnifice Strabo, cum copia & dilectu insignem Bibliothecam adornasse. Quam tandem ad Ptolomæos Reges venisse scribit Athenæus. Neque memoratu digna alia de Græciæ Bibliothecis leguntur. Romani haud dubie pleraque talia de se traduxerunt, Græcia jam positi ; nisi placet Byzantinam his accensere, quæ Principum ævo fuit ; in qua 120000 librorum conflagrarunt ; inter ea draconis intestinum 120 pedes longum, cui aureis literis Homeri Ilias atque Odyssea fuerint inscripta. Etiã hæc Thraciæ potius, non Græciæ attribuenda.

Bibliotheca in Asia.

Attalica sive Pergamena proxima claritate ab illa Alexandrina fuit. Nam Attalici Reges a parvis progressi, cum societate opibusque Romanis crevissent, sedem regni Pergamum varie, tum & Bibliothecis, exornarunt. Enmenes Attali Regis filius, hujus rei auctor. In hac Pergamena fuerunt librorum singularium 200000.

Bibliotheca in Urbe.

Veniamus ad Romanas Bibliothecas, situ & ævo magis propinquas. Satis enim tarda ibi hæc cura aut studium, apud Martis, non Musarum prolem : etii, cum bono Deo, parvis primo initiis, ut solet. Isidorus duos nominat, qui libros advexere, sed publici usus aut juris non prorsus fecere ; Æmylium Paulum, & Lucullum : quorum iste, quamquam jus mancipiumque sibi retineret, usum tamen eruditis concessit. Cornelius Sylla, postea Dictator, e Græcia Athenisque magnam librorum vim traduxit, & Romæ deposuit & disposuit. Tamen vere publica Bibliotheca nondum structa : quam cogitationem primus magnanimus ille & magnificus Julius Cæsar concepit, ac, nisi fata interpellassent, effecisset, data M. Varroni cura comparandorum & digerendorum librorum. Sed destinavit Cæsar, non perfecit. Augustus, adoptione filius, inter alia ornamenta urbis & imperii, hoc quoque plurifariam adjunxit. Nam eo invitante atque incitante, A. Iulius Pollio, Orator & Senator nobilis, de manubiis Dalmatarum, atrium libertatis in monte Aventino exstruxit, atque in eo Bibliothecam publicavit.

Post hanc duæ mox aliæ ab ipso Augusto institutæ. Prior *Ostia-via*, quam fororis suæ memoriæ & nomini dedicavit, in superiore Porticus parte, toto & decore ; cum inferior ambulationi modo esset : in qua Junonis ædes, & nobiles statuae quoque fuerunt. Altera *Palatina*, à loco dicta, quia in ipso Palatio. Præter alia, Præpositus sive Custos huic loco fuit C. Julius Hyginus, in Grammaticis celebris. Imo seorsim Græca custodem suum habuit, & Latina. Ab Augusto igitur, artium ingeniorumq; amantissimo Principe, duæ istæ fuerunt.

Ab aliis deinde aliæ, & videtur certamen in hac re Principum fuisse, & velut contendisse de palma. Ecce Tiberius statim ab Augusto in ipso Palatio etiam struxit, ea parte, qua viam Sacram spectat : nam illic Tiberii domum fuisse, curioli talium, hodie autumant, & in domo ejus hæc locatur. Videtur & Vespasianus deinde struxisse, & adjunxisse Templo pacis. Fuit item à Trajano alia, quæ, à gentili ejus nomine, Ulpia passim nominatur. Hæc in foro Trajani initio fuit, ubi Principis ejus alia opera ; sed ævo mutavit, & translata est in Collem Viminalem, ad ornandas Diocletiani Thermas. Fuit & Capitolina, in Urbe, instituta (ut divinare licet) à Domitiano. Nam ille servatus olim in Capitolio, templum ibi Princeps struxit, quid si & hanc Bibliothecam ? Conflagravit sub Commodò, fulmine tacta. Sub ævum Constantini Bibliothecas publicas in Urbe 29 fuisse, Principum studio ab interitu vindicatas, testatur P. Victor : ex iis præcipuæ duæ, Palatina & Ulpia. Heu quam etiam à memoria perierunt ! nam ex illis 29, vix 7 industria nostra indagare potuit, & nomina saltem ab oblivione vindicare.

Bibliotheca extra Urbem.

Juxta Urbem etiam Tiburti publica fuit Bibliotheca, in Herculis templo satis commodè structa (fere juxta templa, aut in illis Bibliothecæ: quidni, sacra illa ingeniorum opera, in locis sacratis?) For-
tassis eam Hadrianus Imperator Tibure instruxit, quem eo loco &
secessu impense delectatum constat, variaque & ampla inædificasse.
Etiā in aliis municipiis coloniisque Bibliothecas sparsas fuisse, æque
atque artium istum cultum, mihi certum est.

Bibliotheca privatorum.

Sed & privatim viri divites usus & famæ causa, sibi pararunt, &
nobiles ex iis quasdam. Sicut Tyrannio Grammaticus, Syllæ temp-
oribus, qui 3000 librorum possedit. Sicut Epaphroditus Chæroneus,
item Grammaticus professione, qui usque ad 30000 optimorum qui-
dem & selectorum librorum collegit. Superavit eum Sammonicus
Serenus in hoc studio, qui Bibliothecam habuit, in qua 62000 libro-
rum censebantur. Is moriens eam reliquit Gordiano minori, qui gu-
stavit Imperium.

Atque hi, aut pauci alii, proditi sunt insigniores Bibliothecas ha-
buisse: plures tamen fuere, & Seneca commune hoc studium jam
tunc suo avo ostendit & damnat. Damnat: *Non enim in studium,*
inquit, sed in spectaculum comparabant: sicut plerisque ignavis eti-
am servilium literarum, libri, non judiciorum instrumenta, sed cœ-
nationum ornamenta sunt.

Observandum, Bibliothecas etiam in Balneis & Thermis habuisse:
quia corpori curando otiose tunc vacabant: & igitur oecatio erat
legendi aliquid, hominibus alias occupatis; vel audiendi. Enimvero
etiam in Villis & Prætoriis passim habebant, ab eadem hac, otii &
vacationis ibi, causa. Utinam nostri divites sic lasciviant! semper
cum alieno aliquo, si non suo, usu & bono.

De Armariis Bibliothecarum.

Parietes in Bibliothecis ebore & vitro comptos fuisse, suggerit
Boëtius. Non ergo Armaria & Plutei ad parietes laterales (neque
enim conspicuus sic ille ornatus fuisset) sed in medio disposita, ut ho-
die quoque publicæ fere Bibliothecæ usurpant. Sæpe vitri olim in
quadras, orbes, ova, aut rhombos distincta parietes ornabant, non
aliter quam marmoreæ crustæ; sæpius tamen cameras & lacunar.

De Armariis vetus Scholiastes Juvenalis, in illud: *Hic libros dabit*
& forulos.) *Armaria*, inquit, *ad Bibliothecam.* Et proprie, opinor,
Foruli, ipsi *nidi*, ut cum Martiale dicam, librorum, sive cum Seneca,
distincta *loculamenta*. Sidonius & hæc & alia in Bibliothecis collo-
cat: *Hic libri assatim in promptu, videre te crederes aut Gram-*
maticales Pluteos, aut Athenæi Cuneos, aut Armaria exstructa
Bibliopolarum. *Pluteos*, id est, tabulas inclinatas transversim, quibus
libri legendi imponentur. *Cuneos*, scamnorum seriem, ut in Athe-
næo, digestam. *Armaria* autem plena & alta: ea *Pegmata* vide-
tur appellasse Cicero ad Atticum.

Imagines in Bibliothecis.

Præcipuus ornatus fuerunt Bibliothecarum Imagines & Statuæ doctorum, quas una cum libris disponebant. Nonne pulcrum, & suave oculis ac cogitationi? Natura trahimur ad simulacra & effigies magnorum virorum noscendas, & illa corpora sive hospitia, quibus se cœlestis animus includit: ecce hic erat. Romanum hoc inventum videtur, ne omnia bella ad Græciam referantur. Plinius Atinium Pollionem facit auctorem; quem etiam M. Varronis, unius viventis, imaginem in Bibliotheca posuisse, idem refert: Quod tamen & alii postea, indulgentia an iudicio? datum video. Alioquin plerumque mortuorum, & quos famæ consensus jam sacrasset, imagines ibi posuerunt. E metallo ut plurimum, sed etiam e gypso in privatis Bibliothecis, pro cuiusque scilicet copia. Imo & in tabulis imagines fuisse: & fortasse in librorum fronte picturæ etiam expressæ. Itaque utrumque, & Statuæ, & Imagines fuere. Cæterum minores illæ imagines sive statuæ pluteis plerumque impositæ videntur ante suos quæque libros. Inde & *Sigilla plutealia* apud Cicero-nem. Nam jam tunc Bibliothecas exornabant Deorum, si non Auctorum, sigillis.

De Musæo Alexandrino.

Sed si Bibliothecæ solæ, aut rarus adventor; si homines, inquam, non sunt qui frequentent & evolant, quo ista congeries? & quid nisi studiosa quædam luxuria sint? Providerunt hoc quoque Alexandrini Reges, & una cum illis Musæum (ita dixerunt, quasi Musarum ædem) extruxerunt, in quo fas esset Musis operari a cæteris rebus feriatos. Imo & à vitæ victusque curis vacuos, cum alimenta iis hic è publico darentur.

Fuit id Regiæ sive Aulae pars, scilicet adnecti & jungi sibi voluerunt Reges, ut in propinquo & promptu essent eruditi isti, cum quibus dislicerent, cum librum, animo docendo & pascendo. Habuit Porticus & Exedras: illas exercitio corporis magis, has animi, & ubi confidentes altercarentur & conferrent. Fuit & domus, ubi omnibus ex omni terra literatis receptis communis victus & mensa. Habuit hoc Collegium & pecuniam sive vectigalia in commune; & sacerdotem item, qui præesset Musæo, Regum aut Cæsarum dilectui constituendum. Magna igitur dignitas, & quæ ab ipso Cæsare conferenda.

Addere licet, non vacuum omnino aut otiosam ibi vitam vixisse, (qui possent viri bono publico nati?) sed aut scripserisse, aut disseruisse, & recitasse. Claudius imperator Musæum hoc altero addito adauxit, ut certi libri ibi quotannis recitarentur.

GEORGII FABRICII
CHEMNICENSIS
ROMA,

Liber ad optimorum Autorum lectionem
apprimè utilis ac necessarius.

GEORGE W. BROWN

1851

R. O. M. A.

1851

GEORGIUS FABRICIUS
WOLFGANGO WERTERO,
Viro Claro & Docto, S. D.

SAllustius, scriptor in primis nobilis, in Carthagini mentionem incidens, de ea silere melius putat, quam parum dicere, idem multo iustius de urbe Roma, non Carthagini solum, sed orbis terrarum victrice scripturus, nunc ego dicerem: praesertim cum multorum hominum, eorumque doctorum, sermones mihi subeundos esse intelligam. Aliqui enim hoc totum scribendi genus tanquam inutile improbant: aliqui vero tot de Urbe monumentis, nostra patrumque memoria editis, condemnant, quasi minime necessarium. Obstat mihi praeterea gentis & patriae nomen, quod homo Germanus, & in Hermunduris natus, post tot viros in literis claros, de urbe vetustissima & remotissima scribere audeam. Itaque illi, qui non me solum reprehendunt, sed alios accusant in hoc genere studii literarumque versatos, scribendi operam atque industriam, in tradenda morum & bene vivendi doctrina rectius, quam in his, similibusve rebus, collocari posse existimant. Nam Servilium lacum ignorare, aut Turbonem pugilem nescire, aut tempora, quibus urbs opibus aucta, vel diminuta viribus sit, non tenere memoria, minus malum esse, quam aut errare in vita, aut labi in officio, aut peccare in Rep. Hi cum viri boni sint, & cupidi honestatis, credo eosdem veritatis quoque studiosos esse. Atqui hominis animus cum & actionibus virtutis delectetur, & rerum fruatur scientia, utrumque certe, & virtutis praescripto vivere, & res cognitione dignas investigare, verum ejus & proprium munus est, licet altero alterum habeatur praestantius. Bene igitur hominis excellentiam cum bonis moribus, tum eruditionis elegantia sapientes metiuntur. Quamobrem & Aglaus Psophidius Arcas, qui in vita sua nihil praeter agrum coluit: & Socrates Atheniensis, summus doctrina & sapientia Philosophus, felices olim Apollinis oraculo sunt iudicati. Qua de causa? ne nos quidem ita alteram praefereamus, ut de altera detrahamus cum dedecore & incommodo. Ut autem civitatum magnarum, ex quibus mortalium omnium iudicio Roma maxima fuit, instituta, leges, mores, actiones libenter cognoscimus: ita ortus, incrementa, ruinas scire desideramus, & loca ipsa muta cum admiratione intuemur: Illud utile & necessarium est, hoc à liberali animo atque ingenio nequaquam alienum.

num. Tolle enim ejusmodi studium; & omnis antiquitatis notitiam, & pulcherrimorum exemplorum copiam, & suavissimum artium disciplinarumque fructum sustaleris: & hæc ci vilis societas, ferarum, quam hominum, congregationi erit similior. Merito igitur gratia habenda illis, qui Urbis potentissimæ & nobilissimæ memoriam passi non sunt interire: sed quidquid vel ex veterum scriptis discere, vel ex ruderibus colligere, vel vestigiis qualibuscunque potuerunt deprehendere, id fidelibus literarum monumentis commendarunt. Quorum libros cum nondum visa Urbe, admirarer, & bonos auctores legenti utiles & jucundos esse sentirem: tum in Urbem ipsam tecum profectus, Wertere, magna (ut scis) diligentia conquisivi atque perlegi, ut eos communi studio, & labore mutuo cum rebus ipsis præsentibus conferremus: quod cum totos quinque menses sui intermissione à nobis ageretur, non pauca vel neglecta ab aliis, vel non satis animadversa, observatu tamen & scitu digna, annotavimus: ea autem in id tantummodo comparaveramus, ut nobis perfectionis susceptæ, & otii nostri ratio constaret. Nuper vero cum Casp. Peucerus, Melanthonis gener, doctus imprimis vir, & Philosophiæ addictus, ad me veniret, & de Urbe cum viris aliquot eruditis loquentem avidè puscultaret, rogavit tandem, ut aliorum quoque studii mei opera, si placeret, & otium esset, consularem. Quod cum ille humaniter, ut solet, peteret, & vultu ipso significationem suæ voluntatis daret, facile mihi non abhorrenti persuasit, ut quæ observaveram, rursus colligerem. Novo igitur labore suscepto, ea cum scriptis Poëtarum & Historicorum majore cura & attentione contuli: qua ratione cum alii ante me Urbem, jam dirutam, quasi à fundamentis instaurarint, eorundem vestigiis institi, in quo proposito & ordinem rebus ipsis congruentem servavi, & locos non paucos in Græcis Latinisque scriptoribus explicavi. Hoc quoniam publicæ utilitatis gratia factum à me est, bonam in spem venio, me studiosis hominibus, & aquis lectoribus probaturum institutum meum, quod ipse post alii plurimos ad hanc scribendi materiam animum adjunxerim. Ignoscant autem ii, quos patriæ nomen offendit, hospiti mihi atq; extera, si quid minus in rebus vetustate plane obrutis vidi: aut si in iis etiam, quæ ante oculos sunt, perum Lynceus fui, hæc enim, quamvis arrogantiusculum sit, quia tamen verum est, dicam, me posse aliorum, qui de Urbe scripserunt, errores varios certis testimoniis convincere. Syracusani certe olim, cum sepulcrum Archimædis indagatum ipsis ostendisset Cicero, non ideo iniqui aut ingrati ei fuerunt, quod peregrinus esset, & Arpinas: neque mihi, si quid laudis Urbi, aut studiosis commodi sum adferre conatus, obesse debet, quod sim Hermundurus: præsertim cum, existimatione nullius læsa, simpliciter exposuerim meam vel opinionem, vel sententiam. Primum enim, veterum auctoritate nitior, in notandis aut explicandis locis: deinde non solum recentiorum scriptis, quibus plurimum ad-

EPISTOLA NUNCUPATORIA. 259

jutus sum, verum etiam demonstratione Marliani, qui diligentissime omnium scripsit, hanc, qualiscunque est, Urbis cognitionem consecutus sum : cujus domum cum frequentaremus, jutum montium nobis indicavit ex Capitolio, & ad viarum, quæ in Urbe sunt, initia nos perduxit : & aliquoties apud Salamancam & Tramezinum, nostram sententiam audire visus est perhumaniter. Hos labores nostros tibi dedico, Wertere, homini amico, quo nomine omnia consuetudinis, fidei, benevolentiae officia continentur & viro docto, qui hæc eadem cognovisti magna cupiditate, studio, industria. Quamobrem quadam ex his tua recognosces, & multa agnoscet Wolfgangus Meurerus, Philosophiæ scientiæ, elegantia literarum, cognitione antiquitatis vir celeberrimus, ejus temporis socius & comes noster. Optarem autem plurimos ex nobilitate, viros splendidos & copiosos, excitari ad evehenda optimarum artium studia. Res enim humana cum nihil firmi habeant, nihil possideant diuturni, sola virtutis & literarum laus est æterna : imo ne virtutis quidem, absque literis. Exemplum illustre est, & sempiternum erit, Urbs ipsa, cui, aliis ornamentis amissis, hæc sola reliqua manserunt, quæ conservarunt doctorum virorum ingenia. In quam sententiam aliquando Lazarus Bonamicus, doctissimus & eloquentissimus virum, perelegans nobis epigramma recitare memini, quo ipso claudere hanc epistolam placuit : quia nobis ejus viri memoria grata merito est, & maximi nominis fama doctis notissima.

Vos operum strætæ moles, collesque superbi,

Quis modo nunc Romæ nomen inane manet :

Vosque triumphales arcus, cæloque colossi

Æquati, Pariis cesa columna jugis :

Edita Pyramidum fastigia, Tempia Deorum,

Digna vel æthereis Amphitheatra locis :

Vos ævi tandem attrivit longinqua vetustas,

Vos longa tandem fata tulere die.

At Romæ Æneadam magnum & memorabile nomen,

Tempus edax rerum tollere non potuit.

Nec poterit, donec clari monumenta vigeant

Ingenii, quæ non ulla senectæ rapit.

Cætera labuntur tacito fugientia cursu,

Calliope æternum vivere sola potest.

Vale, & me ama. Ex ludo illustri Misenæ, Calend. Julii, Anno
Christi, M. D. L.

CAPITA

CAPITA hujus LIBRI.

I. DE auctoribus, qui de Roma scripserunt.

II. De situ, & ambitu, & gloria atque interitu urbis.

III. De montibus, à quibus Urbi additi, quæ loca adjacentia habeant, quot nominibus, & unde appellati.

IV. De portis veteris novæque Urbis, & quam variis nominibus eadem appellata.

V. De viis intra & extra urbem.

VI. De regionibus & tribubus.

VII. De foris, ad splendorem Urbis, & hominum necessitatem factis.

VIII. De campis.

IX. De templis gentilium in templa Divorum mutatis.

X. De templis sacellisque vereribus, quæ ab aliis omissa sunt.

XI. De domibus quorundam doctorum.

XII. De Theatris, Circis, Odeis, Stadio, Xysto: item de factionibus aurigantium.

XIII. De porticibus.

XIV. De arcubus triumphalibus, & trophæis.

XV. De Tiberi, & fluviis Urbis, & de ornamentis fontium, ac naumachiis.

XVI. De pontibus Tiberinis.

XVII. De aquæductibus, quorum vestigia nunc sciuntur extare.

XVIII. De balneis & Nymphæis.

XIX. De thermis.

XX. De locis sepulcrorum, & de insignibus quibusdam sepulcris, item sepulcrorum ornamentis, ac ratione conditarum urnarum.

XXI. De iis, quæ nunc in Urbe sunt præcipue visenda.

Auctores

Auctores veteres & novi, quorum inventis & testimoniis
vel ad confirmandum, vel ad explicandum, utimur.

Æmilii Probus.

Albertinus

Alifanæ inscriptiones.

Am. Marcellinus.

Asconius.

Atheniensis inscriptio.

Augustinus.

Aurelianus Imp.

Ausonius.

Auximi inscr.

Bap. Leo.

Bergomates inscript.

Blondus.

Charisius.

Cassiodorus.

Cicero.

Cyriacus Anconitanus.

Claudianus.

Columella.

Corn. Balbus.

Corn. Nepos.

Corn. Tacitus.

Cornutus.

Cuspinianus.

Dacica inscript.

Demosthenes.

Dion.

Dionysius.

Egnatius.

Eutropius.

Fab. Pictor.

Festus.

Florus.

Formianæ inscript.

Formula magistrat. Roman.

Frontinus.

Fulvius.

Gallica inscript.

Gellius.

Gyraldus.

Helenius.

Herodianus.

Hieronymus.

Hispanicae inscript.

Homerus.

Horatius.

Iosephus.

Jul. Capitolinus.

Jul. Obsequens.

Iustinus.

Juvenalis.

Lactantius.

Lampridius.

Livius.

Lucanus.

Lucilius.

Lucretius.

Lud. Gometius.

Macrobius.

Manutius.

Marlianus.

Martialis.

Mediolanenses inscript.

Merula.

Neapolitana inscr.

Non. Marcellus.

Naucerina inscript.

Ovidius.

Persius.

Persii interpres.

Pindarus.

Pindari interpres.

Platina.

Plautus.

Plinius.

Plinius junior.

Plutarchus.

Poggius.

Pomp. Lætus.

Pomp. Sabinus.

Porphyrio.

Porphyrius, Homeri interpres.

Portius.

Prænestinæ inscript.

Priscianus.

Propertius.

Prudentius.

Quintilianus.

Reatinæ inscript.

Romanæ inscript.

Sallustius.

Salonenfis inscript.

Seneca.

Servius.

Sex. Aurelius.

Solinus.

Sophoclis interpr.

Spartianus.

Statius.

Stephanus.

Strabo.

Suetonius.

Sulp. Verulanus.

Tacitus.

Terentius Scaurus.

Testamenta antiqua.

Tibullus.

Tiburtinæ inscript.

Torellus Sardyna.

Tortellius.

Tranquillus.

Tremellius.

Val. Flaccus.

Val. Maximus.

Varro.

Velleius.

Veronenses inscript.

Verrius.

Vibius Sequester.

Victor.

Vitruvius.

Volaterranus.

Vopiscus.

Urbinales inscript.

Urbis epigrammata.

Zanchius.

Zonærus.

GEORGII FABRICII ROMA.

CAPUT I.

De auctoribus, qui de Roma scripserunt.

URbem Romam etsi plures olim literis monumentisque celebrarunt, nihil tamen scriptorum veterum relictum fuit, præter Fab. Pictoris & C. Sempronii, de origine Urbis, fragmenta : de quibus merito dubitatur. Catonis Origines, & M. Varronis de tribubus, & de ædibus sacris, & de ludis theatralibus libri interciderunt. Exstat Aristidis Smyrnæi, de Romæ laudibus oratio. Nervæ temporibus de aquæductibus Romanis libros duos Julius Frontinus : Diocletiani dominatu de regionibus Urbis unum Publius Victor, vel (ut aliis placet) Sex. Ruffus, edidit. Ex recentioribus, Urbis admiratione, ad scribendum excitati sunt plurimi : Flavius Blondus, Pomponius Lætus, Andreas Fulvius, qui multis libris prosa & carmine scripsit, Jacobus Poggius, Joannes Tortellius, Raphael Volaterranus, Fabricius Varranus, Franciscus Albertinus, Bartholomæus Marlianus : sed diligentia investigandi, & judicandi solertia excellit Marlianus, qui & veterum scripta majore studio contulit, & plurimos aliorum errores prudenter animadvertit. Scripserunt de eadem Manuel Chrysoloras, & Bernardus Oricellarius : & ex nostris hominibus Hieronymus Questenbergius Misinius, patria Fibergensis, doctus atque diligens antiquitatis investigator, qui in urbe mortuus est, sed ex horum scriptis nihil ad nostras manus pervenit.

Totam Urbem secundum regiones pinxit Fabius Calvus, sed ejus picturæ cum nullius descriptione conveniunt. De ædificiis veteribus vulgari nunc Italarum lingua scripsit Franciscus Serlius, Bononiensis Architectus. Picturas statuarum, columnarum, colossorum, templorum, theatrorum, arcuum, portarum, sepulcrorum, Antonius Salamanca sparsim expressit. Imperatorum & virorum illustrium imagines ex nummis antiquis excudit Jacobus Mazochius, addita brevi historiarum descriptione : quem secuti sunt Joannes Hurrichius, & Nicolaus Gerbelius, Germani. Sed Antonii Zantani opusculo, quod nuper prodit, nihil fieri potest eo in genere elegantius, aut perfectius. Idem Mazochius ingenii libro Urbis epigrammata ex ære, saxis, marmoribusque, incerto auctore congesta, edidit : quem librum nos, inspectis locis plurimis, & correctiorem, & septingentis epigrammatis auctiorem habemus. Nec inutilis in iisdem colligendis Petri Appiani & Bartholomæi Amantii, & ante illos Se-

bastiani Sergii opera extitit. Superiore anno Marlianus Consulatum, Dictatorum, Censorum, cum ipsorum triumphis descripta ex marmoribus nomina publicavit, quæ marmora in foro Romano effossa, nunc in Capitolio asservantur. De antiquis Romanorum familiis scripturum, retulit mihi Paulus Manutius, omnis elegantiae & antiquitatis studiosissimus juvenis : & de iis Commentarium ante annos sex & quadraginta promisit Petrus Crinitus, qui, cum alia ejus opera in manibus sint, nondum exiit. De mirabilibus Romæ non nominati auctoris libellus, in vulgi manibus est, ad decipiendos (ut apparet) illiteratos & superstitiosos homines confectus. In cognoscenda Urbe sermo vulgi audiendus non est. Molem latericiam ante Amphitheatrum, quæ Meta sudans dicta fuit, aiunt fuisse turrim Virgilii : ædem Jani Quadrifrontis, structura quadrata in foro Boario, domum Boëthii. Columnas æneas in S. Joanne Laterano, quas Augustus Cæsar ex præda Actiaca conflagavit, e templo Hierosolymitano religionis causa nugantur translatas : de quibus Virgilius canit,

— *Novali surgentes ære columnæ.*

Statuam æneam equestrem M. Antonini Pii, nescio cujus liberatoris Urbis, fingunt fuisse. Quæ licet aperte falsa sint, tamen vulgus asseverat, & defensores pertinaces invenit.

C A P. II.

De situ & ambitu, & gloria atque interitu Urbis.

URbs Roma primum Italiæ, post orbis terrarum caput, à pastorum manu condita, Regum, Consulum, Dictatorum, Imperatorum dominatu usa, à vicinis populis tentata, ab externis gentibus sæpius petita, a Gallis Senonibus incensa, à Gothis Vandalisque vastata & diruta. Contemptu nostrorum Imperatorum quater capta : primum ab Arnulpho, Franco, tum ab Othone Tertio, Saxone, deinde ab Henrico Quarto, item Franco, nostra denique memoria à Carolo Quinto, Austriaco. Posita in solo sterili, & partim in montibus, partim in vallibus campisque subjectis, austro objecta, & coeli aliquanto gravioris : nunc male habitata, & ruinarum plena. Antiquitus, quod miraculo simillimum est, suffossionibus montium, & meatibus cloacarum penilis, & subter ædificia navigabilis extitit. Hodie valles & campi ex vastitate & ruinis ædificiorum altius quam credi queat, exaggerati sunt. Ambitus Urbis, qui nunc est, xlii : M. pass. non excedit. Urbem veterem ampliatio pomærio auxerunt Sylla, Augustus, Claudius, Nero Trajanus, Aurelianus, Arcadius, Honorius : cujus rei testes sunt Seneca, Suetonius, Tacitus, Vopiscus, antiqua epigrammata, ex quibus & illud discitur, censorum, augurum, præfectorum urbis, cura & auctoritate, id factum esse Muri vetustissimi ex saxo quadrato fuerunt, Gabino in primis, Albano, Tiburtino, & Prænestino : ea enim saxa firmissima, & igni

impervia

impervia. Postea facti sunt latericii, qui adhuc durant. Suetonius scribit, Augustum gloriantem dixisse: Urbem latericiam reperi, relinquo marmoream, & Propertius poeta canit,

Hoc quodcumque vides, hospes, quam maxima Roma est:

Ante Phrygem Aeneam collis & herba fuit.

Atque ubi navali stant sacra palatia Phæbo,

Evandri profugæ procubuerunt boves.

Verum (quæ est rerum humanarum imbecillitas & vicissitudo) illa ipsa Urbs nunc rursus latericia est, & Palatinus a nullo habitatus, collis jam & herba factus est, & in foro ipso Romano sues vœneunt, & in Tarpeia arce crux hominum nocentium supplicio cernitur erecta. In murorum ambitu circiter trecentas & sexaginta turres numeravimus, pluribus tamen ex his collapsis. Varius Imperator cum decem millia pondo aranearum, opera servorum per domos collegisset, ex iis intelligi posse dicebat, quanta esset Roma. Nos, inepti hominis risu omisso, in sequentibus summæ & clarissimæ Urbis magnitudinem & amplitudinem ostendemus, in qua tot tantaque ædificia fuerunt, quot, præter Urbem, & quanta, terrarum orbis nusquam habuit: ut de cæteris ornamentis nihil dicam, nihil etiam de Imperii gloria. Vere enim ad Germanicum Cæsarem Ovidius,

Gentibus est aliis tellus data limite certo,

Romanæ spatium est urbis & orbis idem.

Cum autem omni fortunæ varietate sit exercitata, tamen in secundis rebus nunquam secura, invicta in afflictis semper extitit Urbem olim arroganti titulo, sed minime vano, appellarunt ÆTERNAM, quia Neptunio Homeri vaticinio posteritati Aeneæ, a qua orti Romani sunt, imperii æternitas promissa fuit.

Νῦν δ' ὃν αἰνέας βῖν τοῖσι τῶν ἀνδρῶν,

Καὶ παῖδες παῖδων τοῖσιν μετόπισθε γένουσιν.

Urbis nomini divinos honores tribuerunt Smyrnæi, Pergamenses, & Græcorum omnium cultissimi Athenienses. A Smyrnæis id factum est, ut Tacitus scribit, M. Porcii Catonis consulatu: a Pergamentibus, imperante Augusto. De Atheniensibus planius loquitur inscriptio vetus, quæ ante everfam à Mahomete urbem in vestibus templi fuit, quod in arce quondam Palladi dicatum erat. Postea sacrum B. Mariæ virgini.

Ο ΔΗΜΟΣ ΘΕΑΙ ΡΩΜΗΙ ΚΑΙ ΣΕΒΑΣΤΩΙ ΚΑΙΣΑΡΙ. ΣΤΡΑΤΗΓΟΥΝΤΟΣ ΕΠΙ ΤΟΥΣ ΠΟΛΙ ΤΑΣ ΠΑΜΜΕΝΩΤΣ ΤΟΤ ΞΑΝΩΝΟΣ

ΜΑΡΑΘΝΙΟΥ ΙΕΡΕΩΣ

ΘΕΑΣ ΡΩΜΗΣ ΚΑΙ ΣΕΒΑΣΤΟΥ ΣΟΤΗΡΟΣ ΕΝ ΑΚΡΟΠΟΛΕΙ ΕΠΙ ΙΕΡΕΙΑΣ ΑΘΗΝΑΣ ΠΟΛΙΤΑΔΟΥ ΜΕΓΙΣΤΗΣ ΑΣΚΛΕΠΙΑΔΟΥ ΑΔΑΙΕΩΣ ΘΥΓΑΤΡΟΣ ΕΠΙ ΑΡΧΟΝΤΟΣ ΑΡΗΟΥ ΤΟΥ ΜΥΡΙΩΝΟΣ ΠΑΙΔΕΩΣ.

Ad quod alludens cecinit Martialis:

Terrarum dea, gentiumque Roma,

Cui par est nihil, & nihil secundum.

S

Itaque

Itaque cum templa sacro Urbis nomini dicata sint; minime mirum Victrici statuas Triumphales collocatas fuisse. Cujus generis multæ elegantix & artificii statua è marmore, superiore anno re-
perta, & nunc in ornatissima Cæſorum domo statua est. Roma ju-
venili habitu sedet, galeata, sinistra manu tenens, ut videtur, pugio-
nem, dextra coronam lauream, designans indice mulierem sub basi
sedentem, vultu mesto, vestitu lugubri, capillo per vittam passio,
caput sinistra manu sustentantem, dextra ad sinistrum femur posita,
projectisque ad idem latus armis atque clypeis, cum hac inscri-
ptione :

ROMA VICTRIX DE DACIA PROVINCIA
SUBACTA TRIUMPHANS VULTU AC HABITU
BARBARORUMQ. SPOLIIS INLUSTRIS.

Quin etiam in Urbe prope viam Sacram, Romæ atque Veneris
consors delubrum fuit. Romanæ urbi Constans Imp. Constantini
junioris filius, septem dierum spatio plus ornamentorum ademittit u-
nus, quam ducentorum quinquaginta octo annorum intervallo de-
traxerunt omnes barbari. Imperium autem quamvis ante septin-
gentos & quinquaginta annos ad nos translatum sit, tamen Romani
nomen retinuit : ut poetico quodam ac vere fatidico spiritu dixisse
videatur Propertius :

Roma, tuum nomen terris fatale regendis.

Sibyllæ de Romæ interitu vaticinium ejusmodi refert Lactantius
Firmianus, in libro de Divino præmio : Roma interibit, & quidem
judicio Dei, quod nomen ejus habuerit invisum, & inimica justitiæ,
alumnus veritatis populum trucidat.

Ortum nuper aliud est, nescio quo auctore, idque occasione ejus-
modi. Phocas Imp. eodem jure summam potestatem Pontifici tri-
buit, quo ipse imperium invasit. Id autem factum est anno à nato
Christo DCVI, à quo primum regia authoritate Pontifex Christia-
norum ecclesiis præfuit : ad hunc annorum numerum si addantur
ii, quos *Πέντε*, si Græcè scribatur in se continet (singulæ enim literæ
certum numerum significant) tum sublatum iri urbis & Pontificis
potentiam. Complent autem hæ literæ annos DCCCXLIX. Hæc
qualia sint, ab Italis excogitata, aliis relinquo judicandum.

C A P. III.

*De Montibus, à quibus urbi additi, quæ loco adjacentia habeant,
quot nominibus & unde appellati.*

Propercius, poeta elegans, & doctus Urbis præco, canit,
Septem urbs alta jugis, toto quæ præfides orbi.

Unde *ἑπτάκορυς* à Græcis, Septicollis à Fabio Piccore, Septemge-
mina à Statio dicitur. Hos colles, septem arces Virgilius in Geor-
gicis, & in Epithalamio Ausonius, nominarunt. Nos decem Roma-
norum

norum collium situm, & varia eorum nomina, & loca circumiacentia, unde reliquæ urbis cognitio fiat apertior, paucis notabimus. Mœnibus enim inclusi hodie sunt, Palatinus, Capitolinus, Aventinus, Coelius, Esquilinus, Viminalis, Quirinalis, collis Hortulorum; & trans Tiberim, Janiculum, & Vaticanus.

Palatinus.

Romuli sedes, unde & Romulus à Tremellio, & à Strabone ~~duces~~ nomine, propter primam sedem regiam, appellatur. Ad ortum habet Coelum, ad meridiem Aventinum, ad occasum Capitolinum, ad septentrionem forum. Adjacet ex eò latere, quod ortum spectat, arcus Constantini: quod meridiem, Circus maximus: quod occasum, Romuli aedes, & velabrum: quod septentrionem, templaque in ipso foro sunt, & Vespasiani arcus. Hunc Virgilius à Palanteo oppido nominatum vult: Propertius & Ovidius, quod ibi pecudes palari, id est, errare, consueverint. Hujus montis pars forum versus, Germani nomen habuit: Coelum autem versus, Velæ. Quia autem prima imperii sedes in eo constituta, cujusvis principis aulam, aut splendidi hominis domum, Palatium nominamus. Hodie suffossionibus & subterraneis meatibus totus quasi pensilis, ruinis deformis, aut hortis occupatus.

Capitolinus.

Tatii Sabini sedes, qui & Saturnius, & Tarpeius. Ad ortum habet forum & Palatinum, ad meridiem Tiberim, ad occasum urbem planam, ad aquilonem collem Quirinalem. Ab ortu adjacent Tullianus carcer, artus Septimii, porticus Concordiæ: à meridie, Janus quadrifrons, forum holitorium, theatrum Marcelli: ab occasu Argentina: à septentrione, Trajani forum. Dicitur, à vetustissima Saturni sede, Saturnius: & mox (ut Justinus inquit) quasi pulso à Jove sedibus suis Saturno Capitolinus: idem Tarpeius, quod vel à Tarpeia virgine, vel

Ad uce Tarpeio mons est cognomen adeptus,

Ut canit Propertius. De eodem in VII Virgilius.

Hinc ad Tarpeiam sedem, & Capitolia ducit,

Aurea nunc, olim sylvestribus horrida dumis.

Aventinus.

Ab Anteo rege, crescente civium numero, ex parte additus, non totus habitatus, Tatii regis Romanorum, & Aventi. Albanorum, sepulcris celebris. Variis appellatus nominibus, à Remo, Romuli fratre, Remurius: Murciæ fœcundiæ Deæ sacello, Murcius: à Dianæ templo, collis Dianæ. Martialis lib. XII.

Cum tu forsitan inquietus erras,

Gloriosa Furdenalis in Subura,

Aut collem domina tevis Diana.

Et idem libro VII, ad Maximum :

Esquilis domus est, domus tibi colla Diana.

Propter longitudinem certò describi nequit : sed tamen, ut in prioribus, tentabimus. Ad ortum, in meridiem declinantem, respicit mœnia : ad meridiem, campum Figulinum : ad occasum, flumen : ad septentrionem, montem Palatinum. Ortum versus, sed valde in meridiem flexum, propinqua est porta Capena : meridiem, porta Ostientis, Cæstii pyramis, mons Testaceus : occasum, Navalia, salinæ, spelunca Caci : septentrionem, Dianæ templum, & Naumachiæ initium. Aventinus dictus ab avibus : quod nomen ante Evandri & Herculis in Italiâ adventum, ut liquet ex Virgilio, habuit. Quod si certis auctoribus scripsit ille, minime nomen accepit ab Aventino rege, qui in eo extinctus bello ; & sepultus fuerit, ut 4 Fast. ait Ovidius, quamvis in eadem pagina alteram, & cum Virgilio consentientem opinionem ponat. Neque etiam ab Avene Sabinorum fluvio, ut de gente populi Roman. tradidit Varro. In hunc montem aliquando plebs secessit, ut est apud Senecam in libro de Brevitate vitæ, & apud Plin. lib. 19. Nemo Sacros, Aventinosque montes, & iratæ plebis secessus circumspexerit.

Cælius.

Ab eodem Anco additus, ut Strabo : vel à Tullo Hostilio, ut Livius : vel à Tarquinio Prisco, ut Tacitus. A querna sylva, Quercetulanus : à Tiberio Cæsare, quod is post incendium habitatoribus ædificia consumpta instaurasset, dici cœptus mons Augustus. Ab ortu habet mœnia. à meridie Cœliolum, ab occasu Palatinum, à septentrione Esquilias. Adjacent ab ortu, Cœlimontana & Nevæ portæ, & inter has Stratii Tauri theatrum dimidiata sui parte mœnibus inclusum : à meridie, vallis : ab occasu, Severi septizonium : à septentrione, Tiri Amphitheatrum, vulgo Colosseum. Nominatus à Cœle quodam Hetruscorum duce, qui cum Romulo contra Sabinos arma focia conjungens, castra in eo posuit.

Cœliolus pars est Cœlii, à Martiale lib. 12. ad Juvenalem, Minor Cœlius dictus :

*Dum per limina te potentiorum
Sudatrix toga ventilat, vagumque
Major Cælius & minor fatigat.*

Ab ortu habet mœnia. à meridie Aventinum, ab occidentis & septentrionis partibus vallem, per quam fluit Appiæ rivus. Incipit post portam Gabiulam, nunc Causam : & inde ad Latinam flexatur, terminaturque ad Capenam.

Esquilinus.

A Tullo Hostilio adjectus, ut Livius, a Servio Tullio, ut Traquillus. Hanc autem in auctoribus diversitatem peperit, quod aliqui reges premi adjecerint, aut habitarent : reliqui ædificiis, aliis rebus ornarint, aut auxerint. Hunc montem, auctore Verrio Flacco,

& Cispium & Oppium veteres nominarunt. Attingit ab ortu, Urbis muros : à meridie, viam Lavicanam : ab occasu, vallem inter Caelum & Palatinum longe lateque patentem : à septentrione, Viminalem. Adjacent ortum versus, Esquilina porta, & Querquetulana : meridiem versus, Carinæ : occasum, vallis subjecta, & regio Tabernolæ : aquilonem, vicus Patricius & Subura. Unde Suburanum nonnulli vocarunt ex veteribus. Dictus, quod excubie ibi agerentur, primum Excubinus : postea mutata pronuntiatione, Exquilinus : & melioris soni gratia tandem Esquilinus : & à Poëtis Esquilus, litera è medio sublata. Ut Ovid. 11. Fast.

Monte sub Esquilio. —

Idem lib. 3.

Adde, quod excubias ubi rex Romanus agebat,

Qui nunc Esquilias nomina collis habet.

Horatius in sermonibus ; — *at simul attras*

Ventum est Esquilias. —

Viminalis.

A Servio Tullio ad reliquos additus, qui & Sagutalis, à sylva fagea, ut est apud Varronem & Festum. In ortum tendens, respicit campum Esquilinum : In meridiem, Suburæ partem, & fori Romani : in occasum, Quirinalem, interjecta Subura plana : in septentrionem, vallem Quirinalem. Ab ortu adjacet porta Querquetulana : à meridie, Novatii & Olympiadis thermæ : ab occasu, Decii palatium : à septentrione, lavacrum Agrippinæ. Nomen invenit à viminum copia : quæ tamen cujus generis fuerint, Varro, Festus, Plinius non dixerunt, neque Juvenalis Sat. 111.

Esquilias, dictumque petunt à vimine collem,

In locis incultis, quæ hortos aut vineta non habent, nunc populi, & salicum vimina, & arundines nascuntur.

Quirinalis.

Ab eodem rege additus. Alio nomine Agonius, vel Agonensis, & quadam sui parte mons Clatræ & Apollinis, si Victoris liber emendatus est. Nunc vero mons Caballinus. Habet ab ortu, Viminalem : à meridie, Cæsaris & Nervæ forum : ab occidente, Urbem planam : à septentrione, collem Hortulorum, & campum Martium. Contigæ sunt ab ortu, portæ Viminalis, & Collina : à meridie, Corneliorum domus : ab occidente, quæ in plana urbe sunt ædificia : à septentrione, porta Collatina. Dictus Quirinalis, ab æde Quirini. Ovid. 11. Fast. de Quirino,

Templa Deo faciunt, collis quoque dictus ab illo est.

Horatius secundo lib. epist.

Cubat hic in colle Quirini,

Hic extremo in Aventino, visendus uterque.

Agonius, quod, circo Flaminio eruptione Tiberis inundato, ludi

Agonales in eo fierent. Clatræ & Apollinis, à templo quodam. Caballinus, à duobus equis marmoreis, qui stant ibidem in excelsa basi, cum suis ductoribus, prope eadem S. Saturnini, qui à Phidia & Praxitele sunt facti, si titulus verus est.

Collis Hortulorum.

Vel (ut Suetonius) collis Hortorum, extra antiquos muros, Quirinali contiguus. Ab ortu tangit ejusdem montis campum, à meridie item aliquam ejus partem, ab occasu vallem Martiam, & Domitiani naumachiam, à septentrione urbis moenia. Ab ortu propinquam habet portam Collatinam, à meridie pilam olim Truburtinam, ab occasu viam Flaminiam, à septentrione templum Solis, & Neronis sepulcrum. Ab hortis ad nostra usque tempora nomen antiquum retinuit.

Vaticanus.

Trans Tiberim, olim habitatus non fuit, nec ad Urbem pertinuit. Nomen accepit vel à vatum responsis, vel à Vaticano Deo, qui & Vagitanus. Ad ortum, spectat campum Vaticanum, & flumen : ad meridiem, Janiculum : ad occasum, alium campum, in quo ex cæta & argilla vasa fiunt, ab usque Juvenalis & Plinii temporibus nota : ad septentrionem, prata Quintia. Meminit hujus montis Horatius Carm. oda xx.

Care Mecenas, eques, ut paterni

Fluminis ripæ, simul & jocosa

Redderet laudes tibi Vaticani.

Montis imago.

Olim fuit Scipionis sepulcro nobilis, nunc vero clarus S. Petri basilica, item Palatio, hortisque Pontificiis.

Janiculum.

Ab Anco mons hic additus, Numæ regis, & Statii Cæciliï Poëta sepulcris celebratus. Ab ortu meridiemque Tiberim respicit, ab occasu campos, à septentrionis parte Vaticanum. Adjacent ab ortu, prata quondam Muria : à meridie, porta Portuensis : ab occasu, Aurelia : à septentrione, naumachia Neronis. Dicitur vel à vetustissimo oppido, quod Janus condidit, de quo in viii Virg.

Hic duo praterea, disjunctis oppida muris,

Reliquias; veterumque vides monumenta virorum :

Hanc Janus pater, hanc Saturnus condidit arcem,

Janiculumque illi, huic fuerat Saturnia nomen.

Vel quod populo Rom. primum in Hetruscos eunti quasi janua fuerit, ut Verrius Flaccus. Nunc à flavis harenis, mons aureus, & corrupto vocabulo Montorius. Ex hoc propter altitudinem Roma maxime conspicua, cæcis autem infrequentior est, ob aëris gravitatem, utrumque testante libro primo Martiale :

Longo

*Longo Janiculi iugo recumbunt,
Et planus modico tumore vertex,
Caelo perfunditur serenior.
Hinc septem dominos videre montes,
Et totam licet aestimare Romanam.*

In hunc secessisse aliquando plebem Romanam, & à Qu. Hortensio dictatore revocatam, scribit Plinius libro 16.

Hi montes jam rarissimi habitantur, maxima ex parte hortis, & dispersis hinc inde templis, aut claustris religiosis occupati, aut veterum ædificiorum ruinis obruti. Vetusitissimis temporibus nemora & pascua habuit Palatinus, ut scribit Tibullus: Capitolinus dumeta, ut Virgilius: Aventinus lauratum, ut Solinus: Caelius quercetum, ut Tacitus: Viminalis sylvam fageam, ut Varro: Janiculum esculetum, ut Plinius: Vaticanus ilicetum, ut Fulvius.

C A P. IV.

De Portis veteris novæque urbis, quam variis nominibus eadem appellatæ.

Portæ urbis in universum sunt viginti, antiqui nominis & loci quindecim, recentioris Urbis quinque. Ad septentrionem sunt Flumentana & Collatina. Ad ortum vernum, Quirinalis, Viminalis, & Clausa. Ad ortum æstivum, Esquilina & Nevia. Ad ortum hyemalem, Coelimontrana, Gabiufa, & Latina. Ad meridiem, Capena & Trigemina. Ad occasum, Navalis, Aurelia, & Septimia Reliquæ quinque urbis, Leoninæ sunt, ut mox dicemus.

I. *Flumentana.*

Quod ad Fluvium pertineret, à via Flaminia, & vulgo nunc Porta populi.

II. *Collatina.*

In colle Hortulorum, à Collatia oppido; & à palatio Pincii Senatoris, modo Pinciana.

III. *Quirinalis.*

Aliis nominibus Collina, & Agonia, sive Agonensis, Ovid. 4 Fast.

Templa frequentari Collinæ proxima portæ.

Juvenalis Satyra 5. — Proximus urbi

Hannibal, & stantes Collina in tærræ mariti.

Aliquando Lavernalis, quod ad ejus dææ fanum in via Salaria ducebat: & nunc à via ipsa, Salaria.

IV. *Viminalis.*

Quæ & Numentana, vel (ut Strabo scribit) Nomentana, & Figulensis, & nunc S. Agnetis.

V. *Querquetulana.*

Ab aliis inter aggeres, sine auctore. Prope enim sunt Aggeres Tarquinii, quadrata forma tumulus. Querquetulanam proxime Viminalem

minalem fuisse, videtur indicare Plinius lib. 26. Hæc nunc in vine-
tis jacet clausa, ad quam per viginti gradus ascendimus.

VI. Esquilina.

A Procopio Prænestina, à Fulvio & aliis quibusdam Ticurtina, à
bovis capite, quod supra eam est, nunc Taurina : à templo subur-
bano, vulgo S. Laurenti. Antiquissimo nomine Metia, id enim inde
conjicio, quod idem de Meria scribat Plautus, quod de Esquilina Ho-
rati : nec dissentit ab utroque Corn. Tacitus, qui libro secundo
Annalium ait, sumptum more prisco extra Esquilinam de nocentibus
supplicium, Plautus in Casina, v

Illum ædepol videre ardentem te extra portam Metiam

Credo ecastor velle.

Horatius V. Epod.

Post, insepulta membra different lupi,

Et Esquilinae alites.

In quem locum annotavit Porphyrio, in regione aggeris extra por-
tam Esquilinam solita fuisse pauperum corpora vel comburi, vel
projici. Combusta fuisse indicat Plautus, projecta Horatius.

VII. Nevia.

A Plinio Lavicana, à vetustioribus Raudusculana : hodie porta
Major, ab ædificii magnificentia, propter ductum aquæ Claudia,
cujus ibi vestigia apparent.

VIII. Cælimontana.

Aliquando Asinaria, nunc à templo porta S. Joannis, à quibusdam
porta Laterana. Per hanc Alarico duce ingressi Gothi, urbem ca-
ptam diripuerunt, Innocentio Primo Pontifice.

IX. Gabula.

Sub Cœliolo, nunc Clausa, alias S. Methodii. Per hanc rivus Ap-
piæ urbem influit.

X. Latina.

Quæ & Valeria, à via : & Ferentina, ab oppido Hernicorum. De
priori nomine incertum est : de altero suam conjecturam attulit Mar-
tialis.

XI. Capena.

A via interdum Appia, à templo olim Camœna, à Tortellio & Me-
ryla Fontinalis, nunc S. Sebastiani. Celeberrima apud Poetas. Pro-
pertius lib. iv. *Armaque cum tulero porta votiva Capenæ*

Juvenalis Sat. 111.

Substitit ad veteres arcus, madidamque Capenam.

Martialis lib. iv. Epigram.

Capenæ grandi porta qua pluit gutta.

XII. Trigemina.

Nunc Ostiensis, vel S. Pauli. Veteris Trigeminae ad Tiberim in
vineto quodam sunt vestigia, alium enim in locum translata à Clau-
dio Imp. fuit. Extra hanc tenues stipem petere solitos, significat
Plinius lib. xxxiv, inquit : Extra portam Trigeminam, unciaria
stipe collata, & alludit eodem Plautus in Captivis, apud quem sic lo-
quitur paralitus :

*Vel extra portam ire Trigeminam ad sacculum licet :
Quod mihi ne eveniat, nonnullum periculum est.*

XIII. *Navalis.*

Trans Tiberim, quæ & Portuenſis, nunc porta Ripæ, vel Vina-
ria, quod extra eam vina externa, maxime tamen Campana &
Thuſca, vendantur.

XIV. *Aurelia.*

In Janiculo monte, nunc S. Pancratii, aliquando Trajana.

XV. *Septima.*

In eodem monte, hæc & Fontinalis, & ſubtus Janum. Per hanc
ingreſſi, Fronsbergio & Borbonio ducibus, Germani Romam diri-
puerunt, Clemente Septimo, Hetruſco, Pontifice.

De Urbe Leonina, & ejus portis.

Planicies intra Tiberim & montem Vaticanum, vulgo Regio Bur-
gi, ſeu Vaticanum ſuburbium, à Leone Quarto Pontifice, urbs Le-
onina, & nova Roma appellata, quod eam partem adverſus Sara-
cenos, tunc univerſam Italiam ab utroque mari infeſtantes, muni-
tam reddiderat, mœnibusque contra incurſiones ſepſerat. Ea nunc
quinque habet portas, quarum hæc ſunt nomina :

Posterula.

Vel porta Turrionis, quæ ducebat ad ſcholam Saxonum & Lon-
gobardorum, prope campum ſanctum.

S. Spiritus.

Infra Janiculum, eundo ad Septimiam, à templo vicino nomen
habens, circa quam olim Triumphalis porta fuit.

Pertuſa.

Vel S. Peregrini. in dorſo Vaticanæ, non longe à ſtabulis Palatinis.

Viridaria.

Vel porta Julia, ſubjecta palatio Pontificis : hæc in campos ducit.

Subjecta.

Per quam apud molem Hadriani, nunc caſtellum S. Angeli, in
campos iter eſt.

De Portis, quæ jam non extant.

Legitur de aliis portis apud ſcriptores, quæ jam nullæ ſunt, ut
Urbis Romuli antiquiſſimæ quatuor. Prima Romana, quæ ab Ovi-
dio porta Palatii, à Varrone Mugionia, à Verrio Trigonia appellata.
Altera Pandana, quæ & Saturnia, & Romanula, & Libera. Tertia
Carmentalis, & alijs nominibus Tarpeia, & Scelerata, & Veienta-
na, & (ut ex Plinio conjici poteſt lib. VII.) aliquando Ratumena.
Quartam addunt nonnulli, Janualem. Præter has auctæ jam urbis &
aliæ inveniuntur, vel à ſtatis ſacrificijs dictæ, ut Piacularis, & Catu-
laria & Stercoraria : vel à deorum templis, ut Sangualis à Sango,
Salutaris à Salute, Libitinensis à Libitina, Minutia à ſacello Minutii.
De his malo allatas aliorum ſententias ſequi, quam contra aliquem
contendere, aut novam conjecturam ſine auctoritate aſſingere.

CAP. V.

De viis intra & extra Urbem.

Maxima senatus diligentia fuit in viis faciendis: bonis enim Reip. temporibus id agebant principes Romani, non ut sua cupide nimis augerent, sed ut honori publico, & civium commodis confulerent. Acquod Demosthenes de Atheniensibus predicat, Aristidem & Miltiadem, aliosque illustres viros, cum urbem publice ita ornaverint, ut ad incrementi amplitudinem posteris vix reliquerint locum, privatim ipsos nihil magnificentius habitavisse, quam quemvis ex modicis vicinis suis. Idem de Romanis veteribus, suorum temporum improbitatem reprehendens, merito iactavit Hortatius secundo Catinium oda xv.

*Privatus illis census erat brevis,**Commune magnum: nulla decempedis**Metata privatis, opacam**Porticus excipiebat Arcton.**Nec fortuitum spernere cespitem**Leges sinebant, oppida publico**Stimptu jubentes & deorum**Templa novo decorare saxo.*

Ex talibus operibus laude dignis, & utilibus Reip. fuit viarum magnificentia. Earum curandarum munus censoribus a senatu commissum fuit: quibus Augustus Cæsar, Viarum curatores addidit, qui ut & Quatuor viri tuendarum viarum in primis nominati fuerunt, id quod inscriptiones Tiburi, Formiis, Alysis, item Urbini, Romæ, Praeneste, & extra Italiam, Daciæ, Gallicæ, Hispanicæ, indicant: Viæ autem ejusmodi cum intra urbem, tum etiam extra fuerunt, & in Provincias ipsas commoda earum translata sunt. Etenim viæ Pompeiæ in Sicilia meminit Cicero contra Verrem; viæ Domitiz in Gallia, idem pro M. Fonteio: viæ Posthumiz in Insubria, Cornelius Tacitus: viæ Domitianæ in Campania, Statius Papinius. Nunc ad Romanas venio, & primum ad urbanas.

Via Urbane.

Sex, Pompeius, ne hoc ignoretur, annotavit, in viarum nominibus, substantivum in sermone præponendum, ut dicatur, Via sacra, & via nova; non sacra via, aut nova via. Verum hæc communis est præceptio, ut dicatur, forum Cæsaris, theatrum Scæuri, domus Pompeii: Item mons Vaticanus, pons Sublicius, porta Metia, tribus Cornelia; ut id quod generis significationem habet, minus commune verbum in sermone Romano ulitare antecedit. Hoc licet à Poëtis raro, Cicerone & aliis non semper observetur, tamen plerumq; locum habet.

Via Sacra.

Inter urbanas celeberrima, incipit ab amphitheatro, & per vicinos hortos

hortos juxta templum Pacis & forum Cæsaris recta tendit in Capitoli-
um. Per hanc triumphantes Capitolium ascendebant. Propert.
lib. 11.

Attiague in sacra currere rostra via.

In eadem, ut fit, animi causâ ambulabant: unde Horatius in
Sermonibus:

Ibam forte via sacra, sicut meus est mos.

Item populo se ostentabant homines auræ popularis studiosi: ut de
Mena Pompeii Magni liberto idem Poëta in Epodis,

Videsne, Sacram metiente te viam

Cum bis ter ulnarum toga,

Ut ora vertat huc & huc euntiam

Liberrima indignatio?

Et de puella populo se præbente Propertius,

Cui sæpe imminuat Sacra coneritur via socco.

Nec finit esse moram, si quis adire velit.

In eadem propter frequentiam res viles vanabant, ut poma, stabella,
tesseræ, tali: testantibus Varro, Ovidio, Propertio, Sacravien-
ses, ut Suburen-
ses, qui ad viam sacram, & Suburam habitant, nomina-
vit Festus.

Via nova.

A Velabro inter Capitolium & Palatium, ducens in forum. Ovid.

iv. Fast.

Qua via Romano nunc nova juncta fora.

Via nova alia.

Prope Severi septizonium declinans ab Appia Aventinum versus,
& rursus in eam sub thermis Antoninianis incidens, qua pulchriorem
inter plateas Romanas nullam inventam, scribit Spartianus.

Via lata.

A macello corvorum, ad septa campi Martii extensa. Hæc vetus
nomen retinet, & nunc Roma est pulcherrima.

Via alta.

Intra Quirinalem & Viminalem, tendens ad portam Viminalem,
lapide olim quadrato strata, & Alta semita dicta.

Via recta.

Ducens per longitudinem campi Martii. Seneca de morte Glau-
dii: Trahit capite obvoluto, ne quis eum posset agnoscere, per
campum Martium, & inter Tiberim & viam rectam descendit ad
inferos. Hæc via prope Flaminiam fuit. Martialis lib. viii,

Dum rapetis sera conductos nocte penates

Lingonus à Rectâ Flaminiaque recens.

Via fornicata.

Prope Flaminiam, ea parte qua steterunt Ovilia. Hujus sæpe men-
tionem facit Livius.

Via

Via suburbana.

A foro Trajani, ad ædem nunc S. Agathæ.

Via piscinaria.

Inter Cœliolum & Aventinum, porrecta ad piscinas publicas, quæ quamvis tollerentur, viæ tamen nomen remanhit.

Via triumphalis.

A campo Vaticano continuabatur in Capitolium. Ejus particula silicibus strata adhuc cernitur, inter templum S. Spiritus, & Tiberim.

Via Ælia.

Ab Ælio Hadriano facta, Triumphali contigua.

Via extra urbem.

Hæ viæ partim intra urbem initium habuerunt, ut Flaminia, Prænestina, Tiburtina, Lavicana, Campana, Gabiula, Appia, Ardeatina, Aurelia: partim extra urbem inceperunt, ut reliquæ omnes. Nomina sortitæ sunt, una tantum, a porta unde orietur, ut Salaria; plures ab auctoribus, ut Flaminia, Æmilia, Cassia, Valeria, Numicia, Appia, Aurelia, Cornelia, Vitellia: pleræque a civitibus, ad quas erant deductæ. Tam autem latæ quædam fuerunt, ut binos currus simul euntes caperent: tam longæ, ut Provinciarum terminos attingerent. Primum in urbe tantum silice sternebantur, extra vero glareæ, ut ex Tibullo & Plinio licet cognoscere: posterioribus temporibus omnes silicibus stratæ sunt. Verum unde tanta lapidum copia advecta sit, nondum me legere memini. In Campania duos montes vidi, ex quibus saxa ejusmodi exscinduntur: unum prope Sueffam, alterum ad mare intra Puteolos & Neapolim. Silices lati sunt ternos quaternosve pedes, & reperi quæque versui latos pedes quinos. Viarum nomina recensebo secundum portas. Quod autem discrepant interdum scriptorum sententiæ, minime mirandum est: siquidem non uno tempore sunt stratæ: & una in alteram sæpe exiguo, sæpe longiore, intervallo incidens, nomen alterius mutat.

Via Flaminia.

Hæc à Cn. Flaminio per Hetruscos Aretium, ab Augusto Cæsare per Umbriam & Picenum, Ariminum usque strata, longa ad xl. miliaria Germanica. Martialis lib. x.

Totaque Flaminia Roma videnda via.

Hujus intra Oriculum & Romam vestigia in vepretis vidimus. Crebra ejus mentio apud Tacitum, & de eadem inscriptio Tarracensis Hispaniæ, quæ L. Ovinio, L. F. Quirino Rustico posita, in qua inter cætera legitur.

CURATOR. VIÆ FLAMIN. LEGATO LEG. MYS. INFERIORIS CURAT. VIÆ TIBURTIN.

Claudia.

Flaminiae juncta; Ovidius 1. de Ponto,

*Nec quos promiseris positos in collibus hortos
Spectat Flaminiae Claudia juncta viæ.*

Æmi-

Æmilie.

Æmilie duæ fuerunt, unam stravit Lepidus Bononiam, & ex ea Aquileiam, Martialis lib. 111. alloquens librum suum,

Romam vade liber : si, veneris unde, requireret ?

Si, quibus dicas de regione viæ.

Si, quibus in terris, qua sumus in urbe, rogabit ?

Corneli referas me licet esse foro.

Idem de eadem libro vi. & Plinius libro 1. agens de mirifico portento agri Mutinensis : in eadem Faventiam positam significat, lib. XIX. Junior Plinius ad Pontium : Mihi nunciatum est, Cornutum Tertullum accepisse Æmilie viæ curam. Alteram Æmiliam stravit Scauris, quæ per Pisas, Lunam, Sabbatios, Dertonam usque pertinuit.

Cassia.

Extra Flumentanam per Sutrium, Viterbium, Vulsinius mittebat. Hujus rudera quædam inter oppida nominata extant.

Cimina.

Fuit propinqua superiori, vel ab oppidi, vel à montis, vel à lacus nomine dicta. Hujus mentio apud Victorem, & in marmore Auximi.

C. OPPIO C. F. VEL SABINO CUR. VIAR.

CLODIAE ANNIAE CASSIAE CIMINAE APPIAE AURELIAE
TRIUM TRAJANARUM ET AMERINAE.

Clodia, quæ in hac inscriptione nominatur, est, quæ ab Ovidio Claudia. De Annia, & tribus Trajanis, nihil certi habemus.

Amerina.

Hanc ex posita inscriptione fuisse cognovimus, & duxisse Amerinam.

Collatina.

Extra portam ejusdem nominis, ducens Collatiam, post exiguum spatium incidens in Salarium.

Salaria.

A porta Collina mittens in Sabinos, non magnæ (ut Strabo inquit) longitudo, a deportando sale adepta nomen. Martialis,

Illic Flaminia, Salariaque,

Gestator patet effedo tacente.

Tacitus lib. XIX. Ut transverfis itineribus per agrum Sabinum via Salaria Urbem introirent, & paulo post, Tertium agmen per Salarium Collinæ portæ propinquat. In hac via, ad quartum & decimum milliare, ut Vibius, vel ad undecimum, ut Livius, prope Alliam flumen, victoria contra Romanos potiti sunt Galli.

Numentana.

A Viminali, vel (ut Strabo) à Collina inchoans apud Eretum vicum in Salarium incidit. Quamobrem superiorem & hanc ranquam vicinas conjungunt, Suetonius in Nerone, & Eutropius loquens de morte Caligulæ : Numentanæ prope Urbem extant adhuc vestigia. Ovid. IV. Fast.

Hac

*Hac mihi, Numento Romam cum luce redirem,
Obstitit in media candida turba via.*

Tiburina.

Extra Esquiliam. Tibur mittens. Ab hac porta multæ viæ incipientes, in diversa loca postea dividuntur. Horat. 1. Serm.
Cum Tiburte via prætorem quinque sequuntur.

Tusculana.

Hanc una cum Albana instauravit M. Messala, quem laudibus celebrat lib. 1. Tibullus:

*Nec taceam monumenta via, qua Tusculatellus,
Candidaque antiquo detinet Albæ lare.*

*Namque opibus congestatuis hic glarea dura
Sternitur, hic apta jungitur arte fulex.*

In Albana olim via Julio Proculo apparuit Romulus.

Prænestina.

Hujus initium cepit à Subura, cujus intra urbem adhuc ex lapide quadrato supersunt vestigia, & in frutetis extra urbem, à Tusculo Præneste euntibus.

Lavicana.

Intra Esquilinam & Coelium, per Esquilinam (ut Strabo inquit) portam exiens, vel, ut alii, per Næviam, deduxit ad Lavicorum oppidum. Sed & hoc & Tusculum à dextra relinquens, ad Pictas & Latinam viam terminabatur.

Campana.

Extra Coelimontanam de qua Romæ in marmore:

**HUIC MONUMENTO ITUS ADITUS. AMBITUS DEBETUR EX
SENTENTIA EROTIS AUG. L. JUDICIS A VIA CAMPANA
PUBLICA.**

Et apud Suetonium in Cæsare Augusto.

Gabina.

Intra Coelium & Coeliolum orta, ducens Gabios. Strabo lib. v. non idem dicit, primum enim ait, Latinam inter Appiam & Valeriam positam: postea inter Latinam & Valeriam, interjicit Prænestinam, & in Prænestina via Gabios titos inquit.

Valeria.

De Latina declinavit per Sabinos, ad Marfos: & inde ad Corfinium, Pelignorum metropolim, pertinuit.

Latina.

Hæc per Ferontum, Frusinum, Fabrateriam oppida ad Casinum extensa, ubi in Appiam incidit. In Dacia hæc legitur inscriptio:

L. ANNIO FABIANO.

**MI. VIRO CAPITALI CURATORI VÆ LATINÆ LEG. X.
FRETENSIS LEGATO.**

Hæc

Hanc viam Martialis modo Latiam, modo Aufoniam nominat,
libro ix.

*simili venerandus ab Hercule Caesar,
Consecrat Aufonia maxima fana via.*

Idem eodem libro ix.

*Herculis in magni vultus descendere Caesar
Dignatus, Latiae dat nova templa viae.*

*Qua Trivia memorosa petit dum regna viator,
Octavum, domina marmor ab Urbe legit.*

Cicero pro Cluentio, cauponem quendam de via Latina nominat.

Appia.

A porta Capena, vel potius à septizonio initium sumpsit, omnium maxima & laudatissima, ab Appio censore (ut Frontinus inquit) ad urbem Capuam munita, sed verius Tacitus, & auctor de Virg. illustribus, qui Appium hanc viam deduxisse Brundisium usque affirmant. Certe Augusti temporibus eo pertinuit, si Horatio credimus: item Tiberii, si Straboni, & hoc ipsum sub Nerva potuit ignorare Frontinus? Longitudine circa sex & sexaginta milliaria Germanica (unumquodque autem v M. pass. continet) est complexa, quoniam ad Pollium bene Starius,

qua limite noto

Appia longarum teritur regina viarum.

Hæc prope Romam deflebens, inter Tusculum, & Albam, per montes deducit Aretiam, Algidum, Pictas, Pandochiam: hinc ad maritima pervenit Taracinam, Formias, Minturnas, Sinuessam, & inde Capuam, Sidicinum, Callateriam, Calydium, Beneventum, Brundisium. Libo Drusus Scribonius, conjurationis adversus Tiberium reus, aliquando consultavit, an habiturus esset opes, quis viam Appiam Brundisium usque pecunia operiret. Ab auctoris nomine dicta Appia: à gentis, Claudia: ab imperatoris qui restituit, Trajana. Ejus menti partem sumus à Monticella, Fundis, Iatro, Formiis, ad xx M. pass. & iterum vidimus apud Capuam novam; quo in loco eam restituisse Antoninum Pium, inscriptio pontis supra Vulturum fluvium demonstrat.

Numicia.

Appiæ vicina, testimonio Horatii lib. i. epist.

Brundisium Numici melius via ducat, an Appi,

Ardeatina.

Ex Aventino, juxta Antonipi thestas, strata Ardeam.

Laurentina.

Ex eodem monte Laurentum deducta. Ovid. ii. Fastorum:

Est via, quæ populum Laurentes ducit in agros.

Inter

Inter Ardeatinam & Ostiensem Gellius Laurentinam ponit : Et Laurentinam atque Ostiensem, tanquam propinquas inter se, conjungit Plinius junior, in epistola ad Gallum.

Ostiensis.

Quæ ad Ostiam mitteret. De hac inscriptio Neapolitana,

M. BASSÆO. M. F. PAL. AXIO

**PATR. COL. CUR. R. P. II VIR MUNIF. PROC. AUG.
VIÆ OST. ET CAMP.**

Hæc exigua spacio fuit.

Portuensis.

Quæ ultra flumen ad portum Ostiensem, totius orbis amplissimum ducebat.

Aurelia.

Maritimæ Thuscæ ora, per agros sylvasque Pisas extensa. Hæc & Consularis dicta fuit, & ab institutore, Trajana. Invenitur Aurelia vetus & nova, altera fortasse ob auctorem, altera propter reparatorem. Tiburi in epigrammate C. Popilii inter cætera sic legitur,

**CURATORI VIAR. AURELIÆ VETERIS ET NOVÆ
CORNELIÆ ET TRIUMPHALIS.**

Cicero, xii Philipp. Tres viæ sunt ad Mutinam, à supero mari Flaminia, ab infero Aurelia, media Cassia.

Cornelia.

De hac in Tiburtina inscriptione, & in Roman. domus Cæsæ.

**CURATORI VIARUM
AURELIÆ CORNELIÆ.
TRIUMPHALIS.**

Ex quibus conjicio, inter Aureliam & Triumphalem interjectam fuisse.

Triumphalis.

Hæc intra urbem initium habuit, & de qua supra dictum est.

Vitellia.

A Janiculo monte ad mare usque munita, auctore Suetonio.

Curatores viarum vectigalia certis hominibus locabant : quæ qui redimerent, mancipes dicti sunt. Unde mancipum fraude, & magistratuum incuria viæ sæpe interruptæ, & imperviæ factæ sunt : de qua re conqueritur Tacitus. De ejusmodi mancipe inscriptio Romæ, in domo Cardinalis Carpenlis :

**CN. CORNELIO
CN. F. SAB. MUSÆO
MANCIPI VIÆ APPIÆ**

Viarum munitio ac restitutio maximæ curæ fuit

C. Graccho, ut Plutarchus: item ex Imperatoribus Tiberio, ut Tacitus scribit: & Vespasiano, ut Sex. Aurelius, probatque marmor vetus Romanum.

IMP. CÆS. VESPASIANO AUG. P. ON. MAX. TRIB. POT. IMP. IIX. P. P. COS. III. DES. IIII. S. C. QUOD VIAS URBIS. NEGLIGENTIA SUPERIOR. TEMPOR. CORRUPTAS IMPENSA SUA RESTITUIT.

Post hoc Trajano, a quo multæ viæ nomen abolito pristino acceperunt, ut Appia, & Aurelia: & trium Trajanarum supra facta est mentio. Ad vias exædificatæ fuerunt ædes, domus, arcus, hippodromi, prædia, horti, tabernæ, & (ut suo loco dicemus) sepulcra, tanta frequentia & splendore, ut exterarum gentium legati per suburbana euntes, in ipsa Urbe se versari crederent.

CAP. VI.

De regionibus & tribubus.

Urbs Roma in regiones quatuordecem divisa fuit, quod Plinius scribit, & his verbis Tacitus, de incendio loquens Neroniano: In regiones quatuordecem Roma dividitur, quarum quatuor integræ manebant, tres solotenus dejectæ, septem reliquis pauca tectorum vestigia supererant, lacera & semivivida. Testatur idem antiquus lapis in Capirolio ante domum Triumvirum, quos nunc Conservatores nominant:

IMP. CÆSARI DIVI
TRAJANI PATRICI FIL.
DIVI NERVÆ NEPOTI
TRAJANO HADRIANO
AUG. PONTIF. MAXIMO
TRIBUNIC. POTEST. XX.
IMP. II. COS. III. P. P.
MAGISTRI VICORUM URBIS
REGIONUM XIII.

De regionibus extat libellus Publii Victoris, seu (ut alii volunt) Sex. Rufi, qui hæc imponit illis nomina, Porta Capena, Caelimontium, Isis & Sarapis, Via sacra, Esquilina, Alta semita (cujus & Suetonius mentionem facit in Domitiano) Via lata, Forum Romanum, Circus Flaminius, Palatium (hoc quartam regionem nominat Varro) Circus Maximus, Piscina publica, Aventinus, Transtiberina. Spacia & terminos nemo ex antiquariis Romanis, in tanti loci opportunitate, & cæterorum adjumentorum copia adhuc investigavit. Augustus ad custodiam Urbis propter tumultus subitos, aut nocturna incendia, septem Vigilium cohortes ex libertinis conscripsit, eisque regionem Transtiberinam habitandam concessit. Iis qui præerat, Præfectus Vigilium aut Vigilibus præpositus (ut apud Tacitum) dicebatur. Ex

quatuordecim regionibus, prima, duodecima, & tertia decima, Gothico incendio ita consumptæ sunt, ut neque postea unquam restitui potuerint: auctor Pomponius. Regiones hodie (ut recentiora cum antiquis conjungam) totidem numero sunt, sed & nominibus & distributione diversæ. Regio Montium, Trivii, Columnæ, Campi Martii, Pontis, Parionis, Harenulæ, Eustachii, Pineæ, Angeli, Cambitelli, Ripæ, Transiberina, Burgi. Regiones ipsæ dividuntur in vic. s. quemadmodum tribus in Curiis.

Tribus autem Urbis antiquæ fuerunt quinque & triginta: ut ex actionibus Ciceronis contra Verrem & Kullum, & ex Augusto Suetonii, clarum est. M. Varro de tribubus libros scripsit; & singulas singulis Satyris lateravit Lucilius, de quo Persius:

----- *Sicuit Lucilius urbem.*

Et apertius Horatius in Sermionibus:

Primores populi arripuit, populumque tributim.

Asconius in secundam Vertinam tribus improprie Curias, item Varro libro IIII, de lingua Latina, non recte regiones nuncupat; idem tamen paulo post ipse se corrigit. De tribubus, unde nomina habeant, & quibus temporibus auctæ ad hanc multitudinem pervenerint, dicere hoc loco non est necesse. De priore qui volet cognoscere, legat Sex. Pompeium: de posteriore, T. Livium. Tribus ratione triplici fuerunt distinctæ: in urbanas, & suburbanas, quæ fuerunt libertinorum: & rusticanas, quæ ingenuorum. Urbanæ ex sententia Varronis quatuor, Suburana, Palarina, Esquilina, Collina. Suburbana una tantum, Ronilia. Rusticanae triginta,

Æmilia	Crustumina
Anienfis	Fabia
Claudia	Falcrina
Cornelia	Galeria
Lemonia	Quirina
Meria	Sabatina
Narniensis	Scaptia
Oriculana	Sergia
Oufentina	Stellatina
Papiria	Terentina
Politia	Tromentina
Pontina	Veientana
Popilia	Velina
Publicia	Veturia
Pupinia	Volirina.

Harum nomina erudit collegit Paulus Manutius, in Scholiis, quæ in Ciceronis epistolas edidit, appositis, qui de iis meminerunt, scriptoribus. Propter antiquitatis studiosos omittendum non est, tribus aliquas varie scribi solitas, ut Pontina, Pomptina, Crustumina, Clustumina, Suburana, Sucurana, de qua Varro & Quintilianus. Eandem unica litera scribi solitam, ex Junio Varrone, & antiquis epigram-

maris,

maris, librisque manuscriptis cognoscitur. Publica in Veronenſibus marmoribus, Publicia, Uſentina, in Mediolanenſibus & apud Sex. Pompeium, Oufentina. Volitina, in Bergomaribus Vorina, in Reatenſibus Voltinia. De Sapia, quam aliqui ex Livio (ſi correctus liber eſt) addunt, nihil habeo dicere, ſicuti & de Menia apud Cicero- nem in epiſtola ad Cratippem: item de Camilla, Flavia, Ulpia, quas in antiquis marmoribus reperi. Vel igitur a poſterioribus plures ſunt adjectæ, quod ego mihi ſine auctoritate perſuadere non poſſum, vel ex illis aliqua diverſis nominibus appellatæ: id quod factum eſt aut a Cenſoribus, qui populi partes in tribus deſcribebant, & (ut Sex. Pompeius inquit) uni tribui alios diverſarum civitatum sæpe adſcri- bebant; aut, quod vero ſimilius eſt, ab Imperatoribus, qui tribus ampliabant: ut à gente Domitiani Flavia, à Trajani Ulpia fuerit dicta. Trajanus quidem certe tribus auxit, ut manifeſte indicat mar- mor Romanæ in domo Alexiorum,

IMP. CÆSARI DIVI NERVÆ F. NERVÆ TRAJANO AUG.
GERMANICO DACICO PONTIFICI MAXIMO TRIBUNIC.
POT. VIII. IMP. III. COS. V. P. P. TRIBUS XXXV. QUOD
LIBERALITATE OPTIMI PRINCIPIS COMMODA EARUM
ETIAM LOCORUM ADJECTIONE AMPLIATA SINT.

Civium in tribus diſtributorum nomina, Elephanſinis libris con- ſcripta aſſervabantur, in ærario Saturni. Ne quid autem temere affir- maſſe videar; res ipſa poſtulat, ut inſcriptiones, unde ignotæ illæ tri- bus ſumptæ ſint, adſcribam, ſi quis forte ad inveſtigandum diligentius excitari queat.

Menia, de qua Cicero.

Alyſis.

M. GRANIO M. F.
MEN. CORDO &c.

Nuceria.

P. AIO. P. F. MEN.
EX TESTAMENTO.

Camilla, Romæ.

TI. CLAUDIO TI. F. CAMIL.
SOTERICHO.
VIXIT ANNIS DUOBUS.

Ibidem.

Q. MANLIUS QU. F. CAM.
SOCIUS
ALBA POMPEIA VETER.

Flavia, Romæ.

C. VALERIUS C. F.
FLAVIA SPECTATUS.
SISCLA MIL. COH. VIII. P. R.

Ulpia, Romæ.

C. GALLONIUS C. F.
ULP. MARITIMUS.

Docemur præterea ex his inscriptionibus initio positum fuisse nomen, proxime familiae, tum patris, deinceps tribus, ad extremum cognomen. Ita in 1x Philippica Ciceronis: Servius Sulpitius Quinti filius Laemonia Rufus: Item pro Quintio: Ubi cognomen, quod fortasse non fuit, omissum est. In oratione, De novo agendi genere, seu prima actione in Verrem, inquit: Inventum esse fortem amicum ex eadem familia, Q. Verrem Romilia, quo in loco & nomen patris, & cognomen quoque contempti hominis præterit: tribum, cum suburbanam esset, collocavit. Tribus autem appellationem ablativo casu ponebant, ut intelligeretur præpositio: quod & Asconius in Verrinas, & Servius in tertium, & in decimum Aeneidos annotaverunt.

CAP. VII.

De foris, ad splendorem Urbis, & hominum necessitatem factis.

FOra Romana distinguemus primum in ea, quæ ad splendorem Urbis facta sunt, & in quibus hominum conventus fierent, vel negotiorum civilium, vel delectationis causa. Deinde in illa, quæ ad communes populi usus parata, negotiantibus paterent, quibus propter necessitatem carere nulla civitas potest.

De foris primi generis.

Romanum.

Incipit à Capitolii radicibus; ubi nunc Septimii arcus est, & secundum longitudinem ad S. Mariam novam, ubi Tiri arcus, proëditur: secundum latitudinem à Palatini radicibus ad viam Sacram, & Saturni ædem. Variis nominibus appellatum fuit. Ut enim poëta nunc mine apud Græcos Homerus, ita fori in Urbe, Romanum accipitur. Ovidius de Ponto.

Te modo campus habet, densa modo porticus umbra,

Nunc, in quo ponis tempora rara, Forum.

Per campum, Martius: per porticum umbrosam, Poëta: per forum, Romanum, in his verbis intelligitur. Romanum dictum, à dignitate urbis, quod præ ceteris esset ornatissimum, propter ædificia: & frequentissimum, propter judicia. Propert. lib. 4.

Atque ubi nunc terris dicuntur jura subactis,

Stabant Romæ pila Sabina foro.

Dictum etiam forum Latium. Ovid. 1v. Fast.

Cujus ingenio est patria sacundia lingue,

Qua prior in Latio non fuit ulla foro.

Præterea totum magnam à Victore, & Ovidio, 111 Fast.

Et tenet in magno templa dicata foro.

Ad extremum, Forum vetus, in vita M. Antonini apud Herodianum. Hoc in tres partes dividit, & varia in eo hominum studia describit in Cæciliæ Plautus:

In foro infimo boni homines atque dites ambulant.

In medio propter Canalem, ibi ostentatores meri,

Cæc.

*Confidentes, garrulique, & malevoli. Supra lacum,
Qui alteri de nihilo audacter dicunt contumeliam;
Et qui ipsi sat habent, quod ipsis possit vere dici.*

Per lacum, significat Curtium, quem describit VI Fast. Ovidius. Prope eum fuerunt Rostra, & statua Marfyæ coronati, ad quam homines litigantes conveniebant. Horatius I Serm.

*Deinde eo dormitum, non sollicitus mihi quod cras
Surgendum sit mane; obeundus Marfya.*

Seneca VI de Beneficiis: Forum ipsum ac rostra, ex quibus pater legem de adulteriis tulerat, filix in stupra placuisse, quotidianum ad Marfyam concursum; de qua re irem Plinius lib. XXI. cap. III. Hæc propter locum Plauri attuli. In liberis Græciæ civitatibus, ita Marfyæ statua olim in foro collocabatur, ut nunc Rolandi superiore Germania. E regione Marfyæ, alius locus erat, ad quam conveniebant fœneratores, quem Libonis puteal nominabant, inter porticum Juliam & arcum Fabianum, ut Persii interpretes scribit, Horatius,

Roscius orabat sibi adesses ad puteal cras.

Persius,

Si puteal multo cautus vibice flagellas.

Sed ad fora redeamus.

Sallustii.

In monte Quirinali, in quo loco nunc ædes S. Sufannæ. Hoc forum Sallustius post Africanam præturam emit, una cum hortis, qui & nunc Sallustiani appellantur.

Cæsaris.

Post templum Pacis & Faustinae, ædificatum à Cæsare de Gallicis manubiis, hoc tempore in hortos mutatum. Sicum ejus indicat Ovid. III. Tristium,

— Hæc sunt fora Cæsaris, inquit,

Hæc est à sacris quæ via nomen habet.

Hoc restituit Domitianus, & nominavit Palladium, Martialis lib. I.

Limina post pacis Palladiumque forum.

Augusti.

Superiori vicinum, turrim Comitum versus, & hoc in hortos transiit. Templo Martis Ultoris, & colosso Augusti conspicuum. De templo Ovid. V. Fast. loquitur,

Templaque in Augusto conspicenda foro.

De utroque Martialis lib. 8.

Foroque triplici sparsus ante equos omnes,

Ædemque Martis; & colosson Augusti.

Spatio modicum fuit, ne aut alienas domos violenter invaderet, aut publica ædificia ignominiose everteret. Unde idem poeta ad Liviam, Augusti conjugem,

Ne vires errasse tuas campoque foro.

Hoc inter Urbis miracula reteritur a Plinio. Restitutum ab Hadriano est, teste Spartiano. Latini scriptores cum de tribus foris loquuntur.

R. munum, Cæsaris, & Augusti intelligunt: quod interpretes raro observarunt. Seneca de ira: Adjice nunc publica perjuria gentium, circumscriptiões, fraudes, inficiationes, quibus trina non sufficiunt fora. Martialis in Epig.

Causas, inquis, agam Cicerone disertius ipso.

Atque erit in triplici par mihi nemo foro.

Statius in Sylvis,

Nec saltem tua dicta continentem,

Quæ trino juvenis foro tonabas.

Ovidius III. Tristium,

Scena viget, studiisque favor distantibus ardet,

Cumque tribus resonant terna theatra foris.

Fora quæ sunt, nominavimus. Theatra sunt Pompeii, Marcelli, Stalilii: singulorum adhuc vestigia extant, ut intra aperiemus.

Nervæ.

Post templum S. Hadriani, quod templum inde à tribus foris dictum est; hoc ad Quirinalem usque montem, parte ejus aliqua compianata, pertinuit. Transitorium dictum, quod inde in tria fora transitus pateret. Martialis lib. X. — *nec idic*

Sunt triplices thermæ, nec fora juncta quater.

Per thermas triplices, Agrippæ, Neronis, & Titi intelligit: per quatuor fora, Romanum, Cæsaris, Augusti, Nervæ. Hoc etiam restituit Domitianus, ut est apud Suetonium.

Traiani.

Intra Capitolinum & Quirinalem, ædificijs jam occupatum. Giganteis operibus comparatum à Marcellino. In hujus medio pulcherrima columna Cochlus, ex saxo solido fundata, & compacta sine cæmentis & cæce, ita ut non artificiosa, sed naturalis videatur. Alta est pedes cxxxviii, ut Marlianus: vel pedes cxi, ut Eutropius, quem sequitur Platina. Sed alter fortasse à columna, alter à basi initium mensuræ sumplit. Gradus habet cxxxvi, fenestellas xlii, latitudine palmi & dimidii intra ædificium, quæ in valde angustum contrahuntur, ut foris acceptum lumen intus diffundant. Columna Pario marmore incrustata, in qua res gestæ Traiani, & præcipue bellum Dacum est expressum. Cernere in ea est formas munitionum, propugnaculorum, pontium, navium: item varia militum opera ligantium, ædificantium, castrametantium, fossas agentium, equos adquantium, trophæi referentium, in triumpho euntium: item formas thoracum, galearum, clypeorum, scutorum, zonarum, lituorum, pugionum, pilorum, gladiatorum, pharetrarum, aliorumque armorum. Ab ea parte, in qua inscriptio est, Victor & alaræ, cum quibus aquilis.

De foris secundi generis.

Boarium.

In Velabro, inter Palatinum montem, sive am Græcam, & Janum quadrifrontem. Ovid. I. Fastorum,

Hic

Hic ubi pars Urbis de bove nomen habet. & vi.

Area quæ posita de bove nomen habet.

In eo templum nunc est S. Georgii, corrupto nomine, ad Velum aureum: item arcus boarius. In quo cernuntur taurorum immolationes, & victimarii sacrificuli cum instrumentis malleo, cultro, securi, abeno, pateris, flagello, candelabro, linteis, & quibusdam aliis ad sacrificia pertinentibus.

Suarium.

Ad Radices Quirinalis, prope clivum qui ducit ad Caballos marmoreos: in eo foro extractum templum S. Nicolai de Porcellibus.

Piscarium.

Proxime ædem S. Angeli in piscina, ubi olim Mercurii porticus stetit. Vetus forum piscarium intra templa nunc S. Mariæ in porticu, & S. Mariæ Egyptiacæ. Plautus in Circulione,

Symbolorum collatores apud forum piscarium.

Pistorium.

Unum intra Capitolium & Palatium, juxta ædem Vestæ: alterum in Aventino. Hodie tria sunt, unum prope S. Mariam rotundam, alterum in vico Judæorum, tertium apud S. Laurentium in Damato.

Cupedinis.

In quo esculenta & poculenta delicatiora venderentur, alii in Cœlio, alii in Esquilino stauerunt, eo in loco, in quo olim Numerius Equitius Cupes habitavit; nam ante illum ad Corneta appellatum fuit: utriusque rei testis Varro. Vetus nomen mutavit Æmilio & Fulvio Centi ut inquit Festus & Plutarchus.

Suburanum.

In quo res ad victum necessariae, à rusticis importatae, venderentur. Martialis lib. vii.

Quidquid villicus Umber, aut colonus,

Aut rus marmore tertio notatum,

Aut Tusci tibi, Tusculique mittunt,

In tota mihi nascitur Subura.

Agonium.

Olim campus Agonium, nunc commune forum est omnium mercium.

Holitorium.

Inter Capitolinum & theatrum Marcelli quondam fuit, & nunc est: vulgo platea Montinaria.

Præter hæc, fori Archimonii mentionem facit Victor, Esquilini Appianus, Ceditii Festus, Argentarii Vitruvius, Jugarii recentiores.

C A P. VIII.

De Campis.

Campi in Urbe fuerunt planities vacuæ ædificiis, qui aut spectulorum causa habebantur, certorumque conventuum, aut usibus

bus civium necessariis addicti erant. Persequemur tantum eos, qui in urbe fuerunt; nam campum Horationum, de quo Martialis; item Ridiculi, de quo Plinius, extra Capenam portam, utrumque prædens omitto: ut & urbanos hos, Vulcani, de quo Festus: & Jovis, de quo Spartianus: & Licinii, de quo Perlius; nec Sceleratum ponam, quem describit Plutarchus: quoniam supplicii locus fuit.

Campus Martius.

Qui à vicinitate fluvii, cui à septentrione adjacet etiam Tiberinus, fuit ager Tarquinii, post ejus exactionem dicatus Marti; hunc plenissime describit lib. v. Strabo. Quamvis autem Arrianus Nicomedienfis multos enumerat celebres campos, fama tamen omnes vincit Tiberinus. Incepit ab eo loco, ubi nunc S. Laurentius in Lucina, usque ad pontem Mulvium extensus. Quæ in eo ludicra & exercitia fierent, Florentius lib. i. Carminum describit;

— *cur apricum*

Oderit campum, patiens pulveris atque solis?

Cur neque militares

Inter aequales equitet, Gallica nec lupatis

Temperet ora frenis?

Cur timeat flavum Tiberim tangere? cur olivum

Sanguine viperino

Cautius vitat? neque jam livida gestat armis

Brachia: sæpe disco,

Sæpe trans finem jaculo nobilis expedito.

In eundem tribus vocabantur ad Comitiam, ut novos magistratus crearent. In campo tumultu exorto, delectus habebatur. In campo, clari viri mortui cremabantur, ut Sylla, Hircius, Pansa: item Imperatores, qui rogo extincto, certis quibusdam ritibus ac ceremoniis referebantur in deos: quam rem pulcherrima narratione exponit in vita Antonini Herodianus. Si qui autem ex Imperatoribus S. P. Q. Romano probati non essent, eorum reliquæ non deferabantur in Campum, sed tracta corpora præcipitabantur in Tiberim, ut Vitellio & Vario accidit, & de Commodo decretum fuit. In campo, animi causa ambulant homines ociosi. Horatius in Epist.

Gaudentem pravisque sodalibus, & lare certo,

Et ludis, & post dicta negotia Campo.

Nunc pars ejus moenibus inclusa, & variis ædificiis occupata est. Campi autem solius nomine, propter celebritatem, Martius intelligitur.

et Martialis.

In Cœlio, à Martio denominatus. Nam Tiberi Martium inundante, lutorum pompa in Cœlium transferebatur, auctore Festo, & Ovidio III. Fast.

Altera gramineo spectabis Equiria campo,

Quem Tiberis curvis in latus urget equis.

Quæ tamen ejecta si forte tenebitur unda,

Cælius accipiet patrocinatoris equos.

Æquilinus.

Esquilinus.

Inter aggeres Tarquinii, & urbis mœnia septentrionem versus. In eo ante Augusti principatum cadavera cremabantur, à Maccenate conversus in hortos, & his temporibus vinetis constitus.

Viminalis.

Post Diocletiani thermas, porrectus ad muros : hodie Vivarii campus, partim constitus, partim vastus, & repletus varii generis viminibus.

Agrippæ.

In radicibus Quirinalis, regione viæ latæ.

Vaticanus.

Planicies illa patens, & à Janiculo ad Tiberim diffusa, protensa; in longum, à sinistra mœnibus cincta, nunc ex magna parte habitata.

Figulinus.

Ad portam Trigeminam, post Aventinum, in quo hodie sunt Equiria. In eo campo collis est ex fractis figulorum testis congestus, formam habens cucurbitæ : quem montem Testaceum appellant.

Flora.

A Flora Pompeii liberta, ut aiunt : in hoc campo Pompeiani theatri extant vestigia. Spacio non magnus, sed satis celebris. Profestis diebus variæ in eo merces venduntur : testis autem, præcipue equi.

Agonius.

Inter vallem Martiam, & circum Flaminium, nomen vetus retinet : & in eo nunc commune, forum rerum venalium.

CAP. IX.

De templis gentiliū, in templa Divorum mutatis.

DE sacris ædibus M. Varro libros scripsit, ex quibus sextum adducit Macrobius : & scriptores recentiores, quos in initio nominavi, ex antiquis multas collegerunt, quorum labori & studiis volo suum honorem haberi. Equidem hoc capite de iis tantum deorum templis dicam, quæ nunc ex antiquitate visantur, & in nostrorum Divorum sunt mutata : sequenti vero addam ea, quæ sunt omissa ab aliis. Olim igitur aut singulis diis erant dicata templa, aut duo pluresve consors habebant delubrum, unde *δωμὸν καὶ ἱεῖον* sunt appellati. Romæ in domo civis privati,

ΔΙΙ ΗΛΙΩ

ΜΕΓΑΛΩ

CΑΡΑΠΙΔΙ

ΚΑΙ ΤΟΙΣ CΥΝΝΑ

ΟΙΣ ΘΕΟΙΣ.

Eadem ratione Carthagine, conjuncta templa habuerunt Ceres & Bacchus, quia victui humano præbent necessaria : inque adjunctus Phœbus,

Phœbus, prudentiæ Deus, qui admoneret, deorum munere: ibus munerare & sapienter utendum. Apud Rom. munus tuendi facta templorum primum censoribus, post eos ædilibus fuit commissum. In vetustis monumentis & Conservatores ædium sacrarum, & Deum viri sanorum leguntur. Nunc ad templa, primum plurium deorum, deinde singulorum, accedamus.

Jovis, Minervæ, Junonis.

S. Salvatoris in Maximis, in ea Capitolii parte, quæ occasum versus, forum Holitorium respicit: In hoc delubro medium scellum tenuit Jupiter, dextrum Minerva, sinistrum Juno, sub una (ut Dionysius ait) aquila, hoc est, sub uno tecto. Ex hoc intelligitur locus Ovidii, qui est 14 Trist.

*Cum fuerit Jovis æde, Jovis succurrat in æde,
Quam multas matres fecerit ille deus.*

*Proxima aq̃ranti Junonis templa, subibat,
Pellicibus multis involuisse deam.*

*Ballade conspecta, natum de crimine virgo
Substulerit quare, quæ et, Erichthonium.*

Item alter in Consolatione ad Liviam:

*Jupiter ante dedit fati mala signa cruenti,
Flammifera petiit cum tria templa manu.*

*Junoni quæ gravi nocte, imparvidaeque Minervæ,
Et sanctæ immensi Caesaris iſta, manu.*

Scribunt de eodem delubro Macrobius & Servius, & ejus magnificentiam laudat Marcellinus; & restitutum à Domitiano post incendium, testatur lib. IX. Martialis,

Herculis, Musarum.

Nunc Sanctæ Lucæ in apothecis obscuris, in aditu circi Flaminii. Ovid. VI. Fast.

*Dicite Pierides, quis vos addidit ipſi,
Cui dedit inultis victu noverca manus.*

Idem de eodem loquitur lib. III De Arte,

*Fœmina procedit densissima criminibus emptis,
Proque suis alios efficit ære suos.*

*Nec ruber est emisse palam: vanire videmus
Herculis ante oculos, virginemque thorum.*

Porticum huic addidit Martius Philippus ornatissimam: de qua intra.

Veneris, & Cupidinis.

Nunc S. Crucis in Hierusalem, in monte Cœlio. Pavimentum ejus tessellatum e vario marmore, & aurata laquearia. Ab Helena Constantini matre in pios usus convertit.

Romuli, & Remi.

Nunc SS. Cosinæ & Damiani, in via Sacra, prope turrim Comitum dictam, posterior ejus pars quadrata, prior sphaerica, cum rotunda

tunda & unica tantum fenestra, lumen in medio tecti præbente, & ex ipiente imbres ac pluvias, facta in pavimento fossula. Aeneæ ei valvæ sunt, & ex porticu tres columnæ reliquæ. Quondam per aliquot gradus in id ascendebatur, nunc per sex descenditur, adeo ex ruinis antiquorum ædificiorum altius solum factum est, ut pressa & humilia nunc sint, quæ aliquando eminuerunt. Alii hoc volunt Castoris & Pollucis fuisse, sed errant, illorum enim ædes (si Suetonio & Ovidio fides est) in foro ad lacum Jurnæ fuit, eique proximum cum templum Julii Cæsaris, ut idem Ovid. lib. 11. de Ponto: tum Domitiani, ut inquit in 1x Martialis.

Solis, & Lune.

Nunc S. Mariæ novæ, in fine fori Romani: ex ruinis antiqui, novum jam illud ædificatum. In horto duo cornices vetustate collapsi, e regione inter se positi conspiciuntur, quos Victor videtur dicere, Iulidis & Sarapidis: Marrianus conjicit reliquias esse templi Solis & Lune, Lætus Æsculapii & Salutis, Flavius Æsculapii & Apollinis, Poggius Castoris & Pollucis.

Saturni; & Opis.

Nunc S. Mariæ in porticu, in regione Ripæ.

Martis, & Veneris.

Nunc S. Mariæ rotundæ, de quo in Jove Ultore prolixè agitur.

Jovis Capitolini.

S. Salvatoris in Maximis, de quo in initio capitis. Hoc & Jovis Opt. Max. & Jovis Latini a Propertio dictum. Idem ornatissimum fuit. Martialis lib. x.

Nec Capitolini summum penetrabile Tonantis,

Queque vixent cælo proxima templa suo.

In eo hominès religionis causa incubabant: ad quod alludit Plautus in Cure.

Siquidem incubare Jovi velint, qui pejeraverint,

Locus non præberi potis est in Capitolio.

Ad idem vicinias gratulationis causa mactabant. Ovid. 111 Fast.

Ad penetrabile Numæ, Capitoliumque Tonantem,

Inque Jovis summa cæditur arce videns.

Jovis Statoris.

Nunc S. Mariæ de poenis inferni. Contra ædem Vestæ in Palatini radicibus, clare monstrante Ovidio vi Fast.

Tempus idem Statoris erit, quod Romulus olim

Ante Palatini condidit ora jugi.

Martialis Palatinum Jovem novum, Capitolinum veterem appellat, lib. vii.

Inde novum, veterem prospicis inde Jovem.

Jovis Feretrii.

Nunc S. Mariæ in ara cœli, olim fuit exiguum fanum, & magis fama, quam magnificentia notum. Cognominis causam erudite explicat Propertius lib. ultimo,

— causa

— *causa Feretri,*

*Omine quod certo dux ferit ante ducem.
Seu quia victa suis humeris hæc arma ferebant,
Hinc Feretri dicta est ara superba Jovis.*

Jovis Ultoris.

Nunc S. Mariæ rotundæ, & Omnium sanctorum. Aliquando Cybeli sacrum: cujus deæ caput antiqui operis & saxi, cum duobus piscib. muro templi inclusum adhuc cernitur, a M. Agrippa Pantheum, quasi *ἡς πάντων θεῶν* dictum: & tandem Marti ac Veneri, auctores populi Ro. habiti sunt, ut Livius & Lucretius scribunt consecratum. Hoc Bonifacius III. Pontifex, à Phoca Imp. qui rem pontificiam auxit atque extulit, acceptum, beatæ Virginis, sancti omnibus, dicavit, fuitque primum dictum, Virgo ad Martyres, ficuti nunc à circulari forma, S. Maria rotunda. Altum est ped. cxlv, totidem latum. Contignationes æneis trabibus canalium modo compactæ, ped. xl. ut testatur Bap. Leo. Valvæ ingentes ex ære Corinthio inauratæ, & æneæ: trabes item inauratæ, lithostrotum varii marmoris, aræ duæ marmoreæ, sex marmoratæ. Interstitia, sex columnarum spatii distantia. Testudo templi laqueata, vacuis circumquaq; spatiis relicta, ne nimio pondere ædificium premeretur. Nulla fenestra penitus inest, nisi in medio sphæricum foramen lumen præbens, & æneis inauratisq; trabibus fultum: cui subjectum ad imbres excipiendos impluvium. Ad foramen illud per tectum plumbeum exterius xl. gradibus plumbeis ascenditur: ad quod tectum antequam perveniatur, bini ambitus sunt, ad quorum primum ex imo templi per CL gradus est eundem. Alludit ad hoc in Didonis structura Virgil.

Aenea cui gradibus surgebant limina, nexaque

Ære trabes, foribus cardo stridebat æenis.

Marcellinus lib. xvi. Pantheum, regionem æretem, speciosa cellitudine fornicatam, nominat.

In tecto nunc sunt plumbeæ laminæ, quæ olim argenteæ fuerunt, quas Constantinus Imp. Constantini Junioris filius detraxit. Gradus quoq; ænei sublatis, & saxeis permutati sunt. Ascensum ad templum fuit per gradus duodecem, nunc per totidem descenditur: ex quo intelligitur, ut & antea dicebamus, quam alre ex ruinis solum exaggeratum sit. Parietes nunc latericii sunt, olim marmoribus incrustati fuerunt. Inter omnia igitur Urbis opera, nullum admirabilius, sive molem, sive artem, sive impensam, consideres.

Jovis in Insula.

Nunc S. Bartholomæi, descriptum ab Ovidio, 1 Fast.

Accepit Phæbo nymphaque Coronide natum

Insula, dividua quam premit amnis aqua.

Jupiter in parte est, caput locus unus utrumque,

Junctæque sunt magno templa nepotis ævo.

In eo quatuor columnæ ex ophite, & porphyriticum labrum, cum tabula ex marmore Pario, quæ vix pulchriorem vidi.

Sa-

Saturni in Capitolio.

S. Salvatoris in Statera, infra saxum Carmentæ, seu rupem Tarpeiam, cuius nunc semidirutæ turris extat, reliqua pars tabernis occupata est. Mira meherecule rerum mutatio. Trajani temporibus ex tabernis templa facta sunt Christianis, id permittente ethnico Imperatore: nunc ex templis tabernæ fiunt, comprobantibus, aut certe coniventibus episcopis, & Pontifice.

Saturni in foro.

Nunc S. Hadriani, ante forum Romanum, post Nervæ à latere Cæsaris, unde in Tribus foris vulgo dicitur. Valvæ sunt æneæ antiquæ. In eo olim ærarium populi Ro. fuit. Legitur in antiquis monumentis, si quis aut testamenta corrupisset, aut violasset sepulcra, poenæ loco additum,

INFERAT AER. POPULI
ROMANI. *Item,*
INFERAT AERARIO
SATURNI.

Unde & acta, quæ susceptis liberis parentes faciebant in eodem conservabantur, & omnium civium Romanorum nomina. Erant ejusdem certi Magistratus, ut præfectus ærario, item ærarii curatores, ærarii scribes, ærarii quæstores, & tribuni ærarii. Nomen accepit ærarium, cum aurum argentumque nondum signaretur. Unde æs Saturnium dicitur Persio, quod ejus tempore, ejus usus esset.

Apollinis Palatini.

S. Lucia in Palatio. Hoc & Apollinis Aëtiaci, & Navalis, & Prætonii, dicitur, quod Augustus devicto Antonio & Cleopatra ex marmore (ut Servius testatur) Lunensi fecit. Nullum fuit poëtis celebrius, nullum donis opulentiùs siquidem Augustus aureas argenteasque statuas sibi positas, huic templo donavit: nullum opere magnificentius. Valvæ erant eburneæ, auro picturisque ornate, de quibus detracta hostibus spolia suspensa erant. Propertius lib. 11.

Tum medium claro surgebat marmore templum,

Et patria Phæbo carius Ortygia.

Auro Solis erat supra fastigia currus,

Et valvæ Libyci nobile dentis opus.

Alterâ dejectos Parnassi vertice Gallos,

Alterâ mærebat funere Tantalidos.

Dando inter matrem Deus ipse, interque sororem,

Pythius in longa carmina veste sonat.

Virg. VIII Æn. de scuto Æneæ, in quo Augusti Cæsaris triumphus expressi erant:

Iose sedem niueo candentis limine Phæbi,

Donâ recognoscit populorum, aptasque superbis.

Postibus

Hucus ne vestigia quidem relictâ sunt, diruto etiam S. Lucie sacello.

Apollinis

Apollinis Capitolini.

S. Mariæ sub Capitolio, intra forum holitorium, & circum Flaminium, extra portam olim Carmentalem.

Apollinis Vaticani.

Nunc S. Petronillæ, juxta viam olim Triumphalem.

Apollinis Circi Flamini.

Nunc S. Apollina is, ut Flavius Blondus, & Pomponius Sabius sentiunt.

Martis Ultoris.

Nunc S. Martiæ in foro Augusti, unum ex maximis & sumptuosissimis cum opere, tum artificio: quod his versibus celebrat Ovid. v. Fast.

*Ultor ad ipse suos cælo descendit honores,
Templaque in Augusto conspicienda foro.
Digna Giganteis sunt hæc delubra trophæis:
Hinc fera Gradivum bella movere decet,
Prospicit armipotens operis fastigia summi,
Et probat invictos illa tenere deos.
Pærspicit in foribus diverse tela figura,
Armaque terrarum milite victa suo.
Hinc videt Aeneam oneratum pondere cæro,
Et tot Julææ nobilitatis avo:
Hinc videt Iliaden humeris ducis arma ferentem,
Claraque dispositis acta subisse viris.*

In aditu templi ante fores, ab utroque latere, Martis & Veneris statuæ erant, eodem testante, II Trist.

Stat Venus Ultori juncta viro, ante fores.

Circa idem Apellis tabulam posuit Augustus, in qua Alexander triumphans Belli imaginem victis ad tergum manibus quali captivam ducit, quam rem in Augusti gratiam videtur notasse doctrinatus poeta:

*— furor impius intus
Sæva sedens super arma, & centum victus ahenis
Post tergum nodis, tremet horridus ore cruento.*

Nunc in eo templo picta cohors Romana, cujus vexillifer pro signo labrum habet. Fuerunt & alia Martis Ultoris templa: de quibus sequenti capite.

Martis in Vaticano.

Nunc S. Mariæ de febribus, ad sinistram ingredienti basilicam S. Petri.

Herculis Victoris.

Nunc S. Alexii in Aventino ad occasum, Tiberim & portam Trigeminam versus. Virgil. VIII Æn.

— hæc limina victor

Alcides subiit: —

In eo non licebat esse (ut in aliis) lectisternium, nec cuiquam nisi ingenuo sacris interesse: auctores, Cornelius Balbus, & Servius grammaticus.

maricus. Ab eodem mulieres arcebantur, cuius rei causam prolixo reddit libro quarto Propertius. Talia sacella, a quorum ingressu mulieribus sexus arceatur, adhuc Romæ sunt, in S. Petro Vaticano, in S. Joanne Laterano, in S. Cruce in Hierusalem, in S. Praxede, in lavacro Constantini, & locis fortasse pluribus.

Herculis.

In eodem monte, nunc S. Priscæ, orientem versus.

Herculis in ara Maxima.

Nunc S. Mariæ in Colmedina, post muros scholæ Græcæ. De ara Maxima, Virgil. Propertius, Ovidius.

Romuli.

Nunc S. Theodori, in Velabro, sub Palatino, templum verus, & sphæricum, cum rotunda fenestra in medio recti, lumen præbente. Alii Panos Lycei antiquitus fuisse autumant.

Neptuni.

Nunc S. Blasii, ad ripam Tiberis, in vico qui modo Junius appellatur.

Neptuni Equestris.

Nunc S. Anastasiæ, in radicibus Palatini, ante circum Maximum. Superioribus annis post hujus divite ædem, sacellum subterraneum inventum, quod parietes co-chis ornatos habuit, & in medio testudinis æquiliam albam, cum crista rubra. Hoc se vidisse, Marlianus & Gyraldus testantur. Neptunus equestriis, alio nomine Confus appellatus.

Castoris.

Nunc S. Laurentii in Miranda, intra Faustinae verus templum & porticum, foro Romano adjacens. Plaut. in Cure. recensens loca circa forum.

Pene ædem Castoris, ibi sunt quibus credas male.

In Castoris templo somniorum interpretes incubant, ut & apud Persii interpretem.

Æsculapii.

Nunc S. Joannis Coleviæ, in insula Tiberina. In hoc incubabant ægri, valetudinis causa: unde qui morbo levatus non erat, apud Plautum his verbis inculat deum:

Migrare certum est jam nunc è sano foras,

Quando Æsculapii ita sentio sententiam.

Prope hoc templum in horto, navis est prælonga, ex Thasio lade, cujus insigne est caput Tauri, & a latere simulacrum serpentis.

Bacchi.

Nunc S. Constantiæ, extra portam Viminalem, in via Numentana, circulari, & vermiculato opere, columnisque duodecim in gyrum dispositis sustentatum, tribus inter se conjunctis, inter quas aliquo acio relicto, aliæ eodem modo subjunguntur. Vidi prope infracto pulcherrima more, Bacchantium turbam, qui angues ore gestarent, caput ducerent: de quo more Prudentius Christianus poeta, in gravissimis libris contra Symmachum scribit,

— Baccho

— *Baccho caper omnibus aris*

Cæditur, & virides discindunt ore chelydros,

Qui Bromium placare volunt: quod & ebria jam tum

Ante oculos regis Satyrorum insania fecit.

Fauni.

Nunc S. Stephani in Cælio, sphæricum, & columnis in orbem æqualiter dispositis ornatum. Columnarum ordo triplex fuit, in inferiore columnæ XX cum pilis duabus: in medio, XLII, qui ordo nunc pro muro est; extremo ordinis tantum rudera in adjuncto hortu apparent. Fuit igitur tertio ambitu, quali porticibus amplissimum. Structura unum ex pulcherrimis, tempore ex antiquissimis.

Silvani.

Nunc S. Agathæ sub Viminali, in via Suburana, cujus mentio in testamento Galli Favonii, quod nos correctius, quam in Marliano legitur, cum aliis quibusdam testamentis edidimus, anno superiore.

Mercurii.

Nunc S. Angeli in piscina, in foro piscario.

Boni eventus.

Nunc S. Eustachii, proxime Pantheum.

Hadriani.

Nunc S. Mariæ Transpontinæ, sive Carmelitarum, trans pontem Ælium, è regione sepulcri ipsius. Hoc templum Hadriano Antoninus Pius contra vota pene omnium dicavit.

Juxonis Lucinæ.

Nunc S. Laurentii in Lucina, in campo Martio, habet columnas ophiticas & porphyreicas. De hoc templo Ovid. III Fast.

Junonis Matutæ.

Nunc S. Nicolai in Mentuza in foro holitorio, Ovid. IV. Fast.

Huc ubi luce ferant Matutæ sacra parenti,

Sceptraferas servi templa dedisse manus.

Junonis Capitoline.

S. Salvatoris in Maximis, cum Jovis delubro conjunctum. Unde Ovid. in Fast.

Hic color, hic teneo cum Jove templa meo.

Et ibidem,

— *dicor matrona Tonantis,*

Junctæque Tarpeio sunt mea templa Jovi.

V. Æ.

Nunc S. Mariæ de Gratia, in valle quæ inter Palatinum & Capitolinum est. Sphæricum est, de quo satis plane & perspicue Ovid. VI Fast.

Hic locus exigua qui sustinet atria Vestæ,

Tunc erant intonsi regia magna Numæ,

Arte Syracusia suspensus in aëre clauso

Stat globus, immensi parva figura poli.

Et quantum à summis, tantum secessit ab imis

Terra : quod ut fiat, forma; rotunda facit.

Par facies templi, nullus procurrit in illo

Angulus à pluvio vendicat imbre tholus.

Vestæ in foro Boario.

Nunc S. Stephani, parvum & rotundum, & in ambitu decem & octo columnis inclusum. De hoc maxime diversæ sunt scribentium opiniones. Blondus & Marlianus affirmant Vestæ fuisse, Volaterranus Herculis, Lætus Matutæ, Albertinus Dianæ, nescio quis alius Auroræ.

Fortune Virilis.

Nunc S. Mariæ Ægyptiacæ, ad ripam Tiberis juxta pontem Palatinum, ex lapide quadrato, cum tectorio ad regulam antiquorum tacto, columnæ ex latere utroque septem, duæ in frontibus. Porticus parva circumnarum quatuor, & ante aram totidem. Ad ortum ætium parietis inserta columella ex alabastro, quæ claro solis ortu, luce perspicua, & fulgore luminis incendit parietes. Ovid. 1v Fast.

Dicite nunc quare Fortunæ thura virili

Detis, eo gelida qui locus humet aqua.

Simulacrum hujus Dæ duabus undulatis togis iuv opertum, perinde ut olim reges Romani undulatas & prætextas togas soliti sunt habere : ita scripsit Varro libro primo de Vita populi Rom.

Fortis Fortunæ.

Nunc S. Cosmati, sub Janiculo, in hortis Cæsaris Dictatoris, quod ipse populo Rom. legaverat : ut Tacitus narrat. Terentius Scaurus : Foedus Græciæ (inquit) camelo æreo in hortis Cæsaris, ædi Fortis Fortunæ incisum, & p o p o r t a positum. De eodem horto & templo Suetonius. Fuerunt & alia Fortis Fortunæ templa, ut ex Varrone & Livio conjicimus. Colebatur ab operariis, & rusticis, & servis. Columella in libro de Hortis :

Allia cum cepis, cereale papaver, anetho

Jungite, dumque virent, nexos deserte maniplos,

Et celebres Fortis Fortunæ dicite laudes.

Isidis juxta ovilia.

Nunc S. Marcelli, in via lata, ut Victor : non procul à septis, ut Juvenalis,

A Mæroe portabat aquas, quas spargat in adæm.

Isidis, antiquo quæ proxima surgit Ovili.

Isidis in circo Flaminio.

Nunc S. Mariæ in Equiro, quod in eo loco fierent Equiriæ.

Isidis in via Appia.

Nunc S. Nerei, inter S. Sixtum, & thermas Antoninianas, ad caput viæ novæ. Hujus dæ operi in recuperata valetudine experti, tabellas ei suspendebant. Unde Tibullus,

nam posse mederi

Piæta docet templis multa tabella tuis.

U

Ejus

Ejus sacra quomodo subaltis, & quam ob causam sacerdotes Urbepulli, & templa diuuta sint, Josephus docet in antiquitatibus lib. 18.
Telluris.

Nunc S. Pantaleonis in Subura, intra Cariras. Aedificatum in area domus Cassii, qui regni affectati poenas dedit: auctores Cicero & Valerius.

Honoris, & Virtutis.

Nunc S. Sixti, ex aliquorum sententia, quæ mihi falsa videtur. Propinquius enim portæ Capenæ fuit, quam nunc hoc recens est.

Carmenæ.

S. Catharinæ, sub rupe Tarpeia.

Pietatis.

Nunc S. Salvatoris de pietate. Julius Obsequens ponit in Circo Flaminio, Victor in foro holitorio: Plinius in eo loco, ubi postea theatrum Marcelli fuit. Unius loci varia designatio, ab adjacentium locorum vicinitate sumpta. Aliquando eodem in loco carcer plebis fuit, in quo cum filia matrem vincam suis uberibus aluisset, impunitas illi concessa, & locus Pietatis numini dicatus est.

Dianæ Aventinæ.

Nunc S. Sabinæ, supra Tiberim, occasum versus. Ad hoc alludit Horatius in Epodis,

Quæque Aventinum tenet, Algidumque,

Quindecem Dianæ preces virorum

Curet. —

Antiquum marmor Salonæ in Dalmatia de hoc templo testatur, CAETERAE LEGES EAEDEM SONT, QUAE ARAE DIANAË SONT IN AVENTINO MONTE DICATAE.

Dianæ in Cælio.

Nunc S. Johannis Evangelistæ, ante portam Latinam, minimum, & nullorum plane ornamentorum.

Bonæ deæ.

Nunc S. Mariæ Aventinæ, in medio pene ejus montis, qua Tiberim spectat. Situm depingit Ovid. v Fast.

Est moles nativa loco, res nomina fecit.

Appellant saxum, pars bona montis ea est.

Huic Remus insliterat frustra, quo tempore fratri

Prima Palatina regna dedisti aves.

Templa patres illic, oculos exosa viriles,

Leniter acclivi constituere jugo,

Dedicat hæc veteris Clausorum nominis hæres,

Virgineo nullum corpore passa virum.

Livia restituit. —

Minervæ.

Nunc S. Mariæ supra Minervam, post Pantheum. In hoc fuit brevissimum rerum gestarum Pompeii Magni.

Minervæ

Minerva Capitolina.

S. Salvatoris in Maximis, Jovis Capirolini delubro conjunctum.
Unde bene cecinit poeta antiquus,

Vique Palatinis Capitolia condita saxis

Signarent titulo proavi Jovis, atque Pelasge

Palladis, & Libya Junonem ex arce vocarent.

Veneris Victricis.

Nunc S. Mariæ in Crypta picta, vicinum Pompeii theatro, testante, III Trist. Ovidio.

Altera templa peto, vicino juncta theatro :

Hæc quoque erant pedibus non adeunda meis.

Veneris theatri Pompeiani.

Nunc S. Barbaræ. In hoc Catia cum duobus adulteris libidinem sub velo publice exercuit : ut auctor est interpretes Horatii.

Salutis.

Nunc S. Vitalis, in Quirinali. Ovid. I Fastor.

Janus adorandus, cumque hoc concordia mitis,

Et Romana Salus, ara que Pacis erit.

Quieris.

Nunc S. Petri, & Marcellini, in via Lavicana. A Constantino in meliorem usum conversum, qui matrem suam prope illud in Mausoleo sepeliri voluit, quod in Sylvestro primo asserit Platina.

Concordiæ.

Nunc S. Sergii, & Bacchi, infra Capitolium, qua forum respicit. Fuerunt & alia duo, unum in arce, alterum supra Comitium, ad Vulcani aream :

Sciendum est, cum temporis verbum omisimus, nomine loci simpliciter notato, & vetusta & recentia templa eversa esse. In illis autem vetus magnificentia quærenda non est : & nos quæ posuimus, cum ad antiquitatis qualiacunque vestigia cognoscenda, tum ad auctores intelligendos putavimus pertinere. Varro scripsit, ornamenta templorum olim lignea & fictilia fuisse, quæ post aliquanto ex marmore, ebore, atque auro facta sint. Item Tacitus ait, apud antiquissimos rudicamento & informibus regulis templa fuisse extructa, quæ postea marmore nituerunt, & radiarunt ære atq; auro, non tantum firmis & duraturis parietibus, sed etiam expolitis arte, & splendentibus. Structuræ eorum quæ nunc extant, non uniformes sunt : etenim variis ætatibus atque ingeniis varia placent. Alia videntur circulari forma sine columnis, sine contignatione, sine fenestris, sphaerico foramine in recti medioj lucem præbente : quorum præcipuum & amplissimum, S. Mariæ rotunda, & post illud S. Maria de gratia, item SS. Cosmæ, & Damiani, & S. Stephani in foro boario, & S. Theodori. Alia eadem forma, sed plurimo columnarum ordine, & adjuncti-fenestris, ut Stephani in Cœlio, & S. Constantiæ extra portam Viminalem. Hæc licet ex antiquis cuncta sint, novis tamen nominibus

tanquam notioribus appello. Alia quadrangulâ forma, ordine columnarum recto, & plerumque uno tantum, interdum duplicato, ut in recentioribus illis magnificis, S. Johannis Laterani in Cœlio, S. Petri in Vaticano, S. Pauli in via Ostiensi, quod olim etiam multo amplius & cultius fuit ita enim depingitur in quodam hymno Prudentiano,

Parte alia titulum Pauli, via servat Ostiensis,

Qua stringit annis cespitem sinistrum.

Regia pompa loci est, princeps bonus has sacravit arces.

Clasitque magnus ambitum talentis.

Bractæeas trabibus subiecit, ut omnis aurulenta

Lux esset intus, cui jubar sub ortu.

Subdidit & Parias fulvis laquearibus columnas,

Distinguit illic quas quaternus ordo.

Tum Camyros hyalo insigni varie cucurrit arcus :

Sic prata vernis floribus remident.

Tale autem fuit Theodosii Magni temporibus. Nonnulla pilas tantum habent, interjectis columnis, & fenestellas sub ipso recto: alias plures, alias pauciores, pro reliqui ædificii forma, atque modo. In ipsis templis plurimæ columnæ pretiosæ, ex variis diversisque mariorum generibus. Hodie intra & extra urbem plus quam trecenta videntur, quæ libello quodam cum cœmeteriis & xenodochiis, additis clarorum virorum epitaphiis, separatim annotavimus.

C A P. X.

De templis sacellisque veteribus, quæ ab aliis omissa sunt.

Superiore capite dictum est de templis prophanis, quæ in diversum nomina sunt mutata : hoc autem capite enumerabimus ea, quæ nunc quidem nulla sunt, sed apud veteres fuisse leguntur, & à recentioribus sunt ommissa: qui tamen in eo, ut colligerent omnia, videntur elaborasse. Quamvis autem ad eam Urbem, vel potius cadaver Urbis, quod nunc est, nihil pertineat hæc diligentia, tamen ad poetas & historicos intelligendos, hæc vel nominum cognitio, vel locorum notatio utilis, ut opinor, futura est.

Veneris, & Romæ.

Confors delubrum fuit in viâ Sacra, testante id contra Symmachum Prudentio.

Ac Sacram resonare viam mugitibus, ante

Delubrum Romæ: colitur nam sanguine & ipsa

Mære Dææ. nomenque loci ceu numen habetur.

Acque urbis Venerisque pari se culmine tollunt

Templa, simul geminis adolentur thura deabus.

Urbis etiam dies natalis colebatur xii Cal. Maii. Hoc forte idem est cum eo, quod Servius Veneris Romanæ nominat. Inter

lingulari

singularia certe & digna admiratione loca, Urbis templum numerat Marcellinus.

Jovis Fugialis.

In monte Viminali, à luco Fageo, de quo Varro, Plinius, Festus, Victor.

Jovis prædatoris.

In quo prædam hostibus ereptam ponebant. Locus ignoratur sed fuisse, & ad illud alluisse Virgilium Servius scribit,

—— — *ipsumque vocamus*

In prædam, partemque Jovis.

Jovis invicti.

Et hujus nescitur locus. Ovid vi Fast.

Idibus inVicto sunt data templa Jovi.

De eodem Augustinus de Civitate Dei.

Jovis inventoris.

Juxta Salinas sacellum fuit, quod inventis bobus, & punito Caco, Hercules patri Inventori dicavit: auctores, Dionysius & Solinus.

Jovis propugnatoris.

In Palatio, cujus mentionem invenimus in antiquis Epigrammatis.

IN AEDE JOVIS PROPUGNATORIS IN LOCUM CLAUDI PATERNI VITA FUNCTI ATERIUS COLONIUS COOPTATUS.

Hæc inscriptio posita sexto consulatu Commodi Imperatoris, in quo Petronius Septimianus ei collega fuit.

Jovis Conservatoris.

Hoc quoque in vetusto epigrammate legimus, non expresso loco. Jovi conservatori sacellum cum ara Domitianus extruxit, juxta Velabrum, auctor Tacitus.

Jovis Arbitratoris.

In decima urbis regione ponitur à Victore, & appellatur Pentapylon, quasi quinque Portarum.

Jovis Statoris.

Aliud à superiore, quod Varro de rebus divinis in Circo Flaminio posuit, cujus certiore locum Vitruvius indicavit, Metelli porticum, quæ ad eundem Circum fuit.

Martis Ultoris.

Etiâ aliud, præter id quod supra posuimus est, in Capitolio, referente Dione.

Martis, circi Flaminii.

Cornelius Nepos, citante Prisciano, in circo Flaminio (inquit) fuit ædes Martis, architectata ab Hermodoro Salaminio.

Herculis defensoris.

Inceri loci. in quo, ut in Jovis Propugnatoris, milites honesta missione militi, & gladiatores emeriti, arma clypeisque suspendebant.

debant. De L. Domitio Valeriano milite, loquitur vetus inscriptio :
de Veianio gladiatore Horatius,

— armis

Herculis ad postem fixis latet abditus agro.

Herculis extra urbem.

Duo fuerunt: Unum extra Capenam modicum, sed frequens, de quo Martialis lib. iv.

Et qua pusillum feruet Herculis sanum.

Alterum extra Latinam, quod statuit Domitianus longiuscule ab Urbe, cujus lib. ix. idem poeta mentionem facit. Versus positi sunt supra, ubi de via Latina agitur.

Apollinis Tortoris.

Suetonius in quadam urbis parte locat, sed eam non exprimit, in Augusto.

Fidii.

In Quirinali. Ovid. vi Fast.

Hunc igitur veteres, donarunt sede Sabini

Inque Quirinali constituere iugo.

Summani.

Sacellum fuit in fastigio templi Jovis Capitolini, ædēs prope circum Maximum. Idem,

Reddita quisquis is est, Summano templa feruntur,

Tunc, cum Romanis Pyrrhe timendus eras.

Mutini.

Adversum murum Mustellinum, ut inquit Festus. Huic mulieres velatæ togis prætextatis solitæ sunt sacrificare.

Sarapidis.

M. Aurelius Antonius in Pontificatu suo, posuit circa eum locum, ubi nunc S. Stephanus de Truglio.

Adonidis.

Refertur ab Ovidio in Arte, non expresso loco.

Jani Curiatii.

Prope templum Junonis Sororæ, de quo mox dicemus.

Sangi.

Locus ignoratur, ponitur à Varrone & Plinio. In eo lana, colus, & fusus Tanaquilis fuerunt consecrata.

Augusti.

Duo fuerunt: alterum in Palatino, quod Livia Augusti conjux fecerat; Vespasiani dominatu, publico consumptum incendio: alterum in foro, à Tiberio Cæsare extructum.

Junonis Capratina.

Extra urbem, cui sub caprifico faciebant mulieres, ex eadem arbore virgas ramosque gestantes, Varrone & Festo auctoribus. Templum frequentabatur Nonis Quintilibus, quæ inde Capratinæ dicte sunt. Origotatis fuit: Fidenates post urbem à Gallis incensam,

si reliquias salvas esse vellent, Romanos cogere voluerunt, ut omnes puellas & matrys familias sibi traderent. Patribus igitur dubiis, & de summa Reip. sollicitis, ancillæ se ituras promiserunt: quæ cum dominarum habitu profectæ essent, per castra distributæ, hostes vino invitaverunt: illisque sopitis, signum Romanis ex capritico dederunt: quo dolo & pœna de hostibus sumpta est, & Romanorum matronarum fama conservata. In hujus beneficii memoriam ingenux simul & servæ Junonis Capratinæ diem solennem habebant.

Junonis Sororia.

Prope Carinas, ad eum clivum, qui nunc ducit ad ædem S. Petri in vinculis, à Sororio tigillo nomen habens, quod cum Jano Curiatio dicavit Horatius, unus ex Trigeminis victor contra Curiatios, ut inquit Festus.

Veneris Capitoline.

De hoc in Caligula & in Galba Suetonius.

Veneris Romana.

In foro Cæsaris. Huic soli victimis solitas immolari, cum Paphiæ thure tantum fieret, ait Servius.

De Venere Romana, in initio Lucretius,

Aneadum genetrix. ———

Si licet conjecturam sequi, puto hoc delubrum Veneris & Romæ fuisse, de quo initio hujus capitis dictum est.

Veneris Lubentina.

Locus ignoratur: de templo scribunt Cicero, Varro, Marcellus. Solebant puellæ, quæ excesserant annum pueritiæ, pupas, ætatis suæ insignia, dicare Veneri, quemadmodum pueri bullas diis suspendere penatibus: illud ex Persio, hoc ex Propertio docemur.

Veneris Verticordia.

Extra Collinam, via Salaria. Hujus ædes factæ, cum tres Vestales uno tempore, incestum commisissent (ut ait Julius Obsequens) ut puellarum animos lascivos ad castitatem verteret. De eodem Valerius, & Ovid. 1111 Fast.

Roma pudicitia proavorum tempore lapsa,

Cum æam veteres consulivisti anum.

Templa jubet Veneri fieri, quibus ordine factis:

Inde Venus verso nomine corda tenet.

Veneris Cluacina.

In ea fori parte, qua Romani & Sabini armis depositis facto sacrificio se purgaverunt. Hujus templi locum, cum juxta forum fuerit, varie designant auctores: nam Ovidius ait prope viam sacram fuisse, Plautus prope Comitium, in Cur.

Qui perjurum hominem vult convenire, mitto in comitium:

Qui mendacem & gloriosum, apud Cluacina sacrum.

Livius 111 ab V. C. ad Tabernas fuisse indicat. Dicta Cluacina, quod cluere antiqui, purgare dicebant, ut Plinius inquit lib. xv.

Marlianus Cloacinam vocat, & diversam ejus nominis etymologiam affert, securus auctorem, ni fallor, Lactantium.

Fortuna Mammosa.

In capite viae Novae, à qua etiam vicus nomen accepit: dicta vel ab uberitate, vel à forma statuae.

Fortuna Plebeia.

A Tullo conditum, de quo vi Fast. Ovidius:

Plebs colit hanc, quia qui posuit, de plebe fuisse

Fertur, & ex humili sceptrum tulisse loco,

Fortuna Tarpeia.

De quo Templo in Prænestini inscriptione, quæ in domo episcopi est: cognomento Primigenia, ut plurimæ ibidem inscriptiones docent.

Fortuna Reducis.

A Domitiano factum. Martialis lib. viii.

Hic tibi Fortuna reduci fulgentia late

Templa patent, felix area ruper erat.

Claudianus,

Aurea Fortuna reduci si templa priores

Ob reditum vovete ducum, non dignus unquam

Hec dea pro meritis amplas sibi poscerit aedes.

Cybeles.

Sub Palatino, Junonis Sospitæ templo conterminum, ut Victor inquit. Ovidius ii Fastorum,

— *Phrygiæ contermina matri Sospita.*

De eodem Martialis, vii.

Hinc viduæ Cybeles, illinc sacraria Vesta.

In sacris Cybeles, æreis crepitaculis urebantur, unde æs Corybantium: ut in Apollinis lebetibus æreis, à quo æs Dodonæum.

Annona.

In Capitolino fuisse, conjicimus ex inscriptione, quæ nunc ibidem legitur:

ANNONAE SANCTAE. HAELIUS VITALIO MENSOR PERPETUUS CORPORIS PISTORUM SILIGINARIORUM. D. D.

Segesta.

In Circo Maximo, quæ segetibus præerat.

Diana Suburbana.

Trans Tiberim. Quid. i de Arte,

Ecce Suburbana templum nemorale Diana.

Minervæ Medicæ.

In quinta Urbis regione Victor.

Minervæ Chalcidicæ.

Idem ponit in nona regione. Ego pato, Chalcidicen dictam, ab æneo templo, quod Domitianus ei condidit: ad imitationem illius, quod inter Tænarum & Lacedæmonem fuit, de quo Aemilius Probus, & Livius.

Minervæ

Minervæ Aventinæ.

Antiquissimum, & Livii Andronici poetæ donariis celebre. Ille à poetis aliis, & histrionibus, scribens ipsis fabulas honorabatur. Ovid. vi Fast.

Capit Aventina Pallas in arce coli.

Minervæ capite.

In valle Cœlii, cujus situm describit iv Fast. Ovid.

*Gælius, ex alto qua mons descendit in æquum,
Hic ubi non plana est, sed prope plana via est.*

Parva licet videas capite delubra Minervæ,

Quæ Deæ natali caput habere suo.

Quare autem Capra dicta sit, quinque conjecturas affert idem poeta.

Vacunæ.

Locus ignoratur; de templo Ovid. vi Fast.

Nunc quoque cum sunt antiquæ sacra Vacunæ,

Ante Vacunales stantque sedentque focos.

Mihi videtur extra urbem fuisse.

Nemesis.

Prope forum Trajani.

Lavernæ.

Extra portam Collinam, via Salaria, ut inquit Helenius, supra illum Horatii locum,

Labra movet metuens audiri pulchra Laverna;

Noctem peccatis, & fraudibus objice nubem.

Quietæ.

Extra eandem portam, Quietis Deæ: quam, cum suburbanum haberet templum, in urbem recipere noluerunt. D. Augustinus.

Livia Augusta.

In foro Romano.

Tutullinæ.

In Aventino, cujus apud Varronem mentio.

Bona dea subsaxanæ.

Non procul à via Nova, & thermis Antoninianis, in Aventino:

Victoriæ.

In eodem monte, ædificatum ab Arcadibus, Halicarnassæus.

Corniscarum.

Trans Tiberim, dearum à cornicibus dictarum, quas alii in Junonis, alii in Concordiæ, tutela fuisse asseverant.

Ne molestus sim, prætermittam illa, ut Clementiæ Cæsaris, de quo Plutarchus: Justitiæ Augusti, de quo Ovidius: Fœcunditati Poppeæ, de quo Tacitus, dicara templa; nam translata ad unum imperii potestate, superstitiosa assentatio immoderata fuit.

De Domibus quorundam doctorum.

DE domibus Regum, Imperatorum, civium illustrium, aut divitum, de quibus passim legitur, nihil dicam, & satis multa ab aliis, præsertim à Marliano: sunt collecta; sed referam tantum domicilia quorundam doctorum, qui etiam si Octaviorum, Scaurorum, Messalarum, Catulorum, Lateranorum, Corneliorum, Balbinorum, similes aedes non possederint, tamen & illas celebrarunt, & casulas suas nobilitarunt virtute & ingeniis; imo vero quicquid alii laudis habent, per doctos sunt consecuti. Tantum enim scimus, quantum à literis accepimus.

Crassi Oratoris.

In Palatino, ut illis temporibus, magnifica fuit. In ejus atrio, cum in publico nondum ullæ marmoreæ essent, columnæ Hymetticæ quatuor, ut Plin. lib. xvii. vel ut idem xxxvi. bis prodidit, sex fuerunt, non longiores duodenum pedum: cum tamen ideo Cn. Domitii & M. Bruti reprehensionibus non caruerit. Alii in Viminali ponunt, sed ea fuit Crassi cognomento divitis, de qua Persius Satyra secunda,

— *Nunc Crassi mittit in aedes.*

Calvi Oratoris & Poëta.

Prope forum Romanum, supra scalas Anularias, eam primum habitavit Augustus Cæsar,

Philippi.

In Carinis, sub Esquilino. Horatius, i Epist.

*Strenuus & fortis, causisque Philippus agendis
Clarus, ab officiis octavam circiter horam
Dum redit, atque foro nimium distare Carinas
Jam grandis natu queritur.*

Hortensii.

In Palatino, quam domum secundam possedit Augustus, non procul ab æde nunc S. Anastasiæ.

Ciceronis.

In eodem Palatino, supra ædem Jovis Statoris, quam incensam à P. Clodio, majore sumptu ex ærario ædificavit Senatus.

Salustii.

In Quirinali, cujus ruinas supra hortos ejusdem in valle subiecta extare aiunt. Qui de vita ipsius scripserunt, prope Minervæ ædem, quæ hodie S. Mariæ sacra est, volunt habitavisse. Quod si ita est, hæc prima fuit: altera, post præturam Africanam, ab ipso culta.

Attici.

In eodem monte, ubi nunc S. Vitalis templum, fuit situ & sylvæ amœnissima.

C. Aquilii.

Jurisconsulti, in dorso montis Viminalis, omnium consensu pulcherrima. Plinius lib. xvii.

M. Manilii.

M. Manilii.

Jurisconsulti celebres, & prudentis oratoris, in Carinis. Cicero Paradaxis.

L. Annaei Seneca.

In Palatino Coelium versus, supra balneum: cujus domus incommodum & inquietum situm ipse describit, lib. VII. ad Lucilium, Epist. LVII.

Plinii Junioris.

Oratoris, supra Suburam in Esquilino, quod ipse in Epistolis, Martialis in Epigrammatis testatur.

Ennii poeta.

In monte Aventino juxta Tutulinæ fanum, ut ex Porcio tradit Varro.

Virgilii.

In campo Esquilino, juxta Meccenatis hortos, qui erant inter aggeres Tarquinii, & urbis mœnia.

Propertii.

In Esquilino, ita enim ipse libro secundo,
*I puer, & citus hæc aliqua propone columna,
Et dominum Esquilii scribe habitare tuum.*

Ovidii.

Infra Capitolium, qua Velabrum respicit, circa eum locum, ubi nunc est S. Mariæ templum de consolatione. Innuit. lib. I. Trist.

Capitolia cernens,

Quæ nostro frustra juncta fuere lari.

Martialis.

Intra Viminalem & Hortulorum collem, prope Pilam dictam Tiburtinam. Sic enim ipse libro quinto:

*Sed Tiburtina mihi proximus accola Pila,
Qua videt antiquum rustica Flora Jovem.*

Idem lib. I.

*Longum est, si velit ad Pilam venire,
Et scalis habito tribus, sed altis.*

Stellæ.

In aditu Suburæ. Idem lib. XI.

*Vel si malueris, prima gradiere Subura,
Ætria sunt illic Consulis alta mei.
Laurigeros habitat sacundus Stella penates.*

Sura.

In Aventino, Palatinum versus. Idem lib. VI.

*Quique videt propius magni certamina circi,
Laudat Aventina vicinus Sura Diana.*

De theatris, circis, odeis, stadio, xysto, item de factionibus aurigantium.

IN liberis civitatibus multa populo concessa sunt, qui cum sæpenu-
mero gravibus & diuturnis bellis, sine quibus libertas retinetur,
difficiliter vexaretur, domesticæ quædam animorum relaxationes in-
ductæ sunt, & multiplices ludi ac diversa spectacula publice exhibita.
Idque cum in Græcis civitatibus usitatissimum fuit, tum in Romana
Rep. contra Scipionis Naticæ coasiliium ita increbuit, ut lusus licen-
tiam, jocus turpitudinem, frequentia lasciviam, consuetudo denique
crudelitatem pepererit. Nam & spectatores, & fautores, & actores
scelerum, ipsi interdum principes aderant. Aedificiis theatrorum præ-
erant censes: ludis & spectaculis, ædiles curules: & ut ex Juvenale
patet, prætores, quibus & consulares addidit Nero, & Domitianus
præfectos, quales sunt apud Martialem Læcius quidam, & Oceanus.
In Capuanis inscriptionibus, exactor operum publicorum, & theatri
legitur: & dux theatralium operarum, apud Tacitum. Theatra au-
tem non solum ex lateribus fuerunt structa, ut in urbe Statilii, ad
Lyrim fluvium, Minturnense, & quod est Puteolis, quæ nos vidimus:
neque ex quadratis tantum lapidibus, ut Pompeii, Marcelli, Titi:
verum etiam ex solido marmore, quale fuit Capuanum, cujus ruinas
mirati sumus: item Veronense, de quo Torellus Sarayna: item Athe-
nienſe, quod inſepexit Cyriacus Anconitanus. Sed ad Romana. De
Cassii theatro Paterculus: de Scauri, & Curionis Plinius: de C. Cæ-
saris Tacitus, de Balbi Aufonius, de Claudii Suetonius, de Neronis
Sex. Aurelius, de Trajani Spartianus, de tribus thearris & uno amphitheatro
campi Martii Strabo, de theatro montis Esquilini Martialis.
Hæc cum nulla amplius sint, de iis quorum aliqua extant vestigia,
agemus.

Theatrum Pompeii.

Ad campum Floræ, contiguum circo Flaminio, vestigia cernuntur
in cella vinaria, & in equili domus Urfinæ. Hoc Pompeius mansurum
instruxit, igne consumptum instauravit Tiberius, perfecit Caligula,
iterum ambum restituit Claudius, verustate collapsum refecit
Theodericus rex Gotthorum. Adeo tenui & apra junctura fuit, ut
non compositum opus, sed ex uno perpetuoque lapide factum videretur.
Fuit & aliud Pompeii, vicinum campo Martio, de quo Plinius
lib. xxxiv. Unum fortasse ex illis, de quibus Strabo loquitur.



Marcelli.



Intra Capitolium & Tiberim, in cujus ruinis hodie ædificatum
est palatium Sabellæ familiæ, & ampliora ejus vestigia sunt, quam
Pompeiani, & forum Holitorium versus tabernas habet.

Statilii Tauri.

Intra portam Næviam & Coelimontanam, adhuc prope inte-
grum,

THEATRE







grum, & urbis mœnibus inclusum, una ejus parte intra, altera vero extra murum. De his tribus loquitur Ovid. 111 de Arte,

Visite conspicuis terna theatra locis.

Item 111 Tristium, quem locum supra explicavi.

Tiberii.

Ejus aliqua vestigia in privatis ædificiis intra aquam Virginem, & columnam Cochlidem Antonini visuntur: nam juxta supra fuit.

Titi.

Intra Cœlium & Esquilinum, vulgus à mole ædificii Colosseum appellat, urbe media, auctore Suetonio, situm, altitudinis tantæ, ut viro humana ad ejus summitatem ægre conscendat: quod testatur in xvi, Marcellinus. In altum habuit fornices quatuor, alterum alteri oppositum, tres inferiores in extremo columnis sustentantur cum diversis capitellis superioris pars pro muro est: fenestris aliquot lucem admittentibus. Adeundi loca varia. Primus enim introitus est in ipsam aream circularem, quam nunc nominant harenam: proximus ascensus est ad sedilia; sequitur alius ad aream aditus, postremus descensus in loca subterranea, ad quæ obruta jam perveniri nequit. Sedilium ratio non plane perspicitur, muri tamen magis ac magis sunt ad spectantium commoditatem declives. Post sedilia latus & spaciosus supra porticum ambitus. Ex ruinarum amplitudine, recte scriptum à Martiale videtur,

Omnis Casareo cedat labor Amphitheatro:

Unum præ cunctis fama loquatur opus.

De ludis Theatralibus, item de scenicis actionibus & originibus, M. Terentius Varro libros scripsit. Ludorum tempore contra æstum Theatra velis tecta fuisse, & sedilia croco conspersa, prodiderunt, præter Plinium lib. xix. etiam p. etæ, cum veterum frugalitatem laudibus efferunt. Ut Ovid. libro primo de Arte:

Tunc neque marmoreo pendebant vela theatro,

Nec fuerant liquido pulpita rubra croco

Illic, quas tulerant nemorosa palatia, frondes

Simpliciter positæ, scena sine arte fuit,

In gradibus sedit populus de cespite factis,

Qualibet hirsutæ fronde tegente comas.

Item Propertius lib. 1111.

Nec sinuosa cavo pendebant vela theatro,

Pulpita solennes non oluere crocos.

Vas ipsum, quo sedilia spargebantur, Nimbus appellatur à Martiale, qui ad Agathinum pugilem his verbis scribit:

Lubrico Corycio quamvis sint pulpita nimbo,

Et rapiant celeres vela negata noti.

Fuit *Σταγιδὸν ἀργύρεον*, quod extrat Latino vocabulo nun-

nuncupat Charisius. Romanus populus ludos spectabat coronatus, ad quos omnis ætas & sexus admittebatur. Quamvis autem Theatra, Circi, Campus, singulares quæque ac proprios ludos haberent, & exercitationes cuique loco accommodatas: ramen eadem sæpe omnibus in locis peracta lineæ discrimine fuerunt. Nam ut de circo dicam, in eo cursores, pugiles, luctatores, gladiatores, confectores ferarum versabantur; nam in eo bigarum quadrigarumque cursus, & ludi tauriles, & ferarum venationes, & equestria ac pedestria prælia exhibebantur. Introducti etiam sunt mimi, saltatores, cirharœdi; histriones, funambuli, qui in theatris solebant agere frequentius. Contra in theatro navale prælium edidit Domitianus. Nunc de Circis breviter, dicendum est.

Circus Maximus.

Ex Palatini latere meridionali, quod Avenrino est oppositum, jacet: ejus ruinae cernuntur ab æde S. Anastasiae, usque ad Severi septizonium. Fornices quadrupliciter altera alteri imposita, & sedilium directæ lineæ. Carceres olim & metæ ex topho lignoque fuerunt, quæ marmorea & aurata fecit Claudius. Ne quis autem alii sedendo molestus esset, hæc dat præcepta Ovidius:

*Tu quoque, qui spectas post nos, tua contrahere crura,
Si pudor est, rigido nec preme terga genu.*

*Sed pendente tibi crura, potes si forte juvabit
Cancellis primos inseruisse pedes. Et,*

*Quid frustra refugis? cogit nos linea jungi:
Hæc in lege loci commoda Circus habet.*

*Tu tamen à dextra, quicumque es, parce puellæ:
Contactu lateris læditur illa tui.*

In circo ornamenticausa, cum Deorum imagines gypscæ, tum de tracto hostibus spolia suspendebantur. Idem,

*Si ve erit ornatus, non ut fuit ante, sigillis,
Sed regum positas Circus habebit oper.*

Ad circum in cellis subterraneis habitabant, qui questum corpore facerent, ut ex Juvenale colligitur, & aperte declarat in Vario Lamprius: Omnes de theatro, de circo, de stadio, & omnibus locis & balneis meretrices collegit. Ad eundem res furto sublatae sub crepusculi tempus vendebantur, quod in Floratium, cum circum vespertinum vocat, annoravit Helenius. Servi per circum nuces, & fractum cicer clamando solebant circumferre, item in cortinis aquam portare, quæ esurienti sitientique plebi venderent: quod adhuc in Italiae civitatibus usitatum est. Ad illud respexit Horatius, ubi equestrem, & patricium, & copiosorum hominum ordinem, ab inhuma plebe discernit, scribens ad Pisones:

*Offenduntur enim, quibus est equus, & pater, & res,
Nec si quid fracti ciceris probat, & nuzis emptor,*

*Æquis accipiant animis, donantve corona,
Alterum in Pænulo ostendit Plautus,*

Ita replebo atritate, ut atrior multo fies

Quam Egyptii, aut qui cortinam ludis per circum ferunt.

Tomentum Circense erat culcitra ex gnaphalio, aut aliis herbis vel arundinibus concisis facta, quæ substernebatur multitudini : quod ex Suetonio & Martiale constat. Circi nomine, etiam si nihil aliud addatur, intelligitur Maximus : ut fori appellatione, Romanum accipimus : campi vocabulo, Martium.

Flaminius.

Incepisse videtur circa ædem S. Angeli in piscina, protensus ad campum usque Agonium, Ejus inter ruinas plurimas, vestigia sunt apud apothecas obscuras, prope ædem S. Rosæ, & sacellum sepulcri sancti. Ab Apollinis templo, quod aliis magis conspicuum fuit ; alio nomine Apollinaris. In hoc circo vitri officina fuit, in qua pocula fierent, coloratis punctis, quasi gemmis insignita, & crystallinis similia : quæ ut pretio gemmatis æquanda non erant, ita usu reperiebantur firmiora, quod aquis calidis, ut veræ gemmæ, non vitiantur aut fluunt : quod Martialis in Apophoreti docet, disticho Calices, & expressius lib. xii.

Cum tibi Niliacus portet crystallæ cataplas,

Accipe de circo pocula Flaminio.

Nullum sollicitant hæc, Flacce, torcuntata furem,

Et nimium calidis non vitiantur aquis.

Floralium.

In valle intra collem Hortulorum & Quirinalem. Ovidius de hoc, v. Fast.

Circus in hunc exit, clamataque palma theatris,

Hoc quoque cum circi munere carmen eat.

Intimus.

Qui antiquiore nomine, Circus ad murum, ut Varro. In campo Fulgino, & in Vinetis Tiberi adjacentibus, ejus rudera spectantur.

Neronis.

In valle inter Janiculum & Vaticanum.

Antonini Caracallæ.

Ab aliis, Prætorianus, quod ibi cohortis Prætoris statio fuerit, extra Capenam. Vestigia qualiacunque apparent prope S. Sebastianum, & molem illam, quæ nunc Bovis caput dicitur.

Alexandri Severi.

Eo in loco, ubi campus nunc Agonius.

Antequam ad reliqua progrediamur, illud admomendum est, claris viris, & ad populum gratiosis, in theatrum aut circum introeuntibus, damore publico & plausibus vulgi gratulationes factas ad Meccenati, de quo Horatius,

Datus in theatro cum tibi plausus.

Et Cæsari Domitiano, de quo in viii Martialis,

Dum te longa sacro venerantur gaudia Circo,

Nemo quater missos currere sensit equos.

Odeum.

Odeum.

Græco nomine dictum Ὀδών, publicum ædificium erat, in quo, ut in xysto athletæ, in lanistæ ludo gladiatores, ita citharœdi & tibicines a musico, & reliqui fortasse scenici actores ab histrione exercebantur ante, quam in theatrum prodirent. Odeæ in urbe quatuor fuerunt. Unum, in monte Aventino, de quo ad Atticum loquitur Cicero, etiam si locus mundo non vacet: Monumentum illud (inquit) quod tu tollere laudibus solebas, ut Odeum laxaremus, & usque ad atrium Libertatis explicaremus, contempnimus. Alterum, intra Palatinum & Cœlium, prope Metam sudantem (hæc nunc intra amphitheatrum Titi, & arcum Constantini collapsa cernitur) cuius quidem nomen Seneca non exprimit, sed ab usu describit ad Lucilium lib. vii. In iis quæ me sine avo arione circumstrepunt, effedas transcurrentes pono, & fabrium inquilinum, & ferrarium vicinum: aut hunc qui ad Metam sudantem tubam experitur & tibias, neque cantat, sed exclamat. Tertium, prope theatrum Pompeii; quod innuere videtur Marcellinus lib. xvi, cuius verba, quantumvis corrupta, quia locis aliquot eorum testimonio sum usus, cuncta subscribam: Intra septem montium culmina, per acclivitates planicemque posita ubi membra collustrans, & suburbana quidquid erat primum, id eminere inter alia cuncta sperabat. Jovis Tarpeii delubra, quantum terrenis divina, præcellentia. Lavacra in modum provinciarum extructa. Amphitheatri molem solidatam lapidis. Tiburtini compage, ad cuius summitatem ægre visio humana confendit. Pantheum velut regionem teretem, speciosa cellitudine fornicatam. Elatos vertice scanili suggestus consulum, & priorum principum imitamenta portantes. Urbis templum, & Pacis, Forum, & Pompeii theatrum, & Odeum, & Stadium, aliaque inter hæc decora Urbis æternæ. Verum, cum ad Trajani forum venisset, singularem sub omni cœlo structuram, ut opinamur, etiam numinum æfensione mirabilem, hærebat attonitus, per Giganteos contextus circumferens mentem, nec relatu effabiles, nec rursus mortalibus expetendus. Hæc ille. Quartum, inter cætera opera mirabilia & memorabilia fecit Domitianus, ut in vita ejus Suetonius tradit: quamvis non plane indicet, extruxerit ne an instauraverit, nam (ut ait Sex. Aurelius) multa ædificia cœpta, multa à fundamentis ipse construxit.

Stadium.

Locus cursoribus destinatus, & hoc extructum à Domitiano, eodem Suetonio testante. Etli autem ubi fuerit, & unumne an plura extiterint, nesciatur: tamen inter maxima & præcipua urbis loca poni intelleximus è Marcellino, & è Lampridio: quorum verba in hoc ipso capite citavimus. Martialis lib. iii ad Matronam,

Gymnasium, thorma stadium est: hac parte recede;

Exuimur, nudos parce videre viros.

Stadiodromum quendam Astylon nominat Plinius lib. xxxviii.

&

& multos celebrat Pindarus, & notus historiis est Milo Crotoniata^s & eadem patria natus Iſchomachus : unde ſtudium ambitioſæ hi^s in rebus Græciæ magis cognoscas.

Xyſtus.

Græca quoque appellatione locus dictus, in quo ſubteſto hyemis tempore verſabantur athletæ. Ut autem Odeum theatri, Stadium circi, ita Xyſtus forma porticus erat extructus : inde & hypethras, hoc eſt (ut Plinius) ſubdiales ambulationes, neutro genere xyſta appellarunt Romani.

Odeum multa ſedilia, multasque columnas habuit, cum pronis & declivibus tectoriis, ut in Pericle deſcribit Plutarchus : ſtadium, carceres, & metas, non ſecus atque circus : Xyſtus columnas in latum directas. Qui concertantibus præerat, Xyſtarchus : qui ipſe certabat, Xyſticus nominatus, ut in antiquo marmore :

L. THENODORUS XYSTICUS PARIDI THYMELICO BENE MERENTI FECIT.

Factiones aurigantium, qui ludis Circenſibus Palmam quærebant, fuerunt quatuor : quæ à coloribus, viridis, cærulei, coccinei, albique panni, quo donabantur, nomina acceperunt, Praſinæ, Venetæ, Ruſſatæ, Albatæ. Domitianus duas aurati purpureique panni ad quatuor priſtinas addidit, teſte Suetonio. Harum factionum ad reprehentionem uſque ſtudioſi fuerunt principes nonnulli, ut Caligula Praſinæ, Vitellius Venetæ : tum agitadores ipſos habuerunt in prærio, ut Caligula incitatum. Nero Praſinum, Domitianus Paſſerinum & Tigrium, Nerva Scorpion : quorum victorias prædicatione extollit Martialis, ut M. Aurelii Dioclis, & C. Pompeii Euſceni, & Fuſci, vetera epigrammata. Martialis tres factiones conjungit,

Si Veneto, Praſinorve faves, qui coccina ſumis,

Ne ſias iſta transfuga veſte, vide.

De Praſina ſeparatim Juvenalis, Satyra xi.

Totam hodie Romam circus capit, & fragor aurem

Percutit, eventum viridis quo colligo panni.

Juſtiniani temporibus ex contentione factionum Praſinæ & Venetæ, tanta Byzanti ſeditio exorta eſt, ut quadraginta fere hominum milia ſint trucidata : quod ex Zonara Monacho ſcripſit Cuſpinianus. Poſt illam cladem factionum nomina ſunt abolita.

C A P. XIII.

De Porticibus.

I Nter clara Urbis ædificia porticus fuerunt, quæ vel ædibus ſacris, vel illuſtrium virorum domibus, vel publicis ædificiis annexæ, aut neceſſitatis, aut ornamenti volupratifque gratia fuerunt. Velleius in ſua hiſtoria conqueritur, cum poſt bellum Punicum a Scipione confeſtum, in ſomnum à vigiliis, ab armis ad voluptates, a negotiis in ocium eſſet converſa civitas, tum primum familias illuſtres inter ſe

certoſſe ejuſmodi ædificiorum pompa, donec publicam magnificentiam ſecuta privata luxuria ſit. Porticus nomina acceperunt, aut à deorum templis, ut Concordiæ, Quirini, Herculis: aut ab auctoribus, ut Pompeia, Octavia, Livia, item Naſicæ, Metelli: aut ab ædificii qualitate, ut curva, miliaria, ſtadiata, porphyretica, Corinthia: aut ab hominum actionibus, ut Margaritaria apud Victorem, Argentaria apud Vitruvium: aut à picturis, ut Iſidis, Europæ, Argonautarum: aut à locis adiunctis, ut porticus amphitheatri, porticus circi, porticus ſeptorum, porticus campi Martii. In porticibus interdum res ſeriæ agebantur, ut cum in iis haberetur ſenatus, cum jus diceretur, cum publica acta notarentur, cum ſponſalia fierent. Interdum in iis luci gratia conſiſtebant, qui res pretioſas, gemmas ſcilicet, tabulas, ſigna, toreumata, aulæa, venderent. Plerumque animi cauſa, æſtivis præſertim caloribus, ad caprandum umbram ibidem inambulabant. Enumerabimus hic cum eas quæ nunc extant, tum quæ à ſcriptoribus ſunt celebratæ.

Apollinis Palatini.

Ante celeberrimum illud templum ab Auguſto poſt Aſiaticam victoriam conditum, in Palatino, circum Maximum verſus, auro & columnis Numidicis, & ſtatuſ, & picturis variis ornata: duorum poetarum teſtimonio; Propertii lib. 11.

Quæris cur veniam tibi tardior? aurea Phæbi

Porticus, à magno Caſare aperta fuit.

Tantam erat in ſpeciem Pænis digeſta columnis,

Inter quas Danaï ſæmina turba ſenis.

Hic equidem Phæbo viſus mihi pulchrior ipſo

Marinoreus tacita cœrmen hiare lyra.

Atque aram circumſteterant armenta Myronis,

Quatuor artiſcis vivida ſigna boves.

Et Ovidii tertio Triſt.

Iude timore pari gradibus ſublimia celſis,

Ducor ad inſonſi candida templa Dei.

Signa peregrinis ubi ſtant alterna columnis

Belides, & ſtriſto barbarus enſe pater.

Quæque viri docto veteres ſecere novique

Pectore, lecturis inſpicienda parent.

Dicit poeta, ſigna alterna ſtetiſſe, qui in una parte fuerunt filiarum Danaï eſſigies, & è regione ſub dio totidem equeſtres filiorum Ægyptii: ut inquit verus Perſii interpres. Huius nulla extant veſtigia.

Foris Ultoris.

Quæ poſtea ab ædæ porticus Panthei: ab auctore, porticus Agrippæ dicta eſt. Reliquæ ſunt ex ea columnæ ingentes XVI II, pilæ XII, ita diſtributæ, ut primus ordo habeat columnas octo, inter quas aditus ad templi ipſius fores: poſt quem duo alii ordines, in ſingulis columnæ quatuor, quæ inæqualibus primi ordinis, primæ ſcilicet &

tertiæ

tertiæ responſent. Proximi ordines tres, pilas ternas habentes, longius inter ſe, quam coſumnae diſtant.

Quirini.

In ea Quirinalis parte, quæ Viminalem attingit, ubi hodie S. Vitalis templum. Martialis lib. xi.

*Vicinam pete porticum Quirini,
Turtam non habet otioſiorem
Pompeius, vel Agenoris puella,
Vel primæ dominus levis carinæ.*

Silvani.

De hæc antiquum Epigramma, quod Romæ legitur.
SILVANO SANCTO L. VALLIS SOLON PORTICUM EX
VOTO FECIT. DEDICAVIT K. APRILIB. PISONE ET BO-
LANO COSS.

De templo autem Silvani ſub Viminali, an de alio cui porticus adjuncta ſit, intelligitur, incertum eſt.

Herculis.

In aditu Circi Flaminii, quam æde illa inſtaurata Martius Philippus Auguſti vitricus fecit. Unde Philippi porticus dicitur a Martiale lib. v.

*Vites cenſio porticum Philippi,
Si te viderit Hercules, periſti.*

Hanc Plinius lib. xxxv, bis commemorat, propter Apellis & Antiphili pictorum opera, & ædem Herculis cum hac porticu conjungit Viſtor.

Mercurii.

Inter circum Flaminium & Tiberim, ſimulurata, ante templum S. Angeli in piſcina. Hæc & Severi, & Antonini dicitur, ab imperatoribus qui reſtituerunt, aut ornavunt. Sub ea nunc porticu piſces, & ferinæ carnes venduntur.

Neptuni.

Ante ejuſdem ædem juxta Septa, ubi comitia fiebant, qui locus eminentior, jam Mons acceptorius & Citorus dicitur.

Concordiæ.

Sub Capitolio forum verſus, de quo octo adhuc columnæ altiffimæ exant, brevi inter ſe ſpatio diſjectæ. Hanc pene integram ſe vidiffè ſcribit Poggius, & columnas ad calcis uſum ſuo tempore diſjectas: id quod non raro fit in urbe, etiam in maximis ædificiis.

Veneris Erycinæ.

Ante portam Collinam, ejusdæ templo conjuncta. Porticus mentionem facit Strabo, templi Ovidius, ri De remedio.

Libertatis.

In Palatino, quam domo Ciceronis everſa, fecit Clodius, ſed eadem paulo poſt ſublata.

Scipionis Naſica.

Ab æde Saturni extenſa ad Capitolinum, quam inter magnifica enumerat Velleius.

Q. Metelli.

Idem: Metellus (inquit) Macedonicus, porticus quæ fuerunt circumdatae duabus ædibus, sine inscriptione politis, quæ nunc Octaviæ porticibus ambiuntur, fecerat. Plinius de eadem lib. XXI. fuit hæc ad finem circi Flaminii, ut ex Varronis & Vitruvii, scriptis conjunctis colligi potest. Visuntur hodie inter S. Nicolaum de Funariis; & S. Mariam de Sole, circum Flaminium versus, multæ marmoreæ columnæ: sed hujus, an alterius porticus sint, nondum liquet.

Cn. Octavii.

Duobus nominibus aliis appellata, à structura, Corinthia: à pictura, Persei nam C. Octavius de Perse Macedoniæ rege triumphum agens, ex manubiis porticum condidit, & res suas gestas in ea depingendas curavit. Unde merito amœnissima à Velleio habetur; qui addit, eam in Circo fuisse: verum, ne relinquatur in dubio, de quo loquatur, Plinius exprimit Flaminium. Extant vestigia intra ædem S. Nicolai de Chalcaria, & turrin Argentinam, columnæ semiobrutæ cum capitellis Corinthiis. Duplex columnarum ordo fuit, auctoribus Plinio & Victore, ab Augusto, cum esset incendio deformata, in formam meliorem reducta est, quod ex Verrio tradit Pompeius.

Q. Catuli.

Quæ, eversa M. Flacci domo, qui Gracchanas partes contra Rempublicam foverat, extracta de Cimbris manubiis. Eam diruit Clodius, ut Orationibus & Epistolis testatur Cicero.

Hortensii.

In Palatino ante ædes ipsius, brevis, & ex columnis Albanis, sine ullo marmore. Suetonius.

Balbi.

Ejus contigua theatro, circa illum locum, qui nunc Apothecarum obscurarum nomen habet.

Æmilii.

Intra portam Trigeminam & Navaliam. Livius.

Faberii.

In Aventino, auctore Vitruvio. Corrupte apud Victorem Fabriciam, pro Faberia legitur. Faberii scribæ multa mentio apud Cicero-rem.

Numicii.

In foro Romano circa Rostram, & ædem Veneris genetricis. In hac Antonius Lupercus, auream coronam Cæsari imposuit, ut est in secundâ Philippica. Videndum, num Numicia eadem sit cum ea, quam Miniciam Velleius nominat.

Philippi.

In regione circi Flaminii, ut Victor: de ea paulo ante, de porticu Ihercalis Musæum. Fuit picturis ornata, quia ad splendorem urbis Augusto hortante facta est.

Pompeii.

Pompeii.

Ad ejus theatrum, omnium sumptuosissimum, primum columnarum varietate & multitudine, etenim *ἐκατόσταλον*, seu (ut quidam) centenaria dicta est: tum platanorum ex utraque parte nemoris modo ipsam ambientium diffusa umbra: postremo aquarum illuc ductarum amenitate, quæ singula prædicat lib. 11 Propertius.

Sci icet umbrosis sordet Pompeia columnis

Porticus, aulais nobilis Attalicis,

Et creber pariter platanis surgentibus ordo,

Flumina sopito quæque Marone cadunt.

De eadem sentire videtur Martialis lib. 111.

Inde petit centum pendentia tecta columnis,

Illinc Pompeii dona, nemusque duplex.

Æstatis tempore frequentes in ea ambulabant homines, ut primo & tertio libro de Arte Ovidius inquit. In eodem Pompeii imago populi voluntate erecta: Plutarchus in vita Bruti.

M. Agrippæ.

Ante ædem Panthei, de qua paulo ante Horatius lib. 1 Epist.

— cum bene notum

Porticus Agrippæ, & via te conspexerit Appii.

Julii.

Prope arcum in foro Fabianum. Hujus porticus mentionem inveni apud Persii interpretem, & Victorem.

Augusti.

Plures unâ in Campo, cujus solum lithostrotum, & latera myrto, lauro, ac buxo circumdata, perpetuæ viriditatis. Alia duplicata in ipsius foro, in qua statuæ virorum illustrium triumphali habitu statuæ erant.

Livia, uxoris Augusti.

Ad viam sacram, ubi nunc ruinæ templi Pacis cernuntur, artificum tabulis ornata, & opaca fecundissimaque vite inumbrata: de hac lib. XI111, Plinius: de illis Ovidius,

Nec tibi vitetur, quæ priscis sparsa tabellis,

Porticus, auctoris Livia nomen habens.

Hanc inter præclara Urbis ornamenta recenset Strabo.

Octavia, sororis Augusti.

De eadem Ovidius, 1 de Arte,

Aut ubi muneribus nati sua munera mater

Addidit, externo marmore dives opus,

Per munera nati, Marcelli Theatrum intelligitur, cui fuit Octaviæ porticus contigua: unde eandem porticum Marcelli nominat Florus. Vestigia ejus inter S. Nicolaum in carcere, & S. Mariam in porticu, ubi locus ex ruinis eminentior. Quin ipse vidi ibidem effodi lapides Tiburtinos, & fragmenta marmorea ingentium columnarum.

Claudii.

Ultra viam sacram, Theanum versus. Merula hanc & Liviam eandem esse auguratur: Marcialis à Tito & Domitiano fratribus significat Claudiam restitutam: nam postquam de amphitheatro Titi, & thermis ejusdem, loci us est, addit:

Claudia diffusus ubi porticus excipit umbras,

Ultima pars aulae deficientis erat.

Ad eam quondam terminabatur domus aurea Neronis.

Neronis.

Intra ipsius domum aeneo colosso addita, triplex fuit, & singuli ordines M. rassi complexi sunt, ut ex Suetonii verbis licet intelligere, Alii milliarium à spatio vocant.

Nervæ.

In ipsius foro cum columnis excelsis, partim rotundis, partim quadratis, quarum adhuc aliquæ reliquæ sunt, omnium laminis ex orichalco tecta.

Traiani.

Ejusdem foro adjecta, cui columnarum altitudine nulla nullius ætatis in urbe par fuit.

Antonini Pii.

Juxta ædem S. Stephani de Truglo, de qua undecem marmoreæ columnæ striatæ, magnæ & pulchræ, extant. In ea nunc ædificata domus, in qua pueri orphani nutriuntur.

Faustine, uxoris Antonini.

Forum Romanum, & Palatinum montem prospiciens, extructum in ea templum S. Laurentii in Miranda: ex ea decem columnæ reliquæ, forum versus sex, utroque ex latere binæ. In epistylis extat inscriptio.

Gordiani.

In campo Martio sub colle, longa ped. M. in cujus lateribus viridaria ex lauro, myrto, & buxo fuerunt, ut est apud Capitolinum.

Galieni.

In eodem campo usque ad pontem Mulvium ex-ensa, dicta *πρωτάσιχη*, propter quinque ordines quorum primus ex pilis, reliqui quatuor ex columnis fuerunt. Dicta etiam Flaminia, propter viæ vicinitatem.

Constantini.

De hac nihil aliud, quam quod in Capitolio fuerit, legimus. Referuntur præter has & aliæ, ut Minicii à Vellio, Neronis per totam urbem à Suetonio, Vispani à Tacito, Reguli à Plinio juniore, Alidara à Victore, Stadiata à Vitruvio, centum columnarum à Martiale: quarum quia locus incognitus est, nomina saltem ex auctoribus nota esse volumus. Pergamus porro ad alias quasdam, dignas commemorati. ne, & olim non incelebres.

Porticus Capitolii.

Hæ fuerunt in latere clivi Capitolini, per quem ex Velabro ascensus in Capitolium fuit: consumptæ sunt incendio factionis Virellianæ: auctor Tacitus.

Amphitheatri.

Triplex fuit: in exteriore parte aditus nunc cernuntur xxxi. in media xxxvi. in intima lxxi. Sed tota illa mole consumpta, atque maxima ex parte collapsa, de universa structura judicare nemo nisi artifex potest.

Circi Maximi.

Et hæc triplex fuit, sed ira, ut ex triplici structura una circularis fieret: binæ exteriores ambulatibus paruerunt liberæ, altera officinis & tabernis opificum & institorum occupata fuit. Circi ingentia rudera sunt, porticus nullæ extant reliquæ.

Septorum.

De qua Cicero ad Atticum lib. iiii, & Plinius lib. xvi, à M. Agrippa circum scripta constructa fuit.

Campi Martii.

Hæ circum circa Campum ambierunt, ut Strabo testatur. Ex eis una fortasse fuit, quæ sequitur.

Europæ.

Adjuncta Campo, non procul a ductu aquæ Virginis, canente Martiale,

Sed curris ruitreas tantum prope Virginis undas,

Aut ubi Sidonio taurus amore calet.

Umbrosa fuit buxeto. Idem.

An delicatæ sole rursus Europæ

Inter tepentes post meridiem buxos

Sedet?

Unde idem ad hominum, loci publica cœnæ causa frequentantem, jocose scribit, lib. 2.

Lotus ad Europæ tepida buxeta recurrit,

Si quis ibi serum carpat amicus iter.

Per te, perque tuam, vector lascivæ, puellam,

Ad cœnam, Selium tu, rogo, Taure voca.

Idem Agenoris puellæ hanc porticum nominat, lib. xi.

Argonautarum.

A pictura sic dicta, à Campo ad septa extensa, auctore Martiale lib. ii.

Si nihil Europe fecit, tum Septa petantur,

Si quid Philyrides præstet, & Æsonides.

Post Quirini, Pompeii, & Europæ, tanquam præcipuam hanc extollit idem poeta, quos versus de Quirini porticu retulimus. De eadem lib. iiii.

*Hinc si recessit, porticum terit templi,
Aut spatia carpit lentus Argonautarum.
Ipsidis.*

In hortis Commodianis, à forma dicta Curva, à pictura, Ipsidis. Nam Commodus Imp. cum Pescennio Nigro, qui postea ad imperium aspiravit: in ea depictus fuit, quasi præfex sacerorum Ipsidis. Non solum autem pictura, sed & Mulico opere insignis fuit, ut ait Spartianus.

Millarenfis.

In hortis Sallustianis, exornata ab Aureliano, qui secessu illorum hororum delectabatur, ut est apud Vopiscum. Signatius vult Millariam dici à mille passuum longitudine, quod nomen & Neronis porticus habuit intra Palatinum & Esquilinum, de qua paulo ante.

Porphyrætica.

Et hæc memoratur à Vopisco. In ea actorum publicorum scribæ versati sunt. Videtur juxta Concordiæ ædem tulle, in qua septimum Senatus habebatur; nam prope ædem triplicis porticus fundamenta superioribus annis effossa constat.

C A P. XIV.

De Arcubus Triumphalibus, & Trophæis.

ARCUS olim honoris virtutisque causa erecti sunt iis, qui, externis gentibus domitis, singulares victorias patriæ pepererant. Si primum rudes & simplices fuerunt, cum virtutis præmia, non ambitionis lenocinia essent: seculo insolentiore, monumenta victoriarum, & triumphorum pompa fuit in iis incisa. Erant aut latericii, ut Romuli: aut ex rudi lapide quadrato, ut Camilli: aut ex marmore, ut Cæsaris, in foro: Drusi cum trophæis, in via Appia: Trajani, in ejusdem foro Gordiani, in Viminali: Gratiani, item Theodosii, non longe à via Triumphali: deinde etiam reliqui, quos jam nominabimus: de iis enim tantum, de quibus adhuc restat aliquid, loquemur. Arcuum forma, primum erat semicircularis, unde & nomen fornix accepit: fornix enim Fabianus à Cicerone dicitur, qui à Victore arcus Fabianus nominatur. Postea quadrata, ita ut in medio ampla esset porta fornicata, & ex ejus portæ utroque latere aliæ minores additæ. In mediæ portæ fornicem Victoriæ alate pependerunt, quæ dimissa victori transeunti coronam imponerent. In superiore arcus parte spatia sunt, in quibus aliquot homines, vel qui tubis canerent, vel qui insignia trophæa ostentarent, stesie videntur. Hæc magnificentia Augusti temporibus, & paulo ante, cepit; nam de Cæsaris arcu, Servius: de Drusi, Suetonius: de Germanici & Neronis, Tacitus. Novitium hoc inventum ait Plinius, non quod arcus ante Cæsarem tempora non fuerint, sed quod

quod tali ornatu non fuerint. Antiquissimi, de quibus extat aliquid, sunt tres: novitii Plinio, nobis veteres, quinque.

Arcus Romuli.

Vestigia inter S. Mariam de gratia, & S. Mariam de inferno. Bini fuerunt, quos, etsi lateritii erant, tamen in marmoreos Romani non mutarunt, ne conditoris sui memoria, & priscæ frugalitatis monumentum interiret. Hos sua tempestate primum collapsos tradit Blondus.

Camilli.

A via lara eunti versus S. Mariam in Minerva, ex lapide quadrato, rudi, & nullorum ornamentorum, inclusus partiædificiorum.

Fabii.

In via sacra, cujus fundamenta, cum in urbe essemus, effodi dicebantur, prope S. Laurentium in Miranda. In eo scuta & signa Victorix fuerunt sculpta.

Arcus Titi.

Marmoreus inter forum Romanum, & amphitheatrum, adjunctus templo S. Mariæ novæ. In eo ab una parte sculptus de Judæis triumphus. Imperator in curru sedens, ab alata Victoria coronatur: currui præfertur arca foederis, præcedentibus duodecem fascibus consularibus. Ab altera parte candelabrum aureum cum septem lucernis, tabulæ Mosaicæ, mensa aurea, & varia templi Hierosolymitani vasa. In medio arcus fornice, Titus sedens aquilam alis expansis utraque manu sub genibus tenet. In frontibus, Judæi vinctis post tergum manibus captivi aguntur. Hujus splendidissimi arcus & clarissimi triumphi, lib. vii. belli Judæici meminit Josephus.

Domitiani, Titi fratris.

In via Flaminia, inter S. Sylvestrum, & S. Laurentium in Lucina, quatuor columellas habet in prima fronte. In eo urbis imago, & Victorix, & Domitianus nudus sedens, corpore procero, & dormienti similis, à Minerva fovetur. Martialis libro viii.

Stat sacer, & domitis gentibus arcus ovans.

Hic gemini currus numerant elephantæ frequenter,

Sufficit immensis aureus ipse jugis.

Extruxit plures per omnes urbis regiones, ut scribit Suetonius: & insignem in via Appia, de quo Statius in Sylvis.

Septimii.

Ad radices Capitolii, propemodum è regione arcus Titi. Visuntur in eo navales & terrestres pugnx, cum machinis bellicis, variisque armorum generibus. Ex utraque parte victoriæ, & milites gestantes trophæa. Ad ejus superius spatium per gradus quinquaginta ascendimus.

Galliemi.

In Cœlio monte, conjunctus templo S. Viti, nullis ornamentis, ex lapide Tiburtino.

Constantini.

In Palatini radicibus, ad caput viæ Appiæ, multi ornatus & artificii, res ejus gestæ in eo expressæ, & in priemis bellum contra Maxentium: cui etiam jacenti, admissio equo insultans, minuitur. Fuerunt superne circumquaque impositæ statuæ, partim mutilatæ, partim collapsæ. And. Fulvius libro secundo, quem carmine scripsit, plures recenset arcus, quorum ne vestigia quidem relicta sunt.

Trophæa Marii.

Inter templâ S. Eusebii, & S. Juliani, in Esquilino. Moles latericia, in qua bina trophæa ex marmore. Sunt autem trunca corpora cum spoliis, quorum alterum thoracesquamoso indutum, cum ornamentis militariibus & clypeis, ante se habens juvenem captivum, brachiis ad tergum revinctis, & undique altas victorias. Alterum armis militaribus ornatum, inter quæ clypei inæqualiter rotundi, galea aperta cum cono & cristis, & altera line cristis clausa. In eodem inest forma chlamydis, & alia quædam, quæ marmore detricto & corrupto satis cognosci non possunt. Locus ille hodie Cimbricum vocatur, quia de Cimbris à C. Mario trophæa sunt erecta.

CAP. XV.

De Tiberi, & fluvio urbis: & de ornamentis fontium, ac naumachiis.

Tiberis in Hetruria ex monte Appenino, paulo supra Arnum, oritur, angustiore nomine Tiberinus, poetis Tibris, in sacris Serra, antiquissima appellatione Rumon, aliquando Albula dictus Virg. viii. Æn.

Amisit verum vetus Albula nomen.

In quadam urbis parte Terentum, ut apud Ovid. Mart. Intra septentrionem & oceanum in urbem influit, & meridiem versus apud Ostiam oppidum, in mare Tyrrenum ostio amplo, & proxime deducta fossa, quæ ibidem efficit insulam, infertur. Naturali suo colore, albus: vulgari amnium, cæruleus est: propter terram quam radit, flavus, & leni pluvia turbidus. Aqua ejus in urbe venditur, & in fictilibus urceis, aut vasis lapideis continetur, sitque in eis limpidissima, potu amabilis, & absque corruptione longo tempore pura. Nec minus aquarum esse huic amni, quam Nilo, Plinius tradit. Primum cursum habuit inter Palatinum & Capitolinum, per Velabrum stagnans, & fori partem, unde Ovidius:

Hic,

Hic, ubi nunc fora sunt, lintres errare videres.

Sed cum repressit Priscus rex, & post eo alveo, quo nunc currit, laxavit Augustus, quo respexit ad Pisones Horatius,

Annis

Doctus iter melius.

Aurelianus Aug. ad Flavianum Arabianum scribit, se Tiberinas extruxisse ripas, & vadium alvei tumentis effodisse. De Tiberis auctu erat libellus Ludovici Gometii, & visuntur in arce Romana, item ad templum S. Mariæ de populo, & S. Mariæ supra Minervam, & ad S. Eustachium, aliisque in locis iudicia marmoribus incisa, ad quantam altitudinem aliquoties creverit. Interdum adverso cursu influentis amnes impellit, & alienis aquis, nocet cum urbi, tum villis & agris. Illud Augusti tempore factum scribit Horatius : hoc Trajani, Plinius. Auctus ejus religiosus, quia futurum malum aut cladem urbi portendere creditur. Nostra memoria, Clementius VII, Hetrusci, anno septimo, VI II, Id. Octobris, sereno cælo, inopinato Tiberis incremento tota Roma navigabilis facta est. De annis in Tiberim influentibus, Plinius libro tertio, & Corn. Tacitus libro primo Annalium.

Rivus Appia.

Frontinus: Rivus Appiæ (inquit) sub Coelio monte & Aventino auctus emergit, intra clivum Publicii Alsi, & inde eductus est in Naumaciam. Hodie per portam Gubiensam (ut & ante dixi) ingreditur fluvius, qui fertur per vallem inter Coelium & Coeliolum, inde per viam Appiam in radicibus Aventini, sub eo clivo, quo ad S. Sabinam ascensus est, influit in Tiberim. A Mariano oppido, aqua Mariana dicitur. Marlianus rivum Herculaneum esse arbitratur.

Almo.

Extra Capenam, in quo religionis causa quortannis sexto calendas Aprilis simulacrum & carpentum & leones Cybeles, & cultri Phrygii a sacerdotibus abluébantur : cujus mentio apud Ovidium, Lucanum, Statium, Claudianum, Val. Flaccum, Martialem ; nam Cosmographi de eo fluvio, quid sciam, nihil. Non procul autem ab urbe cum Tiberi miscetur.

DE AQUIS RELIGIOSIS IN URBE.

Fuerunt & religiosæ aquæ : ut nihil unquam in Urbe superstitione caruit. Mercurii, extra eandem Capenam, in qua qui lavabant, se à perjurio liberari credebant : modum lavandi aliquot describit versibus Ovid. lib. v. Fast. Petronia, quam magister auspicato transierunt, cum in campo agere quid vellent, ut auctor est Verrius Flaccus. Juvæna aqua in foro, quam valetudinis causa multi bibebant, & præ cæteris adhibebant ad sacrificia. Fontem autem Juturnæ in foro fuisse, lib. i. Fast. ostendit Ovidius, eumque securus Victor in octava regione. Versus Ovidii sunt,

Fratribus

Fratribus illa Deis, fratres de gente Deorum,

Juxta Juturnæ composuere lacus.

Templum vero fuisse in campo, prope aquam Virginem, aperte idem indicat,

Te quoque lux eadem Torni soror aede recepit,

Hic ubi Virginea campus obitur aqua.

Facile igitur tolli controverſia poteſt, quæ inter ſcriptores recentiores eſt, ſi verba præcæ recte conſideres.

DE ORNAMENTIS FONTIUM ATQUE AQUARUM.

Quia vero de aquis fermo eſt, de ornamentis fontium dicam aliquid, quorum non pauca ex antiquitate relicta ſunt monumenta. Fontibus igitur varia appoſuerunt ſimulacra antiqui, vel propter religionem, vel propter ornatum. Religionis cauſa Apuli & Siculi Herculem, quia purgavit aquas extincta hydra: unde & thermæ Himeræ urbiſin Sicilia, item Oetræ montis & Pylarum iuſſeſſalia, in tutela Herculis fuerunt: quod Pindari & Sophoclis interpretes ſcribunt; & ſunt qui omnes thermas eiſſe ſacratas velint. Herculeæ thermæ Mediolanæ in primis nobiles, à quibus etiam vicus nomen traxit. M. Agrippa Romæ non Herculem, ſed Hydram ipſam ad lacum Servilium poſuit, quod memoriæ prodidit Sex. Pompeius. Ornamenti autem gratia, fontibus appoſita fuerunt diverſa ſimulacra, quorum & publicis in locis, & in nobilium ædibus adhuc plurima viſuntur. Utiſſimum fuit, Deos fluminum apponere, qui formantur jacere ſemierecti, urniſque brachio ſuppoſitis, amnes ranquam è fonte emittere, velati plerumque ſerto harundineo, & teſti carbaſo, quæ eſt veſtis fluxa & ampla, umbilico tenus ſuperiore corporis parte nudi. Talis cernitur Tiberis, domo Cæſia: talis Arnus, in hortis Pontificiis: & duo coloſſi marmorei in area Capitolini, Nili & Tigris, vel (ut quibuſdam placet) Naris & Anienis, vel (ut aliis) Acheloi & Iſtri. Alter cubito innititur Sphingi montro, alter tigris animalis: barba alter prolixa, alter modice reſecta. Talis eſt coloſſus Rheni, prope forum Romanum jacens, quem alii Niphatis fluvii eſſe putant: Blondus falſo vocabulo Jovem piſtorem, vulgus novo Marſorium, nominat. Talis in ſcutò Aeneæ apud Virgilium,

Annem calata fundens pater Inachus urna.

In domo Chliſtorum, extra portam Septimiam, ante Deum aquarum, eo, quo diximus, modo cubantem, nuda mulier ſtans, dextramque mamillam manu comprimens, aquam in ſubjectum labrum immittit. Ad ortum Virginis in agro Luculæio, puellæ imago ad fontem ſterit, ut Frontinus teſtatur: in Umbria, Clitumnus prætextatus juxta fontem ſuum, ut Plinius: in Suſentino Pollii, ante balneum, ipſe Neptunus, ut Statius. In domo Cælia, de qua jam diximus, Sylvanus barbarus è ſaxo paulatim ſtillante, quaſi ex utre, aquam exprimit. Reperiuntur frequenter Nymphæ dormientes, quæ amphoris & crateribus (ea fuerunt Hydradum inſignia) inni-

tuntur:

runtur: quorum symbolorum in Odyssea mentio apud Homerum, & latius exequitur interpretes ejus Porphyrius. Antiqui operis pulcherrimum monumentum vidi Romæ, in capite viæ latæ, in privata domo: erat autem Nais sinu aperto, supina jacens, & ventre ad pubem nudo, capite incubans amphoræ. Recentis operis, in agro Neapolitano, in villa Leucopetrea, Arethusa nuda adjacet fonti, in nymphæo conchiliato. Legitur de simili Nympha epigramma in hortulo Colorii:

Hujus nympha loci, sacri custodia fontis,

Dormio, dum blanda sentio murmur aquæ.

Parce meum quisquis tangis cava marmora, somnum

Rumpe: sive bibas, sive lavere, tace.

Et alibi in fontis margine hæc antiqua inscriptio,

NYMPHAE LOCI

BIBE LAVA TACE.

Erent & alia simulacra; interdum enim totus aliquis fons absorbebatur, quem Deus marinus ore excipiebat, ut ex illo Propertii dicitur, libro secundo.

Et leviter lymphis tota crepitantibus urbe,

Cum subito Triton ore recendit aquam.

Nonnunquam rursus emovebatur, vel per Nilum & Euripum, ita majores minoresve canales appellabant; vel per siphones conchasque, vel per certa vasorum genera. De Silano Lucretius libro ultimo:

Corpora Silanos ad aquarum strata jacebant.

De Cantharo vetus lapis, extra portam Ostiensem reperta in vineis, cum hoc disticho,

Perdiderat laticum logava injuria cursus,

Quos tibi nunc pleno Cantharus ore vomit.

Sed ne prolixior sim, dicam de Naumachiis, quas Romani, postquam cognoverunt, externas gentes navali certamine plurimum posse, primo bello Punico instituerunt, auctore Servio. In his navali-um pugnarum, ut pedestrium in campo, circo, aut theatro, edebantur spectacula. Unde Martialis:

Quicquid & in circo spectatur, & amphitheatro,

Dives Caesarea praestitit unda tibi.

Res tota sublata est, locorum notatio ad cognoscendas valles pertinet. Fuerunt naumachiae quatuor. Circi Maximi, quæ & vetus at Suetonia nominatur: ea occupavit vallem inter Palatinum & Aventinum, de qua 11 Fast. Ovidius. Caesaris Augusti, in valle Martia: de ea, libro primo de Arte, Idem. Cui & Neronis, inter Janiculum, & Vaticanum, de qua Corn. Tacitus. Domitiani eo in loco, quo Augusti fuit, sed ab eo perpurcata & ampliata, effosso etiam & circumducto ex Tiberi lacu: de hac apud Suetonium & Macrobi-um. Hæ valles nostro jam tempore privatorum hortis, possessio- num, & ædificiis magna ex parte occupantur.

CAP.

CAP. XVI.

De Pontibus Tiberinis.

INurbe fuerunt curatores alvei & riparum Tiberis, qui non solum fluvium coercabant, & ut esset sine sordibus & impedimento, curabant: verumetiam terminos statuiebant, quo usque habitare in ripa, vel ædificare liceret. Ei muneri aut singuli præerant, ut sub Trajano, T. Julius Ferox: sub Hadriano, A. Mellius Rusticus: quorum termini adhuc extrant, & titulos describit Marlianus. Aut præerant plures, ut sub Vespasiano, C. Calpetanus, Rantius Quirinalis, Valerius Cestus: cujus termini titulus refertur in Epigrammatis antiquæ Urbis, & nos ipsi talem invenimus.

C. VIBIUS C. F. RUFUS,
SEX, SOTIDIUS SEX. F. STRABO
LIBUSCID.

C. CALPETANUS CESTA-
CIUS RUFUS.

M. CLAUDIUS M. F. MARCELLUS
L. VISELLIUS C. F. VARRO
CURATOR. RIPARUM ET ALVEI
TIBERIS EX SC. TERMIN.

Ex qua etiam inscriptione docemur, Curatores alvei & riparum Tiberis, non primum ab Augusto institutos, ut Suetonius scribit: hic enim ex SC. legitur terminus positus; in aliis omnibus, quas commemoravi, in initio legitur, EXAUCTORITATE IMP. Pontes Tiberis primum curarunt pontifices, qui Sublicium augurato condiderunt, à quo ponte nomen illis inditum est: deinde censores, item Viarum curatores, ut pontis Fabricii titulus probat: postremo idem munus suceperunt nominis & honoris sui causa Imperatores. Antoninus enim Pius, Janiculensem marmoreum fecit, Gordianus Cestum restituit, Hadrianus novum de suo nomine extruxit.

Mulvius.

Vel (ut in antiquis Salustii libris) Molvius: non enim Milvius dicendum est, quod & Basilii Zanchus probat. Ab Æmilio Scauro censore factus, ab Augusto reiectus, ad secundum ab urbe lapidem, in via Flaminia. Claudianus de Honorii in urbem introitu, cum sextum consulatum adeptus esset:

*Omne, Palatino, qua pons à colle recedit
Mulvius, & quantum licuit consurgere tectis,
Una res, & turba facies.* —

Fornices habet magnos quatuor, binos mediocres, totidem parvos.

Ælius.

Ælius.

Ab Ælio Hadriano, prope s. pulchri sui molem factus : nunc pons Castellī, vel pons S. Angeli. Fornices quatuor, In eo ponte equites aurati creari hodie solent.

Janiculensis.

Qui & Aurelius, & al quando Pons ruptus, nunc Pons Sixti; restitutus enim est a Sixto Quarto. Post hunc pontem se flumen dividit, & insulam circum fluit.

Tarpeius.

Qui olim Fabricius, nunc quatuor capitum, è regione theatri Marcelli, insulam in flumine surgentem, quæ Lycæonia dicitur, urbi conjungit. Fornices duos ingentes habet. Horatius 11 Serm.

Atque à Fabricio non tristem ponte reverti.

Hunc Paulus Tertius corruptum refecit, & restituit.

Esquilinus.

Quondam Cestius, nunc S. Bartholomæi, eandem insulam regionis Transiberinæ jungit. Forma arcus triumphalis factus, fornice in medio ingenti, & ab utraque parte parvulo.

Palatinus.

Aliquando pons Senatorum, nunc S. Mariæ Ægyptiacæ. Quia aquam ex insula duabus partibus cum impetu defluentem accipit, reliquis major est: fornices habet sex, pilas quinque.

Leguntur & alii duo, qui hodie non sunt: sed qualiacunque eorum in flumine vestigia.

Triumphalis.

Inter Ælium & Aurelium; alio nomine Vaticanus, quod in campum & montem Vaticanum duceret. Hujus pilæ quatuor in Tiberis e regione hospitalis, S. Spiritus ex aqua eminent.

Sublucius.

Qui & pons Herculis, & pons Sacer, & Æmilius a Lampridio, & ab Antonino pons Lepidi dictus, circiter pedes sexcentos à Palatino abest. Fundamenta parum supra navalia in fluminis alveo apparent ex solido marmore: unde aliquando pons Marmoratus dictus est. Omnium primus & antiquissimus, hodie nullus.

C A P. XVII.

De Aquæductibus, quorum vestigia nunc sciuntur extare.

URbi Romæ nullum ex ædificiis opus, aut ad necessitatem melius, aut utilius ad salubritatem fuit, quam tot tantique aquarum ductus, qui quasi amnes perpetui (ut Strabo inquit) eam inundarunt. Aquæ, quibus publicis privatisque servientes, nomen vel à fontibus lacubusque acceperunt: ut Anio vetus, Anio novus, Sabatina, Albetina, Cymina, Cærulea, quæ & Claudia: vel à deductoribus, ut Marcia, Claudia, Appia, Julia, Alexandrina, Antoniniana, Hadriana: vel

vel casu illud invenerunt, ut Virgo, & Tepula. Spartianus ait, Hadrianum propter gloriæ cupiditatem multos aquæductus, de suo nomine appellasse, inde factum est, ut sæpe diversæ existimentur, quæ una est. Vel propter instauratores, ut Marria dicta est Aufeia, item Trajana : Almetina, Augusta : Alexandrina, Neroniana : Sabatina, Aureliana. Vel propter fontes, ut Claudia, modo Cærulea, modo Curtia appellatur : Anio novus, aqua Herculana, à rivo Herculano. Aquas tuebantur censores, item ædiles, interdum ipsi consules. Inter principes præcipua aquarum cura fuit Augusto, ejusque socero Agrippæ, præterea Nervæ, Trajano, Hadriano, Vespasianis, & (ut Cassiodorus tradit) Theoderico regi Gothorum. Erant varii earum custodes, & magistratus. Duum viri aquæ ducendæ, & curatorum aquarum, leguntur in Alifanis & Formianis inscriptionibus. Agrippa, qui urbem aquis auxerat, ut est apud Suetonium, primus omnium consularis operum suorum, & munerum perpetuus curator fuit. Consularis autem aquarum legitur etiam in formula Hadriani, in qua dignitatum omnium tam civilium, quam militarium nomina sunt descripta. Procuratorem aquarum curatoribus ipsis addidit Claudius. De Mostro Augusti liberto, à commentariis aquarum; & de Clemente servo Castellario, loquuntur inscriptiones Romanæ : & de familia huic muneri destinata, scribit Frontinus, qui de aquæductibus Romanis duos libros edidit. Hæc cum satis videantur, cum de appellatione aquarum, tum de curatione, dicta, rem nostro instituto propiorem aggrediamur.

Virgo.

Restituta à Nicolao Quinto, opere arcuato quadrati lapidis, per Campum Martium nunc fluit; ex agro Tusculano, qui à Lucullo olim possidebatur, deducta per Agrippam, via Collatina, ut Frontinus : & in Prænestinam incidens, ut auctor est Plinius. Ovid. lib. III Fast. ait, eos, qui in campo exercebantur, ea sudorem & pulverem abluisse.

Nunc ubi perfusa est oleo labente juventus,

Defessos artus Virgine tingit aqua.

Et Statius Anienem ad eundem usum cum hac conjungit,

Quæ præcepit Anien, atque exceptura natatus

Virgo juvat.

Plinius lib. xxxi. Quantum, inquit, Virgo tactu, tantum præstat Martia haustu: hanc bibenti salubrem, illam natanti & lavanti commodam significans. Virgo cæteris trigidior fuit, quod Ovidius scripsit IIII de Arte. & eadem liquorem Virgineum poetice appellat de Ponto, & aquam Virgineam in Fastis.

Sabatina.

Reducta ab Innocentio octavo, à Sabate lacu, via Aurelia : hujus primum deductorem non ponunt, qui de Urbe scripserunt. Ejus nunc duo fontes sunt in Vaticano : alius intra palatium Pontificis cum cochlea, ex qua superne ab omni parte despicere in fontem licet :

licet : alter in ipso camp. Prudentius poëta Baptisterium describit in Vaticano, cui hanc servivisse aquam, verisimile est. Recentiores modo Aurelianam, a via : modo Septimianam, a porta nominant.

Alfietina.

Restituta ab Hadriano primo, ex lacu Alfietino, via Claudia, deducta ab Augusto. Hujus ductus reliquæ in naumachia Augusti sub Hortulorum colle cernuntur, sed aqua mox conditur, & in regione Transiberina prope S. Mariæ templum, publico fonte emissâ, vulgi ulibus & quibusdam hortis servit.

Martia.

Ex fonte Piconia montium Pelignorum, per Marfos ducens, via Valeria, ad septem milliaria nostratia : inchoata ab Anco Martio, perfecta à Publico ac Quinto Martiis, ut in Coriolano scribit Plutarchus : qui eundem ductum maximum pulcherrimumque vocat. & in c. miracula refert Plinius lib. xxxvi; idque confirmat Statius : Sylvarum,

— — Marsque nives & frigora ducens

Martia, præcelsis quarum vaga molibus unda

Crescit, & innumero pendens transmittitur arcu.

Eadem aqua per Funicum lacum transit plumbeis fistulis, ut idem canit,

Teque, per obliquum penitus qui laberis amnem,

Martia, & audaci transcurris flumina plumbo.

Hoc si vere scribitur à Statio, id quod ars & opera hominum effecit, naturæ attribuit Plinius, qui ait, quod ita in Fucino lacu Martia invehatur, ut in Latio Addua, in Verbano Ticinus. Nisi aliud sit Fucinus lacus Plinio, & Fucinus amnis Statio.

Tacitus & Martialis propter frigus Martiam nationi : Tibullus, Plinius, Frontinus, propter salubritatem potui esse aptam, scribunt. Propertius lib. iii.

Non oserosa rigat Martius antra liquor. Et,

æternum Martius humor opus.

Aqua hodie non influit in urbem. Ruinæ ductus, intra & extra portam Esquilinam ingentes cernuntur.

Claudia.

Ex duobus fontibus, Cæruleo & Curtio, qui & Albulinus, via Sublacenti deducta à Claudio, ex Simbrivinis collibus, ut Tacitus inquit xi Annali. Fuit autem Simbrivium flumen in Equicolis, finibus Tiburtinæ. Silius viii.

Quique Anienis habent ripas, gelidoque rigantur

Simbrivio : & Tacitus lib. xiv. Apud Simbrivina stagna, cui Sublaqueum nomen est, licet omnes Taciti codices his in locis sint depravati. Claudiam aquam Vitellius in deliciis habuit, & Alexander Severus jejunos bibit ad unum prope sextarium. In urbe in duas dividebatur partes, unus enim ductus & Cælo in Capitolium, alter in

Aventinum tendebat. Ruinas ejus in Aventino prope S. Priscam, & prope portam Næviam in muro vidimus, canales scilicet saxeos tres, alterum alteri impolitum, tantæ amplitudinis, ut unus à me perreperi posset. In Caelio monte, intra monasterium S. Joannis & Pauli, fons restare dicitur, qui perenni aqua abundat: neque procul inde Castellum aque est quadratum, & magna ex parte integrum, formæ diversum ab iisdueobus, de quibus mox in thermis dicemus. Hoc solum castellum non vidi, quo excepto, nullus locus in urbe est, de quo Marlianus scribit, & ad quem accessus patet, quem non insperexim.

Julia.

A Julio quodam inventa, ab Agricpa ex variis venis in agro Tullulano collecta & deducta, via Latina, restituta ab Aureliano: ductus in Esquilino rudera apparent, intra portam & Marii trophæa.

Hactenus de aquis, quæ aut in urbem hodie ex vetustis introeunt, ut tres priores: aut quarum aliqua vestigia cernuntur, ut reliquarum. Locum de aquis in postrema suorum librorum editione ex Frontino diligentissime tractavit Marlianus, optime de nomine Romano meritis.

C A P. XVIII.

De balneis & nymphæis.

BAlneæ in urbe plurimæ fuerunt, cum privatæ in locis diversis, tum publicæ in singulis regionibus. Si quibus autem locis deessent, aut corruptæ essent, eas antiquitus ædiles suis temporibus vel addiderunt, vel restituerunt Severus & Gordianus Impp. in primis populares, & lavationum studiosi. Cum enim apud Romanos esset lini usus rarior, sudorem fordesque corporis sæpius ablueri necesse habebant. Ulitato more ante cœnam balneis utebantur, item post ambulationes, exercitationes, operas; sæpe necessitatis, ut dixi, causa, non raro voluptatis: liquidem Commodum in die octies, Gordianum juniorem, & Rhemnium grammaticum septies lavisse legimus. Balneas mixtas haberi Severus prohibuit, quod Commodus non vetuerat, Varius permiserat. Sola & parietes unguentis illinebantur. Idque non solum potentioris factitarunt, sed in privato quoque homine, ac demum in servo Plinius notavit: & Seneca aquam argenteis epistomis fundi in plebis fistulis, & in libertinorum balneis gemmas calcari indignatur. Valerius & Macrobius Sergium Oratam, hominem voluptuarium, etiam peniles instruisse balneas testantur.

Balnea Palatina.

A loco sic dictæ: nam in dorso Palatini fuerunt, quorum vestigia videntur cum parietinis & fornicibus collapsis. Pavimentum ex durissimis

rimis lapillis quadratis, nigri coloris, tessellarum more compositis.

Neronis.

Intra ipsius domum, marinis & Albulis fluentes aquis, ut inquit Suetonius.

Agrippinae.

A matre Neronis, in colle Viminali, qua respicit ad rem S. Agathae, Quirinalem versus. Ex iis labri ingentis fragmentum vidimus ex marmore, in via projectum.

Stephani.

In valle collis Hortulorum. Marialis lib. xi.

Ostendam poteris servare, lavabimur una:

Scis quam sint Stephani balnea iuncta mihi.

Octava igitur hora lavabant, & lavabant quadrante, quod ex Horatio & Juvenale notum est.

Novati.

In Viminali, ubi nunc templum S. Pudencianae, in quo & canales fuliginoti, & solum thermarum more tessellatum.

Olympiadis.

In eodem monte, prope S. Laurentium in Panisperna, in vineto quodam.

Pauli.

In clivo Quirinali, ubi nunc monasterium est, quod corrupta Romanorum lingua, Bagna Poli, quati balneae Pauli, dicitur. Prope has in projecto lapide, tormam strigilis & ampullae vidimus exsculptam. Strigile utebantur ad tricandum, purgandumque corpus: ampulla vase ad abluerendas infusione sordes. Strigilis loco chirothecis ex terico factis ad eliciendum sudorem balneatores Italos uti vidimus.

Polycleti.

Prope ludum Aemilii Lepidi gladiatoris: de quibus Helenius & Porphyrio.

Claudii Hetrusci.

Libertini homines, qui Claudii Imp. dispensator fuit. Locus ignotatur, protulissimus sumptus ex Statio & Martiale cognoscitur, qui eas a marmorum varietate, & ab aedificii magnificentia, & a luminis immixtione, & argenti fistulis laudant. Utriusque versus subjiciam. Statio i Sylv.

*Non huc admissæ Thasos, aut undosa Carysso,
Meeret Onyx longe, queriturque exclusus Ophites:
Sola nitet flavis Nomadum decisa metallis
Purpura, sola cavo Phrygia quam Synnados aniro,
Ipse cruentavit maculis lucentibus Alys,
Quasque Tyros niveas secat, & Sidonia, rupes.
Vix locus Eurota viridis, cum regula longo
Synnada distinctu variat, non lumina cessant,
Effulgent camera, vario fastigia vitro*

*In species animosque nitent. stupet ipse beatas
Circumplexus opes, & parcus imperat ignis.
Mulus ubique dies, radiis ubi culmina totis
Poskrat atque alio sibi impietis uritur aestu.
Nil uti plibitum, nusquam Temesæa notabis
Ara sed argento felix propellitur una,
Inque hæc cadit, labrisque nitenti totus instat,
Delicias mirata suas, & abire recusat.*

Martialis vi Epigramm.

*Nusquam tam nitidum micat serenum,
Lux ipsa tibi longior, diesque
Nullo tamen à loco recedit.
Ite Thygeti virent metalla,
Et certant vario decore saxa,
Que Phryx & Libys altius cecidit.
Siccis pinguis Onyx anhæret aestus.
Et flamma tenui calent Opkitæ.*

Seneca quoque ante hos nimiam balnearum luxuriam exagitat, lib. xiii. ad Lucilium: cujus verba, quia in superioribus verbosior fuisse videor, non apponam. Martialis & alius nominat, ut Tuccæ, Pauti, Fortunati, Grylli, Lupi, Pontici, Severi, Pæti, Tityi, Tigilini: quibus Lampridius addit Alexandri, & Varii. Victoruria octingentescomparavit. Agrippa clxx gratuita balnea præbuit, quæ postea in infinitum, ut Plinius tradidit, sunt aucta.

De Nymphæis.

Nymphææ autem quid sint, duplex est opinio. Zoraras Monachus, qui de Græcorum Imperatoribus scripsit, in Leone primo. Nymphææ esse vult palatia publica, in quibus nuptias celebrarent, qui habitarent angustius: eaque ædificiis maximis, in quibus Senatus cogitur, plerumque adjuncta fuisse: qualia ædificia Romæ erant, curiæ, sacra, basilicæ. Alii nymphææ putant esse loca publica, delectationis gratia facta, in quæ non ut in balneas, aut thermas, propter usum aquæ deducebantur, sed gratiæ potissimum atque amenitatis causa, & a Nymphaeum stauis, quibus ornata fuerunt, nomen traxisse. Verum ut de forma aut usu illorum operum non satis constat, ita maxime insignia fuisse, vel illud declarat, quod aut ab ipsis Imperatoribus contruuntur, ut de Nymphaeo Marci, ambo tibi operis, scribit Ammianus, de Alexandri Victor, de Gordiani Capitolinus: aut ab urbis præfectis, quale Clearchus Valentiniano, & Valente Imper. extruxit Constantinopoli, & Flavius Philippus reparavit Romæ: sed quo tempore, incertum est, nam antiqui rarum marmoris invenimus testimonium.

FLAVIUS PHILIPUS VIR

CLARISSIVUS PRAEFECTUS URBI NYMPHEUM SORDIUM
SQUALORE FOEDATUM ET MARMORUM NUDITATE
DEFORME AD CULTUM PRISTINUM REVOCAVIT. De

De Nymphæis veteribus nullum ad nostra aut patrura usque tempora duravit. Recens nunc est intra Neapolim, & montem Vesuvium, in villa Leucopetrea, ejus forma est talis. Ædificum ex marmore quadrangulare, ad quod una solummodo porta est aditus, & aliquot gradibus descensu. Ad dextram introeunti ad caput tons est aque limpidissimæ, ad ejus quasi custodiam accubat Arcthusa nuda ex candidissimo marmore, soli in varium & marmuratum, & canali circumdatum, in quem aqua ex fonte effluit. Parietes ex conchis lapillisque albi, nigri, rari, purpurei coloris, qui in malis illiti: in quibus ex concharum compositione, tanquam ductus in pictura, anni mensis duodecim, & quatuor virtutes pollicæ expressæ. Item raptus Proserpinæ, Pan canens: fittula & mærens gregem. Præterea imagines Nympharum nantium, navigantium, in piscibus ludentium: inter quas Helle in idens arietem, Siren Diphino, Europa Tauro. In eodem ad siagula latera, quatuor statue marmoreæ, Hercules leoninam gestantis, Panis agnum bajulantis, Gygis canib'andientis, Naiadis nudeæ. Hæc nobis & de nomine, & de auctoribus, & de forma Nymphæorum, lectione atque inspectione sunt cognita, cupide & libenter auditis, si quis vel nostra probaverit, vel studiosos certiora dicuerit.

C A P. XIX.

De Thermis.

IN nullis antiquorum operibus plus luxus & insanie cernitur, quam in Thermis imperatorum, quas in provinciarum modum fuisse extructas, Ammianus conqueritur, & reliquæ aliquarum adhuc testantur. Eæ aut æstivæ aut hyemales fuerunt, quales uno eodemque in loco extruere instituerat Gordianus: sed morte præventus, non absolvit. Hyemales trans Tiberim Aurelianus fecit. Primum servierunt imperatoribus privatim, postea vulgaræ sunt & populo, & aliquando patebant interdum, corruptioribus temporibus etiam noctu. Consuetudo: more mixtæ & communes non tueruat, quod tamen malorum principum culpa aliquoties factum est, quorum ne nomina quidem retere liber. Hodie omnia in urbe: major ædificia ab imperiis Thermæ vocantur, propter Diocletianas & Antoninianas: quod sua quæque factum tempore, non dissimulavit Blondus. Ita insignis illa basilica, quam Augustus Caio & Lucio Agrippæ filii, nepotibus suis, erexit in Esquino, corrupte appellatur thermæ Galatii: item Cornelie gentis domus ruinæ, supra Træjani forum, Corneliorum thermæ vulgo dicuntur. Thermis, ut & aquæ ductibus, adjuncta erant castella, in quibus aqua conservabatur: & subjeti cænales, per quos cadauca aut in urbis efflueret. Castella, in urbibus sunt quatuor. Unum in Cælio, de quo ante dictum est: tam aliud, prius

sub thermis Titi, alterum sub Di cletiani: quantum intra portam Næviam, & theatrum Statilii. Eorum parietes malitiosi sunt, tam tenaci & dura materio, ut vix ferro frangantur, qualem machum in pluribus aliis vidimus castellis, ut in Praenestino. in portu Ostiensis, in Monte Miseno, in piscinis sinus Baiarum. Thermas secundum ætatem Imperatorum ponemus, ordine malum observare secundum situm urbis non possumus. Thermarum sola, ut balnearum, interdum sternebantur vitro, ut de Agrippæ dictum est: frequentius lapide aut crustis marmoreis latis, aut tessellis quadratis variis coloris: nigri, ut balnea Palatina: nigri albique, ut thermæ Commedi & Anonini: quod ipsarum adhuc demonstrant vestigia.

Agrippæ.

Quas inter præcipua urbis ornamenta offert Plinius, arcus & pavimenta habuerunt ex vitro: & ipse vidi eo in loco vitrea frustula effodi. Apparent in iis sedilia, & scammorum ordine. Sitæ sunt inter templa S. Marie rotundæ, & S. Marie supra Minervam. Martialis lib. v.

Lassis ut in thermis decima, vel ferius, hora,

Ti sequor Agrippæ.

Ante has signum Apoxyomeni fuit, quod cum Tiberius in cubiculum suum transtulisset, magnis populi in theatro clamoribus reponere coactus est: testis Plinius.

Neronis.

Quarum fornices & arcus altissimi extant prope S. Eustachium, de iissem Martialis libro vii.

— *Quid Nerone pectus?*

Quid thermis melius Neronianis?

Titi.

Quarum ruinae in vineo S. Petri in vinculis, & juxta S. Martini ædem multæ magnæque videntur. Idem lib. iiii.

Titi-ne thermis, an lavatur, Agrippæ?

Eas brevissimæ temporis spatio in tantam amplitudinem extructas, idem prodicit lib. ii.

Hic ubi intramus velocia munera, thermas,

Abstulerat miseris tecta superbus ager.

Nam in parte domus Neronianæ iterunt. Harum thermarum castellum, vulgo cisternas capaces, & septem salas nominant. Sunt autem novem sub terra cumeræ fornicatæ, quarum unaquævis portas aliquas habet; & per unam introiens, simul per multis, ei oblique oppositis uno ordine, oculos inferre potes.

Domitiani.

Inter portas Flumentanam & Pincianam. Cernuntur in parietinis picturæ, sed vetustate abolitæ.

Traiani.

Earum ruinae in Aventino, in vineo quodam prope templum S. Petri, monstrantur.

Commodi.

Commodi.

Ad radices Viminalis, in quibus ædificatum nunc est S. Pudentiæ templum : in ejusdem temp i pavimento adhuc tessellæ sunt, quibus sola theimarum sternebantur.

Severi.

In regione Transiberina, prope S. Crysgonum, & S. Cæciliam.

Antonini.

In latere Aventini, via Ardeatina, ab oriente adjacet templum S. Nerei & Achillei, à septentrione S. Priscæ, juxta viam S. Balbinæ, è regione S. Sixti. Tanta mole & artificio structæ, ut etiam docti architecti tales fieri possent negarent, si Spartiano creditur. Videntur earum incredibiles ruinae, parietinæ ingentes, altissimi fornice, pulcherrimæ columnæ semiobrutæ, maxima peregrinorum marmorum fuisse projecta, pavimentum tessellatum albi nigrique coloris, varia & amplâ conclavia, & in aliquot locis profunda aqua, ex ductu Appiæ sedato & obruto tortasse adhuc reliqua.

Varii.

In Aventino, circa Trajani & Decii thermas : has, nescio quo auctore, Syriacas dictas, scribit Albertinus; commemorat eas Victor, & repetit Volaterranus.

Alexandri.

Quæ juxta Neronis fuerunt, & habuerunt adjunctum nemus, auctore Lampridio. Alii Neronis & Alexandri eandem fuisse scribunt, quod alter fecerit, alter restituerit.

Gordiani.

Leguntur duplices. Priores in monte Esquilino, quarum ruinae jacent prope S. Eusebium, via Prænestina : hæ fuerunt sumptuosissimæ, adeo ut Capitolinus scribat, tales, præter Urbem, nusquam orbem terrarum habuisse. Posteriores in campo Martio, quas cum Mithreo extruere voluit : sed morte præventus, non fecit.

Philipi.

In Esquilino, post Titi thermas, inter ortumatque occasum.

Decii.

In Aventino, orientem versus, in quarum ruinis nunc S. Priscæ templum dicitur extructum.

Aureliani.

Trans Tiberim, infra Janiculum, in ea valle, ubi nunc S. Francisci templum est.

Diocletiani.

In Viminali, quæ bonam montis partem occupant. Earum ruinae tantæ cernuntur, quantæ maximæ esse possunt, fornices altissimi, columnæ admirabiles, ædificia concamerata amplissima, quorum duo pene integra extant, unum prope S. Susannam, alterum versus vallem Esquilinam, ad quod ex interiore parte per xl gradus ascendendum harum thermarum, figuræ mathematicæ, quæ sca-

lenos dicitur, formam habet, pilis quadratis fultum, in prima serie pilæ quindecim, toridem in secunda, in tertia decem, in quarta quinque. Videntur in iisdem thermis ambulationes, xyſta, & varia conclavia, ad delectationem facta.

Conſtantini.

In Quirinalis deſcenſu, ſeptentrionem verſus, ex ſententia Læti & Marſiani. Enam magnæ ruinæ, ædiſicia quedam quadrata, quedam rotunda, altiffimis furnicibus extant: quorum unum per centum ſere gradus aſcendimus.

CAP. XX.

De locis Sepulcrorum, & de inſignibus quibuſdam Sepulcris: Item de Sepulcrorum ornamentis, ac ratione conditarum urnarum.

IN urbe olim neminem, more Athenienſis populi, ſepelire legibus licebat, niſi Veſtales, aut Imperatores qui legibus non tenebantur: aut eos quibus id honoris virtutiſque cauſa tribu batur, ut Val. Publicolæ, & P. Polthumio Tuberto contigit, de quibus ſecundo de Legibus Cicero. C. quoque Fabricius juxta Veliam in foro ſepulcrum habuit, de quo Plutarchus: C. Poblicius ſub Capitolio, de quo eodem in loco lapis Tiburtinus: Claudia familia ſub eodem Capitolio, de qua Suetonius. Servio Sulpitio in campo Eſquilino ſepulcrum decrevit Cicero, de quo ipſe in Philippicis. Reliqui aut privatim in agris ſuis condebantur: aut in viis, extra portas, tumulos habebant. Earum viarum nomina, & exempla quedam adjungere placuit.

Flaminia.

In hac fuit ſepulcrum Paridis, pantomimi Ægyptii, Neronis liberti. Marſialis lib. xi.

Quiſque Flaminiam teris viator,

Noli nobile præterire marmor.

Item Glaucie, liberti Melioris. Idem lib. vi.

Hæc ſub marmore Glaucias humatus,

Junſto Flaminia jacet ſepulcro.

Et de eodem Statius ii Sylv.

Plæbs conſta nefas, & prævia ſerunt

Armina, Flaminio quæ limite Mulvini agger

Tranſvehit.

Fit ejuſdem viæ mentio in libello Velii Fidi Lubentii, quem cum Antiquitatis aliquot monumentis edidimus.

Salaria.

In hac ſecundum lapidem fuit ſepulcrum magnificentiffimum Licinii, tonſoris Auguſti, quem Satyrici inſectati ſunt, & Varro hoc Epigrammate, ut eſt apud Cornutum,

Marſoreo

*Marmoreo tamu'o Licinius jacet : at Cato paruo,
Pompeius nullo : credimus esse deos?
In eadem fuit Marii sepulcrum.*

Tiburtina.

In hac intra primum lapidem fuit sepulcrum Pallantis, Claudii Cæsaris liberti, splendidum, & arrogantissimo titulo : de quo libro septimo & octavo Plinius ad Montanum.

Prænestina.

In hac secundo ab urbe lapide sepulcrum fuit Q. Attæ, Togatarum scriptoris.

Lavicana.

In hac sepultus Didius Julianus Imp. ut in ejus vita scribit Ælius Spartianus.

Campana.

De qua supra inscriptionem ex epigrammatis Romanis posuimus.

Latina.

In hac à Phyllide nutrice sepultus Domitianus Imp. & in eandem inferri voluit testamento Sempronius Tucidanus. Ex sepulcro viæ Larinæ hoc epigramma refert Ausonius,

Non nomen, non quo genitus, non unde quid egi,

Mutus in æternum sum cinis, ossa, nihil.

Nec sum, nec fueram, gentius tamen è nihilo sum :

Mitte, nec exprobres singula, talis eris.

Appia.

In hac (ut in Parad. scribit Cicero) Calatini, Scipionum, Serviliorum, Metellorum sepulcra visa sunt, item Ennii & Archiæ poetarum : de hoc idem Cicero, de illo Ovidius. Pomponii Attici, quinto ab urbe lapide : M. Tullii Ciceronis, sexto. Gallieni Imp. nono. In eadem Thessali, medici Neronis, qui in monumento suo se *in sepulchro* inscripsit, ut ait Plin. lib. xxix. Idem lib. x. inquit, in hac via sepulcrum fuisse Corvi avis, qui duorum Æthiopum humeris elatus sit, præcedente tibicine, & prælatis coronis omnium generum. Sulpitius Verulanus, & Raphael Volaterranus, memoriæ prodiderunt ; vidisse se integrum mulieris cadaver in hac via effossum, oblitum crasso unguento & incorruptum, quod alter suspicatur fuisse Tulliolæ, M. Tullii Ciceronis filæ : alter certum nomen non addit, sed ex erutis marmoribus vicinis colligit, ante annos plus mille & trecentos fuisse depositum.

Laurentina.

In qua Augustus Cæsar ancillæ suæ, quinque liberos uno partu enixæ, monumentum fieri jussit : Gellius libr. x. In hac, ut recentiores historici scribunt, ante quingentos annos cadaver effossum est, statura ingenti, & ingenti vulnere in medio pectore, quod Pallantis Evandri filii asserunt fuisse. Hoc cum illi historiæ inscruerint, ne hoc quidem in loco piguit referre.

Ostiensis.

Ostiensis.

De Ostiensi, ut & Cassia, & Numentana, apud scriptores nihil inveni: sed in singulis multæ epitaphiorum inscriptiones effossæ sunt.

Aurelia.

In hac sepultus Galba Imp. in privato monumento, testante Suetonio. In eadem duorum Germanorum militum descripti Epitaphia, Jonii & Hesperii Baravorum, qui Tib. Claudii Cæsaris corpori custodes fuerunt. In hac ut in Flaminia, Appia, Latina, plurimi loculi & urnæ adhuc videntur.

Dicam nunc de sepulchris insignibus illustrium virorum intra urbem, & de ornamentis quorundam sepulchrorum, quæ passim per urbem videntur: & ut quati absolvam hunc locum, addam etiam pauca de modo condendarum urbanarum.

SEPULCRUM SCIPIONIS AFRICANI.

Sub pinu ænea honorarium: ram Liernenses hospites de vero se merito iustant. Dicitur autem Vaticano pinus altissima ænea fuisse erecta Carthaginem versus: de qua una adhuc nux aiquot pedum altitudine, ante basilicam S. Petri cernitur, vetusti operis, & inaurata.

Augusti Cæsaris.

In Mausoleo, quod exemplo Carie regis constructum est, in valle Martia inter viam Flaminiam, & ripam Tiberis, post adem S. Rœchi, Moles rotunde ex immentis aggeribus, marmore olim Lunenti incultata, cum circumjectis silvis, & amplis ambulationibus. Ad latera positi erant bini obelisci. Habuit plura ostia, & loculorum ferriem intra aggerem: quorum adhuc vestigia appareant. Ante molem res gestæ Augusti æneis tabulis incisæ erant; quod ipse testamento mandaverat. A tergo locus erat cum porticu. Interior murus reticulato opere variatus, & in media ærea Augusti tumulus ex niveo marmore ferreis cancellis inclusus: in cujus summo simulacrum ipsius æneum. Intra tumalem & murum interiorem confiri populi. Ut autem Augusti in medio sepulchrum stetit, ita cognatorum & amicorum, cum quibus communem esse illum locum voluit, a lateribus in muro loculi effossi erant. Ovidius ad Liviam:

Vidimus erecta marentem stirpe sororis.

Luëtus, ut in Druso, publicus ille fuit.

Condidit Agrippam, quo te, Marcelle, sepulchro,

Et cepit generos jam locus ille duos.

Vix posito Agrippa, tumuli bene jam clausa est:

Perficit officium funeris ecce soror.

Ecce ter ante datis jactura novissima Drusus,

A magno lacrymas Cæsare quartus habet.

Vide de Mausoleo Strabonem libro quinto.

Cestii.

In Pyramide, proxime portam Ostiens m. Est autem Pyramis moles quadrata, quæ summæ more, e lato ad sublimitatem acuminando gracilescit: a qua figura nomen traxisse judico. Alii à genere lapidis Thebaici, apud Ægyptiis, quem *περσέχιλον* vocant Græci, dictam autumant. Stephanus aliam rationem, tabulæ magis, quam vero, similem, attulit, quam ommitto.

Hadriani.

In mole ad Tiberim, duos habuit ambitus, & duplicem columnarum ordinem. Primus ambitus quadratus ex solidis lapidibus fuit, interior moles oblonga & præalta ex Pario marmore. Ex hoc duplici ambitu arx nunc est extructa, quæ castrum S. Angeli vocatur. Columnæ, quæ circumpositæ fuerunt, ad S. Petri basilicam ornandam translatae sunt, & earum loco ad arcis muni ionem alius murus circumdatus. Fuit olim commune omnium Antoninorum monumentum: id quod inscriptiones ex antiquitate reliquæ testantur.

Sevri.

Supra Septizonium, inter Palatinum, & Caelium. De septena columnarum serie, ex qua assurgebat, tres series jam visuntur, una alteri superimpolita. Integra series illa est, quæ Eorum spectat, in cuius prima secundaque parte supersunt columnæ octo, in tertia sex. Intra illas columnas moles ex quadratis lapidibus assurgit, quæ in altum pyramidis aut obelisci more, magis magisque contrahitur atque acuitur. Opus sane mirum & magnificum.

Omitto hoc loco molem pyramidalem, quæ prope Hadriani sepulchrum fuit: eam enim diruit Alexander sextus. Item alteram quadratam, supra Mausoleum in via Flaminia, Campum versus, quam demolitus est Paulus Tertius; nam etiam constet, sepulchra fuisse, tamen quorum fuerint, incertæ & dissidentes sunt scriptorum opinioniones.

In sepulchris autem, quæ hinc inde per urbem in multis locis inveniuntur, varia rerum simulacra sunt exsculpta. Ludorum carulium, quale est ante S. Cosmam & Damianum, in foro Romano, & in S. Joanne Laterano, in quo etiam nocentes obijciuntur bestiis, ut in alio quodam ante S. Mariam in via lata. Equestrium certaminum, ut in S. Maria in ara Cœli, montis Capitolini. Pugnarum, ut in S. Gregorio montis Cœlii. Venationum, ut in S. Laurentio in Lucina, Campi Martii. Triumphorum, ut ante S. Laurentium in Panisperna, montis Viminalis: & triumphi Venerci, in S. Joanne Laterano. Sacrificiorum, ut in S. Maria de Strada, inter Octavii porticum, & Capitolium: & in S. Laurentio extra Esquilinam. Deorum ludentium, ut Apollinis canentis, & Narcissi jaculantis discum, in domo Augustini Maphæi. Satyrorum puellæ dormienti insultantium, in horto S. Marci. Amorum equitantium, in domo Columnentium. Deorum marinorum in piscium caudas desinentium, & vehementer

in eis Nymphas, ut in S. Joanne, & Paulo, in Cœlio, in hortis S. Sabinæ montis Aventini, ante S. Thomam in regione Hæculæ. Plutonis Proserpinam rapientis, in S. Silvestro prope arcum Domitiani, & ante S. Mariam in Cosmedim, prope Velabrum. Ventorum quatuor simulacra, in sepulchro domus Cæsæ. Laborum Herculis, in domo Sabellorum supra Marcelli theatrum. Servilium suppliciorum, in quibus alii capite plectuntur, alii brachium saxo impositum alio saxo frangitur, in S. Maria in ara Cœli, & ante ædem S. Scaphani de Cacibo, in regione Pinæ. In quibusdam sepulchris exsculpra sunt ædificia, partim januis apertis, quibus dicunt animæ æternitatem significari, cuiusmodi est in palatio Triumvirum in Capitolio: partim clausis, qua interitus ejus una cum corpore notatur. Tale in Transiberina regione in domo civis cujusdam cernitur, è regione pontis Fabricii. Hæc è multis retulisse satis sit, quæ non ita accipio volo, quasi unius tantum rei imago aut effigies sit expressa, sed alia multa quæ oratione depingi in hac brevitate nequeunt, spectaculi loco addita. Quod ut intelligatur, duobus exemplis declarabo. In sepulchro sacrificantium in S. Maria de Strada: Mulier in bigis, quæ à rhinocerotibus trahuntur, vehitur: iplis animalibus duo juvenes insident, & animalia à Faunis naso ducuntur. Præcedit Thufcus fidicen, & viri nudi, & mulierculæ, donec ad aram perveniatur, cui fidicen canens astat, & inter cætera ludicra Faunus cornibus cum hirco concurrit. Item in altero apud S. Silvestrum: Pluto quadrigis vectus, raptam Proserpinam amplexu tener, exanimi similem, supra quam volitat alatus Cupido, curram præcedit Mercurius alato pileo & caduceo. In altera parte, Ceres bigis invehitur, tractis à serpentibus, pinea tæda, quam sinistra gestat, investigans amissam filiam. Inter hæc, ab utraque parte comite Proserpinæ flores collectos gestant, veste ultra pubem sublata. A lateribus Hercules est, leonis exuvio indutus, dextra tenens clavam, sinistra anum quandam invadens, cui verbera minitur.

Faciendorum loculorum & urnarum condendarum non admodum diversa fuit ratio, cum in Urbe, tum in reliqua Italia, atque etiam in Græcia ipsa. Marlianus scribit, antra concamerata fossionibus esse aperta, in campo Esquilino quædam unius testudinis, quædam duplicis concamerationis, ita ut ex superiore in inferiorem descenderetur. Pavimenta interdum tessellata, interdum vermiculata: in parietibus circum circa loculos extitisse, singulos cum binis urnis. Alia quoque fuisse antra plurium parietum modico intervallo distantium, in quibus totidem urnas fuisse congruas, & exiguo post spatio rursus alias, hisce alias impositas: has pauperum, illas divitum fuisse opinatur. Nos in agro viæ Appiæ in profu idum fornicem sub terra descendimus, plenum loculorum inter se dispositorum ex ruina autem parietum cognosci vere non potuit. Intra Puteolus & Atellam, at utraque viæ silicibus stratiæ latera, plurima sepulchrorum lustravimus monumenta:

menta : quorum ædificia partim quadrata sunt, partim rotunda. Inter cætera pulcherrimum est, quod Arcum Cellæ nominant accolaæ. Parietes ejus tetragoni, cum laqueari vermiculato : in cujus medio centauri imago puerum vehentis. Loculi ultra sexaginta : medii amplius fortasse patronorum : laterales contracti libertorum libertarumque. In loculis urnæ singulæ pluresve dispositæ fuerunt, clausæ exterius tabellis marmoreis, in quibus nomina depositorum, de more fuerunt ascripta. Testatur Cyriacus Anconitanus (cujus scriptas quasdam chartas evolvimus) se Patris in Achaia, ad ædem S. Andree, antrum subterraneum ex integro solidoque lapide vidisse, miro artificio fabricatum, in quod per gradus sedecim descensus fuerit, quodque sub una testudine ad tetragonos parietes habuerit loculos quatuordecim, in quibus singulis binæ aut ternæ unæ funerales fuerint locatæ ; ex quibus testimoniis, non multo diversam Græcorum & Romanorum, ut diximus urnas conjungendi rationem fuisse, est perspicuum.

CAP. XXI.

De iis, quæ nunc in urbe sunt præcipue visenda.

Romanæ urbis cadaver, omnibus pene Barbaris lacerantibus, ante oculos hodie jacet : sed gloriæ splendor & nominis claritas, doctis pro ea propugnantibus, extinguere nunquam poterit. De eo in superioribus, ex Græcis Latinisque scriptoribus multa studiose collegi : & ne quem prolixitate ostenderem, modo quodam retuli. In hoc capite nonnulla etiam alia cognitione digna, quæ à majoribus & præsentibus hominibus ad urbis ornamentum comparata sunt, studiosorum hominum gratia addam. Antiquitatum igitur cupidi habent domum Angeli Colocii, in Campo Martio : Cæliorum, sub Janiculo : Porciorum, in regione Pineæ : Vallarum, ad circum Flaminium : in primis vero Triumvirum, in Capitolio, & hortos Palatinos, in Vaticano. Literarum amantes, instructas bibliothecas. Pontificias tres, unam clausam, cui adjuncta proxime est altera, item clausa : tertiam certis diebus & horis patentem, & Græcis ac Latinis scriptoribus refertam. Præter has aliæ quoque sunt : apud S. Mariam in ara cæli, apud S. Mariam de populo, apud S. Mariam supra Minervam, apud S. Augustinum. Tumuli in urbe clarorum virorum, qui ingenii sibi decus pepererunt, cum suis epitaphiis, sunt hi :

Blondi Flavii, in ara Cæli, ante introitum templi.

BLONDO FLAVIO FORLIVIENSI, HISTORICO CELEBRI,
MULTORUM PONTT. ROMANORUM SECRETARIO FIDELISS.
BLONDI QUINQUE FILII PATRI BENE MERENTI
UNANIMES POSUERE. VIXIT AN. LXXXV. OBIT. PR. NON.
JUNII. ANNO SALUTIS CHRISTIANÆ M. CCCC. LXIII.
PIO P. M. SIBI NATISQUE FAVENTE.

Nicolas

Nicolai Valle, in ipso templo.

NICOLAO DE VALLE LEG. D. BASILICAE PRINCIPIS APOSTOLORUM CANONICO, LAELIUS IN MEMORIAM DULCISSIMI FILII POSUIT. HIC IN VITA SUA NULLI MALEDIXIT, SINE VOLUNTATE PARENTIS NIHIL FECIT. MAGNO ET EXCELLENTI CLARUIT INGENIO. ILIADEM HOMERI ET HESIODUM HEROICO CARMINE IN LATINUM VERTIT. OBIIT PRIMO JUVENTUTIS FLORE, MAX. OMNIUM MOESTICIA. M. CCCC. LXXIII VI. CAL. OCTOBRIS.

Ibidem Bartholomaei, Petri, Philippi, Andreae, Vallarum. Item Joan. Jacobi Buccabellae poëte, Lud. G. arti Margonii mathematici, Seraphini Oductii philosophi, Manilii Britanorii factorum praefici.

Laurentii Valle, in Sancto Johanne Laterano.

LAURENTIO VALLAE HARUM AEDIIUM SACRARUM CANONICO, ALPHONSI REGIS ET PONTIFICIS MAXIMI SECRETARIO APOSTOLICOQUE SCRIPTORI, QUI SUA AETATE OMNIS ELOQUENTIA SUPERAVIT, CATHERINA MATER FILIO PIENTISS. POSUIT. VIXIT ANN. L. OBIIT ANNO DOMINI M. CCCC. LXV. CALENDIS AUGUSTI.

Bessarionis Graeci, S. Apostolo, in regione Trivii.

BESSARIO EPISCOPUS TUSCULANUS, S. R. E. CARD. PATRIARCHA CONSTANTINOPOLITANUS NOBILI GRAECIA ORTUS ORIUNDUSQUE SIBI VIVENS POSUIT. ANNO SALUTIS M. CCCC. LXVI.

Τὸτ' ἐπὶ ἑκαταετηρίῳ ζῶν ἀνυστα σάμνητι σῆμα,

Πνέσσει δ' ἐδύξεναι πρὸς δύναι δ' ἀνάσσει.

Lascaris Graeci, in templo S. Agathae, sub Viminali.

Λάσκαρις ἀλλοδαπῶν γαῖαν ἐνιγάτθην, γαῖαν

οὐκ ἄλβω ξείνῳ ὧς ξένης ἀμερόμενος

Εὐερίο μετρίχῳ ἀνδ' ἀχθῆναι, εἴπερ Ἀχαιοῖς

οὐδ' ἐν χῶνι χθονὶ πατρίδι ἐλδοδέειον.

Petri Maris, in S. Laurentio in Damaso.

QUAE SOLA ELOQUII SUPERABAT GLORIA, ET ILLAM PERDIDIMUS, TECUM VIXIT ET INTERIIT.

Hieronimi Aleandri apud S. Chrysozonom, trans Tiberim.

HIERONYMO ALEANDRO MOITTENSI, E COMITIBUS LANDRI IN CARNIA, PETRAE PILOSAE IN ISTRIA ORIUNDO, CARD. BRUNDUSINO: PHIL. ET THEOL. DOCTORI, HEBRAICE, GRAECE, ET LATINE, ALIQUOTQUE ALIARUM LINGUARUM EXOTICARUM ITA EXACTE DOCTO, UT EAS RECTE ET APTE LOQUERETUR AC SCRIBERET, MOX DIVERSIS LEGATIONIBUS PRO SUMMIS PONT. AD OMNES FERERE CHRISTIANOS PRINCIPES,

FIDELL.

FIDELITER ET DILIGENTER PERFUNCTO, ET IDEO IN
TABEM DELAPSO. QUANTI HUMANAM MISERIAM FECE-
RIT, SEQUENTI DISTICHO, DE SE EDITO TESTATUM
POSTERIS RELIQUIT.

Κατ' ἄρτιν ἐκ δίκην, ὅτι πάντοτε ὧν ὀφειλόμενος
Ποιῶν, ὥνπερ ἰδεῖν ἄλλοι ὧν θανάτου.

ANNO CHRISTI M. D. XLII. AETATIS SUAE LXII. MINUS
DIEBUS XIII.

Valerii Cordi, qui sepultus est in S. Maria de anima, regione Parionis.

VALERIO CORDO SIMESUSIO HESSO, EURICII FILIO,
MORIBUS, INGENIO, COMITATE, PRAESTANTISS. DO-
CTORUM OMNIUM ADMIRATIONEM MERITO, QUI NA-
TURAE OBSCURITATEM ET HERBARUM VIRESCENTIAS
ADOLESCENS SENIBUS EXPLICAVIT, CUM EXPLERI CUPIDI-
TATE COGNOSCENDI NON POSSET, PERLUSTRATA
GERMANIA, ITALIAM ADIIT, VENETIIS IN HONORE
HABITUS, ET ROMAM VIX INGRESSUS. SUBITO MORBO
INTER AMICORUM LACRYMAS, NON RECUPERABILI
STUDIORUM JACTURA OPT. AETATE EXTINGUITUR.
ANNO SALUT. M. D. XLIII. VII. CAL. OCTOB.

INGENIO SUPEREST CORDUS, MENS IPSA RECEPTA EST
CAELO, QUOD TERRAE EST, MAXIMA ROMA TENET.

Tumuli Pontificum aenei sunt, Martini Quinti in S. Joanne Late-
rano, & Sixti Quarti in S. Petro Vaticano. Marmorei, Sixti Quarti,
Piorum Tertii & Secundi, Hadriani Sexti. Sedes pontificiae saepius
sunt mutatae. Aliquando fuit apud S. Sabinam in Aventino, item
apud S. Mariam majorem, in Esquilino: superioribus annis apud S. Jo-
annem Lateranum, in Caelio: nunc apud S. Petrum in Vaticano.
Aetivam habitationem apud S. Marcum in capite viae latae exae-
dificavit Paulus Secundus: in quo loco cellis vinariis imposita sunt
equorum stabula, stabulis hortus cum proceris cupressis, in horto
circumcirca extructae habitationes. Aliam in Capitolino, supra tem-
plum S. Mariae in Ara caeli extruxit Paulus Tertius, ad cuius templi
introitum, ex montis planicie per cxxxix gradus ascenditur, unde
de altitudine novi aedificii fieri conjectura potest. Post sedes ponti-
ficias nihil admirabilius, laudeque dignius nihil visum est, quam
tot per totam Urbem, ut vocantur, xenodochia, non solum publica
omnium, ut amplissimum S. Spiritus in Campo Vaticano: S. Sal-
vatoris, in Caelio: S. Mariae de consolatione, in Velabro: S. Jacobi
de Angusta, in valle Martia: verum etiam propria singularum ci-
vitarum aut nationum, ut Florentinorum, apud S. Joannem Bap-
tistam:

stam : Germanorum, apud S. Marism de anima : Hispanorum, apud S. Barbaram : Gallorum, apud S. Ludovicum : Anglorum, apud S. Thomam : Flandrorum prope turrim Argentinam : Ungarorum, prope S. Petrum : ut alia omittam, in quibus locis infiniti homines gravibus morbis laborantes domestici atque externi curantur & aluntur. Cryptæ subterraneæ, quæ laterbæ & sepulera Christianorum fuerunt, sævientibus in eos tyrannicis principibus, tribus in locis sunt. Maxima omnium, apud S. Agnetem, extra portam Viminalem : altera, apud S. Sebastianum, extra Campenam : postrema apud S. Pancratium, extra Aureliam : plena venerationis loca, quorum D. Hieronymus & Prudentius faciunt mentionem. De domibus nobilium, & purpuratorum palatiis nihil dicam : quæ ut splendida & sumptuosa sint, tamen cum veteribus ruinis hæc nova magnificentia vix videtur comparanda.

JUSTI LIPSII

De Vetere Latinorum Scriptura.

TRACTATUS II.

UT de *vetere Scriptura* pauca præmoneam: differt ea ab recentiore, quæ hodie in usu est, vel *quantitate*, vel *qualitate* vel *utraque*.

Quantitas in *Additione* cernitur, vel *detractione*. *Additio*, aut *Vocalis* est, aut *Consonantis*. *Vocalis* additio, est in diphthongis EI & OU. Sic enim *Eidem Jous*, scripsere; pro *Idem Jus*. Sic *Leitem*, *Leimites*, *Meilitia*, *Opeima*, *Inveito*; pro *Litem*, *Limites*, *Militia*, *Opima*, *Inuito*. Sic *Eito*, *Deixo*, *Seierit*; pro *Ito*, *Dixi*, *Sierit*. Item *Quai*, *Sei*, *Nei*; pro *Qui*, *Si*, *Ni*. *Nei* tamen etiam pro *Ne* usurpant interdum, & quidem non raro. Sic *Utei*, *Ubei*, *Ibei*; pro *Uti*, *Ubi*, *Ibi*. Eandem diphthongum usurparunt in *Genitivis singularibus*; ut *Dolei malei*, pro *Doli mali*. Item, in *Nominativis pluralibus*: ut, *Iei*, *Trevirei*, *Decumanei*; pro *Ii*, *Treviri*, *Decumani*. Item, in *Dativis & Ablativis pluralibus*: ut *Ieis*, *Tertiis*, *Ricineis*; pro *Iis*, *Tertiis*, *Ricinis*. Præterea, in *Dativis singularibus* *tertia declinationis*: ut *Mortei*, *Clienti*; pro *Morti*, *Clienti*. Item *Alterei*, *Sibei*; pro *Alteri*, *Sibi*. Et frequentissime in *Nominativis* atque *Accusativis pluralibus*: ut *Omneis*, *Civeis*, pro *Omnes*, *Cives*.

O vero ad U adjectæ, tum alia sunt exempla, tum hæc, *Jous*, *Jousta*, *Joudicare*; pro *Jus*, *Iusta*, *Judicare*. Item *Souo*, *Louci*, *Doucito*; pro *Suo*, *Luci*, *Ducito*. In quibusdam utramque diphthongum conjunxerunt: *Soueis*, *Joudicei*; pro *Suis*, *Judici*. In nonnullis U geminum usurparunt, pro OU seu U: ut *Plusus*, *Secuus*; pro *Plus*, *Secus*. Sic *Comitatus*, *Arbitratus*; pro *Comitatu*, *Arbitratu*. Interdum O post U interferuerunt: ut *Quicunque*, pro *Quicumque*.

Consonantes quoque interseuerunt; ut *Quotiens*, *Quotiescumque*, pro *Quoties*, *Quotiescumque*. Sic *Exsugunto*, *Exsercere*, pro *Exigunto*, *Exercere*. Item, *Quips*, *Aliquips*, pro *Quis*, *Aliquis*. In *Fouxsta* vero pro *Juxta*, gemina est insertio, vocalis O & consonantis S.

In quibusdam integram syllabam interseuere: ut in *Postidea*, *Indetistato*, pro *Postea*, *Intestato*. Ejus generis etiam *Aevitas*, videri alicui possit: sed habet illud legitimam ab *ævo* derivationem: in *Ætas* vero, quod post usurpari coepit, facta est contractio. Quibusdam a fronte *Consonantes* adijcere; ut *Sils* pro *Dis*. Nonnullis in fine: ut *Ead*, *Tuod*, *Plebed*, *Frauded*; pro *Ea*, *Tuo*, *Plebe*, *Fraude*. Sic in verbis, *Datod*, *Removetod*. *Luitod*, *Estod*; pro *Dato*, *Removeto*, *Luito*, *Esto*: In *Exsercerod* autem geminata est additio; semivocalis S. & mutæ D. Sic in *Leibertated*, additio est Vocalis E. & Consonantis D.

Detractio & ipsa, vocalis est aut consona. Vocalis, detractio est in monophthongis illis: *Fenis*, *Femina*, pro *Fænis*, *Fæmina*. Sic *Heres*, pro *Hæres*. Quamquam eam vocem non ab *herendo*, sed ab *hero* deductam malunt eruditiores. Detractio etiam quibusdam videtur esse in verbis istis: *Adicito*, *Eicito*, *Deicitor*, *Conicere*, *Subicere*; pro *Adjicio*, *Ejicito*, *Dejicitor*, *Conjicere*, *Subjicere*. Quod si ita est, eadem ratione simplex *Icere*, contractum erit ex *Jacere*. Sic certe *Dis*, contractum ex *Deis*.

E *Consonantibus* etiam, quæ nunc geminari solent, omitebant alteram: ut *Osa*, *Clase*, pro *Ossa*, *Classe*. Item *Aceras*, *Conubia*, pro *Acerras*, *Connubia*: *Pelex*, *Tolito*, *Poluceto*; pro *Pellex*, *Tollito*, *Polluceto*.

Qualitas in commutatione potissimum cernitur. Ea quoque Vocalis est, aut Consonantis Vocalis: ut E pro I. Sic enim *Leber*, *Addecito* scribere; pro *Liber*, *Addicito*. Item U pro I, *Æsumata*, pro *Æstimata*. Sic *Optumius*, pro *Optimus*. Eadem ratione *Postumum*, à veteribus dictum volunt eradi: ut significet non tam eum, qui post inhumatum patrem est editus; quam eum qui postremus patri, seu vivo, seu mortuo, natus est. Item U & Y: ut *Ægyptus* pro *Egyptus*, quemadmodum *Mus* quæque & *Sus*, & hujus generis alia, ex Græcis *μῦς*, *ὄνς*. Frequentius O pro U: ut *Totela*, *Porporea*, pro *Tutela*, *Purpurea*. Sic *Uscapitor*, pro *Uscapitor*. Item *Soper*, *Quumqua*, pro *Super*, *Quumque*. Sic in Nominum finibus: *Patronos*, *Servos*, pro *Patronus*, *Servus*. *Vitiom*, *Manam*, pro *Vitium*, *Manum*. Nec non in Verborum finibus: *Conferom*, *Meritor*, pro *Conferunt*, *Moritur*.

In nonnullis geminatur hæc mutatio: ut *Piacelom*, *Fortom*, *Foratos*, pro *Piaculum*, *Furtum*, *Furatus*. In quibusdam hæc cum superiore conjungitur; ut *Leborom*, pro *Liberum*. Sic *Ædebos*, *Compedebos*, *Noſtebos*, *Tibicinebos*, *Superſtebos*; pro *Ædibus*, *Compeditibus*, *Noſtibus*, *Tibicinitibus*, *Superſtitibus*.

Inter-

Interdum diphthongo OE & OI pro U longo usi sunt: ut *Oetier*, *Oesecapio*, *Oesurpatum*; pro *Uti*, *Usucapio*, *Usurpatum*. Sic *Curatores*, pro *Curatores*. OI pro U positum: in *Oitier*, *Oitile*, & consimilibus. Sic *Moinicipium*, pro *Municipium*.

Consonantes quoque non paucas inter se commutaverunt. C pro G frequenti in usu fuit. Sic enim *Cenas* dixerunt pro *Genas*. Sic *Fru-tem*, *Lece*, pro *Frugem*, *Lege*. Itidemque *Lecere*, *Rocato*, pro *Lege-re*, *Rogato*. D pro L posuere, cum *Dingua* dixere pro *Lingua*. Sic *Fedetrio*, pro *Feretrio*.

F pro B usurparunt sequente Vau: ut *Af viro*, pro *ab Viro*. Q pro C: ut *Pequua*, pro *Pecunia*. S pro R: ut *Asa*, *Nesuo*, *Cas-men*, pro *Ara*, *Nervo*, *Carmen*. Sic in Nominum flexionibus: *Majose*, *Minose*, *Arbofes*, *Plusa*; pro *Majore*, *Minore*, *Arbores*, *Plura*. Sic *Fenose unciatio*, pro *Fenore unciario*. Item in Verborum flexio-nibus: *Arasit*, *Vocastit*, *Secuestit*; pro *Ararit*, *Vocarit*, *Secuerit*. T. pro D: ut *Quit* pro *Quid*.

In compositis, finalem Prepositionis consonantem plerumque re-tinuerunt: ut *Conlegium*, *Improbis*, *Adsignare*, *Adtribuere*. In-terdum tamen etiam mutaverunt: ut *Obsepito*, *Opturato*, *Optinere*.

In quibusdam geminata est commutatio, altera Consonantis, al-tera Vocalis; ut *Rocon*, *Flacitum*, *Prodicos*; pro *Rogum*, *Flagiti-um*, *Prodigus*. Sic *Acrom*, *Acnom*, *Ticnom*; pro *Agrum*, *Agnum*, *Tignum*. Item *Fidios*, pro *Filius*: *Ofvagolatom*, pro *Obvagulatam*: *Poplicom*, pro *Publicum*: *Quoi*, pro *Cui*: *Ausom*, pro *Aurum*. Sic *Capiomtor*, pro *Capiuntur*.

In quibusdam duarum Vocalium, & unius Consonantis facta mu-tatio; ut *Contileom*, *Arvorsum*, seu *Asvorsum*, *Plusebos*, pro *Gen-tilium*, *Adversum*, *Pluribus*. In nonnullis gemina consonantis mu-tatio est: ut *Arguesit*, pro *Arguerit*.

Interdum *quantitatis* metaplasmos conjunxerunt, additionem scilicet & deductionem: ut *Jousus*, *Jousit*, pro *Jussus*, *Jussit*. Sic *Poplei*, *Confisei*, *Demisei*; pro *Populi*, *Confessi*, *Demissis*. Interdum ad *quantitatis* metaplasma adjunxerunt *metaplasma qualitates*: ut cum unum idemque vocabulum additione & commutatione trans-formarunt. Sic enim *Deicundo*, *Addeictos* usurpata; pro *Dicendo*, *Addictus*.

Sic *Maxsumo*, *Proxsumos*, *Fousiosis*, pro *Maximo*, *Proximus*, *Fu-rius*. His adde, *Endo*, *Entera*, *Sopera*, *Continoeis*; pro *In*, *Intra*, *Supra*, *Continuus*: In quibus commutatio præcedit: additio se-qui ut.

Deductionem quoque & commutationem quandoque copularunt, idque commutatione interdum sequente: ut *Adecito*, *Poplos*, *Præ-sectos*, pro *Addicito*, *Populus*, *Præsentibus*. Interdum præcedente: ut *Soricito*, pro *Subicito*. Sic *Olo*, pro *Illo*: Item *Fasis*, pro *Farris*. In quibusdam triplicatus est metaplasmus: ut *Pupilei*, *Præfeted*; pro *Pupilli*, *Præsente*.

In *Nominum flexionibus*, præter superiora, notabilem mutationem habent: *Fulminis*, *Ipsos*, *Im*; pro *Fulmen*, *Ipse*, *Eum*. Sic *Olee*, pro *oli*. In *Verbis* quoque varii, præter supradictos, metaplasini a veteribus facti sunt: ut in verbo substantivo *Escit* & *Escunt*, pro *Erit* & *Erunt*. Itemque *Siet*, *Sient*, pro *Sit*, *Sint*: & in futuro perfecto, *Fuat*, pro *Fuerit*. Eisdem tuturi perfecti magna, in aliis quoque verbis est varietas: ut *Vindicit*, *Verbent*, *Prohibisit*, *Oscisit*; pro *Vindicarit*, *Verberarit*, *Prohibuerit*, *Occiderit*. Item *Tagit*, pro *Tetigerit*; *Pacit* & *Pacont*, pro *Pipigerit* & *Pepigerint*; *Faxit*, *Rupsit*, pro *Fecerit*, *Ruperit*: *Paret*, *Cepet*, pro *Pararit*, *Ceperit*; *Misest*, *Viverit*, pro *Miserit*, *Vixerit*. Item, *Duit*, *Adduit*, *Conduit*, *Transduit*; pro *Dederit*, *Addiderit*, *Condiderit*, *Tradiderit*. In passiva etiam forma: *Turbassitur*, pro *Turbatum fuerit*: *Fariat*, *Nancitor*, pro *Fari velut*, *Nactum fuerit*. Item, *Darier*, *Leibarier*, pro *Dari*, *Libari*. Sic *Oetier* & *Oitier*, pro *Uti*.

In *Coniunctis vocibus* facta interdum separatio; ut *En do*, *In do*, *In du*; pro *Endo*, *Indo*, *Indu*. Sic *Indo testato*, pro *Intestato*; *Endoposito*, *Endo jacito*, *Endo manus jactio*; pro *Imponito*, *Injicito*, *Manus injectio*. Item *Quiccuomque* pro *Quicumque*: & contimilia. Contra interdum conjunguntur, quæ alioqui separari solent: ut *Seato leberum*, pro *Statu liberum*.

Finis Tractatus II. De vetere Latinorum scripturâ.

JUSTI LIPSII

De Re Pecuniaria veterum Romanorum.

TRACTATUS III.

CAP. I.

Pecunia qua materia & quando primum signata.

Romani primum usi fuerunt quadruplici moneta nempe, *Plumbea, Ærea, Argentea, Aurea.*

Plumbæ usus quando ceperit, incertum.

Æs initio habuerunt rude, pondere distinctum, non nota. Primus Servius Tullius signavit æs, idque notat pecudis; unde *p. cunia* dicta est: author Plinius, *lib. 18. cap. 3. & lib. 33. cap. 3.* Varro, *lib. 2. de re Rust. cap. 1.* & Plutarchus in *Publicola*. Quod tamen alii jam tribuunt, ut Athenæus *lib. 15.* & Macrobius *lib. 1. Sat.* Quidam Saturno, ut Eutropius *lib. 1.* Verior tamen Plinii opinio: nec repugnat, quod in priscis nummis part: altera Jani effigies, altera navis expressa cernebatur, cum hanc notam Servius ipse, vel posterius usurpare potuerint bonæ memoriæ causâ. Facit huc Ovidii i *Fastorum.*

At bonâ posteritas puppim signavit in ære

Hospitû adventum testificata Dei.

Argentum autem signatum est anno Urb. Cond. 484. F. Pictore, & Q. Oculeio Coss. ut Plinius voluit, quinque annis ante Punicum bellum: sive M. Æmilio Paulo, & Fulvio nobiliore Coss. ut Eutro. *lib. 2. 15.* annis posterius.

Aurum signatum anno 62. post argentum C. Claudio Nerone, & M. Livio Salinatore Coss.

nummi ærei nomina
sunt ista.

{ As.
{ Quadrans.
{ Sextans.
{ Triens.

Aurei nummi

{ Aureus.

Argentei hæc

{ Denarius.
{ Quinarius.
{ Scutertius.

C A P. II.

De Asse, Quadrante, Sextante, Triente.

Asses ex ære librales erant, & appendi plurimum solent, non numerari. Ex quo ritu & nunc in rationibus pecuniariis Expendium ferre, & Dependere, & Impendium dicimus. Inde æs grave appellatur, & poena æris gravis: Æris cujus legitimo ponderi nihil deesset. Livius lib. 4. *Indicibus*, inquit, *dena millia æris gravis, quæ tunc divitiæ habebantur, data.* Et lib. 5. *Denis millibus æris gravis nos condemnavit.* Hæc primis temporibus. Postea tamen bello Punico secundo, pressus populus Romanus ære alieno, ex singulis assibus libralibus, Sextantarios fecit: id est, Ex uno asse, senos, qui tamen tantundem valerent, *Plin. lib. 33. cap. 3.* Sed & mox tertio bello Punico, Unciales facti. Postremo lege Papyria, Semiunciales, Assim libralem, ut dixi, primus signavit Servius. Tarquinius superbus cæteras Assis partes, ut Quadrantem, Trientem, Sextantem; ut colligimus ex Fragmento Festi in voce *Ratitum*. Quadrans (sive Triuncis) est quarta pars Assis, plurimum quidem ære cusus sub Imperatoribus, tum & plumbo. *Martial. lib. 10. Epigr. 74.*

Centum mærebor plumbeos die toto.

id est, Quadrantes. Idem *lib. 1.* nigram monetam appellat plumbeam, istos ipsos quadrantes. Et fortassis antiquius, quia Plautus in jocos aliquoties *nummuli plumbei* mentionem facit. Olim hæc merces legitima transvectionis erat, unde & quadrantes, *Ratiti* dicti, Festus & Varr. *lib. 4. de ling. Latin.* Postea præmium balneariorum. *Horat. lib. 1. Sat.*

— *Dum tu quadrante lavatum Rex ibis.*

Et Cicero *pro Cal.* Plurarchus in Cic. *Sextantes & Trientes à partibus assis dicti.* Sextantis meminit Livius lib. 2. *Plebs*, inquit, *Agrippam extulit, sextantibus collatis.* Trientis, Festus, in *Ratito*. Valer autem As, ad æstimationem nostram, nummulos plus octo: nummulos appello, sive denarios, qui 24. apud Belgas sturum

ferum faciunt. Quadrans valet nummulos paulo amplius duos. Quadrantes 4. Assē constituant. Decem sestertium unum. Quadraginta denarium. Simile iudicium de Sextante & Triente.

C A P. III.

De Denario, Quinario, Sestertio.

ARgenti nummi tres species, quas dixi, omnes Varro lib. 5. de ling. Lat. & Plin. lib. 33. cap. 3. complexus est. Denarii, inquit, dicti qui dena aris, id est, 13. Asses valebant; Quinarii, qui quinos: Sestertius, qui Semitertium.

Denarium pondere & æstimatione partem drachmæ Atticæ consensu, faciunt antiqui. Notæ ejus veteres R. omnes Galeatæ, imago Castoris in equis, bigæ & quadrigæ. Unde bigati & quadrigati nomen pro Denario frequens, ut Livius: lib. 22. *Pacti in capita Romana tricens nummis quadrigatis.* Tacitus de morib. Germ. *Pecuniam probant veterem & diu notatam, Serratos, Bigatosque.* Sed cum argentum simpliciter dicimus, intelligimus Denarium. Denarii dimidiū, quinarius dictus; ideoque vulgo Victoriatus, quod victoriæ effigies in eo expressa sit. Meminit hujus Cicero, pro *Fornio* Livius, lib. 41. & Plinius lib. 33. c. 3. Sestertius, denarii quarta pars est, idem alio nomine *χρῆμα* Nummus, quia frequentissimus ejus in rationibus usus. De hoc Vitruvius, lib. 3. cap. 1. *In denario, inquit, denos asses aereos constituerunt, & quartam ejus partem de duobus assibus, & tertio semisse, Sestertium vocarunt.* Æstima: io denarii hodie eadem fere, quæ Regalis Hispaniensis, id est, Stufēri 3. cum dimidio. Quinarii & Sestertii pro proportionē. Denarium nora stellulæ (*) in monumentis vetustis. Sestertii nora sic, (*LES: XHS: XSS:*) At libralis est libræ nora, Quia ergo Sestertius duos asses continet, & dimidiū duo.

CAP. IV.

*De Nummo aureo, ejusque æstimatione itemque de usu
nummorum promiscuo.*

Aureus five Solidus (quem variis nominibus appellatum ab Imperatoribus invenio, *Flavianum, Antonianum, Valerianum*) valuit denarios apud Romanos 25. id est, *Coronatos nostrates binos*. Id clarum tum ex pondere, tum ex monumento Dionyhi, *lib. 55.* cui accedit Suetonius, in *Otto. cap. 4.* qui ait, *Ottobonem semper aureos singulos cohorti excubanti dare solitum*. Quam eandem rem Tacitus *lib. 17.* narrans, *centenos nummos dixit*. Alludit ad hunc numerum egregie Martialis *lib. 10. epigr. 24.* in hunc modum:
Sed vitæ tribus aureis passus.

Cum intel igit aureos circiter 70. Caute legendus T. Livii locus, *libr. 28.* *Pro argento, inquit, si aureum dare, mallet, dare curvum, dum pro argenteis decem aureus unus valeret.* De proportionem enim auri ad argentum loquitur, quæ tunc decima erat, ut nunc vel hodie duodecima. Notæ aurei nummi, eadem fere quæ argentei, nisi quod crescente ambitione, Triumviri monetales, aut ii qui monetæ cudendæ præerant, sæpe gentis suæ insignia, aut honores, aut sacerdotia insculpebant, Sæpe & Imperatorum triumphos, res gestas & varia emblemata, quæ res quibusdam suspensionem fecit, nummos qui extant, honoris tantum causa excusos fuisse, & non publici usus, falso; quanquam non negaverim vetusta numismata & tunc quoque in precio fuisse, & interdum loco mercis divendita, quæ de re Ulpianum lege, *lib. 9.*

De Ratione per singulas species supputandi.

Ratio supputandi apud Romanos usitatissima per asses & Sestertios: frequentissima per Sestertios, & illa intricatior; non tam sæpe per asses, & hæc facillior. De illa primo dicam. Per asses aut expresse nomine, aut ratio numerant. Expresse ut Livius, *lib. 28.* *Militibus quinquagenos senos asses*, id est 21. aureos *divisit*. Tacito: ut idem, *lib. 31.* *Trisici decies centum millia binis æris populis diviserunt*, qui d est binis assibus æris. Sic centenos æris, & mille æris, & dena millia æris apud Livium frequentissime legimus, & ubique intelligendi asses.

Tabula per asses supputandi hæc sit.


Terni æris		1 stufesum, & $\frac{1}{4}$
Deni æris		3 stufesos, cum $\frac{1}{2}$
Centeni æris		35 stufesos.
Centum 25. æris		51 coronatum nostratem.
Dena millia æris		100 coronatos.
Mille æris		10 coronatos Budæo.

Possunt & hæc nomina latine effrri per Philippicos denos, centenos asses, & sic deinceps.

DE SESTERTIIS.

PER Sestertius ut numeremus, duo præcipienda sunt : primum, discrimen esse inter Sestertios & Sestertia : ita, ut illo numero, nempe masculino, singuli nummi Sestertii : isto, nempe genere neutro, singula millia significentur, idque indubitatum perpetuumque est.

Utriusque discriminis tabula sit hæc.

Duo sestertii		Medium Regalem.
Duo sestertia		50 coronatos.
10 sestertii		2 Regales cum $\frac{1}{2}$
10 sestertia		250 coronatos.
20 sestertii		5 Denarios.
20 sestertia		500 coronatos regales.
40 sestertii		10 coronatos Budæo.
40 sestertia		1000 coronat.
50 sestertii		12 Regales cum $\frac{1}{2}$
50 sestertia.		1250 coronatos.
Centeni, vel um, sestertii		2 coronatos cum $\frac{1}{2}$
Centum sestertia		500 coronat.
200 sestertii		5 coronatos.
200 sestertia		5000 coronatos.
400 sestertii		10 coronatos.
400 sestertia		10000 coronatos.
1000 sestertii		25 coronatos.
1000 sestertia		25000 coronat.
		Census Senatorum.

Alterum

Alterum præceptum est, quemadmodum cum à festeriis ad festeria fit transitus, numerus millies multiplicatur: sic cum per ad-
verbia demum enunciamus festeria singula centuplicata crescunt.
Ut cum dico decies festerium, intelligo decies centena festeria,
sive decies centena millia festeria. Ergo decies festerium, & mille
festerium idem valent. Diserte Plutarchus in Antonio.

Tabula adverbiorum brevis hæc sit.

Decies	[25000 coronatos.	
Quindecies	} Sesterium valent	37500 coronatos.	* id est, de-
Vicies		50000 coronatos.	cies centena
Tricies		75000 coronatos.	millia cor-
Quadrages		100000 coronatos, Tonn auri.	natorum.
Quinquages		125000 coronat.	** id est, vi-
Centies		250000 coronatos.	cies, quin-
Quadringenties		1000000 coronatos. *	quages cen-
Millies]	2500000 coronatos. **	tena millia
Decies millies		25. viginti quinque milliones.	coronator.

Hæc est summa rei nummarie veterum Romanorum, quæ in hi-
storiiis diligenter observanda est.

Finis Tractatus de Pecunia Romanorum.

JUSTI LIPSI

De Nominibus Romanorum.

TRACTATUS. IV.

Compendiose conscriptus.

Nominandi ratio intricata apud Romanos ; quam ut distincte explicem, dicam quatuor capita. Primum ingenuorum hominum nominibus. Secundo, de libertorum & servorum. Tertio, de Fœminarum. Quarto, de Adoptivorum. Ingenuorum nomina Romæ aliter quam apud Græcos & Barbaros. Plerumque tria nomina : Prænomen, Nomen, Cognomen. Quo alludens Juvenalis, Sat. 5.

*Si quid tentaveris unquam
Hiscere, tanquam habeas tria nomina* —
Aufonius, in Grypho:
Tres equitum turmæ, tria nomina nobiliorum.

CAP. I.

Prænomen est, quod nominibus Gentiliciis præponitur, discriminis causa inter fratres & Gentiles inventum, quod haud dubie respondet nostris nominibus, quæ appellamus, ut Petrus, Johannes, Jacobus, &c. Sed Prænomen natum est post nomen ; & ideo servatum Romanis, ut nono quovis die qui Lustricus dicebatur, nomina imponerentur pueris. Prænomena (ut Epitoma Valerii ex Scævola refert) non ante diem togæ virilis ; id quod in Ciceronis epistolis observare est, ubi Ciceronis pueri sine prænomine semper dicuntur. Post togam sumptam, Marcus filius, Quintus filius. In imponendo servabunt, ut plerumque filius major natu prænomen ferret patris ; secundus avi vel patruorum. Prænomena ætate sua

Varro

Varro scribit circa triginta fuisse, è quibus usuratiſſima 18. Quorum illa unica litera notantur; ut hæc undecem. A. id est, *Aulus*, sic dictus, quasi Diis aſentib. nasceretur. C. id est, *Catus*, à gaudio parentum. D. id est, *Decimus*, à numero nascendi. K. id est, *Cæſo*, qui ex utero matris cæſus eſſet, Prænomen gentis Fabiæ. L. id est, *Lucius*, ſive à Lucumone Hetrusco, ſive quod prima luce natus eſſet. M. id est, *Marcus*, qui natus menſe Martio, ut Valerius vulg., vel potius nomen Oſcum, ut Mamers & Mamercus. M. *Mamius*, vel qui mane natus eſſet, vel à Sabina lingua, qui mirum dicebant bonum. N. id est, *Numerius*, omnis cauſa à numeris dictus. P. id est, *Publius*, vel à pube, quod gratus populo. Q. id est, *Quinctus*, ab ordine nascendi. T. id est, *Titus*, vox Sabina, vel ut alii volunt, a tuendo, quod patriam tuerentur. Duabus literis ſcribuntur quatuor. AP. ut *Appius*, Sabina vox ab Attra Claſſo. CN. *Cneus*, à nævo corporis quaſi nævus. SP. *Spurius*, a cauſa pudenda, quia Sabinis ſpurium, dicta pars, qua ſcœmina eſt. *Ilidorus, lib. 4. Etymol. & Plutarchus, in cauſis.* Alias dicebatur *Favonius*. TI. *Tiberius*, qui ad Tiberim natus. Tribus literis hæc tria. MAM. id est, *Mamercus*, prænomen gentis Æmilii, dictum à Mamerte, quod Oſca lingua Martem ſignificat, authore Feſto. SER. id est, *Servius*, à Servo, quod qui primus id prænomen tulit in ſervitute natus eſſet. SEX. id est, *Sextus*, ab ordine nascendi. Et hæc de 18. prænominibus, quæ maxime ſunt in uſu. Sunt alia in veteri hiſtoria, aliquoties obvia, ut *Anchus, Arvius, Lar, Hoſtius, &c.*

DE NOMINE.

Nomen dicimus, quod perpetuum eſt in aliqua gente, & Prænomen ſtatim ſequitur. Reſpondet Patronymicis Græcorum, notante Priſciano, *libr. 2.* Et ut illi *Æacidæ* ab *Æaco*, *Theſidas*, à *Theſeo*: ſic Romani *Julius* ab *Iulo*: *Antonius* ab *Antonio* dixerunt. Itaque res digna nota, exceptis admodum paucis, omnia nomina gentilia apud Romanos in jus deſinere. Pauca quæ excipio ſunt, *Peducaus, Poppæus*, & fortaliſſ *Norbanus*, quanquam verius ſit hujus familiam ignorari, quam ut *Norbanus* fuerit nomen. Nomina omnia gentilia ducta vel ab hominibus, vel ab animantibus, vel à locis, vel ab eventu.

DE COGNOMINE.

Cognomen est, quod familiarum discernendarum causa tertio loco post nomen ponitur, id repertum a variis causis, quas omnino. Hoc noto, cognomina hereditaria fuisse, sed ita, ut mutari a posteris, & nova sumi fas fuerit. Noto hoc amplius, præter cognomen, & tribum solere addi semper auferendi casu, ut C. Verres Romulea; & Servius, Sulpitius Lemonia.

CAP. II.

De Liberatorum & Servorum nominibus.

QUÆ dixi, pertinet ad ingenuos, addam de servis & libertis. Servi antiquitus non à suo nomine, sed Prænomine domini vocabantur; ut Lucipor, Publipor, Marcipor, id est, Lucii Puer, Publii puer, Marci puer. Quintilian l. 1. & Plin. lib. 33. c. 1. Exolevit ille mos & obtinuit, ut uno saltem nomine, seu Græco seu Latino vocarentur. Et plerumque à patria, ut Davus, Syrus, Geta, iidem manumissi, in nomina Dominorum veniebant, cognomine excepto; loco cognominis vetus suum nomen retinebant; ut Marcus, Tullius, Tyro, Ciceronis libertus. Marcus Lucius Antonius. Quod idem socii & extranei servabant, ut cujus beneficio in civitatem Romam venissent, nomen ejus ferrent, & prænomen, & apud Ciceronem exempla, & historicos obvia.

CAP. III.

De nominibus fœminarum.

Vetustis temporibus & fœminas prænomena frequentasse, author est Varro, unde Caja, Cecilia, Lucia, Volunina. Progressu temporis constat non usas, sed tantum gentis nomine, vel integro, vel molliter inflexo appellatas, nec cognomen usurparunt, sed discriminis causa, ubi duæ sorores essent, servarum, ut altera Major diceretur, altera Minor. Ubi plures, Prima, Secunda, Tertia, Quarta, Quinta. Vel per diminutionem Secundilla, Quartilla, Quintilla.

CAP. IV.

De Nomine adoptivorum.

NEC aliud in nomenclatura Romana intricatum, præter adoptionem, per quam qui alterius familiæ fiebant, in omnia nomina transibant adoptantis, in Prænomen, Nomen & Cognomen; tantum ut priscum genus testarentur. In fine cognomen addebant, aut nomen; si cognomen, integrum servabant; si nomen; mutatum & inflexum. Exemplum servati cognominis, Marco Junio Bruto, quem adoptavit Q. Servilius, Cepio, Agalo: dictus igitur post adoptionem, C. Servilius, Cepio, Agalo, Brutus. Exemplum inflexi nominis, in C. Octavio, qui quoad adoptionem dictus C. Julius Cæsar Octavianus.

Finis Tractatus IV. de Nominibus Romanorum.

JUSTI LIPSII,

De Ritu Conviviorum apud Romanos.

TRACTATUS V.

Convivendi mos apud Romanos, ut illustretur, tria sunt dicenda, Tempus, Locus, Modus. Ad tempus **TEMPUS** pertinet, quoties sumpsert cibum, & quando.

Antiqui, si Festo credimus, ter sumpsisse cibum in die videntur; unde jentaculum five prandiculum, cibus qui mane; prandium five merenda, qui medio die; coena five Vesperna, qui sub Vesperam capiebatur. Si Nonio Marcello, quater, qui merendam a prandio distinguit, & post meridiem collocat. Sed equidem nomina potius ista usitata Romanis crediderim, praesertim Comcediis Palliatis, quam rem ipsam. Bis enim tantum sumpsisse cibum videntur, prandio videlicet & coeno. Excipio pueros, & si qui erant dissoluti luxus: quanquam & prandia ipsa modica erant, & semper solitaria sine convivis. Salustius, ad C. Caesarem de Repub. ordinanda. *Oratione*, id est, *asperit*, notat eos; quibus *bis die*, inquit, *ventrem onerare, nullam noctem sine scorto quiescere mos erat.* Et Suetonius, in *Vitellio*, cap. 53. tanquam rem summae luxuriae observat, quod epulas trifariam semper, interdum quadrifariam dispartiebat, in jentacula, prandia & coenas, commensationesque. Sed ne Celsus *lib. 1. cap. 3.* quidem prandium ut ordinarium agnoscit, & tenue id fuisse indicat his verbis. *Hyeme*, inquit *si quis prandet, utilius est exiguum aliquid, & siccum sine carne, five potione sumere: Aestate vero & potione & cibo corpus saepius eget.* Ideo prandere quoque commodum est. Coena igitur praecipua convivii pars, cujus hora eadem fere quae moribus nostris merendae, scilicet hora nona. Cic. Epist. ult. lib. 4. ad Famil. *Accubueram*, inquit, *hora nona, cum ad te exemplum harum literarum, &c.*

Martial.

Imperat exstructos frangere nona thoros.

A qua

Aqua hora cœnæ, dictam putant Grammatici annonam, res edules accommodatas ad nonam horam. Quanquam homines frugales sæpe expectabant occisum solis: contra, homines voluptuarii, horam nonam præcipiebant: ut illa apud Juvenalem, *Exul ab oīstura Marius bibit*. Quæ convivia festinata, nisi fallor, antiqui tempestiva dixerunt, tanquam nimium tempori inita, & in vicio ponebant, ut Cicero, *pro Muræ. pro Arch. lib. 4. Ad Attic. & Seneca, libr. 2. de tranq. cap. 28*. Sicut intempestiva illa, quæ protrahantur in multam noctem, aut usque ad diem vel lucem. Hæc de tempore. Locus, in quo convivabant, triclinium dictus, scilicet à numero lectorum, qui circa mensam vulgo sternerbantur; etiam biclinium apud Plautum est, & ἐξακλίσιον in Athenæo, & Martiali legimus. *Et testitudine mensus quater ἐξακλίσιον*. Invenit citro non satis esse suo. Ubi tale ἐξακλίσιον pro mentis ipsis positum videtur, ut triclinia apud Plinium, *lib. 34, cap. 2. & 3*: Pro triclinio posterior ætas cepit usurpare Sigma, cujus forma videtur fuisse εἰμυκύλας, aut lunatæ testudinis Martialis.

Accipe lunata scriptum testudine sigma.

Et alibi.

— *Septem sigma capit, sex sumus, adde lupum.*

Lampridius, in Heliogab. Sigma de croco stravit cum summos viros invitasset ad prandium. Sydonius.

Mos erat his Dominis hybernium sigma locare.

Errat Brodæus *lib. 3. Miscel. cap. 4.* qui mensam ipsam eo nomine dictam censet. Sed & locus in quo cœnabant, Diæta dictus est, *διαιτῶμας*, id est, vivo sive verfor; vel ut Varro vult, quod in ea per diem edatur. Sueton. in Claudio, *cap. 10.* & Jurisconsulti sæpe, ut L. 43. de legat. L. penult. de donat. inter vir. & uxor. Plinius in Epistolis, Lampridius. Zetam vel Zeteculam appellant, pro Diæta, more Græco scilicet apud quos Dores (pro δῖ) usurpant, ut *δαβάλλα* pro διαβάλλα. Nec plura de loco: transeo

MODUS. ad modum. Romani initio sedebant ad mensam. Servius ad illud Virgilii.

Perpetuis soliti Patres considerare mensis.

Majores, inquit, nostri sedentes epulabantur; quem modum habuerunt à Lacombis & Cretensibus; ut Varro in libro de vita populi Romani. docet: & similia Isidorus l. 20. cap. 2. qui idem apud Græcos antiquitus fuisse, ex variis Homeri locis apparet, & Athenæo *lib. 8. cap. 13*. Sed paulatim crescentibus deliciis exolevit sessio; & in ejus locum successit accubitus, non solum apud Græcos & Romanos, sed etiam Afros & Barbaros, discimus ex Livio, *lib. 20. de Scipione Afrudrale*, cœnantibus apud Syracem. Porro forma accumbendi, representari sic potest. In cœnaculo mensa collocabatur rotunda; magni-

magnitudine circiter quatuor pedum, raro amplior: *ex Plinio lib. 13. cap. 15.* circa eam tres lecti, auleis, purpura aut alia veste stragula interfecti, pro opibus cuiusque. In eos convivæ recumbebant, sed prius politis calceis, ne lectum conspurcarent, quos iterum sumebant abituri. Hinc illa apud Plinium in Epistol. *Quam multi, cum lector aut Comædus introductus est, calceos poscunt, ut non minori cum tædio cubant?* Martialis.

*Depositis soleis, ad fertur protinus ingens
Inter lactucas, oxycarumque liber.*

In uno autem lecto terni aut quaterni jacebant. Hor.

Sæpe tribus lectis videas canare quaternos.

Si plures, sordidum id habebatur & Plebejum, Cicero, in Pison. *Nihil apud hunc lautum, nihil elegans.* Græci quini in lectulis stipati. Ita fiebat, ut ex una communi mensa raro plures quam 2. vescerentur; unde illa *Sodexæ* & coena apud Sueron. in Aug. c. 70. Imo viri principes aut honestiores in uno lecto soli aut bini accumbabant. Et notat in Trajanum quasi novum Xiphilinus, quod sæpe quartus discumberet, id est, cum tribus aliis in uno lecto. Quod si plures quam 12. convivæ vocarentur, plures mensas & triclinia terni moris erat, ut apparet ex Macrobio; lib. 3. Satur. cap. 13. & ex Plutarch. in Casare, qui ait: *Populum Romanum ab eo tricliniorum viginti duobus millibus exceptum.* Modus accubitus hic erat: jacebant reclinata superiore parte corporis in cubitum sinistrum, inferiori in longum porrecta & jacente, capite leviter erecto, dorso pulvillis modice suffulto. Et primus quidem discumbebat ad caput lecti, cujus pedes porrigebantur juxta dorsum secundi. Secundus pulvillo interjecto, decumbebat ad umbilicum primi, pedes extendebantur ad dorsum tertii, & sic deinceps. Ex hoc decubitu manavit summus locus, medius & imus. quorum frequens mentio apud Historicos & Poëtas. Dignitatem si quaerimus, dignissimus inter lectos medius: & eum eodem lecto, loco, item medius: Inde Virgilius 1. Æneidos.

Anleis jam se regina superbis.

Aurea composuit sponda, medianque locavit.

Seneca lib. 2. de tranquillitate vitæ. cap. 10. eleganter. *Sermonem meum irrisit, aut palam averfatus est, & non in medio me loco, sed in o locavit.* Et alia hujusmodi notæ. Post hunc honoratissimus locus summus: vilissimus, imus, & hæc quidem accumbendi ratio vulgaris inter omnes fuit. Excipio pueros & servos. Pueri enim ad sulcra lectorum sedentes, vescerantur. Tacitus de more Britan lib. 13. Ann. Sueronius in Claud. cap. 32. & in Aug. c. 64. *Servi in subselliis juxta lectum.* Plautus in Stichio. *Potius in subselliis civium accipiemur, quam in lecto.* Et in Persa. *Scis tu me esse imi subselliarum?* Donatus in vita Terent. *Jussus, inquit, Cæcilio recitare: ad cœnandum cum venisset, quod erat contemptiore vestitu subsell*

juxta lectulum residens, legisse dicitur. Post paucos vero versus, invitatus ut accumberet, cenasse una. Seneca, lib. 2. de tranq. vit. cap. 15. Sed & Foeminae antiquitus vetabantur accumbere. Valer. Max. lib. 2. cap. 1. *Feminae*, inquit, cum viris cubantibus sedentes convivabant. Quae consuetudo ex hominum convictu ad Deos penetravit. Ilidorus, lib. 20. cap. 1. Qui tamen mos jam ante Ciceronis tempora exolevit, ut apparet ex libro quinto, ad Attic. Epist. 20. Ex Ovidio, Propertio & Poëtis. Postremo etiam, viri in lectu aut militia abstinebant accumbere, Plutarchus in *Cato. Uticens.* observat, illum post bellum civile, nunquam nisi sedentem coenasse. Et Spartianus in *Hadrian.* author est, illum triclinia omnia abstulisse e castris. Etiam Cæsar, lib. 3. de bel. civil. luxuriæ notam interpretatur quod in castris Pompei triclinia strata reperisset. Hæc de accubitu Romanorum. Addo corolarii loco, eundem accumbendi morem in Judæa fuisse, Christi temporibus. Apparet clare ex Joanne, cap. 13. scribentis, recubuisse se in sinu IESU. Et Lucæ, c. 7. de muliere peccatrice, quæ stans à tergo lavit pedes Christi. Et ejusdem c. 23. 18. *cenaculum stratum* nominatur, quod de lectis capendum. Docent & verba ipsa, quibus in re convivali perpetuo utuntur Evangelistæ, τὸ ἀνακείσθαι, καὶ τὸ ἀνακλίνειν.

Finis Tractatus de Ritu Conviviorum apud Romanos.

JUSTI LIPSI

De Censura & Censu.

TRACTATUS VI.

Censum Censionemve distinguo proprie à Censurâ. Censûs enumerationem populi, æstimatione facultatum continet; Censura ad iudicium & animadversionem in mores etiam pertinet. Censûs id fere est, quod Græcis *ἐπιγραφὴ* dicitur. Censurâ, quod *τιμωρις*. Ille sub regibus Consulibusque aliquandiu fuit; hæc cœpit Romæ Ann. Urb. demum 311. De utriusque origine & modo ordine videbo. Censûs à Servio Tullio institutus, anno regni sui 12. utilissimo invento, cuius tamen gloria penes Solonem, qui Athenis discriminandi populi causa quatuor classes fecit, sive, ut Plutarchus & Aristoteles appellant, *τιμήματα*, in quibus cives omnes pro opibus divitiisque ordine censerentur. De quibus Plutarchum omnino vide, in *Solone*. Id exemplum non dubie secutus Romanus Rex; numerum tamen classium auxit; sive quia major populi multitudo, sive discriminis subtilioris causa, & ut cuiusque opes magis distincte apparerent. Fecit classes sex, ut Dionysius & vulgus numerant, etiam Tubero apud Angellium. l. 10. c. 28. quinque tantum recenset, nulla ratione habita ultimæ classis; quam & Livius Centuriam tantum appellare videtur. His classibus eos tantum comprehendi, qui arma ferre possent, recte apud Livium Fabius Pictor notavit, apparetque ex classium descriptione ipsâ, in qua semper mentio telorum & armorum.

Classium Typus memoria causa hic esto.

Prima classis, quib. in Censu centum millia æris, aut supra, i. pecuniæ nostratis.

circiter coronati mille.	{	Arma iis omnia ex ære	{	<i>Galea.</i> <i>Clypeus.</i> <i>Ocrea.</i> <i>Lorica.</i>
		Tela { <i>Hæsta.</i> <i>Gladius.</i>		

Distributa hæc classis in Centurias 80. Quadringenta seniorum, totidem juniorum. Juniores intellige ex Taberonis sententia ab anno 17. ad annum 45. supra Seniores. Adjicit huic Classi Livius centurias duas. Fabrorum, sine armis; qui machinas bellicas (ex autem prisca è ligno) gestarent, fabricarenturque, à quo ritu in militia Romana semper Præfecti fabrorum. Dionysius paulo diversus, centurias eas secundæ classis adscribit; ita tamen ut ad primæ Classis usum essent. Seniorum una; Juniorum altera.

Secunda Classis, quibus in Censu. 75. millia æris aut supra, usque ad 100000. id est, nostratis pecuniæ, coronati septingenti 50.

Arma his {	<i>Galea.</i> <i>Scutum.</i> <i>Ocrea.</i>	{	Tela. {	<i>Hæsta.</i> <i>Gladius.</i>

Quod Livius ait, *Scutum pro Clypeo imperatum*, videtur, pugnare cum eodem scriptore lib. 8. ubi clypeos Romanis attribuit dum post reges exactos. *Clypeus*, inquit, *antea Romani usi, deinde, postquam facti sunt stipendiarii, scuta pro clypeis fuere*. Sed hoc qui cum necesse est de prima classe, quæ sola clypeos habuit Servii instituto, & posuit postquam stipendia militi è publico data. Ann. Urb. 347.

Distributa in Centuriis 20. Decem Seniorum, totidem Juniorum.

Tertia Classis quib. in Censum 50000. æris, nostra pecunia coro- nati 500.	{	Arma { <i>Galea.</i> <i>Scutum.</i>	{	Tela. { <i>Hæsta.</i> <i>Gladius.</i>

Distributa in Centuriis 20. eodem discrimine, quo prior.

Quarta Classis quibus in Censu 25000 æris, nostra pecunia coron. 250. } Arma. } Scutum.
Tela. } Gladius.
Verutum.

Distributa in Centurias 20. Seniorum, Juniorumque.

Quinta Classis quibus in Censu 10000. ær. nostræ pecun. coron. 110. } Arma iis nulla. Ideoque velati dioti. vide Festum.

Tela, Funda, & Lapides, ut Livius ait. Vel ut Dionys. *οὐννία καὶ σφενδύνη*. Distributa in Centurias 30. Seniorum Juniorumque. Huic autem Classi Livius accenser 3. Centurias, Cornicinum, Tubicinum (male in Livio Tibicinum) Accensorum. Dionysius contra in quartam rejicit, Centuriasque tantum facit duas, ut opinor, recte. Itaque in Livio corrigendum.

Sexta, non Classis re vera sed Centuria tantum fuit. In ea censi omnes quibus infra 11000. æris, cum discrimine tamen aliquo, ut quibus 1500. aut supra æris esset, id est, 15. coronati, Proletarii dicerentur, quibus infra. Capite censi, Hi a Tribunis & milita diu immunes. Vide Agellium, *lib. 16. cap. 10.* Hæc classium divisio, ac telorum armorumque quod ad pedites quidem attinet, nam ad primam classem adiecti etiam equites, quorum Centuriæ 18. iis dena millia æris data, id est, 100. coronati, Livius ad equos emendos scribit, nec satis definit in Centuriæne, an in equites singulos, Eiusdem hæsitantiæ quod in eodem sequitur, viduas iis esse attributas, quæ bina millia æris in annos singulos penderent. Varro *lib. 7. de ling. lat. sub extr.* certe equum publicum mille assium fuisse clare indicat, non bis mille. Ista ad Livii mentem (nam Dionysius ab eo in summa pecuniaria leviter dissentit, itemque Plinius *lib. 13. cap. 3.* & Agellius *lib. 7. cap. 13.*) de classibus sint dicta, quarum institutio magnæ prudentiæ, magni usus in Rep. fuit. Primum ad tributa, quia ut noster Livius ait, hac ratione a pauperibus onera in dires inclinata, quod facile intellectum. Cum enim essent in universum Centuriæ 193. ex iis prima classis quæ divitum erat, 98. habebat. Itaque tributo imperato, & æqualiter in centurias diviso, plus quam media tributi pars, a prima sola pendebatur. Reliquæ enim omnes classes Centurias tantum habebant 95. & a Centuriis ipsis capita plura. Alter classium usus ad Comitio,

id est, ad summam Rempub. fuit, ad leges ferendas, ad bella ad pacem, ad Magistratum creandum, &c. Ita ut vis omnis (ut, ait Livius) penes primores civitatis esset, Cum enim suffragia non viritim, sed per Centurias numerarentur, vinceret autem Centuriarum numero sola prima classis omnes reliquas; clarum, penes illam summam Reipub. fuisse, plebe callide & sensim ab administratione exclusa. Classibus ergo, Centuriisque ita distributis, ne quis extra eas dolo malo remaneret, legem tulit de Incensis: uti quicumque civis Romanus nomen opesque suas ex fide non retulisset, ipse & bona ejus publice vanirent, quod etiam, prater Dionysium Zonoras observavit, solum pœna, sed etiam religione Censum sanxit firmavitque. Instituit enim ut post Censionem certo die, in suis quisque classibus Centuriisque cives omnes ornati instructique in campo Martio adessent. In campo Martio dico: semper enim lustrum conditum ibi, etsi Censum ipse interdum in foro habitus, vel in villa publica plerumque. Ibi solenni sacro, triplicique victima (suam, ovem, taurum fuisse convenit, unde *Suovetaurilia* vel *Solitaurilia* dicta) exercitum lustrabat cum precatonis carmine, *Ut, Dii. P. R. res meliores ampliorisque facerent.* Etsi ea verba verecunde postea P. Scipio Africanus Censor immutavit. Valerius *lib. 4. cap. 1.* Dæ Læ id sacrum factum, quam purificationibus expiationibusque præfectam ex eo suspicor, quod Servius Tullius Rex, primus templum huic Dæ condidit, uti apud Tacitum *lib. 15. Ann.* ego quidem lego: nam vulgo ibi Lunæ, male, ut doceo in loco. Is in censendo finis, & a luendo ait Lustrum Varro appellatum. Nam Livii certe locus in etymo parum integer sanusque. Quod pro quinquennali deinde spacio usurpatum, quia in mutatione hominum facultatumque, opus iterata Censione sæpius fuit: institutumque ab eodem Rege, ut in quinquennali singulo Censu repeteretur, atque ita ipse deinceps quater lustrum condidit, authore Valerio *lib. 3. cap. 3.* Habes rationem quæ sub Servio, regibusque & Consulibus fuit (si enim Censum egerunt loco Regum) donec proprius huic rei inventus Magistratus; quem & utilitas suavit & necessitas; quia populus, ait Livius, *lib. 4.* per multos annos incensus fuerat, nec Consulibus, cum tot bella imminerent, operæ pretium erat id negotium agere. Ita creati Censores Anno urb. 311. sic dicti, quod ad eorum Censionem, id est, arbitrium populus censeretur. Varro *lib. 4. de ling. lat.* Neque enim primo morum disciplinæque regimen iis, ut opinor, datum, sed tantum censendi populi jus, uti sub regibus factum. Paulatim dignitas accrevit, & censura animadversioque in mores iis permixta, æterno Reip. bono. De tempore tamen tantæ rei nihil acceptum, nisi quod statim à creatis Censoribus id obtinuisse facile colligas ex Camilli

Camilli & Posthumii Censura apud Valerium *lib. 2. cap. 9.* quæ incidit in Ann. urb. 350. Munera Censorum præcipua quatuor, *Populi censio, Animadversio, Væstigialium locatio, Templorum, locorumque publicorum tuitio.* Censio eadem quæ sub regibus deque forma ejus, & solennibus verbis Censorum aliquid Varro *lib. 5. de ling. lat.* Animadversio, nota dicta proprie, quam inurebant jurati Censores, cujus quæ vis fuerit, ex Cicerone *lib. 4. de Rep.* colligas. *Censoris judicium*, inquit, *nihil fere damnato adfert, nisi ruborem.* Itaque omnis illa judicatio versatur tantummodo in nomine. Animadversio illa ignominia dicta est, quod tamen capies *πὸ τῷ πλεῖστον*. Nam multam etiam interdum imposuere Censores, uti Coelibatus, ut apud Valerium *lib. 2. cap. 9.* & apud Festum *in uxorium æs*. Animadversio hæc in tres ordines, triplex. Cuique enim ordini adimebant quod ei summum esset: Senatori curiam: Equiti, equum publicum, Plebejo suffragium. Id factum hac ratione. Censores numero & facultatibus populi cognitis, in Curuli sella sedentes Senatum primo legebant; in ea lectione, palam omnium, tam veterum quam novorum Senatorum nomina, à Scriba recitabantur. Cujus nomen primo recitabat, magno id honori habitum, dictusque eo lustro *Princeps Senatus*: cujus nomen omisum, Ignominia isque motus Senatu intelligebatur. Neque enim aliud, de qua agimus, Motio quam Præteritio & nota quædam tacita Censoris, quæ tamen per id lustrum Senatorum omni munere & dignitate Senatoria privabat. Paulo aliter in Equitibus obtinuit, qui singuli citati ad Censores, equum manu sua tenentes, accedebant: uti ex Plutarchi Pompejo, Suetonii Augusto, *cap. 28.* & Claudii nummis discimus: atque ibi, si omnia recta, traducere equum Censor jubebat; sin quid commissum, equum adimebat, id est, mille asses, ad equum alendum è publico attributos, itemque annulum aureum, & insignia ordinis equestris. At Plebeium noxæ alicujus compertum, aut tribu movebant, aut inter ærarios referebant, sive in Ceritum tabulas, id est, jure suffragii ferendi, & honore omnium civium privabant, oneribus tantum relictis. Tributum enim & æra ex censu nihilominus dabant, tanquam cives. Quo jure & Cerites olim erant, ex Agillio *l. 13. c. 23.* hæc discrimina plerumque interdum enim si culpa gravior, pluribus notis aliquis affectus reperietur: puta, ut Senator præteritus sit, & tribu etiam motus, item equis quo privatus, & in ærarios relatus, quod ex Livio Valerioque facile observabit non incuriosus lector. Causæ notarum, Coelibatus, orbitas, perjurium, æs alienum, infames libidines, aliaque probra, quæ suis legibus non vindicabantur. Vide Suetonium *in Clau. cap. 16.* Superest de væstigialium locatione, & cura templorum locorumque publicorum, quæ munera satis clara, & passim de iis apud

apud Livium; de creatione Censorum, & Ciceronem in Verri-
nis, & secundo de legibus, aliosque. Censorum autem imperium
primum quinquennale fuit, sed decennio post, quia nimia potestas
ea visa, lege Mamertii Æmilii Dictatoris annua, & semestris
facta est: quod postea servatum. Mansere in Republica Censores
ad tempora Imperatorum, qui intermiserunt, aut ipsi munera
Censorum, ut libitum, obierunt. Tentavit reducere Decius Im-
perator; ut Author Trebellius Pollio; in *Valer.* frustra, nec post
eum amplius Censorum in Republica nomen aut honos.

Finis Tractatus de Censura & Censu,

JUSTI LIPSI

*De Anno, deque ejus diversitate : item
Ratione intercalandi,*

*Ad histor.
Num. Pom.
Liv. l. 14
Dec. 1.*

TRACTATUS. VII.

ANnum varie derivant Grammatici. Sextus Pompeius à voce *ἔτος* deduci vult. Athenæus capit à circuitu temporis, quia præcis annus *Circum* significat. Quidam ab annovando, quod suo itu redituque cuncta nover, Verior Varronis opinio, qui annum quasi circulum dictum vult, quia, inquit, ut parvi circuli annuli sic magni dicebantur anni. Et bene Varro. Antiquitus enim unico N fuit scriptum *annus* & *anulus*, significavitque etiam eam partem, qua sedemus, & quam honeste filemus, ut Græce *ἀντὶ τοῦ*. Alludit ad id etymon Virg.

Atque in se sua per vestigia labitur annus.

Sunt Ægyptiorum Hieroglyphica, qui annum Draconi caudam suam mordenti assimilant. Annus autem duplex; *Naturalis*, & *Civilis*. *Naturalem* dicimus, cujus initium ad cursum Solis congruit, duodecim signa peragrans. *Civilem*, quem aliæ gentes alium atque alium constituerunt, quædam ultra Solarem cursum, multæ citra. *Naturalis annus*, unus est & uniformis & æternum sibi constans. *Civilis*, pro instituentium arbitrio varius fuit. Apud Ægyptios initio menstruus annus fuit, & unius mensis; ut Plutarcho in *Numa*, & Plinio lib. 7. cap. 48. placet: aut ut Censorino, bimestris: postea quadrimestris, ut Solinus author, cap. 3. Denique Solaris dierum 365. quem *κωνικόν* sive canicularem vocabant, quia initium ejus mensis est *Chanas* quo caniculæ sydus exoritur. Apud Arcades annus trimestris, juxta quatuor temporum vices. Apud Cares & Arcanates Semestris. Apud Hebræos mensium duodecim, ad Lunæ cursum, fallunturque profani homines, qui spacta longioris vitæ in sacra historia tradita referunt ad Ægyptiacos annos. In Italia apud Alaros annus decimestris. Apud Labinos mensium tredecim, quoniam constabat dies ter centum septuaginta quatuor. Nec anni solum diversi; sed & anni initia fuerunt, de quibus elegans Symplicii locus, in 5, *Phyf. Non natura*, inquit,

sed positione principia sicut, quæ faciunt anni principia. A solstitio æstivo, ut Athenienses. Ab æquinoctio Autumnali, ut qui nunc vocantur Asiaticam tenent. Vel ab Hyberno solstitio, ut Romani: vel ab Æquinoctio verno, quemadmodum Arabes & Damasceni. Hæc fere consensu traduntur. At de Romanorum annis, deque horum principio, non levis controversia est. Alii decimestres eos volunt; argumento originis, exemplo ab Albanis argumento item nominis, quia ultimus mensis December, quasi decimus dictus; Ianuarius enim & Februarius posterioribus adjectos. In hac sententia Livius, Varro, Ovidius, Censorinus & pleraque turba scriptorum. Nec prorsus abhorret à vero, quoniam & Græci plerique decem mensium annum habuerunt, ut Æoles, de quibus apud Aufonium illud ænigmaticum, in Epist. ad Theonem.

Aut Ver, aut Æolii, menses tenet ignicomus Sol.

Nec alium Homericum annum fuisse ut veteres Grammatici volunt, aut illud Neptuni, Nympham à se compressam aloquentis. Odyss. λ.

Χαίρε γύναι φιλοτάτη πει πλιμὲν δ' ἐνιαυτὸς
τέξεις ἄγλαα τέκνα——

Alii contra ab initio jam inde duodecem mensium annum Romanum faciunt: nec movent eos argumentum ab Albanis aut Decembri: quia Albanos censent, uti oriundos ab Asiaticis, duodecem menses habuisse, & Decembrem ideo sic dictum, quia decimus ordine. Primus enim Maximus fuit in honorem Creti prioris, decimo loco December, post Ianuarius & Februarius. Nec menses illos adjectos à Numa volunt, sed tantum confusum ordinem anni digestum collectumque. Tamen de ordine mensium qui nunc obtinet, irerum certamen est. Sunt qui Numæ id tribuant, qui ianuarium ab agmine ad principia reducerit, in honorem prisca Latīnorum regis Jani. Sunt qui Tarquinio prisco: ut, Junius, Gracchanus. Alii Decemviri, ut Ovidius, 2 Fast.

Postmodò creduntur spatio distantia longo

Tempora bis quini continuasse viri.

Quidam Consulibus primis, inter quos Plutarchus, quasi Ianuarius primus factus mensis, honoris & omnis causâ; quia tunc Consules primi creati restituta libertas. Abeo ipse; quanquam in re ambigua, in sententiam Ovidii, aut certe Junii Gracchanii. Nam de Numa, ne credam, facit mensis intercalaris, quem rejicit in Februarium quasi ultimum anni; (ut dicam) Et Plutarchum erroris aperti damnat refugii dies, qui omnium consensu vel in sextum Calend. Martias, vel in septimum Calend. Junii incidit. Cæterum quomodo cumque ea res se habuit: & five duodecim Romuli; five decem tantum menses (cujus sententiæ esse me haud poenitet) illud constar, Romuleum annum, mensesque turbatos fuisse, parum cum Solis & Lunæ

Lunæ congruentes. Ideo animum huic rei merito advertens Numa, siue suo, siue alieno ingenio doctior, ad Lunæ duodecim menses, ad numerum Græcorum fluctuantem reduxit annum, constituitque eum, ut Plutarchus sensisse videtur, dierum ter centum quinquaginta quatuor: vel ut Censorinus, Solinus & alii, ter centum quinquaginta quinque: præter omnem rationem impari tantum, ut aiunt, numero motus. Ita subventum imperitiæ Romuli: sed tantum in parte, nam cum ille ipse annus Lunaris exorbitaret à Sole, futurumque in progressu esset, ut Hyberni menses in æstatem, æstivi in hyemem inciderent; quæsitum huic rei remedium est à Numa, & inventum, Remedium intercalario fuit: & ea ipsi à Græcis. Nam Græci, cum ex traditione Hiparchi didicissent, solem ambire suum circum diebus ter centum sexaginta quinque: (quadrantis enim, qui redundat, nec à Grecis, nec à Numa habita ratio est: idque notatum ad intercalationem volo) viderunt clare deesse suo anno dies undecim, quos appellarunt *ὑπερβαίνοντα* seu transcendent, nec tamen aptum visum illis aut decorum, singulis annis dies illos inferere vel appendere: sed mensem potius novum reppererunt *ἐμβόλιμον*, quasi infititium vel immisissorium dictum, quem, diebus illis multiplicatis, ad finem tertii cuiusque anni adjiciebant. Ita ut annus tertius mensium esset tredecim; & mensis ultimus *ἐμβόλιμον* dierum triginta trium. Ita enim de Atheniensibus elegatur & clare verus Scholastes tradidit in argumento Orationis Demosthenis, *Contra Abrot.* Idque non paulo verius clariusque, quam quod Solino aliisque scriptum, solitos Græcos intercalare nonaginta dies, octavo quoquo anno Græcos igitur hic secutus Numa est: sed non vestigiis iisdem. Dupliciter enim dissentit. Primum, quod non tertio quoquo anno, sed secundo intercalavit dies viginti duos, ut clare discimus ex Plutarcho. Deinde qui non ad finem prorsus anni, sed adulto Febuario intercalavit, inseruitque suum mensem post Terminalia, id est, Februarii viginti tres dies. Nam ne prorsus abiret à Græcis, ultimum anni elegit quidem Numæ, sed novo exemplo mensem interruptit & divisit. Ita enim intercalabant Romani, ut inter vigesimum tertium & 24. Februarii diem, mensem interponerent intercalarem: coque exacto, reliquos quinque Februarii dies adjungerent, retento nomine sui mensis. Credo religione aliqua moti, ut Februarius, qui mensis Lustrationum purgationumque erat, omnino clauderet annum. Eum mensem infititium intercalarem posterior ætas dixit: Numa Mercidinum vel Mercidonium. Ea enim lectio Plutarchi est, & firmatur a Festo: quanquam viri docti ambigant, ne Intercidinus in Plutarcho scribendum sit, quasi qui intercيدات Februarium mensem, & diffindat. Et hæc è Plutarcho intercalandi ratio satis clara est. Manet tantum ille scrupulus in Livii verbis, quomodo vigesimo demum anno ad metam eandem Solis, unde exorsi essent,

sent, plenis annorum omnium spaciis, dies congruerit; Vigesimo, inquam, anno: Ita enim ex fide omnium librorum scribendum est, & quod in vulgatis legitur, *Vigesimo quarto*, manavit à Sabellici mente. At si dierum tercentum quinquaginta quatuor. Numæ annus; & intercalavit biennio quoque dies 22. manifestum, non vigesimo demum anno; sed biennio quoque parem fieri Solis & Lunæ annum. Intricatus hercle Livii locus: Et quo magis magisque cogito, labor illuc, ut cum Solino & Cenforino censisse Livium putem, quasi Numa constituerit annum ter centum quinquaginta quinque dierum, contra Græcos. Qui tamen idem Numa; cum parum perite undecim dies duplicatos intercalaret; eveniebat, ut ejus annus paulatim Solarem superaret, nona quidem intercalatione octodecim diebus. Iraque remedium à se huic malo petens Numa, vigesimo anno decimam intercalationem omisisse videtur: ut hi anni tanto breviores essent, quanto alii longiores. Atque ita cum quasi constitueret, staretque per biennium Lunaris annus: facile intellectu, quomodo vigesimo demum anno sublata inter Lunarem Solaremque disparitas, ut neuter vinceret aut vinceretur, Excipio tamen duos dies, qui adhuc ad plenum solarem annum desiderabantur: quorum rationem non habuit Numa. Et inde fortasse orti errores in anno & Fastis, quos Julius Cæsar cum studio correxit.

JUSTI LIPSI

De Anno, deque Anni Inter- calatione, declaratio alia.

ANnus apud Romanos triplex, *Romuli, Numæ, Caesaris.* *Romuli*, qui annorum peritior quam syderum, neque ad Lunæ, (ut Græci) neque ad solis cursum (ut Ægyptii) annum accommodavit, in quo menses decem fuerunt, dies tercentum & quatuor. *Numæ*, qui vitii manifesti *Romuli* annum correxit, additis mensibus duobus (Januario & Febuario) quem definivit diebus tercentum quinquaginta quinque: appositæ ad Lunæ cursum, nisi quod exuberat dies unus; nam Luna orbem suum diebus tercentum quinquaginta quatuor absolvit. Id *Numam* fecisse sive imperitiū, sive studio potius numeri imparis creditum est. Ita ad annum *Romuli* priorem unus & quinquaginta dies addidit. Sed cum hic annus Lunarum, ad solis cursum minime convenirent, necessario, exemplo Græcorum, introducta est Intercalatio, id est, dierum aliquot interpositio, quibus annus longior fieret, & solis iter æquaret. Intercalabant ex institutione *Numæ*, Pontifices biennio quoquo, idque alternis, modo 23. dies, modo 22. ut undecim illas dies & quadrantem, quibus Lunæ cursus à solari viacitur, adæquarent. Quod conveniebat pro parte, cum more Græcorum, qui singulis octennis dies 90. intercalabant: Non tamen cum veritate, quia *Numa* diem unum Anno suo temere & sine exemplo addiderat. Ita fiebat, ut octo annis redundarent dies 8. Emendavit hoc postea sive *Numa* ipse, sive Pontifices hoc modo, ut tertio quoquo octennio, non dies nonaginta, sed tantum sexaginta intercalarent, a que eo compendio redirent quasi in viam Dies illos viginti tres sive viginti duos, vocabant mensē intercalarem, fiebatque omnis intercalatio mense Febuario, post diem vigesimum tertium, id est, post Terminalia. Sed cum ne sic quidem confusio vitaretur,

vitaretur, vel fraude Pontificum (qui ut Publicanis gratificarentur, dies addebant & eximebant vel interdum omnis intercalatio, aut per religionem, aut per incuriam omitteretur. C. Cæsar Pontifex Maximus, tertio Cons. curam suscepit anni corrigendi. Isque adhibito in consilium Sofigene Ægyptio, astrorum perito, primum omnium ex Lunari solarem annum fecit, diebus decem ad Numæ annum additis: ita ut annus Julianus dies haberet ter centum sexaginta quinque. Non tamen intercalatio prorsus sublata, sed imminuta. Nam cum solus cursus constet diebus ter centum sexaginta quinque, & quadrante, id est, horis semis; fiebat ut quarto quoque anno, dies unus redundaret, quem (ne paulatim constitutionem anni iterum turbaret) placuit Cæsari, quarto quoque anno intercalari, mensis Februarii die vicesimo quarto: idque Bisextum vocarunt, quia bis numeramus sexto Calend. Martias. Dies decem, quos Cæsar addidit in menses septem sic distribuit, ut Januario, Sextili Decembri duos dies adjungeret: Aprili, Junio, Septembri, Novembri singulos. Cætera satis clara ex Suetonio ipso in Julio capit. 40.

F I N I S.

*Libri novi quos apud Abel. Swalle & T. Childe
venales prostant.*

J. Rohaulti Tractatus Physicus cum Animadversionibus A. le Grand.
Cui accessit de Arte Mechanica Tractatus Mathematicus. 8°.
Juvenalis & Persiæ Satyræ, cum Notis & Interpretatione, ad usum
Delphini. 8°.

Horatii Opera, cum Notis & Interpret. ad usum Delphini. 8°.

Corn. Nepos, cum Notis & Interpret. ad usum Delphini. 8°.

Pub. Merentii Comœdiæ, cum Notis & Interp. ad usum Delph. 8°.

Sub Prælo.

Cæsaris Commentaria, cum Notis & Interp. ad usum Delph. 8°.

T. Lucretius Carus de Natura Rerum, ad usum Delph. 8°.

Catullus, Tibullus & Propertius, ad usum Delphini. 8°.

Salustii Opera, cum Notis & Interp. ad usum Delph. 8°.

Eutropii Breviarium Roman. Hist. ad usum Delph. 8°.

fuit, in provinciis tantum terrarum habens, quantum nemo privatus. Quæsturam magnificentissime gessit. Ædilitatis suæ tempore populo Romano 12 munera, id est, per singulos menses singula, de suo exhibuit: ita ut gladiatorum nonnunquam 500 paria exhiberet, numquam minus 150. Feras Libycas una die 100 exhibuit, urfos una die 1000. & plura deinde animalium nominatim: quæ omnia populo rapienda concessit. Amplius de eo; in omnibus civitatibus Campaniæ, Hetruriæ, Umbriæ, Flaminia, Piceni, de proprio illum per quatrimum ludos scenicos & Juvenalia edidisse. Qui bene hæc tollit singula & pensitat, quique scit quid sit ludos olim edere; nescio quam trutinam reperiet ad tot illa ponderanda aut æstimanda.

LIBER III.

DE OPERIBUS ROMANIS.

AD Opera ducimur, quæ ordine sequuntur. Duplicitas autem ista Romana Opera: *Temporaria*, & *Diurna*. Illa, quæ subito & in breve tempus aliquod excitabantur, è terra aut ligno plerumque. Ista longum, & mansura, è latere, lapide, & materie firmiore.

DE OPERIBUS TEMPORARIIS.

Temporaria iterum duplicitas: *In militia*, & *extra eam*; atque utraque merentur justam admirationem. Nam si Militiam videas, quis Fossas, Vallos, Aggeres, & talia terrea; iterumque Materialia, Turres, Testudines, Musculos, Vineas, legir, tam multa, tam crebra; & aut industriam, aut vires hæc patrantium, non æstimet & admiretur? Sive extra eam quædam in voluptatem aut splendorem structa; quomodo idem affectus non infuset animo vel irumpat? De Militaribus jam dictum in libris *De Militia Romana*, & *De Machinis*. Igitur pauca ex civilibus tangam.

Inter Opera civilia ludicra præcipue fuere; ut, Theatra, Amphitheatra, Circi, & magnæ ejusmodi moles, structæ sæpe in paucos dies, & pene ut deicerentur. Duo exempla in Plinio, etiam cum ejus, qua tam multa admiranda viderat aut legerat, nimia admiratione. *M. Scaurus in Ædilitate sua fecit opus omnium maximum, quæ unquam fuere humana manu facta. Theatrum hoc fuit. Scena ei triplex, in altitudinem 360 columnarum. Ima pars scenæ è marmore fuit, media è vitro, inaudito etiam postea genere luxuriæ. Summæ tabulis inauratis columnæ; ima 38.*

pedum. Signa area inter columnas fuerunt 3000 numero. Carvea ipsa cepit hominum 80000. Sed & reliquis apparatus tantus, Attritione veste, tabulis pictis, cæteroque choragio fuit, ut in Tusculanam villam reportatis, quæ superfuerant, quoridani usus delictis, incensa villa ab iratis, concremaretur ad HS bis milles, id est, 5000000 Philipp.

Alterum exemplum ex eodem Plinio, qui jam dictis subnectit: *Aufert animum, & à destinato itinere digredi cogit contemplatio tam prodigæ mentis, aliâque connecti insaniam è ligno.* C. Curio, qui bello civili in Cæsarianis partibus obiit, funebri patris munere, Theatra duo juxta fecit amplissima è ligno, cardinum singulorum versatili suspensa libramento, in quibus utriusque, autem meridiano ludorum spectaculo edito, inter sese avertis, ne invicem obstreperent scena: & repente circumactis, ut contra starent: postremo jam die, discedentibus tabulis, & corvibus inter se coenatibus, faciebat Amphitheatrum & gladiatorum spectacula edebat, ipsam magis auctoratum Populum Romanum circumferens. Quid enim miretur quisque in hoc primum? inventorum, an inventum? artificem, an auctorem? ausum aliquem hoc excogitare, an suscipere? Super omnia erit populi furor, sedere ausi tam infida instabilique sede. Ecce Populus Romanus universus, velut duobus navigiis impositus, binis cardinibus sustinetur, & se ipsum depugnantem spectat, periturus momento aliquo, luxatis machinis. Diserte ista Plinius, & culpans simul ac laudans.

Plura hujus generis passim, sed in circumfusa rerum copia, excerpimus pauca & eligimus. C. Caligula pontem struxit in ipso mari navibus impositum, magnitudine trium miliarium & quadrantis: id est, toto illo spacio, quantum est à Puteolis ad Baulos. Per hunc triumphantis ritu cum Senatu militibusque incescit, spectante toto populo; in eodem epulatos, noctem etiam pervigilem egit, inter lascivias & ludos. In paucis etiam diebus pontem hunc totum structum narrant; immensum opus perpendenti, sed cui laudem vanitas detrahit: nam quo fine structum, nisi ut destrueretur?

Caracalla, quem alterum Caligulam licet dicere, non suis solum, sed alienis opibus proterve abusus, cum adigeret homines Senatorii ordinis, quoties Roma egrederetur, domus & prætoria varia struere, item diversoria splendida, etsi in plerisque non solum non æturus hæsurusque erat, sed nec ea visurus. Amplius, ubicumque hyematurus erat, aut etiam putabatur hyematurus, cogebantur Amphitheatra & Circos struere, nec in sumptum quidquam ab eo capientes; & ea ipsa mox diruenda.

I N D E X

R E R U M & V E R B O R U M.

A.

A ccensi, sive rorarii, qui	45,	Almo fluv.	311
horum arma	46	Ambitus castrorum quantus	79
Aciei ordo 59. formæ variæ		Ambulatio militaris	92
64. adjuncta	65	Amentare quid, & significationes	
Achis	121	ejus variæ	121. 122.
Additus quid	132	Amentum	<i>ibid.</i>
Adnumium	261	Amphitheatrum & ejus synonyma	
Ædiles curules quando primum e		127. forma 129, origo 128,	
plebe creati	2	gradus 131, præinjectiones	<i>ibid.</i>
Ædiles aucti 15 eorum officia	<i>ib.</i>	aditus viæ	132
Ædiles eburneas habuere sedes	<i>ib.</i>	Amphitheatra quibus Dii sacra	
Ædiles quo ætatis anno creati	5	127, 128	
Ædilium nomen, origo, & gene-		Amphitheatrum Titi 138, ejus ca-	
ra	17, 18	pacitas, altitudo	129
Æneatores, qui	67	Andabataræ qui	147
Ærarium militare	165	L. Annæi Senecæ domus	295
Æstiva quæ	70	Annalis lex quando lata 3, ea eti-	
Ætas Senatoria	7	am in Provinciis	7
Agger quid	78	Annonæ militum	94
Agger 110, ejus materia	<i>ibid.</i>	Annonæ vilitas Romæ	217
altitudo	<i>ibid.</i>	Antesignani qui	60
Aggeres evertendi ratio	125	Antipagmenta quæ vocata	97
Agmen duplex	88, 89	Apollinis Palatini porticus	302
Agonius mons	261	Aqua quæ in cura Vestalium	238
Ala quæ in legione 39. quot &		Aquæ ductus 196, eorum multitu-	
qui in ea equites	<i>ibid.</i>	do	<i>ibid.</i> Catalogus 315
Albula olim, qui nunc Tibris	310		& <i>seqq.</i>
Allocutio imperatoris quid	65	Aquæ ductus Claudii	196, 197
Allicetina aqua	317	Aquæ religiosæ in Urbe	311
		Aquarum Curatores	197
		Aquarum ornamenta in Urbe	311
		A	Aquila

I N D E X.

Aquila in summo, scepro eburneo		
	11	
Aquila una in legione, ejus origo,		B.
forma, custodia 60, 61. quan-		
do in terra defigebatur	<i>ibid.</i>	
C. Aquilii domus	294	
Arancarum collectio Romæ	184	
Arcuum triumphalium, qui Romæ,		
descriptio & catalogus	308, &	
	<i>segg.</i>	
Arena amphitheat.	127	
Arena varius ornatus	129	
Aries triplex	113	
Arietis finis	<i>ibid.</i>	
Arietis origo & nomen	112	
Arietis remedium	126	
Arma duplicia	45	
Arma versa quid velint	150	
Armilla, sive Phiala	96	
Armifalii	92	
Arquites	122	
Arx Britannica	92	
Ascensum impediencia	123	
Asia quantum tributum Romanis		
pependerit	163	
Assensus & dissensus signa in allo-		
cutione principis	66	
Attici domus	294	
Auctorati qui gladiatores dicti		
	145	
Auctoramentum & auctoratio,		
quid	<i>ibid.</i>	
Augusti profusio in ludos	172,	
largitiones	175, 176	
Aventinus mons	259	
Aureis calceis induti Consules	12	
Auri coronarii exactio	170	
Aurum coronarium quid	169	
Auspicialis dies qui appellatus	12	
Amus ejusq; diverfitas	357, origo	
Anni initium	358, divisio	<i>ibid.</i>
ratio intercalandi	359, Anni in-	
tercalationis declaratio alia	361	
Assis	338	
		B. Albi divitiæ 178
		Ballista quid, origo ejus, no-
		men, vis, usus, forma 114,
		115
		Ballistarum remedia 126
		Balnea 192
		Balnearum historia 318
		Barritus quid, & ejus origo 68
		Batavi equites & pedites 157
		Batualia, vulgo Battalia, & batu-
		ere, quid 143
		Bellum Punicum 209
		Beneficarii 79
		Bestiis objecti in cruce pendentes
		230
		Bibliotheca tria significat, ejus
		origo, & quis primam struxe-
		rit 242
		Bibliothecæ Ptolomæi & Cleopa-
		træ 242, Græciæ 243, Perga-
		mena, <i>ibid.</i> Romanæ 244
		Bibliothecæ quare in thermis po-
		nerentur 245
		Bibliothecæ, regię propinquæ
		246
		Bibliothecæ variorum 245
		Bibliothecarum imagines 246
		Bibliothecarum ornatus <i>ibid.</i>
		Bipennes 121
		Bis de milites sumpserunt cibum
		95
		Bitumen in ascendentes effusum
		123
		Breves 30
		Buccina 67
		Buccellatum quid, item bis coctus
		panis 87
		Buccularii qui, & bucculæ
		53
		Bustuarii gladiatores 138
		Byzantini imperii opes 167
		Byzantinum vestigal <i>ibid.</i>
		C.

I N D E X.

C.

C		Aballinus mons, qui alius Quirinalis	261	Catapultarum remedia	126	
		Cæsareæ Cappadociæ frequentia	183	Catearum descriptio	121	
		Cæsaris as alienum	174	Catervarii pugiles	148	
		Cæsaris miranda opera in obsidione oppidi Atvatisorum	90	Cathedra	133	
		Cæsaris dona in Senatos 175, in milites, <i>ibid.</i> in populum <i>ibid.</i>		Cavea quid	127	
		Calones quarum proprie fuerint	88	Causæ detractandæ militiæ tres	32	
		Calvi oratoris & poetæ domus	294	Cellæ in ludis	141	
		Camera	133	Censio hastaria	98	
		Campi in Urbe Roma, suis quique nominibus appellati	289	Censor è quibus creatus	8	
		<i>& seqq.</i>		Censores unde dicti, & quando creati	27	
		Campidoctor	91	Censorum dignitas & munera	27, 39	
		Canaliculæ & earum usus	144	Census à quo institutus	27	
		Cancellarius	24	Census plebis Rom. incrementum	161	
		Candidatus Principis	<i>ibid.</i>	Centesimo	99	
		Capitatio quid	164	Centones	126	
		Capitolium	185	Centuria quot in legione	37	
		Capitolium duplex	<i>ibid.</i>	Centuriones unde creati & eorum electio	39	
		Capitolii capacitas & altitudo	187	Centurionum locus	62	
		Capitolii descriptio	185, 186	Centurionum triplex ordo, & promotionis ratio	40, 41	
		Capitolinus mons	259	Cervi quid proprie apud Virgilium	108	
		Capitum multitudo	165	Cervi valli, & eorum usus	108	
		Captivi in ludum dati 144. <i>& seqq.</i>		Cetra qui maxime usi	47	
		Caracallæ infania	180	Character regius qui appellaretur	36	
		Caro porcina distributa	172	Chrysargyrum	166	
		Castra duplicia, æstiva, hiberna	70	Cibi militares	95	
		Castrorum partes duæ, supera, infera	71	Ciceronis domus	294	
		Castra quomodo metarentur	89	Cinctati qui	36	
		<i>& seqq.</i>		Cippi quid	109	
		Castra scutis munita	80	Circenses navales unde exhibiti	178	
		Castella quid	110	Circuitio quid	85	
		Catapulta quid, nomen, origo, ea duplex	113, <i>& seqq.</i>	Circumvallatio quando adhibita	106, ejus vallum	107
				Circus Maximus 298. Flaminius	299. Floralius. Intimus. Neronis, Caracallæ Alex. Severi	<i>ibid.</i>

I N D E X.

Civium Romanorum numerus sub	Copiarum summa	158
Servio Tullo, sub primis Con-	Corbium usus	125
sulibus, &c. 161	Cornua in acie quæ, quot, & qui-	60
Clamor militaris 68, & seqq.	bus constabant militibus	67
Classis Misēnenis & Ravennas	Cornua quæ, & eorum materia	67
157, alia Forojulienſis: & alia	Clamorſ vis	68
item in Ponto 158	Coronæ cingere, quid	102
Classēs fluviatiles ubi <i>ibid.</i>	Corona civita, oblidionalis, mura-	97
Classicum quid 66	lis, castrenſis, navalis, rostrata	97
Claudii Imp. liberalitas 177	Corona templis dedicata, & Capi-	170
Cloacæ à quo structæ & cur 197	tolio maxime	170
Cloacæ in Amphitheatro 194, 195	Coryci, quid	122
Cluere antiquis purgare 291	Craſſi divitiæ	177
Cocura seu cocurra 122	Craſſi mirabilis fossa	91
Cœlius mons 260	Craſſi oratoris domus	294
Cœliolus <i>ibid.</i>	Crates quid, & earum usus	104
Cœnacula 185	Crates in ascendentes	124
Cohors prætorſ quæ 38	Crebrisurum Ennio quid	75
Cohors quid <i>ibid.</i>	Crista, quæ & apex diætæ, quid sit	53
Cohortes quot in legione <i>ibid.</i>	in galea	53
Cohortes vigilum unde institutæ,	Crocus ubi sparsus	135, 297
& quare 157	Crupellarii & crupellares qui	146
Collis hortulorum in urbe 262	Crucem damnati ipsi ferebant	224
Colonia, ejus auctor & causa &		222
utilitas 157	Crucis causa	222
Coloniarum numerus 160	Crucis divisio	220
Colosseum, spectaculi locus 127	Crucis infixio	<i>ib.</i>
Columnæ 199	Crucis nomina apud Græcos	219
Commodi donum 177	Crucis significatio duplex, & no-	<i>ibid.</i>
Conquisitores qui 35	mina	<i>ibid.</i>
Consul quo ætatis anno creatus	Crucis supplicium servile	221
5, 6	Crux Christi quæ	<i>ibid.</i>
Consules ordinarii & suffecti 14	Crux S. Antonii	<i>ibid.</i>
Consules quot in anno 8	Crux ubi usitata	<i>ibid.</i>
Consules unde dicti 7, quando &	Cunei in Theatris, & eorum usus	132
quare creati 8, quamdiu eorum		64
potestas, & quanta 9	Cuneus militum	124
Consulum insignia 10	Currus contra ascendentes	<i>ibid.</i>
Consulares aliquot ritus 12	Cylindri.	351
Constantia Romanorum 208	Censura quid	<i>ibid.</i>
Contubernii utilitas 72	Census quid 351, origo	352, & seqq.
Coptæ quid 156	Censuum Clatēs	345
Coptæ Romanorum Provinciales	Cognomen	347, tempus <i>ibid.</i>
156. Urbanæ. <i>ibid.</i> clatice	Convivandi mos	<i>ibid.</i>
157	Locus 348. modus	<i>ibid.</i>

I N D E X.

D.

D ecimatio	99	gentilium fuere	277, & <i>Jegg.</i>
Decumæ	163	Dolabra	166
Decumana porta, quæ, & unde dicta	79	Dola cum lapidibus in ascendentibus sparsa	124
Decurionum numerus	43	Domus privatæ quales	198
Decurtio in armis 92, ejus usus	<i>ibid.</i>	Domum quorundam clarorum virorum, qua parte Urbis sitæ fuerint, catalogus	294, & <i>Jegg.</i>
Denarius	339	Dona Julii Cæsaris	174
Deorum dearumque, quorum quarumve templa Romæ fuere, catalogus	277, usque ad 293	Donationes Augusti	175
Defertor qui, ejusque pœna	63	Donorum commoda	97
Dictatoris origo, nomen, & quando creatus	24, 25	Draconarii	62
Dictatoris potestas, & insignia imperium ejus semestrem	<i>ibid.</i>	Draconis signa quæ, & eorum origo	<i>ibid.</i>
Dictator quo anno e plebe creatus	3	Duces sociorum	42, 43
Dictator quomodo creatus	25	Duces strenui	207
Dictaturæ nomen e republica sublatum	26	Duces, vel proprii sunt, vel communes	39
Dies auspicialis	12	Ducum stipendia	94
Dies aureus qui dictus	173	Duplicari qui	<i>ibid.</i>
Digitum tollere	151		
Dir, quibus Amphitheatra sacra	127		
Dilectus militum	30		
Dilectus duplex	31		
Dilectus externus	36		
Dilectus modus	31		
Dilectus peditum ex ætate Equitum	33		
Dilectus locus	31		
Dilectus sub Principibus	36		
Diludia	144		
Dimachærus	147		
Disciplina militaris quid	70		
Disciplina Vettalium	236		
Discrimen inter virgas & flagellum	223		
Distributio Testiæ	83		
Diyorum templa Romæ, quæ olim			

E.

E ditiores qui	137, & <i>ib.</i>
Editiores prætextati	147
Editioris tribunal	131
Elogia Senatus	202
Ennii Poëtæ domus	295
Equestris ætas	7
Equestris locus in theatris	133
Equitare quid significet	33
Equites Romani qui	202
Equites Romani triplices	203
Equitum duces	42, corpus duplex
Equitum dilectus	33, <i>ibid.</i>
Equitum excubiæ	82
Equitum locus	76
Equitum vexilla	62
Equus publicus quomodo daretur	33
Ergastula	36
Ericius militaris	124
Erogationum genera varia	105
Esedarii	147

INDEX.

Aquilinus mons 260, cur idem	Fiscales gladiatores qui	148
Suburanus & Excubinus dictus	Fistulae Amphitheatrales	81
	Flagellatio quando adhibita	224
Evocati qui	Flagellati ante crucem	223
Evocatorum locatio	Flammula quid	62
Exactio	Fluviorum Urbis historia	310
Exauhoratio	Fodinarum multitudo	100
Excubiæ ante portas	Fœnum Græcum contra adscen-	
Excubiæ pro Imperatore <i>ibid.</i>	sum	189
Excubiæ ubi & a quibus agantur	Fontium ornamenta in Urbe	312
	Forerius	89
Excusatio vitiorum in Romanis	Forfex, quæ & forceps	65
	Forma Amphitheatri	129
Excusatio luxus	Forma Prætorii	73
Excusatio sevitiz	Fora Urbis & eorum nomina	272
Exemplum fortitudinis L. Siciui,		<i>& seqq.</i>
nem Cassi Scavæ 206, & alio-	Forum Augusti	191, 273
rum exempla <i>ibid.</i>	Forum Græcorum, & Romanorum	
Exercitia militaria triplicia		189
Extar quid	Forum Julium	190
	Forum Nervæ & Trajani	191
	Forum in castris ubi	73
	Forum Romanum, & ejus varia	
	nomina	190
Fabri in castris necessarii	Fossæ	78, 108
Faces	Fraus Sulpicii Galbæ	210
Facies ex qua materia & in quem	Frequentia Romæ	183, & seqq.
usum	Frumentatio vetus Romæ	171,
Factiones aurigantium in circo	gratuita, quibus & quot dare-	
	tur	<i>ibid.</i>
Famina & quidem nuda, in are-	Frumenti distributio menstrua	<i>ibid.</i>
na		
Falces murales	Frumentum pedites accipiebant	
Fallaricæ quid		94
Falsa virtus jactata, morte punita	Frumentum unde coactum, etiam	
	equitibus datum, item locis	95
Familia gladiatorum	Funda quæ in ballista	116
Falces	Fundæ origo, materies, forma	118,
Falces per menses utrique Consuli	eadem missi lapides, glandes,	
præstabantur	ejus vis, <i>ibid.</i> variæ earum spe-	
Falces quot <i>ibid.</i>	cies	119
Ferentarii qui	Furca	228
Ferrum rasum in ascendentes	Furca & patibulum	<i>ibid.</i>
sparsum	Furcæ forma	<i>ibid.</i>
Pines potentiz Romanæ	Furcarum usus contra scalas	123
	Furti	

I N D E X.

Furti poena 93
 Fustibali origo & fustibalatores 119, 120
 Fustis è vite. 99

G.

GAlca ærea 53
 Galea velitum, ex qua materia 47
 Galearum forma 53
 Genera tria plebis Romanæ 203
 Genii templum 189
 Gentes adificandi ratio 160
 Gesium sive gasum 178
 Giostrum quid 93
 Gladiatores sublati 141
 Gladiatores ubi dati 143
 Gladiatorum historia 137, & seqq.
 Gladiatorum locus 141, crebritas, & numerus 140
 Gladiatorum munera 139, eaque expressa 140
 Gladiatorum conditio 144, cognomenta 148, vestes & ornamenta *ibid.* præmia 152
 Gladius ad dextram latus alligatus ferebatur, ejus longitudo, & forma 51
 Globus in summa hasta in signum ferebatur 62
 Globus militum densus, & testudo in subita oppugnatione 78
 Globus quid 65
 Gnomam quid vocet Suidas 73
 Gradus quid 131
 Gradus lapidei *ibid.*
 Gula Apicii 213

H.

Habet, hoc habet, quando dictum 151
 Habitus edentium, spectantium munera 141, sacrificantium Vestalium 238
 Haggones 121
 Hallebarda *ibid.*
 Hasta jaculatoria 120
 Hasta quibus donaretur 96
 Hastæ materia & forma 46
 Hastæ veterum equitum quales erant, quas duplici de causa tremulas & graciles habebant 57
 Hastati qui 37, 120
 Heliogabali perdita profusio in ludos 173, vanitas circa araneas 184, luxuria *ibid.*
 Hercules præses Athletarum 153
 Homeri vaticinium 218
 Honorarii ludi 139
 Honoratus & honorarium 16
 Honor duplex, divinus & humanus 1
 Honor Vestalium 238
 Hoplomachi 147
 Hordeum pro tritico in poenam datum 99, 142
 Hortensii crudelitas 211
 ejusdem domus 294

I.

Iacula duplicia 120
 Jaculum ferratum *ibid.*
 Janiculum 262
 Ignis quoque apud virgiles 87
 Ignis in oppugnantes 124
 Ignis ubi locorum præcipue cultus 241
 Ignominia qualis poena 99

I N D E X.

Imagines cruci affixæ	231
Imagines in signis	68
Imaginarîi vel imaginiferi qui	62
Immunes qui	79
Impendia duplicia	170
Impendia in milites, in Magistratrus, & in populum	<i>ibid.</i>
Impensæ in ludos	172
Imperatorii locus quare in media acie	63
Imperator quis, & illus auspicia	<i>ibid.</i>
44. ejus insignia	<i>ibid.</i>
Impietas L. Pauli	211
In acie quatuor consideranda	60
Incrustatio quid	199
Insignia consulum quare & unde inventa	10
Interrex	29
Jovis ulterius porticus	302
Itinerarium sonare, quid significet	89
Jubæ in Galea quid & earum usus	53
Julii Cæsaris profusio in ludos	172
largitiones	174
Jumentorum usus in castris	88
Juramentum Consulibus	13
Jus Imperatoris & legatorum in poenis	93
Justitiæ exempla	204
Justitia Romanorum in bello suscipiendo	<i>ibid.</i>
Jus tribunorum in castigando milite	98

K.

Kalendæ Januarii initium Consulatus, Comitatus, & Senatus	12
---	----

L.

L Abarum quid	62
Lacunaria versatilia	199
Lacus quid	196
Lancea & lanceare quid	120
Lanistæ unde dicti	142
Laquearii	147
Laquei	126
Largitiones Principum Rom.	174
Latifundia Domitij	178
Laverculum	30
Laurus in fascibus	11
Legati qui, & quare instituti	43
eorum munus & numerus	<i>ibid.</i>
genus sub Principibus duplex	<i>ibid.</i>
Legatorum in acie locus	61
Legatorum pedatura	73
Leges quid	93
Legio unde dicta, & ejus partes	38
Legiones auctæ sub Augusto	156
Legionis signum, Aquila	61
Lex annalis sive annaria, & varia	
ejus nomina, unde & quando lata	3, 4
Lex Augusti cibaria	216
Lex Fannia	<i>ibid.</i>
Lex Licinia	<i>ibid.</i>
Lex Syllæ	<i>ibid.</i>
Libelli pro tessera militari	83
Libelli gladiatorii	84
Liberalitas Claudij	177
Liberi in ludum ducti	145
Lictores	10
Lilia quid	109
Litus quid, & qui liticen	66
Locarii qui	134
Locatio equitum in acie	60
Locatio signorum	<i>ibid.</i>
Locus crucis	231
Locus honoratorum in podio	130
Locus	

I N D E X.

Locus Principis	<i>ibid.</i>	Mare in arena	130
Lorica quid 54, ea duplex	<i>ibid.</i>	Martialis domus	295
Lorica valli, & variae ejus significationes	107	Materia crucis	231
Ludi Augusti, Neronis, & Julii		Matricula	30
Caesaris	172, 173	Medici ludorum	141
Ludi gladiatorum unde	141, plures in urbe	Meridiani qui	148
Ludi in colonis	<i>ibid.</i>	Metari & metator quid	19
Ludorum praefecti quinam	<i>ibid.</i>	Metatura tribunorum	74
Lupus	126	Metalla	166
Lutetiae populositatis	183	Metellae quid	124
Luxus Caligulae	214	Militia Romana quid, & ejus partes	29
Luxus Cleopatrae	213	Milites circa tribunal	66
Luxus Romanorum in victu	212, 213	Milites cur in superiore parte castrorum collocarentur	75
Luxus vestium, virorum adolescentium, foeminarum	214, 215	Milites quot in urbe	184
		Militum clamor quando & quare	68

M.

M achina & machiones & eorum origo	101	Militum ordo	63
Machina triplices	<i>ibid.</i>	Ministeria qui curent	81
Machinas ligneas oppugnantium evertentia	124	Ministeria tribunis praestita	<i>ibid.</i>
Magister equitum à dictatore creatur, ejus insignia	26	Missilla profusa in populum	173
Magister unde dictus, & unde		Missio commoda & ignominiosa	100
Magistratus	1	Missio honesta & causaria	<i>ibid.</i>
Magistratus ordinarius vel extraordinarius, majores vel minores à qualitate	2	Missio quid	151
Magistratus quando creati è plebe	2	Mitimaes quid	162
Magistratui cuique qui anni legitimi	4, & seqq.	Modus canendi classicum	67
Magnitudo suburbiorum Romae	182	Modus capiendi Vestales, & quis primus	235
Magnus sumptus in pisces	213	Modus crucifigendi	223
Malleoli	124	Modus dividendi tesseras	83
Magana quid	101	Molares in ascendentes	124
M. Manilii domus	295	Montium Romae historia	158
Manipulus	37		& seqq.
Manubiae triumphales	168	Mortui in crucem dati	23
		Mortuis militibus theta praefigebatur	30
		Muli Mariani qui dicti	88
		Multi simul cruci affixi,	222
		Mulvius pons	314
		Munus proprie quid	137
		Munerarius & Munerator qui	<i>ibid.</i>
		Munera qui aederint	138
		Munifices qui	79
		Mani-	

I N D E X

Munitio castrorum	79	
Muri 116, quare in sinus ducti	117	
Muri Carthaginis	<i>ibid.</i>	
Murus Hierosolymitanus	117	
Musculus quid	105	
Museum Alexandrinum	246	
Myrmillones qui	146	
N.		
N ani in arena	141	
Natationis utilitas	91	
Navale prælium in Theatro	298	
Naves in arena	130	
Necati fumo in cruce	230	
Neronis ædes 199, Theatrum aureum 172, missilia 173, profusio	177	
Nimbus quale vas	297	
Nobiles in ludum ducti	144	
Nomen	344	
Nomina Romanorum	343	
Nomina Libertorum 345. Servorum <i>ibid.</i> Fœminarum <i>ibid.</i>		
Adoptivorum	346	
Nomina prætorum	15	
Novus magistratus post exactos reges, e plebe creatus	2	
Nudabantur damnati ante crucem & clavis ac funibus astringebantur	224	
Numerus balnearum	192	
Numerus meretricum in urbe Roma	171	
Numerus plebis Romæ, divitum, &c. 182. puerorum, peregrinorum <i>ibid.</i>		
Numidæ defultores quare dicti 58		
Numidæ equites valde erant leves <i>ibid.</i>		
Nammus aureus 340. æstimatio ejus <i>ibid.</i>	341	
Nymphæ à quid & quæ in Urbe	320	
O.		
O bedientia militum exemplum	205	
Obliqua acies quæ	64	
Ocrea quid, & ejus usus	56	
Odeum quid 300, in Urbe quod & ubi sita <i>ibid.</i> ejus forma	301	
Oleum in ascendentes effusum	123	
Omnia signa cecinerunt initio viliarium	89	
Opera M. Vipsanii Agrippæ	196	
Opera civilia	179	
Opera Romanorum temporaria & diurna	<i>ibid.</i>	
Opes Romanæ	163	
Opes Imperii Byzantini	167	
Opes Corn. Balbi, Senecæ, Claudii, Belizarii, Lentuli, &c. 178, & seq.		
Oppugnatio subita	149	
Opsonium & opsoniasmus	93	
Optio, optionatus	43	
Orbelas sive Dimachærus	147	
Orchestra	133	
Ordinarii gladiatores	148	
Ordines in Populo Rom.	201	
Ordines equitum	39	
Ordines pedum	37	
Ordinis divisio	36	
Ordo pugnae	59	
Ordo quid	37	
Ordo Senatorius qui	203	
Origo Amphitheatrorum	128	
Ornamentum & arma gladiatorum	148	
Ornatus varius arenæ	129	
Ostensio armorum	149	
Ostia in caveis	109	
Ovidii domus	295	
P.		

I N D E X

P.

P ænes Græcorum duo	69	pompa	149
Palatia quæ	90	Pila apud veteres in signa habebantur	62
Palatinus mons in urbe	259	Pilarii qui	150
Palatini qui, & eorum numerus in urbe Roma	184	Pilei quid	135
Paludamentum quid, ejus forma & color	44	Pilum quid, duorum generum, forma eorum, & magnitudo	52
Panis militaris qualis	95	Pilus & pilani qui dicti	37
Panis gradilis & ficalis qui dictus	172	Pittacia	30
Pantheum	187	Pix iu ascendentes effusa item plumbum, ferrum rasum, & arena	123
Paramerium quid	51	Plebs Romana	203
Parma quid, & ejus forma	47	Plebei quando ad magistratum admissi	2
Parmæ materia	57	Plebis Rom, incrementa	161
Parmularii in arena qui	153	Plinii junioris domus	295
Patricii olim soli ad magistratum admissi	8	Plutei	105
Pauperes, nec servi, nisi necessitate ad bellum lecti	31	Pocula qualia	96
Pecunia quando in populum sparsa	13	Podium quid	130
Pecunia veterum Romanorum, qua materia & quando primum signata 337, 338, ratio supputandi pecuniæ	341	Podii altitudo	131
Pedatura præfectorum sociorum evocatorum	74	Pœna frustraria 145, quales ea punirentur	<i>ibid.</i>
Pedatura quid	72	Pollicem premere, convertere, quid	151
Pedatura variorum 74, & seqq.		Pœna Vestalium	240
Pegmares qui	148	Pomærium quid, & ejus usus	77
Pegmata	136	Pons Caligulae	180
Pelta quid, & ejus forma	47, 48	Pons Trajani in Danubio	198
Pennarum color quotuplex	53	Pontes, eorum forma, genera, & usus	112
Peditum stipendia	94	Pontium Tiberinorum catalogus	314
Perfidia Luculli	210	Popanæ, placenta	57
Per signa juravere milites	63	Poppæi latifundia	178
Pestis funestissima Romæ	184	Popularia in Theatro	134
Phalera	96	Populi jus in gladiatores 151, 152 ejus crudelitas	<i>ibid. & seqq.</i>
Phaetra	122	Populum transferendi ratio	165
Phiala	96	Porcina caro populo distributa	172
Picta tabula gladiatorum, &		Portæ, in castris quot Romæ quot	78
		Porta Libitinensis in Amphitheatro	152
		Port-	

I N D E X.

Portarum Urbis historia 263, ea-	ce in ludos	172, & <i>segg.</i>
rum, quæ hodie non extant, no-	Procestria quæ	71
mina	Proni qui	32
Porticum celebriorum, quæ Ro-	Propertii domus	291
ma, catalogus	301, & <i>segg.</i>	146
Porticus	190	155
Porticus iu foro	<i>ibid.</i>	148
Portorium	163	6
Posca vel pusca	96	143
Postignani. qui dicti	60	149, & <i>segg.</i>
Postulatitii gladiatoris qui	148	95
Potus militis qualis	96	
Præcinctiones quid	132	
Prædam agere non semper lici-	rum	93
Prædarum divisio	<i>ibid.</i>	
Prælusio ante pugnam	150	
Præmia militum duplicia & quo-	modo ea data	96
Præmia literarum	86	
Prætecta & picta toga	11	
Prætextus cur Christus crucifixus	222	
Prætor unde dictus 15, quæ ætatis	anno creatus	6
Prætor urbanus & peregrinus	16	
Prætoris nomine qui magistratus	dicti olim	8
Prætores aucti, & eorum insignia	16, 17, officia quando creati, &	quare
Prætoris castra ubi	71	
Prætoriani in novem cohortes di-	vili	156
Prætorii historia	71, & <i>segg.</i>	
Prætorium dimittere quid	71	
Primopilus, qui ejus dignitas	41	
officia ejus, & varia nomina	<i>ib.</i>	
Principes qui	37	
Principes juventutis, qui	263	
Principia quæ, quare etiam prin-	cipia sacra habita	75
Principum & hastatorum locus	76	
Principum profusiones immodi-		
	Q.	
	Querela Senecæ de luxu	212
	Quæstores quando creati	2
	quot fuerint 24, unde dicti	<i>ibid.</i>
	Quæstor pro ætatis anno creati	soleret
	Quæstorium	73
	Quæstorium munus 23, quando	creati & eorum officia
	Quadrans sive Triuncis	338
	Quinarius	339
	Quantum cibi secum tulerint mi-	litus
	Quatuor ludorum genera	137
	Querquetulanus mons	268
	Quintana quid	73
	Quirinalis mons	261
	Quot annos Romanis fuerit mili-	tandum
		31, 32
	R.	
	Ratio ferendi arma	88
	Reditus ex metallis	166
	Refractarii qui	32
	Refractariorum pæna	<i>ibid.</i>
	Rei liberabantur ab obvia Vesta-	li
	Regiones Urb. quot & quæ	269, 270
		Reti-

I N D E X.

Ketiarius quis, & ejus origo, & arma	146		
Rivus Appiæ	311		
Rogæ quid	94		
Romæ mundi miraculum, ejusque quantus ornatus 185, <i>ἡμετέριον</i> & <i>ἀρχαῖον</i>	258		
Roma <i>ῖνυμον</i> 154, origo & vicissitudines 256, litus & forma 181, 256, ambitus 181, 256, populositas 182, ædificiorum altitudo 184, gloria 275. interitus à Sibylla prædictus	258		
Romam urbem qui scriptis suis celebrarint	255, & <i>seqq.</i>		
Romana magnificentia	181		
Romanæ urbis portæ, quot, & quomodo appellentur 263, & <i>seqq.</i> Viarum historia 266, regiones quot 269, tribus <i>ibid.</i> fora 272, & <i>seqq.</i> Campi 276			
Romanus miles qualis in opere, in agmine, & in acie	205		
Romani Imperii amplitudo 154, Provinciæ	155		
Romani nunquam immunes ab exercitiis armorum 91, olim absque stipendio militabant 94, quomodo literas coluerint, doctrinæque eorum origo & progressus 217, 218, unde auxilia scribere solerent	162		
Romanorum abstinentia & continentia 208, modestia <i>ibid.</i> clementia in victos 209, pietas religio, probitasque 207, virtus & fortuna 200, militum exercitia in armis	205		
Rorarii qui	47		
Rostra	192		
Rotæ in æscendentes	124		
Rude donati	152		
Rudiarii qui	<i>ibid.</i>		
Rudis quid & quotuplex	143		
Rumices sparii in æscendentes	124		
		S.	
		Sabatina aqua Romæ	316
		Sacramentum militiæ	34
		Sagina gladiatoria	142
		Sagittæ hamatæ 122, & earum vis	<i>ibid.</i>
		Sagittarum origo	122
		Sagum sagulum	44
		Sal & legumina militibus data	95
		Salitio equitum	52
		Saltus utilitas	92
		Sambucæ	103
		Samnites	147
		Sarmenticii	230
		Scalarum origo & earum genera	103
		Scalarum ascensum oppugnantia	123
		Sceptrum eburneum	10
		Scorpio quid	116
		Scriptura & Scripturarius ager,	163
		Scriptura veterum Latinorum 333, differentia ejus à Recentiore	<i>ibid.</i> 334, & <i>seqq.</i>
		Scutorum materia	57
		Scutum quid, nomen & genus 49 magnitudo, materia, anse, compages, & margo	50
		Secures	121
		Secures in fasces iterum relatæ	12
		Secutor qui & ejus arma	145
		Secutoriani	153
		Secutuleia mulier	145
		Sedendi ordo in Theatris	133
		Sella curulis	10
		Sellarum usus	57
		Semaxii	230
		Senatores Romani quomodo lecti, eorumque majestas 201, numerus	<i>ibid.</i>
		Sepulcrorum quæ Romæ, loca 324	Sepulcra

I N D E X.

Sepulcra quorundam insignia	328,	Sudes quid, & eorum materia & forma	329 78
Serra præliari quid	65	Suilla falata, id est, lardium, mitibus data	310 95
Sesquiplares	94	Suppositii gladiatores	147
Sestertius 339, differentia inter Sestertios & Sestertia 341, utriusq; discriminis tabula	<i>ibid.</i>	Suspensionis modus	229
Sextans	338	Sylvæ & luci in ædibus	200
Severi donatio	177	Symphonia quid	68
Sibuna quid	52	Syracusanum portorium	164
Signa quotuplicia	61	T.	
Signorum locatio 60, religio	63	T abernacula quæ dicta, & ubi haberentur	77
Signiferorum electio	40	Tabula adverbiorum numeralium	342
Sinuata acies quæ	64	Tabula Supputandi Pecuniæ per Asse	341
Socii P. R. qui 34, eorum dilectus <i>ibid.</i> quomodo habiti 35, eorum divisio 39, locus	76	Triens	338
Sociorum præfecti 28, 42, ubi locati	74	Talæ in ascendentes	124
Sparfiones in populum immodicæ	173	Tela duplicia	118
Spectaculorum genera quot	136	Templa quot Romæ	186
Speculum usus	129	Templum pacis, & ejus auctor 189, ejusdem ruina	<i>ibid.</i>
Spolia	97	Templum urbis 188, & ubi	<i>ibid.</i>
Spoliarium quid	143	Templorum gentilium in templa Divorum mutatorum catalogus	277, & <i>seqq.</i>
Sportula consularis	13	Templorum veterum, quæ hodie non extant, & ab recentioribus omissa sunt, catalogus 288, & <i>seqq.</i>	
Stadium	300	Tenta quid	77
Stapeda	56	Tentorii materia	142
Strationes agrariæ unde dictæ	82	Tessera militaris quæ, ejus materia & signum	69, 83
Stationes quales milites obierint	<i>ibid.</i>	Tesserarius	83
Statuæ earum custodia, origo, multitudo pretium	193	Testes in virgiliis qui	86
Status gladiatorum, unde stare in statu, de statu animi deicere, derurbare	151	Testudo triplex: ad congestionem fossiarum, fossoria & arietaria	105
Stimuli	109	Testudo militaris quid, ea triplex	102
Stipendium quid 94, quotuplex	<i>ibid.</i>	Testudinis remedia	123
Strata equorum apud priscos	57	Theatrum	
Stratores qui	56		
Subitarii qui	32		
Sublicius pons Tiberis	315		
Sudes	120		

I N D E X.

Theatrum Pompeli 296, Marcelli	Tribunum & Tributarii	163
Statilii Tauri <i>ibid.</i> Tiberii, Titi	Triumphus Tarquinii Superbii,	
297	Papyrii Cursoris, & P. Scipionis,	
Thermarum magnitudo & orna-	&c.	168, & <i>seqq.</i>
tus	192	
Thermarum luxus & descriptio	Tuba in funere	66
<i>ibid.</i>	Tuba quid, ejus forma, materia &	
Threces qui & eorum arma	usus	<i>ibid.</i>
146	Tuba terminalis quæ	150
Thoracomachus qui	156	
Tiberii thesaurus	Tubi in Amphitheatro	134
176	Tubæ cantus, cujus rei signum	150
Tiberis descriptio	130	
310	Tufa quid	62
Titi Vespasiani arcus	Turma quid unde dicta quot in	
309	legione, & quot in ea equites	39
Tirones in ludis	143	
143	Turris qualis militum ordo	84
Tolleno quid	91	
Torneamenta quid	93	
Torbea consularis	11	
11	Turribus oppugnantium opposita	
Trabea equestris	remedia	125
33	Turres 108, earum inventio, usus,	
Trabes in Turres	& altitudo	111
126	Tympanorum origo & usus	98
Tragula, tragularius	121	
121		
Trajani pons in Danubio	198	
198		
Transvectio quid	13	
13		
Triarii porrecto sinistro crure sub		
vexillis confidebant	59	
59		
Triarii qui & quot in una legione	37	
37		
Triariorum locus	76	
76		
Triariorum ordo, pilus quare di-		
catur, & illi pilani	37	
37		
Tribus urbis quot & quæ 270, &	<i>seqq.</i>	
270, &		
Tribuni duplices	30	
30		
Tribuni quo ætatis anno creati 2.	Vestigal ex moribus peregrinis	
2	164	
quousque manserint 5, toti legi-	Vestigal meretricum	167
oni præsuere 22, eorum nomi-	Vestigalia quoruplicia olim	163
na, officia, & ornamenta <i>ibid.</i>	Vestigalium magnitudo	163
& 23	Vesticularia vita quæ	106
Tribunorum domus quare nocte	Vestis, eorum vis, forma & usus	
dieque aperta	<i>ibid.</i>	
22		
Tribunorum nomen & origo 20.	Vela & velarii qui	135
20	Velites qui	36
21, quando & quare creati quo	Velitum locus	76
die anni munus captarent, &	Velitum triplex in acie locatio	60
unde creati <i>ibid.</i> eorum potestas	Venabulum quid	120
& officium	22	
22	Ventilare quid	150
Tributum Ægypti 164, & Galliz		
165		

V.

Vallum quid 78, circumvalla-	
tionis 107, exterioris & inte-	
rioris distantia 108, & <i>seqq.</i>	
Vallum inter alia onera etiam	
ferre milites solebant	87
Valli lorica	107
Vesarium quid	72
Vaticanus mons	262
Vestigal ex moribus peregrinis	
164	
Vestigal meretricum	167
Vestigalia quoruplicia olim	163
Vestigalium magnitudo	163
Vesticularia vita quæ	106
Vestis, eorum vis, forma & usus	
<i>ibid.</i>	
Vela & velarii qui	135
Velites qui	36
Velitum locus	76
Velitum triplex in acie locatio	60
Venabulum quid	120
Ventilare quid	150
Veru-	

I N D E X.

Virutum quid , & unde dictum	120	Virgæ etiam sagittæ dictæ	12 ²
Vesta quid	233	Virgilii domus	295
Vestales quando desierint	241	Virgo aquæductus Romæ	316
Vestales capiendi modus	235	virgines Soli sacræ	241
Vestalis corrupta quali supplicio afficeretur	240	Vitis	99
Vestalis virginis necata 240, viva sepulta	<i>ibid.</i>	Virtus bellica Romanorum	204
Vestæ cultus & origo apud Romanos	233	Vitellius helluonum gurgēs	214
Vestæ templum à quo conditum, forma ejus rotunda	<i>ibid.</i> & 234	Umbella	135
Veterani qui	30	Umbo, ejus usus, figura, origo & nomen	50
Vexillatio quid	62	Uragi qui, & unde eligerentur	43
Vexillum rufum quid significet	69	Urbs Leonina quæ dicta, & ejus portæ	265
Via Appia	194, 271	Urbis Romæ scriptores	255, & <i>seqq.</i>
Via quid	132	Urbis situs & forma	181, sub urbia
Vizæ castrenses quot	77	182, incolarum multitudo	183,
Vizæ duplices in acie 59 earum usus	<i>ibid.</i>	ædificia	184
Vizæ Urbanæ	266, & <i>f. qq.</i>	Urinarum vestigal institutum à Vespasiano	166
Vizæ extra urbem	268, & <i>seqq.</i>	Utensilia militum qualia	87
Vicesimatio	99	Utilitas ex militia Romana	29
Vigilum cohortes	157		
Vigiliæ nocturnæ	83		
Vigiliarum dispositio	84		
Villæ Romanorum magnificæ	200		
Viminalis mons	261		
Vinea & ejus descriptio	108		
Vinum, panis, & oleum distributa	172		
Virgæ	32, 33		

X.

Xystus & ejus forma 301
Xystarchus, Xysticus *ibid.*

Z.

Zabarium, item Zaba quid 56



2
5
6
1
9
4
4
5
2
0
3
3
5
5
7
2
2
4
2
5
7
9

1
2

5